

SYNTAGMA RHETORICUM

QUO LITERARUM STUDIOSUS

ARTE ORATORIA

Per summa rerum capita instituitur.

AUCTORE

JOSEPHO SCAPECCHI

E SOCIETATE JESU

In Collegio Florentino ejusdem Societatis

Eloquentiæ Professore.

AD USUM

RHETORICORUM

EJUSDEM COLLEGIJ.



FLORENTIÆ, M.DCC. XIX.

Typis Michaelis Nestenus sub Signo Nominis JESU.
SUPERIORIBUS PERMITTENTIBUS.



AD TIRO^{NOTECANA}NE M.

HAbes, candide Tiro, in hoc Syntagmate quidquid ad Institutionem Rhetoricam pertinet, quoquo modo expeditum: quod te si minùs absolutum, at non planè rudem, & plusquam leviter tinctum efficiat. Hæc nostra scilicet mens, & consilium fuit; Rem omnem Oratoriam per tenues ingenij nostri fortunas ita complecti, ut ne quid rerum majoris momenti ejusdem studiosos falleret; eandemque, cùm latissimè pateat, ita contrahere, ut neque modum excederet, neque manca, quoad ejus fieri potest, deficeret. Quâ quidem in re non cò usque blandimur nobis, ut Propositum assecutos nos arbitremur. Qua-

4
lecunque demum hoc sit (quod ex
usu tamen fore confidimus) facili, pro-
lixoque animo accipito .

Bisariam verò Syntagma (hoc est
Tractatum ordine digestum) partimur.
Prima Pars universā Rhetoricæ OEco-
nomiam sub oculos statuit : Altera ve-
rò in Peculiaribus quibusdam versatur.
Quæ subtiliora visa sunt, aut cum ma-
terie, quæ agitur, haud ita necessariò
conjuncta, subiectis identidem corol-
larijs sejungenda putavimus . Græca
vocabula tum ad uberiores eruditio-
nem, tum etiam in eorum gratiam, qui
Græcam Linguam addiscunt, vel ap-
ponimus, vel explicamus .

I, lege, ac perlege . Vale .





SYNTAGMA R H E T O R I C U M . P A R S P R I M A .

DE RHETORICA GENERATIM.

PROPTILÆUM, SEU VESTIBULUM OPERIS.



Hetorica definitur *Ars bene dicendi* ; idest aptè ad persuadendum . Ars [quæ est Genus hujus Definitionis] est *Facultas* , qua certis constat *præceptis in unum finem spectantibus* ; quæ nunquam fallunt : orta verò sunt ab animadversione na-

turæ . Bene autem dicere [quod est Differentia Definitionis] est , *Optimis sententijs , verbisque lectissimis dicere* . Finis Rhetoricæ est , Persuadere ; quod fit , Docendo , Delectando , & Movendo . Id verò præstat Oratio : docet enim Confirmatione , delectat Elocutione , movet Peroratione . Quodd si Orator re ipsa non persuadeat (cum hoc etiam a libera Auditoris pendeat voluntate) modò proferat ea , quæ ad persuadendum sunt apta , Oratoris munus implevit .

E P I M E T R O N , S I V E A P P E N D I X .

1. Appellatur *Rhetorica* a Græco vocabulo *Rheo* ; quod est *Dico* , *Loquor* : Hinc *Rhetor* Eloquentiæ , sive *Artis Oratoriæ Magister* ; *Rhetorici* Eloquentiam Discentes ; vel *Libri de Rhetorica* agentes ; qui etiam *Rhetorica* , *orum* declinantur . (Cic. de Fato) *Rhetoricus* , *a* , *um* , quod ad Rhetoricam pertinet .

Orator verò, qui aptè dicit ad persuadendum, vel qui causas agit.

2. Differt Rhetorica a Philologia; quæ est Eloquentiæ, vel humaniorum literarum studium: hinc *Philologus*, Eloquentiæ, vel humaniorum literarum studiosus. *Polymathia* verò est Multa Erudio, *Polymathes* Multiscius.

3. Differt quoque a *Sophistica* (licet hæc olim pro Rhetorica, & *Sophista* pro Rhetore, & Sapientiæ Professore usurparetur: sic Isocrates inter Sophistas numerabatur) nam hæc pro ea nunc sumitur Dialecticæ parte, quæ fallacias, & cavillationes docet; *Sophista* verò pro Cavillatore, & vano Ostentatore Sapientiæ; *Sophisma* est Argumentum fallax; *Sophisticus*, qui Sophismatis delectatur.

II. Ad Rhetoricam comparandam quatuor sunt necessaria subsidia; *Natura*, *Ars*, *Exercitatio*, *Imitatio*. 1. *Natura* est *Optima Animi, & Corporis Dispositio*; quæ confert ex parte Animi celeres motus ad excogitandum, & reminiscendum [in quo situm Ingenium, quod definitur, a Cic. 5. de finib. *Vis quadam naturalis peracris ad inveniendum, quod ratione iudicari possit*) ex parte verò corporis confert optimam pronunciationem, & actionem. 2. *Ars* sunt *Præcepta in unum finem tendentia*; ut dictum est. 3. *Exercitatio* est *Usus legendi, scribendi, & dicendi*. 4. *Imitatio* est *Exemplorum probati Auctoris Expressio*: quæ fit, vel retinendo sententiam Auctoris, mutatis verbis; vel eiusdem verba ad aliam sententiam transferendo: vel mutata sententia & verbis eundem ordinem orationis sequendo.

III. Rhetoricæ materia est res omnis, quæ in quæstionem cadere potest. Collige hinc Artis Oratoriæ dignitatem; *Esse videlicet omnium præstantissimam*: cum Orator callere debeat ceteras Artes liberales, ac Disciplinas; ut omnibus quæstionibus valeat satisfacere.

IV. Quæstio est, *Quæ ex prima Causa consiliione oritur*. e.g. sit intentio Oratoris, Addiscendam esse Rhetoricam; Adversarij verò, Non esse addiscendam: oritur quæstio, *An sit addiscenda*. Et hic vocatur *Status Quæstionis*; quia ibi tota causa fiat, & consistit.

V. Quæstio autem duplex est; altera Universalis, & Infinita, gr. *Thesis*; latinè etiam *Propositum*; Peculiaris altera, & Finita, gr. *Hypothesis*, latinè etiam *Causa*, & *Controversia* dicitur. e. g. si quærat, *Sit ne addiscenda Rhetorica*, *Thesis* est: si verò, *Sit ne a feminis addiscenda*, *Hypothesis*. De *Thesi* vide *Par. II. cap. 1. §. 3.*

E P I M E T R O N.

1. Status triplex est; 1. *Coniecturalis*, h. cùm quærimus, sit nec ne: ut, *sit ne insidiatus Miloni Clodius*; nam ibi coniecturis veritas indagatur. 2. *Definitionis*; cùm quærimus, Quid sit; ut *Fuerit ne Cæsar Dictator, an Tyrannus*. 3. *Qualitatis*; cùm quæritur, Quale sit; an æquum, an iniquum: ut *iure ne Sororem Horatius interfecerit*. Qui rursus duplex est, 1. *Absolutus*; cum quæritur, an res in se iure sit facta, nulla ratione foris petita: ut, *An Manlius iure filium multaverit*. 2. *Assumptivus*; cùm ad probandum, iure aliquid esse factum; argumentum extrinsecus sumitur; e. g. *Milo damnatur, nisi foris assumat, insidias sibi a Clodio esse factas*.
2. Attendenda est etiam *Ratio, Firmamentum, & Iudicatio*. Prima, est, quæ assertur a Reo ad depellendum crimen. Secunda, quod assertur ab Accusatore ad labefactandam Rei rationem. Tertia, quæ nascitur ex utriusque conflictu & contentione; sic dicta, quod ad Iudicium veniat: diciturque etiam *Quæstio, Disceptatio, & Controversia*.
3. Contentio igitur est, *qua firmamenta causa efferuntur*: constat autem Propositione, Confutatione & Confirmatione.
4. In Statum Qualitatis quatuor cadunt Controversiarum genera; nempe in *Egis, vel Scripti interpretatione*. I. cùm Scriptum est ambiguum: e. g. Testamento iubetur: *Aurea statua ponatur hastam tenens*: quæritur, An hasta quoque aurea esse debeat. II. *Discrepantia Scripti, & Voluntatis*: e. g. Lex est, *Peregrinus si murum ascenderit, capite puniatur*. Hostes ascendunt, Peregrinus depellit: peti-

tur ad supplicium. Ille voluntatem, & mentem
 Scriptoris allegat: ubi quæritur, An plus verba,
 an Mens Legislatoris valeat. III. Scriptura con-
 traria: e. g. lex est: *Fœmina nē statuam babeant.*
Lex altera: Liberatores Patria statuam babeant. Fœ-
 mina Patriam liberat: statuam petit. IV. Ratioci-
 natio; cūm quæritur, An ubi propria lex non est,
 simili utendum sit: e. g. Lex est: *Lanas in urbem*
introducere non liceat. Introducebat quidam Oves;
 quæ nominatim non sunt prohibitæ: quæritur, An
 comprehendatur in Lege certa id quod incertum,
 sed simile est.

VI. Tria sunt genera Causarum, in quibus Orator versari
 potest.

1. *Demonstrativum* [gr. Epidicticon] cuius partes sunt
Laudatio, & Vituperatio, Finis Honestas, motus verò
Delectatio, vel Detestatio.
2. *Deliberativum* (gr. Symbuleuticon) cuius partes sunt.
Suasio, & Dissuasio, Finis Utilitas; motus Spes, vel Reform-
idatio.
3. *Iudiciale* (gr. Dicanicon) cuius partes *Accusatio, & De-*
fensio, Finis Æquitas; motus Ira vel Lenitas.
4. Hinc *Demonstrativum* respicit Tempus *Præteritum, &*
Præsens; Deliberativum respicit Tempus *Futurum, Iu-*
diciale verò Præteritum.

VII. Quinque sunt partes Eloquentiæ; Inventio, Dispositio;
 Elocutio, Memoria, Pronunciatio.

Inventio est *Excogitatio argumentorum ad faciendam fidem,*
 seu causam confirmandam.


Dispositio est *Rerum inventarum in ordinem distributio.*

Elocutio est *Idonea verborum, & sententiarum ad res in-*
ventas accommodatio.

Memoria est *Firma earundem perceptio.*

Pronunciatio est *Corporis & vocis appositæ moderatio.*

Jam de his quinque partibus singillatim.



CAPUT I.

Inventio (gr. Eurèma)

- I. **I**nventio, ut diximus, est Excogitatio argumentorum. Argumentum. a. est *Probabile Inventum ad faciendam fidem*. Hæc verò Argumenta certis in sedibus, seu fontibus oratorijs, sunt vestiganda: qui Fontes sunt duplicis generis: alterum dicitur *Loci Intrinseci* (gr. Isoterici) sive In-
fisi; qui videlicet sunt in ipsa re: alterum *Extrinseci* (gr. Exoterici) sive Assumpti, sive Remoti; qui sunt extra-
rem, & foris omnino assumuntur.
- II. Intrinseci sunt sedecim; Definitio, Divisio, Notatio no-
minis, Coniugata, Genus, Forma, Similitudo, Dissimi-
litudo, Contraria, Adiuncta, Antecedentia, Consequen-
tia, Repugnantia, Causæ, Effecta, Comparatio. Extrin-
seci sex: Præiudicia, Fama, Tabulæ, Iusiurandum, Tor-
menta, testes.

LOCI INTRINSECI.

§. I.

Definitio (gr. Horismus.)

- I. **D**efinitio est *Oratio explicans quid sit res*. Fit autem per
Genus, & Differentiam. Est vero duplicis generis;
altera strictior, & Essentialis, (ut cum Dialecticis loquar)
ut, *Homo est animal rationale*; altera Accidentalisis, & fusior,
sive Oratoria; fitq; per causas, effecta, adiuncta &c. veriùsq;
Descriptio appellatur: ex gr. *Homo est excelsum animal, ra-
tionis particeps, a summo Opifice ad sui similitudinem condi-
tum, ex Animo, & Corpore compositum, natum ad Immortalitatem,
æternaque Beatitudini destinatum.*
- II. Hinc, ut probes, Debere Hominem fluxas voluptates
de-

despicere, confice argumentum : *Homo est excelsum animal, &c. debet igitur &c.* Quæ tamen Argumentatio per Elocutionem est illustranda. Quid sit Argumentatio vide §. 18.

III. Optima est Definiendi ratio, primum per negationem, dicendo, Quid res non sit; deinde per affirmationem, dicendo, quid sit.

IV. Eius usus est, ad docendum, amplificandum, ornandum; præsertim cum conglobantur Definitiones.

Nota. [Oratio brevissimis verbis rem circumscribens, dicitur *Aphorismus.*]

§. II.

Divisio (gr. Merismus)

I. **D**ivisio, seu Partium enumeratio, est *Oratio Totum in suas partes distribuens.* e. g. Virtutem in suas species, Iustitiam, Prudentiam, Fortitudinem, &c.

E P I M E T R O N.

Philosophi multipliciter Totum distinguunt (cuius rei rudem notitiam profuturam puto & Rhetoricis)

1. Totum *Potestativum*; cuiusmodi est Genus, quod dividitur in suas species; e. g. Animal in Hominem, Equum, Leonem &c. 2. Totum *Metaphysicum*; quod dividitur in Genus, & Differentiam; e. g. Homo in Animal, & Rationale. 3. Totum *Physicum*; quod dividitur in partes physicas; e. g. Homo in Animam, & Corpus. 4. Totum *Integrale*; quod dividitur in partes Integrantes; e. g. Corpus in sua membra. 5. Totum *Accidentale*; quod constat partibus per accidens concurrentibus; e. g. Acervus lapidum. Alias verò subtilitates intactas iisdem relinquimus.

II. Per hunc locum ex partibus inferitur Totum; e. g. Si omnes partes in Homine sunt sanæ, totus est sanus.

III. Dupliciter autem adhiberi potest hic locus. 1. per Affirmationem; cum positis omnibus partibus affirmatur Totum. 2. per Negationem; cum negatis omnibus partibus negatur Totum.

IV.

- IV. Cavendum verò, nè pars ulla præcipua omittatur; nè eadem bis repetatur; nè magis una, quàm aliæ amplificentur.
- V. Eius usus est ad confirmandum, confutandum, describendum, amplificandum.
- VI. Vide cap. 3. §. 5. n. 8. de Distributione.

§. III.

Notatio Nominis, (gr. Etymologia.)

- I. **N**otatio Nominis est Oratio vocabuli vim, & significationem inquirens. Sic Homo dicitur ab Humo, Vir-
tus a Viro, Consul a Consulendo.
- II. Hinc ducitur argumentum: e. g. Virtus a Viro nomen est mutuata: nullum igitur virtutis specimen dabit, vitam quisquis molliter in delicijs foemineo more traducit.
- III. Valet ad laudem, & vituperium; & ad acumina, vel facetias. Propterea huc aliqui referunt *Paranomastian*, & *Anagramma*; (quæ nos rejicimus in cap. 3. §. 4.) tum *Ambiboliam* (Ambiguum dictum) sive *Homonymiam* [Æquivocationem] ut illa Augusti de eo, qui Patris sepulchrum arabat: Pius, inquit, est; Patrem colit. Colere siquidem & Honorare, & Arare significat. Dicitur, & *Antanaclassis* cum voces differunt Quantitate, & significatione: ut Liber, Aras, &c.
- IV. In sacris tamen Paginis Notatio Nominis, propter mysticum sensum, magnam vim habet.

§. IV.

Conjugata (gr. Parònyma.)

- I. **C**onjugata sunt, Quæ ab uno exorta vocabulo variè mutantur: e. g. Sapiens, Sapienter, Sapientia, Sapere.
- II. Confice argumentum. Quis te neget Sapientem esse? Sapientiam amas, Sapienter loqueris, cum Sapientibus versaris.

III.

III. Locus hic valet ad delectationem, propter varietatem orationis: ceterum sterilis est ad faciendam fidem.

S. V. & VI.

Genus, & Forma (gr. Thesis, & Hypothesis.)

- I. **G**enus est, *Quod plura specie diversa sub se continet*. Talis est *Virtus*; quæ continet *Iustitiam*, *Prudentiam*, *Fortitudinem* &c.
- II. Argumentum. *Virtus* super omnia est gloriosa: ergo & *Iustitia*. Omnia domuit vitia; ergo & *Iram*. Omnes possidet scientias; ergo & *Mathematicam*.
- III. Valet ad docendum, laudandum, vituperandum.
- IV. Forma est Species ipsa sub Genere contenta.
- V. Argumentum. *Prudentia* in hoc Facto elucet; ergo *Virtus*. *Avarus* est; ergo *Vitiosus*.
- VI. Usus ejus est in laude, & vituperatione.

E P I M E T R O N.

1. Argumentatio a Genere ad Formam dicitur *Descensus a Thesi ad Hypothesin*; h. ab Universali ad Singulare. Argumentatio verò a Forma ad Genus dicitur *Ascensus ab Hypothesi ad Thesin*; h. a Singularem ad Universalem. E. g. Si *Castimoniam* laudaturus, *Virtutis* laudationem præmittas, est *Descensus*: contra, si, ad probandum gloriosam virtutem, omnes virtutes enúmeres, est *Ascensus*.
2. Quod competit Generi, competit Speciei; e. g. *Virtus* est gloriosa; ergo *Iustitia* est gloriosa. Non valet tamen Argumentum a Genere ad probandam Speciem; e. g. est *Virtus*; ergo est *Iustitia*: valet tamen ad negandam: Non est *Virtus*; ergo non est *Iustitia*. Contra non valet a Specie ad negandum Genus: Non est *Iustitia*; ergo non est *Virtus*: valet tamen ad probandam; Est *Iustitia*; ergo est *Virtus*.


§. VII.

Similitudo (gr. Homœōsis, Paramœōsis.)

- I. **E** Strerum disparium Collatio, & convenientia in aliqua re. Sic Hydrops, & Avarus res diversissimæ sunt; conveniunt tamen, quod uterque Insatiabilis est.
- II. Argumentum. Quemadmodum Ægrotus suavitatem cibi non sentit: sic Improbus veræ Laudis gustum non habet.
- III. Hinc vides, Similia esse (ut ait Arist.) *qua sibi invicem proportionem quadam respondent.*

E P I M E T R O N.

1. Duplex est Similitudo, *Simplex*, & *Composita*.
1. cum res una confertur cum alia. 2. cum conglabantur Similitudines.
2. Adhibetur interdum Similitudo, non tam ad probationem, quam ad ornatum: tametsi semper aliquam probandi vim continet.
3. Non est crebrius usurpanda; quia imagines confundit.
4. Nec in re exigua Similitudo sublimis, & vice versa, adhibenda.
5. Cum formæ perfectè similes conferuntur, dicitur *Icon* [h. Imago]
6. Similitudo, & Comparatio differunt; quod prima versetur in Qualitate, secunda in Quantitate.
7. Similitudo, & Metaphora, sive Allegoria differunt, quod in illis nulla adhibetur Particula media; hæc verò exprimitur per particulas *Sicut Quemadmodum, &c.*
8. Homœon est, cum ex partibus aliqua similitudo colligitur: Virg. *Sic oculos, sic ille manus, sic ora ferebat.*



§. VIII.

Diffimilitudo (gr. Anemœdte.)

- I. **D**iffimilitudo est *Oratio*, qua ex re quapiam *diffimile* colligit.
- II. E. g. Florum pompa evanescit: contra Virtutis splendor æternum durat.
- III. Valet ad laudandum, & vituperandum.

EPIMETRON.

[Similitudo, & Diffimilitudo peti potest a rebus Naturalibus, ab Artificialibus, ab Historia, a Fabulis, &c.

§. IX.

Contraria (gr. Enantia.)

- I. **C**ontraria sunt, *Qua inter se distant, seque mutuo expellunt*.

Quatuor autem Contrariorum sunt genera.

1. *Adversa; Qua sub eodem Genere posita maximè distant*: ut Calor, & Frigus; Album, & Nigrum; Virtus, & Vitium: e. g. Nihil perniciosius Bello; nihil ergo magis salutare, quàm Pax.
2. *Relata: Qua inter se referuntur*: ut Dux, & Miles; Dominus, & Servus; Pater, & Filius: e. g. Dominum habes; igitur Servus es: Miles est; ergo non Imperator.
3. *Privantia sunt Habitus, ejusque Privatio*: ut Lux, & Tenebræ; Visus, & Cæcitas; Vita, & Mors: e. g. Maximè expetitur Vita; ergo maximè effugitur Mors. Virtus Lux est; ergo tenebras nullas habet.
4. *Negantia, seu Contradicientia: Quorum unum negat alterum*: ut Doctus, & Indoctus; Justus, & Iniustus; Vivere, & non vivere: e. g. Omnia justissimè fecit; cur igitur illum Iniustum appellas? Virtus vitam nobilissimam habet; quis igitur dixerit illam non vivere?

- II. Valent maximè in Confutationibus.

§. X.

§. X.

Adiuncta (gr. Profecta.)

I. **A** Diuncta sunt, *Qua cum re, licet non necessario, conjuncta sunt*. Triplicis autem sunt generis.

1. Adiuncta rei gestæ; h. Locus, Tempus, Vestitus, Comitatus.

2. Adiuncta Animi; h. Virtutes, Vitia, Propensiones, Affectus.

3. Adiuncta Corporis; h. Vires, Color, Forma, Statura, &c.

II. Argumentum. Adolescentem videns semper in templis agentem, viris frugi consuescentem, ad Pietatis officia propensum, ore, habituque ad modestiam compositum: tu ne illum sanctis ac pudicis præditum moribus non esse contendes?

III. Valent ad exaggerandum, vel minuendum crimen; ad laudem, & vituperium, ad describendum, & ad faciendam fidem.

E P I M E T R O N.

1. Solet hic locus efferri etiam per octo illas *Peristases*. [h. Circumstantias] scitissimo illo versiculo comprehensas,

Quis, Quid, Ubi, Per quos, Quoties, Cur, Quomodo Quando.

2. *Quis*, Personam significat, quæ agit, vel patitur aliquid; in qua spectanda sunt Adiuncta Animi, Corporis, & Fortunæ.

3. *Quid*, Negotium ipsum, quod geritur.

4. *Ubi*, Locum, ubi quid geritur.

5. *Per quos*, Ministros, & Auxilia ad rem gerendam necessaria.

6. *Quoties*, Quam sæpe facta res sit.

7. *Cur*, Causam, præsertim finalem, quæ ad agendum impulerit.

8. *Quomodo*, Rei gestæ varios modos.

9. *Quando*, Tempus designat; & comprehendit Præ-
sens, Præteritum, & Futurum.
10. Ex hisce omnibus argumenta cruuntur.

§. XI. & XII.

Antecedentia, & Consequentia (gr. Proe-
ctica, & Acoluthetica.)

- I. **A**ntecedentia sunt, *Quibus positis, necesse est, alia con-
sequi*: e.g. Vulnus accepit in corde; ergo morietur.
Peccasti; ergo poena te manet.
- II. Consequentia, *Qua necessariò rem consequuntur*. e.g. Ci-
atricem habes; vulnus ergo accepisti. Gloriam sibi com-
paravit; ergo præclara gessit.
- III. Valent hi loci ad aliquid subtiliter colligendum, ad
suadendum, dissadendum, confutandum; & ad animi mo-
tus ciendos.

§. XIII.

Repugnantia [gr. Antilogica.]

- I. **R**epugnantia sunt, *Qua nulla certa lege, nulloque nume-
ro praefixo, inter se dissident*; ut Amare, & Nocere: e.g.
Cæsarem amat; non ergo eum læsit, non eum timet,
non ei obtreffavit, &c.
- II. Ejus usus est maximè in Confutationibus; cùm multum
acuminis habeat.

§. XIV.

Causæ [gr. Ætia.]

- I. **C**ausa est, *Qua vi sua aliquid efficit*. Sic Ignis est cau-
sa caloris, Sol lucis, Vulnus mortis. Eius quatuor
sunt genera.

1. Cau-

1. Causa Finalis: est id, *cujus gratia aliquid fit*. Sic Sanitas est causa medicinæ; Victoria belli: e. g. Sanitatem amas? ergo medicinam sume. Dux optat victoriam; ergo magnum bellum apparabit. Sapientiam contemnit; ergo ad Studia non incumbet. Valet in laudibus; vituperationibus; & ad rem amplificandam, vel minuendam.
 2. Efficiens, est id, *a quo aliquid proficiscitur*. Sic Sol est causa diei, Arbor fructuum: e. g. Quercus est; igitur glandes parit, Hæc multiplex est, Procreans, Conservans, Destruens, Naturalis, Artificialis, Moralis. Valet autem plurimum ad confutandum.
 3. Materialis; est *Ex qua, & in qua res sunt*. Sic Marmor est causa statuæ, Lignum januæ: e. g. Marmor est; ergo statua ex eo facta non comburetur. Valet ad rerum manufacturarum commendationem; ad extollendum, minuendum.
 4. Formalis; est *Ipsa forma, seu ratio, per quam res est*. Sic Dispositio lapidum est forma domus: e. g. Habet januam, scalas, fenestras, tectum, &c. sic disposita; ergo est domus. Valet ad rem clariùs explicandam.
- II. Argumentum ductum a Causa dicitur *Analogismus*.

§. XV.

Effecta [gr. Apotelesmata.]

- I. **E**ffecta sunt, *Qua oriuntur ex causis*. Totidem verò eorum sunt genera, quot Causarum; quibus singulis sua effecta respondent. Per hæc licet probare causas; quia notiora sunt ipsis causis.
- II. Hinc supradicta argumenta sic licebit invertere.
 1. Dux magnum apparat bellum; ergo cupit victoriam.
 2. Arbor hæc glandes parit; igitur Quercus est.
 3. Statua combusta est; non igitur erat ex marmore.
 4. Domus est; habet igitur januam, scalas, &c. sic disposita.
- III. Valent in genere Demonstrativo; cùm quid a suis effectis laudatur, aut vituperatur; & in descriptionibus, atque amplificationibus.

IV. Argumentum ductum ab Effectibus, dicitur *Epilogismus*.

§. XVI.

Comparatio (gr. *Syncretismus*.)

- I. **C**omparatio est, Cùm duo vel plura in aliquo, quod eis commune sit, conferuntur: e. g. Virtus pretiosior est Auro: Virtus, & Aurum conferuntur in Pretio, quod utrique est commune. Tripliciter autem conferri possunt.
1. *A majori ad minus*: e. g. Miles mortem non metuit; ergo multò minùs pericula reformidat. Sapientia est clarior Sideribus; ergo multò magis Divitijs.
 2. *A minori ad majus*: e. g. Si tanta cura impenditur in cultu corporis, quantò major in animi cultu impendenda! Non potes vellere arbusculam; ergo multò minùs arborem. [ubi nota, *Multò magis*, & *Multò minùs*, esse utrique communia, prout affirmativè, vel negativè efferuntur.]
 3. *A pari*: e. g. Alij discipuli magnos in Rhetorica progressus habuerunt; ergo & vos habebitis.
- II. Valent hi loci ad refellendum, laudandum, vituperandum, & movendum.

EPIMETRON.

1. Cùm in Comparatione aliquid excipimus, quod nolumus comparare, dicitur *Hypexaresis*.
2. Comparatio differt a Similitudine, quòd hæc in Qualitate, illa in quantitate versetur.

§. XVII.

Loci Extrinseci.

- I. **P**rejudicium [sive etiam Lex] Est Judicium in eadem, vel simili causa ante prolatum, & a Judicibus pronunciatum. Lex a. est fundamentum Justitiæ, vinculum Reip. Si vis infirmare, dic, antiquatà esse, vel standum non literæ, sed menti Legislatoris; vel Legi Legè oppone; vel licere majoris utilitatis gratia a Lege discedere.

II.

- II. *Fama est Communis hominum sermo*; e. g. Hoc fatentur omnes; ergo verum est. Magna est enim Famæ auctoritas; & Vox populi quasi Oraculum. Si adversetur, ejus levitatem oppone; quodd videlicet sæpe fallitur.
- III. *Tabulae sunt publica Jura, Statuta, Privilegia, Testamenta, &c.* Quod autem in publicas Tabulas relatum est, id pro indubitato habetur.
- IV. *Jusiurandum.* Est rei Affirmatio, vel Negatio religioso ritu facta, & Deo in testem appellato. Infirmabis, dicendo, Periuria frequentissima esse apud Mortales.
- V. *Tormenta.* Cum vi tormentorum Veritatis confessio extorquetur. Interdum hæc fallit; cum vi tormentorum, multi Innocentes mentiantur.
- VI. *Testes.* Cum res idoneis testimonijs confirmatur: h. Oculatis, juratis, probis, fide dignis. Infirmabis, dicendo, esse suspectos, spe lucris ductos, non secum cohærere: graves testes oppone; & conjecturas contrarias.

E P I M E T R O N.

1. Hi Loci ab Aristot. appellantur *Atecthni* [h. Inartificiosi] non quod eorum tractatio nullam requirat artem [quin imò summam requirit] sed quia eorum excogitatio, & inventio non pendet ab Arte; cum foris eruantur, & sola auctoritate nitantur.
2. Quanvis eorum usus sit in Causis forensibus ad confirmandum, & refellendum, possunt tamen ferre omnes ad alias causas, præsertim in genere deliberativo, morali, & sacro, accommodari.
3. Ad *Prajudicia* referri possunt exempla ex historia, præsertim sacra, eorum, qui in simili causa defensi, absoluti, vel damnati sunt.
4. Ad *Famam* Parœmiæ, h. Proverbia; Proverbium. n. est *Probatum omnibus verbum*.
5. Ad *Tabulas* Sacri Codices, Jura Canonica, Concilia, &c.
6. Ad *Tormenta* Publicæ, privatæque Calamitates a Deo immissæ; ob quas sæpe Impij errores, & infamiam suam confessi sunt, & extremo die confitebuntur; *Nos insensati, &c.*

7. Ad *Testes* Testimonia Divina [quorum Deus auctor] Oracula (quæ sunt vox Dei) & Testimonia humana ; nempe *Auspicia*, sive *Auguria* [Testimonia capta ex volatu, cantu, pastu Avium] *Vaticinatio* (vatum Responsum) quæ triplex est. 1. *Sacerdotum*, qui consulebantur de obscuritate Oraculorum, Auspiciorum, & Vaticinationum. 2. *Haruspicum* [ab *Harûga*, h. Hostia, *Harûga* verò ab *Har* porcorum stabulo, in qua Hostia mactanda servabatur] qui ex inspectis Hostijs, sive Hostiarum, extis, h. visceribus, divinabant : quæ Ars, sive Inspectio dicebatur *Extispicium*, *Extispicina*, *Haruspicum*, *Haruspicina* ; Divinator verò *Extispex*, & *Haruspex*. 3. *Conjectorum* : ad quos pertinebat Somnia interpretari. Sed hæc apud Ethnicos.

Apud Christianos humana Testimonia Sententiæ SS. PP., & Philosophorum, ac Scriptorum primæ notæ Auctoritas.

S. XVIII.

Argumentationes. [gr. Syllogistica.]

Argumentatio Rhetorica est *Fusor argumenti*, *artificiosa* que explicatio.

Septem autem sunt Argumentationum genera : quorum usus est ad varietatem orationi conciliandam. Græca autem voce efferuntur.

I. Syllogismus [h. Ratiocinatio]

I. **E**st perfectissima Argumentatio, suis omnibus distincta partibus. Duplex est, *Philosophicus*, & *Oratorius*. Primi partes tres sunt, *Propositio*, *Assumptio*, & *Complexio*, sive *Conclusio* : quas ipsi nuncupant *Majorem*, *Minorem*, & *Consequentiam*. Secundi partes sunt quinque ; *Propositio*, *Propositionis probatio*, *Assumptio*, *Assumptionis probatio*, & *Conclusio*. Quòd si altera vel utraque ex primis partibus, nem.

Caput I. De Inventione . §. 18. Argumentatio. 21
 nempe *Propositio*, & *Assumptio*, utpote forte perspicua,
Probatione non indigent, *Syllogismus* Oratorius ex quin-
 quepartito, quadripartitus, vel tripartitus, & ceu *Diale-*
cticus erit.

XI. Exemplum. 1. *Virtus est expetenda.* 2. *Quia honesta, & gloriosa.* 3. *Atqui Vigilantia est Virtus.* 4. *quia facit bonum Habentem.* 5. *ergo Vigilantia est expetenda.* Qui tamen, ut dictum est, ornamentis Rhetoricis est convestiendus.

XII. Non semper a Propositione incipiendum; sed vel ab Assumptione, vel Complexione; ad evitandam nempe Similitudinem, Satietaſis matrem.

II. Enthymèma [h. Ratiocinatio imperfecta.]

I. **E**st Ratiocinatio, seu Syllogismus imperfectus: sitque tollendo vel Propositionem, vel Assumptionem: quæ videlicet faciliè subauditur.

II. Exemplum. *Omnis Virtus est gloriosa, ergo Modestia est gloriosa; vel Modestia est Virtus; ergo est gloriosa.*

E P I M E T R O N .

1. Appellatur ab Arist. Syllogismus Oratorius, & Jaculum Oratoris: quia Oratoribus perfamiliaris, tum quodd validius torqueat; vibratum siquidem altius ferit: ut, *Pacem vis? Arma pone*: tum quodd Oratores, qui circa Hypotheses versantur, plerunque Propositionem (quæ universalis est) omittunt: in Assumptione toti sunt.

2. Est & Epenthymèsis [h. Enthymematum acrior, & contorta volubilitas.]

3. Enthymèma optimè fit ex Pugnantibus; ut, *Quem alienum fidum invenies, si tuis hostis fueris?*

III. Epicherèma (h. Brevis Ratiocinatio .)

I. **E**st Brevissima Ratiocinatio. Sit exemplum.

II. *Justitia, quia Virtus, gloriosa*: ubi subaudiuntur ceteræ partes.

III. Per Interrogationem vim majorem habet: ut *Sine causa*



dominum servus accuset ? quæ , addendo alias partes , ad Ratiocinationem reducitur .

IV. Epagòge (h. Inductio .)

- I. **E** St Oratio , qua ex multis Singularibus , & similibus , Universalis , & Simile concluditur . Quæ sumuntur autem debent esse certissima , ut ritè concludat : e. g.
- II. Ensis diu vagina conditus rubiginem trahit; ager, nisi excolatur , sterilefcit; Navis extra aquam diutius manens , rimis hiat : ergo & Animus , nisi exerceatur , elanguescit. Hoc argumentationis genere plurimum Socrates utebatur : estq; Poetis familiarissimum .
- III. Illustrior est per subiectionem : ut , Quod Pomum generosissimum ? puto quod optimum ; & Equus ? qui velocissimus ; & Gladius ? qui acutissimus : ita qui Virtute excellit , nobilissimus erit.

V. Paradigma (h. Exemplum .)

- I. **E** St Oratio , qua ex uno Singulari infertur aliud Singulare simile . Dicitur autem Inductio imperfecta , sive Inductio Rhetorica ; quam Arist. inter Argumentationes posuit .
- II. E. g. Laudatur Cæsar , quòd pepercerit hostibus ; non laudabitur Aurelius , si parcat Insidiatoribus ?
- III. Nota, Exempla maximam habere vim ad persuadendum.

E P I M E T R O N.

| Differt Paradigma a Parabola . 1. verum exemplum .
2. fictum ostendit .

VI. Sorites [h. Acerualis .]

- I. **E** St Oratio , qua multa aceruatim , & gradatim involuit , dum ad Conclusionem deveniat ,
- II. E. g. Omne Honestum est expetendum ; omne expetendum est approbandum ; omne approbandum est laudabile ; omne laudabile est gloriosum ; ergo omne Honestum est gloriosum .

E P I M E T R O N .

1. Hanc Dialectici *Aprimo ad ultimum* appellant.
2. Inventor hujus fuit Zeno Stoicorum princeps ; & Stoici frequenter usi sunt ; maximè omnium Chrysippus .
3. Hoc autem Argumentationis genus sæpe est fallax, & captiosum : cujusmodi illud Themistoclis probantis , Diaphantum Filiolum suum toti Orbi imperare ; sic : Toti orbi imperat Europa , Europæ Græcia , Græciæ Athenæ , Athenis Themistocles , Themistocli Uxor , Uxori Diaphantus : toti igitur Orbi imperat Diaphantus .

VII. Dilemma [h. Argumentatio bicornis.]

- I. **E** St Oratio duabus constans partibus contrarijs ; quarum utranvis concesseris, reprehenderis. Sit exemplum .
- II. Illud D. Augustini de Lucretia : Si pudica , cur occisa ? si impudica , cur laudata ? Et Mart. l. 2. ep. 66.

Hæc si displicui , fuerint solatia nobis ;

Hæc fuerint nobis præmia , si placui .

E P I M E T R O N . I.

1. Dilemma solvi per *Anastrophes* [h. Inversionem] sive *Antistrophes* (quasi Retorsionem) e. g. vel exiguum est munus, vel magnum ; si exiguum, cur mihi denegas ? si magnum ; in hoc te amicum ostende . Retorquetur : Si magnum , mihi nimis incommodum ; si parvum , tibi parum proficuum .
2. Esse & alia argumenta quædam captiosa ; quæ appellantur . 1. *Cornua* : ut , Quod non amisisti , habes , mille aureos non amisisti ; ergo habes . 2. *Crocodylus* , hoc est Irrisio , vel Ironica interpretatio ; ut si quis interpretari velit mentem Formicæ : a ficto eventu sic dictus : nam cum Mulier Crocodilum oraret , ut abreptum sibi redderet filium ; ille se redditurum respondit , modò ipsa ad quæstionem propositam verum diceret . Quæstio fuit : *Filium reddam , nec ne ?* Illa fraudem suspicata respondit :

B 4

Non


Non reddes : ideo reddere debes , quòd verum dixi . Cui Crocodilus , Mentiris , inquit ; Nam si reddidero ; verum non eris locuta ; ideo reddere non possũ , quin falsa dixeris .

3. *Electra* : est Contradictio ; ubi quis arguitur simul nosse , & non nosse ; facere , & non facere : ut , Qui male videt , non videt : tu vides , sed malè vides : ergo vides , & non vides . Dicta est ab *Electra* Agamemnonis Filia ; quæ rem eandem simul norat , & non norat . Adstante enim Oreste adhuc incognito , sciebat quidem Orestem suum esse fratrem , ipsum autem præsentem , sed incognitum , ignorabat . 4. *Pseudologia* [h. Propositio mentiens] sive *Alyton* (Insolubile) cujusmodi illud Cretensis Poetæ : *Omnes ad unum Cretenses semper mendaces* . Si verum dicis , ergo tu , Cretensis , non mentiris : ergo non est verum , *Cretenses semper mentiri* , & mentiris . Ideo hujusmodi Propositio se ipsam destruit .

4. Cùm Argumentum falsò concludit , est *Paralogismus* , h. Falsa Ratiocinatio .

EPIMETRON II.

1. Oratio non debet Syllogismorum , atque Enthymematum turba esse conferta ; sed in argumentando varietas est adhibenda : locuples enim , & speciosa vult esse Eloquentia ; quòque uberior , ac suavior , ed etiam est credibilior .
2. Conclusionis formulæ . Ergo . Igitur . Itaque . Quare . Quapropter . Quamobrem . Ideò . Idcirco . Proinde . Dubitabitis igitur ? Et quisquam dubitet ? I nunc , & inficiare . Usque adeò verum est . An non igitur verum est ? Quid igitur vobis videtur ? &c.



CAPUT II.

Dispositio (gr. Diataxis)

- I. **D**ispositio est *Rerum inventarum in ordinem distributio.*
- II. **H**æc in Oratione pernecessaria est: ubi enim Ordo, res audiuntur libentiùs, intelliguntur faciliùs, retinentur diutiùs: in hac proinde Oratoris Prudentia maximè elucet. Cavendum autem, ut Ordo sit naturalis; h. ut una pars ab alia naturaliter, ac veluti sua sponte, & non coactè descendat.
- III. Oratio est *Ordinata & apta verborum, sententiarumque congeries ad unum aliquod persuadendum.*
- IV. Quinque Orationis sunt partes: *Exordium, Propositio, Narratio, Confirmatio, Peroratio.* Exordium disponit, Propositio exponit, Narratio docet, Confirmatio suadet, Peroratio movet.
- V. Hæc sanè Divisio est Naturæ maximè consentanea: nam ubi quid a quopiam volumus impetrare. 1. ipsius animum conciliamus. 2. exponimus quid petimus. 3. rationes afferimus. 4. preces, aliosque motus idoneos adhibemus. Quæ sanè Regula in Epistolis [de quibus suo loco] apprimè tenenda est. Sed jam de his quinque partibus singulatim.

§. I.

Exordium [gr. Procœmium .]

- I. **E**xordium est *Part Orationis auditoris animum comparans ad reliquam dictionem.* Est veluti Caput totius Orationis: quare *Difficillima pars* vocatur a Tullio: in qua proinde sudandum maximè; quemadmodum in Capite fingendo maior Naturæ labor, & cura est.
- II. Duplex verò est Exordij genus. 1. *Legitimum* [quod scilicet arti-

artificiosa conciliatione disponitur] 2. *Ex abrupto*. Est repentinus in causam ingressus cum impetu quodam animi concitato sine præparatione animorum : idque usurpandum vel in summa lætitia, vel in summa indignatione : fitque vel per Licentiam, vel per Increpationem, vel per Exclamationem, aliamve illustrem figuram ; vel per motus lætitiæ, commiserationis, doloris &c. Arist. hoc Exordij genus *Acephalon* (h. sine capite) appellat.

III. Exordij triplex est munus, reddere Auditorem *Benevolum, Attentum, & Docilem*.

IV. *Benevolum* reddes, si laudes ipsius, & Patriæ commemores ; si eius Benignitati confidere videaris ; si eius Adversarijs confles invidiam ; si de te ipso ingenuè, ac modestè loquaris. *Attentum*, si vel Magna, vel utilia, vel necessaria, vel jucunda, vel nova te dicturum profitearis : Quæ Attentio expressè peti potest vel sub exordium, vel interdum in decursu Orationis, defatigatum Auditoris animum excitando. *Docilem* deniquè, si Propositionem, ac Partitionem Propositionis clarè, ac dilucidè proferas.

E P I M E T R O N.

1. *Attentum, & Docilem* reddere, semper necesse est ; *Benevolentiam* verò captare, non semper (nempe in Causis *Eudoxis* (h. quæ per se sunt honestæ) e. g. De Cœlitum laudibus ; nam illis ultro favet Auditor) sed tantùm in Causis vel *Paradoxis*) h. Admirabilibus, & Incredibilibus] ut si quis velit laudare sive cum Agrippino Calamitatem, sive cum Erasmo Insaniam, sive cum Favorino Quartanam : vel *Amphidoxis* [h. *Dubijs*] quæ partim honestæ sunt, partim turpes : ut si Horatium Sororicidam velis defendere, & commendare : vel *Adoxis* [h. *Humilibus*] ut si cum Homero Ranas, & Mures, cum Luciano Muscam, cum Virgilio Culicem, cum Catone Brassicam laudandam assumas.

2. Hæ verò Causæ *Insinuationem* quoque requirunt. *Insinuatio* autem est. qua Orator callidè & latenter Auditorem præmunens eius *Benevolentiam* captat.

V. Exordia in genere Judiciali ex ipsis Causæ visceribus sunt eruen-

eruenta: in alijs generibus sunt liberiora: Equidem ea prætulero, quæ ex re viciniori ac propria sumuntur.

- VI. Si Propositio sit singularis, exordium inchoandum a Thesi; tum descendendum ad Hypothesin: e. g. Castimoniam laudaturus, exordium duces a Pulchritudine Virtutis in genere; deinde ad Pulchritudinē Castimonie devenies.
- VII. Si Propositio sit Problematica, explicanda in exordio ratio Discrepantie inter utranque partem. Sit hæc: *An maiora in Reip. commoda ex Armis, an ex Literis proficiantur*: auspicandum exordium dicendo generatim: Hisce duobus Reip. potissimum fulciri, Armis, & Literis; verum utrinque suboriri dissidium, utrum &c.
- VIII. Si Propositio sit Metaphorica, exordium ducendum ab explicatione rei, unde est sumpta Metaphora: e. g. ostensurus, *D. Laurentium esse Sacrum Phœnicem*, Descriptionem Phœnicis debes præmittere.
- IX. Si Propositio fiat per Paradoxum, explicandum est, quàm non immeritò incredibilis videatur.
- X. Ducitur etiam Exordium ab Adiunctis Personæ, Loci, Temporis, Rei, &c. e. g. occasione publicæ Supplicationis, Victoriz, Funeris: quæ ordiendi ratio fuit Tullio familiarissima.
- XI. Si supponatur in Auditoribus præjudicium aliquod, ratione cuius suspicetur Orator, se minùs benevolè audiendum, exordium auspicandū ab ipsius præjudicii solutione per figuram Occupationis.
- XII. Commoda est etiam introductio per aliquam sententiam, dictum, quæstionem, similitudinem, historiam; quibus ad rem propositam deveniatur.
- XIII. Optima verò per Suspensionem, qua præparetur animus Auditoris, rei magnæ expectationem acuendo.
- XIV. Virtutes Exordij sunt, 1. ut sit accuratum, concinnum, sententiosum, sublime, eruditum, illuminatum, varium, aptum, verecundum; plenum denique dignitatis; & in ipso præsertim ingressu magnificum, & grave. 2. ut sit proprium, & cum reliqua Oratione, tanquam Caput cum Corpore, conjunctum. 3. ut sit moderatum, & reliquæ Orationis magnitudini accommodatum. 4. Locum habent in-

Ex-

Exordio leniores affectus, raro vehementiores; qui tamen sint potius inchoati, ac semina quædam affectuum in cursu Orationis, & magis in Peroratione excitandorum.

- XV. Vitia sunt, si sit *vulgare*, & *commune* alijs causis (quod vocant *Galeatum*; nam, ceu Galea, commune omnibus esse potest;) si *commutabile* in contrariam partem; si *separatum*, h. Causæ non connexum; si *longè accersitum*; si *longum*, si *arrogans*, aut *minùs modestum*: si in ipso Confirmationes Propositionis prælibentur: temet si primula quædam argumentorum semina præiaci possunt; ita tamen ut subleant, nec planè explicentur: rationes autem sententiarum, quæ sparsim in Exordio enunciantur, statim subijci possunt.

§. II.

Propositio [gr. Prothesis.]

- I. **P**rimus Oratoris labor est in invenienda Propositione, & Partitione.
- II. Propositio est, *Id quod Orator probandum assumit*. Proponitur autem demonstrandum non quod compertum est omnibus; sed quod in quæstionem vocari potest.
- III. Est igitur brevis Status, & totius Causæ Comprehensio.
- IV. Duæ Propositionis sunt partes. 1. *Seiunctio*; quæ declarat, quid cum Adversarijs conveniat, & quid controversatur. 2. *Divisio*, seu *Partitio*; quæ est explicatio totius ordinis. Hæc lumen affert, juvat memoriam, levat fastidiū.
- V. Partitio debet esse 1. *Plana*, & *simplex*. 2. *Plena*, ut omnes Partes comprehendat. 3. *Tribus ad summum constans membris*. 4. *Membra verò sint opposita*, neque unum in altero contineatur. 5. *Optima erit*, quæ a rei proprietatibus petitur: e. g. *D. Ignatio nomen Ignis meritò convenire*; cujus proprium est, *Purgare, Illuminare, & Accendere*.
- VI. Dotes Propositionis sunt. 1. ut sit naturaliter deducta, non ibi violenter affixa. 2. ut sit *Una*, & *simplex*, h. *simplici constans sententia*: nam ex ejus unitate unitas desumitur Orationis: quare Problema, quod disputatur in utranque partem, cum gemina constet Propositione, Oratio.

tionem quoque geminam facit: quod non idè tamen ab Orationibus præsertim Academicis est penitus reiiciendum. 3. ut sit clarè exposita, ut non intelligi nequeat. 4. ut sit per totam Orationem extensa; ita ut in eam, tanquam in Scopum, argumenta omnia collineent. 5. ut sit loco, tempori, dicenti, audientique congruens; cuiusmodi non esset in libera Civitate, *Optimum esse Regimen Monarchiam*. 6. in genere Judiciali sit propria Causæ; in Deliberativo (quod Utilitatem respicit) sit non Contemplativa, ut *Cælum est rotundum*; nam hæc non conciliat utilitatem, ut ait Seneca; sed Practica, vel in se, e. g. *Pravorum consortium vitandum*, vel in effectibus, e. g. *Pulchritudine corporis nihilinanius*: in Exornativo singularis, & propria, habens aliquid novitatis. 7. Metaphorica Propositio rariùs usurpanda.

VII. Novitas Propositionis habebitur, vel per Paradoxum; e. g. *Maximum Infortuniorum Felicitas*; vel per Comparisonem cum suo contrario; e. g. *Virtutem plus juvat Calamitas, quàm Felicitas*; vel per Transitionem de genere in genus; e. g. si Heroem laudaturus dicas, *Velle te ejus vitia obiurgare*; interim vitiorum nomine virtutes recenseas: vel dicas, *Velle te bortari omnes ad Avaritiam, Superbiam, & Concupiscentiam*: est enim Avaritiæ genus, Superbiæ, Concupiscentiæ laudabile.

§. III.

Narratio [gr. Diegêsis.]

- I. **N**arratio est *Expositio rei gesta, vel tanquam gesta*. Dixi *Rei gesta*, respiciendo Historicam; *Tanquam gesta*, respiciendo Poeticam.
- II. Triplex est autem Narratio, *Historica, Oratoria, & Poetica*.
 1. res verè gestas exponit, stylo concinno quidem, sed & expedito, sententijsque, & figuris parciùs asperso.
 2. si sit in causa Judiciali, plana, & sine phaleris sit oportet; diciturque *Narratio Civilis*; si in genere Exornativo, fusior, & sententijs, ac figuris illuminata, continens admirationes,

su-

suspensiones, colloquia personarum, seu Dialogismos, motus animorum doloris, lætitiæ, &c. Sitque Epiphonemate conclusa. Rursus, si rei sit Tragicæ, gravis esse debet, & majestatem quandam retinens: si Comicæ, vel Satyricæ, salibus est, & mordacitate aspergenda. 3. fictæ rei expositionem habet: quæ quidem floridiori stylo deducenda erit.

III. Poetica est iterum triplex, *Parabola*, *Fabula*, *Apologus*: de quibus in 2. parte.

IV. Quatuor habere dotes debet Narratio, *Brevitatem*, *Perpicuitatem*, *Probabilitatem*, *Suavitatem*. *Brevis* erit 1. si non altiùs Narrandi initium, & ab ovo (quod aiunt) repetas. 2. si sine redundantia verborum. 3. si sine digressionibus importunis. 4. si non crebra Parenthesi interrupta. *Perpicua* erit, si verbis usitatis, & bene dispositis constet. *Probabilis*, si id, quod narratur, sit verosimile; quale non esset, *Elephantem Gracè scribere, aut Simium pingere didicisse*. *Suavis* erit, si illuminata figuris; si non eodem omnia tenore efferantur, sed vario stylo; Parva pressè, Magna subtiliter, Atrocia graviter, Tristitia miserabiliter, Læta jucundè. Porro Suavitas alia est *Verborum*, alia *Rerum*: 1. in Elocutione sita est. 2. cum immiscentur admirationes, expectationes, exitus inopinati, Ethopœiæ, Hypotyposes, motus animorum, &c. ut dictum est.

V. In genere Judiciali statim sub exordium subiicitur; nisi priùs sint confutanda Obiecta, & præjudicia amolienda. In Exornativo Narratio non necessariò sequitur post exordium; sed aliqua in recensendis Factis potest incidere. In Deliberativo nulla est; potest tamen aliqua in decursu Orationis inseri.

VI. Repetita Narratio dicitur *Epidiegèsis*, sive *Epecdiegèsis*. Narrationis præparatio *Procatàstatis*, seu *Procatascève*.



§. IV.

Confirmatio [gr. Εἰσχυρῶσις.]

- I. **C**onfirmatio est *Argumentorum ordo*, quibus *Propositio probatur*. Debent autem Argumenta esse vel certa, ut *Deus nos amat*; vel saltem probabilia; ut *Mater amat filios suos*: horum vero silva ex locis oratorijs petenda, tum suo rite ordine disponenda.
- II. Prima fronte argumenta *fortia* locanda sunt [nè secus Auditor male præfagiat de tota Oratione) *Medocria* in medio (quæ quidem non amplificanda, sed per Præteritionem coacervanda; ut simul posita vim aliquam obtineant) postremo loco *fortissima* [quibus maximè insistendum, ut viam sternant Perorationi, & victoriæ] Quod si Causa duobus tantum argumentis nitatur, primum *fortius* locandum, tum *infirmius*; deinde ad fortius arte quadam recurrendum.
- III. Argumenta ita digerantur, ut non tam unum post aliud, quàm potius aliud ex alio, Transitionum beneficio, descendat.
- IV. *Oratio debet semper crescere*: idèd Argumenta ita disponantur, ut semper majus aliquid subiiciatur. Ita denique pertractentur, ut varietas tum in Argumentationibus, tum in Figuris fervetur. Auditores verò defessos recreabis spe Brevitatis, promissione Confutationis, urbanitate aliqua opportuna.
- V. In Accusatione prius minora, deinde majora Crimina producenda: in Defensione prius majora, deinde minora purganda.
- VI. Facienda aliquando *Digressio*, & *Thesis*. Vide primam §. 5. n. 33. secundam Parte 2. cap. 1. §. 3.
- VII. Ad Confirmationem pertinet *Confutatio* (gr. Αναστροφή) h. *Subversio*; qua *Adversariorum argumenta diluuntur*. Utitur autem iisdem fontibus, quibus Confirmatio, præsertim Repugnantibus: & figuris Occupationis, Dialogismi, Ironiæ, Subiectionis, &c. Solet autem subiici post exordium; tametsi in Orationis decursu ejus occasio subnasci potest.
- Ali-


Aliquando tota Oratio in Confutatione versatur : & tunc propriè dicitur *Reprehensio*.

VIII. Ordo in Confutatione tenendus vel is est, quem tenuit Adversarius in obijciendo; vel meliùs primo loco infirmiora Adversarij argumenta collocanda, fortia in medio, infirmissima in ultimo. Fortia verò debent validè augeri, ut eorum impressa opinio validiùs revellatur.

IX. Modus Confutandi triplex est, *Negando*, *Redarguendo*, *Elevando*. 1. *Negando* rem totam. 2. Ostendendo esse fictam, vel dubiam; vel in Adversarium retorquendo. 3. *Regerendo* aliquid Par vel in personam, vel in rem ipsam.

E P I M E T R O N.

1. Modi refellendi. 1. *Exutenismus* [h. per contemptum] 2. *Epiplexis* [h. Increpatio] ut, *Dij te perdant*, &c. 3. *Antisagòge* [h. Compensatio] non respondendo directè, sed Par reponendo: ut Virgiliana illa: *Dic, quibus in terris, Coneris mihi magnus Apollo* &c. Cui alter reposuit: *Dic, quibus in terris inscripti nomina Regum*, &c. 4. *Apoplanèsis*; (h. Aberratio) sive *Apodoxis* [Rejectio] cum ad obiectum Adversarij alio loco nos responsuros pollicemur; & sic elabimur [vide in Figura occupationis c. 3. §. 5. n. 22.] 5. *Epitimèsis* (Redargutio) cum Adversarium iisdem verbis coarguimus, quibus nos lacessivit. Sic Ascanius *Æn. 9.* Numàno obiectanti. *Non pudet obsidione iterum, valloque teneri*, *Bis capti Phryges*, &c. telo emisso respondet: *Bis capti Phryges hac Rutulis responsa remittunt*.
2. *Prupergasia*, seu *Parascève* [Præmunio] Qua utimur ad confirmandum id, quod subiicimus: ut, si testem producturi sumus, ante, ei fidem habendam esse docemus.



§. V.

Peroratio (gr. Epilogus.)

I. **P**eroratio est *Pars extrema, & conclusio totius Orationis*. In hac tota vis; in qua Orator suum maximè finem assequitur; qui est Movere.

II. Duas habet partes, *Anacephalèsin, & Patbon*. 1. est *Omnium argumentorum Repetitio*, non minutatim, sed raptim per *Synathræsmum* (h. Congeriem) facienda; ita ut argumenta quasi nova accidant; sit. a. variata figuris; caveaturque memoriæ ostentatio: cavendum item, nè ullum argumentum de integro afferatur, quod in Confirmatione probatum non fuerit: ne Peroratio ipsa in Confirmationem abeat. 2. sunt *Affectus*: qui tunc per vehementes figurās excitandi; ijsque Thyrsus oratorius concutiendus. Brevitas tamen in *Affectibus* ijsdem servanda; cum *Lacryma nil citius arescat*: potiùsque variandi sunt, quàm ijsdem diutius continuandi.

III. In Panegyricis locum habent *Affectus Amoris, Lætitæ, Æmulationis*; In Vituperatione *Odium, & Invidia*; in Deliberatione *Spes, & Timor*; in genere verò *Judiciali motus omnes locum habere possunt*. De *Affectibus* vide in 2. Par. cap. 4.

E P I M E T R O N.

1. In novissima Periodo duplex sit cautio, *in re, & in dictione*: nam cum nihil magis hæreat in memoria, quam quod primo, postremoque loco refertur, quemadmodum danda opera ne quid offendant in exordio; sic & in exitu.
2. Debet igitur Orationis clausula esse numerosa, & magnifica.



CAPUT III.

Elocutio (gr. Hermenia.)

- I. **E**locutio est *Idonea verborum, & sententiarum ad res inventas accommodatio.*
- II. **E**locutio a *Sermone* distinguitur: nam *Sermo* est propriè ille *Grammaticus, quotidianus, & popularis.* Elocutio verò *elegans loquendi modus a communi recedens.*
- III. Tres habet species, *Propriam, Translatam, & Figuratam.*
 1. ut dictio, & Syntaxis (h. Constructio) sit usitata. 2. in Tropis sita est. 3. in Figuris. Nos alia ratione, quæ in idem recidit, differemus.
- IV. Tria in Elocutione requiruntur, *Emendatio, Ornatus, Suavitas.* 1. fit vitia evellendo. 2. Schematibus illustrando. 3. Oratorium numerum adiiciendo. Jam de his singulatim.

§. I.

Vitia Orationis (gr. Cacolexes.)

- I. **A**cyrologia, sive *Acyron*, est *Impropria, vel absurda dictionis usurpatio*: ut, *Mons caloris.* Quæ siquidem sit castigatio, Tropus erit, species *Catachreses*; ut *Sperare dolorem*, pro *Timere.*
- II. *Æschrologia* (*Turpiloquium*) est *Inverecunda Oratio, sive Obscena Compositio.*
- III. *Amphibolia* (*Ambiguitas*) sive *Amphibologia* [*Ambiguus sermo*], ut, *Credo Antonium præcedere Crassum Eloquentia.*
- IV. *Anæconomèton* [*Mala dispositio*] ubi nulla in *Oratione* *Oeconomia.*
- V. *Arythmon* (*sine consonantia* (cùm numeris caret oratio.)
- VI. *Aschèmaton* [*sine Figuris*] vel male figurata oratio.
- VII. *Asiatismus* [ubi multa sunt verba, res autem nullæ]
- VIII. *Perissologia.*

VIII. *Atacton* (*Inordinatum*) cū n rerum ordo perturbatur; ut, *Occasus, & Ortus*; vel *Sacrilegus, & Fur*; ubi oratio decrefcit.

IX. *Barbarismus*, feu *Barbara Lexis* (vox peregrina) eft dictio barbara, ut *Perla* pro *Unione*; vel fi Latina, pronunciatione corrupta, ut *Thefzura*.

X. *Battologia*, feu *Tautologia* [*Inanis ejusdem vocis iteratio*] a *Batto*, garrulo pastore apud *Ovid. Sub illis Montibus*, inquit erant, & erant sub montibus illis.

XI. *Brachylogia* (*Breviloquium*) eft de re gravi nimis brevis locutio. Contra *Periergia*. v. infra. Rite ducta, erit Schematismus. v. §. feq.

XII. *Cacophaton*, feu *Cacèphaton* (*Obscena pronunciatio*) vel in obscenum sensum termo detortus.

XIII. *Cacophonia* [*Malus sonus*] fit turpiori literarum concursu. 1. Vocalium; ut, *Pila abenea ære evolvant* tametfi pares vocales mitius concurrunt; ut, *Ille ego, Latera ardua*. excepto V. cum V. ut *Gelyudum*. 2. Consonantium; ut, *Rex Xerxes strages spirans*. 3. Earundem literarum in principio dictionum; ut, *Te tamen tam timet*. Poeticè figura est; & dicitur *Paromæon*; ut illud, *O Tite, tute Tati, tibi tanta Tyranne tulisti*. 4. Syllabarum in fine; ut illud *Ennium*, *Mærentes, flentes, lacrymantes, ac miserantes*. 5. Syllabæ in fine unius dictionis iteratæ in principio sequentis; ut illud *Cicer.* *O fortunatam natam me Consule Romam!* 6. Monosyllaborum; ut, *Quæ res est, quam tu fers?* 7. Cū longiora vocabula continuantur; sunt enim brevioribus intermiscenda. (*Nolo te tamen in hac re plus nimio religiosum; esset. n. infinitus ac puerilis labor: moneo tantum, ne offendantur aures; quarum judicium superbum est.*)

XIV. *Cacosyncheton* (*Mala collocatio*) cū nulla in oratione concinnitas.

XV. *Cacozelia* [*Affectatio decòris*] omnium vitiorum pessimum: fitque nimio tumore dictionis; ut, *Aulæorum superbia textilis*: vel cū inscitè virtutem aliquam imitantes in vitium labimur; ut si quis *Atticismum* affectans, jejunos fiat.

XVI. *Cænismus* [*Mistio*] est varijs mista linguis Oratio. v. *Sorasmus*. C 2 XVII.

- XVII.** *Homœologia* [Similia verba] cùm nulla in oratione varietas.
- XVIII.** *Jotacismus*, *Labdacismus*, *Myrbacismus*: sunt frequens literarum I. L. M. Iteratio.
- XIX.** *Macrologia* (Prolixitas sermonis) cùm iusto longior sermo est.
- XX.** *Midxis* [Diminutio] cùm deest Orationi quidpiam, quominus intelligi possit; nisi hoc ipsum studiosè fiat; ut, Inscriptio illa supra Domus januari, *Omnia cum*.
- XXI.** *Paraphora* (Mentis error) Vitium est Orationis; ut Barbarissimus &c.
- XXII.** *Periergia* (Diligentia redundans) Est de re levi copiosa Oratio.
- XXIII.** *Perissologia* (Multiloquium) ut illa Livij: *Legati retro domum, unde venerant, abierunt*.
- XXIV.** *Pleonasmus* (Redundantia) cùm vox vitiosè redundat: ut *Alloqui ore*; *Dentes albi*; *Humida vina*. Poeticè Figura est.
- XXV.** *Pœcilogia* (Picturata oratio) cùm omnia sunt figurata, & quasi scurriliter picta.
- XXVI.** *Pompbolygologia* [Lorutionis tumor] cùm res nimis magnificè extolluntur; a. gr. voce *Pompbolyx*, *gor* [Bulla] sic appellata.
- XXVII.** *Solæcismus* [Impar orationis Constructio] ut, *Quoque ego, Scribo cum calamo*
- XXVIII.** *Soraismus* [Coacervatio] Miscella ex varijs Idiomatis. Idem qui *Cœnismus*.
- XXIX.** *Synchysis* (Perturbata Transgressio) ut illa *Æn.* 1. *Saxa vocant Itali, medijs qua in fluctibus, aras*.
- XXX.** *Tapinòsis* (Humilitatio) cùm rei magnitudo attenuatur: ut si quis Parricidam vocet *Hominem nequam*: nisi res epithero temperetur; ut, *Apparent rari nantes in gurgite vasto*. *Æn.* 1.



§. II.

Figurata Constructio (gr.Schema, sive Schematismus.)

Et Figura Dictionis (gr. Schemalexeos.)

- I. **F**igura Constructionis est *Nova loquendi ratio a vulgar sermone recedens.*
- II. *Constructio* [grecè *Syntaxis*] est *congruens verborum collocatio.*
- III. Duplex est autem Constructio : *Analogā* (h. juxta communes regulas) & *Anomalā* [h. quæ a communi regula paululūm recedit) potestque dici *Asyntacton* (h. consuetæ constructionis Mutatio .)
- IV. Figura Dictionis in una etiam voce sita est.
- V. Harum nos varias species per Alphabetum digerimus.

-
- I. *Allèdxis* [Mutatio] al. *Solœcōphanes* ; cūm quid speciem habet Solœcismi : ut, *Præneste sub ipsa* : refertur. n. ad Civitatē.
 - II. *Anastrophe* (Inversio) est duorum verborum ordo præposterus ; ut *Mecum*, *Tecum*, *Quicum*, *Quode*, *Post paulō* &c. pro *Cum me* &c.
 - III. *Antiptōsis* (Casus pro casu positio) ut, *It clamor cælo*, pro *ad cælum*.
 - IV. *Apōstasis* (Separatio) est Amplificatio varios sensus separans, ac dilatans : ut, *Serviebat forum cubiculo*, *Prator libidini*, *carcer convivio*, *dies nocti*.
 - V. *Antisthæcon* [literarum permutatio] ut, *Parricida* pro *Patricida*. v. *Euphonia*.
 - VI. *Apostrophus* (Aversio) est Nota ultimæ vocalis, vel literæ S. a vocabulo expunctæ : ut, *Ain'*, *Viden'*, *Men'*, *Ten'*, &c. pro *Ais ne*, *Te ne* &c.
 - VII. *Archaismus* (Antiqua Constructio) ut, *Absente nobis*. *Præsente legatis*. *Faustidit mei* &c.
 - VIII. *Auxēsis* (Incrementum) cūm verba sonantiora, magnifica,

fica, & superlativa ponuntur; tum Composita pro simplicibus: ut, *Incredibilis, Officiosissimus, Contrucidare, Consceleratus, &c.*

IX. *Brachylogia* [*Brevilogium*] Sermonis brevitatis. *Laconismus*: ut, *Ferte citi ferrum, date tela, scandite muros.*

X. *Catæxoche* (*Excellentia*) ut, *Quæ cura Boum, qui cultus habendo Sit Pecori.* [*Geor. 1.*] Primum Boves, deinde intulit Pecora; ut majus separet a minoribus.

XI. *Cyriologia* (*oratio propria*) h. quam ipsa veritas, & simplicitas exornant: ut, *Romanos rerum Dominos, Gentemque togatam.* [*Æn. 1.*]

XII. *Ecclesiis* (*Evocatio*) est *Reductio* tertiæ personæ ad primam, vel secundam: ut, *Troes te miseri, ventis maria omnia velli, Oramus.* *Æn.*

XIII. *Eclipsis*, sive *Ellipsis* (*Defectio*) cum orationi deest aliquid, quoddam facile intelligitur: ut, *Ille domum restâ. Quod te pedes? Senatus ad Apollinis* (i. *Ædem.*)

XIV. *Enallage* [*Immutatio*] cum una pars orationis pro alia ponitur: ut, *Philotimus nullus venit*; pro *Non*. *Multa gemens*, pro *Multum*, *Recens*, *Frequens, &c.* pro *Recente* &c. *Excussisse* pro *Excitere*, &c.

XV. *Endiadys* (*Dissolutio*) cum resolvitur *Adiectivum* in aliud *Substantivum*: ut, *Pateris libamus & auro*: pro *Pateris aureis.*

XVI. *Epexegesis* (*Prioris dicti explicatio*) ut, *Tolle fuga Tur-num, atque instantibus eripe fati.*

XVII. *Epiplote* (*Implicatio*) cum una ex alia sententia ducitur.

XVIII. *Euphonia* (*Bona vox*) est mutatio vocis venustioris: ut, *Camilla* pro *Casmilla*, *Sichæus* pro *Sicharba*, *Aufero* pro *Abfero*, *Prodest* pro *Proest*, &c.

XIX. *Hellenismus* [*Græca constructio*] ut, *Solus tibi certet Amyntas. Desine mollium querelarum. Triste lupus stabulis. Flava comas. Ossa tremit. Cetera Graius*: in quibus subauditur *Propositio Katà* [*secundum*] *Poetica* est.

XX. *Hypallage* [*Oratio inversa*] cum verba per aduersum intelliguntur: ut, *Dare classibus austruos. Dare vulnera lymphis.* *Poetica* est.

XX. Hy-

- XXI.** *Hypèbaton* (Verborum transgressio) fit, 1. Præponendo universim Adiectiva nomina Substantivis, & Adverbis: Partitiva tamen, ut *Omnis, Nullus, Aliquis*; item Numeralia elegantius postponuntur; ut *Gallia est omnis divisa in partes tres*: [Cæf. de Bell. Gall.] tum etiam Comparativa, & Superlativa; ut *Dignitas major. Virtus maxima*. 2. Verbum ferè in finem reiiciendo; nisi Decor Orationis poscat oppositum. Pronomina Possessiva, item Partitivum *Nemo*, eleganter in fine; ut, *Hoc pace dicam tua. Præter Cæsarem vidi neminem*: 4. Inter Adiectivum, & Substantivum vocem aliquam interijciendo. 5. Relativum sæpius præponendo; ut, *Quos amissimus Cives. Qui verò victor*: pro *Victor qui* &c.
- XXII.** *Hypben* (Subunio) qua sub uno accentu duæ dictiones proferuntur: ut, *Antexpectatum, In antecessum, Antemalorum* [h. Malorum antelatorum]
- XXIII.** *Hymos*. [Perpetui series sermonis] cùm oratio tenorem suum in multos versus protendit; ut illa Virg. *Principio Cælum, ac terras, camposque liquentes, Lucentemque globum Luna, Titaniaque astra Spiritus intus alit.*
- XXIV.** *Hysterologia* (Sermo præposterus in verbo) ut, *Urbem adire*, pro *Ire ad Urbem*: & *Hysteron proteron* (sermo præposterus in sensu) ut, *Sed moriamur, & in media arma ruamus*. *Æn.* 2.
- XXV.** *Liptôte* [cùm minus dicitur, plus intelligitur] ut, *Munera nec sperno*; h. Libenter accipio. *Non mihi displices*, h. Mihi valde placet, & illud *Æn.* *Non ignara mali miseris succurrere disco*.
- XXVI.** *Metabole* (Traiectio) quæ fit contrarijs ita transpositis, ut ex priore posterius proveniat: ut, *Hic segetes, illic veniunt felicius uva*; *Arbori fœtus alibi, atque iniussa virescunt gramina*. Virg.
- XXVII.** *Paradiastole* [Discriminatio], cùm res similes discernuntur, contrarijs redditis: ut, *Triste Lupus stabulis, maturis frugibus imbres, Arboribus venti, nobis Amaryllidis ira*. Vel quæ differentiam ostendit inter res, quæ alioqui similes videntur: ut, *Non sapiens, sed astutus; non severus, sed crudelis; non liberalis, sed profusus*.

- XXVIII. Parelcon** (Productio) cùm dictioni adijcitur syllaba: ut, *Adesdum*.
- XXIX. Paràllage** (Evariatio) cùm una præpositio pro alia ponitur: ut, *Si bene quid de te merui: pro in te.*
- XXX. Parenthesis** (Interpositio orationis) ut, *O præclarum custodem ovium (ut aiunt) lupum!* 2. Cùm rei causa post vocativum interferitur, dicitur *Epèmbole*: ut, *Æole (nanque tibi Divum Pater, atque hominum Rex &c.)* 3. cùm interijcitur circumstantia aliqua; est *Parèmbole*: ut, *Mortales (qua cæcitate sunt) caduca sectantur, spernunt aterna.*
- XXXI. Parodia** [cùm partem versus affert Orator, reliquum soluta oratione interpretatur. Qua Demosth. & Cic. usi.]
- XXXII. Pleonasmus** (Redundantia) cùm expressionis ergò, vel elegantia aliquid adijcitur: ut, *Hiscæ oculis ego meos vidi. Nihil amplius eo dicam. Ubi terrarum es?* Cùm particula non necessaria additur, dicitur etiam *Peripleròma* (Supplementum) ut illud Virg. *Sic forè precat.* Ubi Fortè solum ad hiatum explendum ponitur: [ait Servius] Cum ab soluto sermone adhuc verbum additur perspicuitatis gratia, appellatur *Prodiaphèsis*.
- XXXIII. Proœconomia** (Præmissa Dispositio) est rei dicendæ præparatio; Poetis familiaris, ne ex abrupto transitum faciant: ut illa *Æn. 1. Jovem inducens de rebus humanis cogitantem, & Africam respicientē, ad quam venere Troiani: - Sic vertice Cæli constitit, & Libya defixit lumina regnis.*
- XXXIV. Pròsthesis**, seu *Pròthèsis* [Appositio] est Continuatio duorum substantivorum in eodem casu: ut, *Effodiuntur opes, irritamenta malorum.* [Met. 1.]
- XXXV. Pròstaxis** (Jussio) cùm Sententia Imperativo modo effertur: ut, *O Rex, Si nimium timeris, time: h. Timendum tibi est. Miserum veta perire, felicem jube.* [Sen.]
- XXXVI. Syllepsis** (Complexio) 1. cùm id, quod in oratione deest, è proximo assumitur, cum aliqua mutatione: ut *Socijs, & Rege recepto. Æn. 1. Vos, o Calliope, precor adspirante canenti. Æn. 9. ubi subaudit ceteras Musas.* 2. cùm diversis rebus datur unum verbum minimè utrisque conveniens: ut, *Inclusos utero Danaos, & pinea furtim laxat claustra Sinon;* non enim *Laxat* ad Danaos referri potest.

XXXVII.

XXXVII. *Syncope* (*Concisio*) cū littera, vel syllaba de medio tollitur : ut *Nummum*, *Sestertium*, *Virum*, &c. pro *Nummorum* &c. *Dixi* pro *Dixisti* &c.

XXXVIII. *Synesis* [*Intelligentia*] 1. cū Oratio non voce, sed sensu cohæret : ut, *Duo millia crucibus affixi*. *Capita conjurationis casti*. 2. Cū verbum substantivum adhæret minùs principali : ut, *Vestes*, *quas geritis*, *sordida lana fuit* : pro *Fuerunt*.

XXXIX. *Syntbesis* [*Compositio*] cū nomen collectivum singulare cum plurali conjungitur : ut, *Pars in frusta secant*.

LX. *Syntomda* [*Abbreviatio*] cū brevi verborum ambitu res quanvis ingens pro dignitate redditur : *Æn.* 1. *Nascitur pulchra Troianus origine Caesar*, *Imperium Oceano*, *famam qui terminet astris*.

LXI. *Taxis* (*Ordo*) cū unaquæque res novissimorum verborum sententia clarè distinguitur : ut, *Eorum vitijs inuehi non licebat*, *reticere omnino non expediebat*, *suspiciosè loqui potissimum placebat*. [*Stratoeles*.]

LXII. *Tmesis*, sive *Diacoep* [*Intercisio*] est sectio vocis compositæ : ut, *Septem - subiecta - trioni*. *Hac - Trojana - tenus*. *Quo - te - cūque feras*. *Res - verò - publica*. *Per - mihi - mirum est*. *Per - mihi - gratum feceris*.

Sunt & alia Schematum id genus nomina : quæ, cū vel ad Tropos, vel figuras Verborum, aut Sententiarum pertinere videantur, illuc transferenda putavimus. *Metaplasma* verò, & Figuras Poeticas, quæ supersunt, sub alterius partis calcem transmissas invenies.

§. III.

De Tropis

I. **T**ropus (*Translatio*) est vox translata a propria significatione ad impropiam.

II. Decem sunt Tropi : septem in uno verbo, sive Tropi verborum ; *Metaphora*, *Synecdoche*, *Metonymia*, *Antonomasia*, *Onomatopœia*, *Catachresis*, *Metalepsis* : tres in pluribus verbis, sive Tropi sententiarum ; *Allegoria*, *Periphrasis*, & *Hyperbole*.

EPI.

Addunt nonnulli *Hyperbaton*, & *Ironiam*. Primum nos inter superiores Schematicos posuimus; alteram verò ad Sententiarum figuras, Auctores alios secuti, transferimus [tamen si, quatenus paucis verbis conficitur, posset hic collocari] Nec sanè mirum: inter Auctores siquidem parùm convenit. Ipse Cic. varius in præcipiendis figuris fuit, & discrepans sibi; ut notat Quintil. l. 9. c. 5.

I. Metaphora .

I. **E**st *Translatio propter similitudinem*. e. g. Quia Ira similis Igni est; idè Iratum scitè *Ardentem* dixeris.

E P I M E T R O N .

- 1. Fit autem Metaphora, vel ob *Necessitatem*. (cùm proprium vocabulum deest, ut, cùm *Gemmam* in vite dicimus) vel ob maiorem *Expressionem*; vel ob *Delectationem*.
- 2. Delectat autem Metaphora: 1. quia similitudine mirificè capimur. 2. quia plura sub oculos subjicit.

II. Quatuor sunt ejus species: sive quatuor modis deducitur.

1. Ab Inanimis ad Inanima: ut, *Gemmant* vites, *Pluunt* lacrymæ.
2. Ab Inanimis ad Animata: ut, *Tonare* minis, *Tumere* ambitione.
3. Ab Animatis ad Animata: ut, *Latrare* maledicentia, *Rugire* præ ira.
4. Ab Animatis ad Inanima: ut, *Fluvius mordet* ripas, *Mare osculatur* litora.

III. Ratio inveniendæ Metaphoræ est 1. aptam similitudinem invenire. Sic, quia Flores sunt similes Stellis, gemmis, oculis; venustè appellabis, apposito epitheto florum proprio, *Odorata telluris astra*, *vivas pratorum gemmulas*, *fragrantes veris ocellos*.

IV. 2. Ratio. Genus sumere ejus rei, quàm metaphoricè vis efferre: e. g. *Herois Constantiam*, vel *Fortitudinem laudaturus*, recense quæ huic subsunt Generi *Fortis*: est Mars,

Leo,

Leo , Scopulus , Adamas , Arx , Quercus &c. sic appellabitur *Mars Austriacus* , *Leo Gallicus* , *Hispanus* &c. *Adamus infractus* , &c.

V. 3. Ratio . Transferre res proprias 1. unius sensus ad alium : ut , *Bibere* auribus voces , *devorare* oculis libros , &c. 2. unius elementi ad aliud ; ut , *Aves* pennis in aere *remigant* , *Naves* in pelago *volant* . 3. Coelestium ad Terrestria , & viceversa : ut , *Lucidis* Caelum emicat *floribus* , *Tellus* odoratis vernat *Sideribus* . 4. unius Artis ad aliam , e. g. *Bellicæ* ad *Nauticam* , & v. versa : ut , *Mare* liquidis in Caelum montibus *arietat* : & *Belli tempestate* Resp. *navis* *fragat* . Est autem optimæ Signum Metaphoræ mutua usurpatio : e. g. *Nix* Montium *Canities* , *Canities* *Nix* comarum .

VI. 4. Ratio , & vividior , Idealem quasi personam in rebus effingens , sive dans animam , sensus , & corpus rebus [quod est , phantasia rem convestire] Ut , *Pontem* indignatur *Araxes* : sic dices *Gladium iratum* , *cædis sitibundum* : *terram* *postulantem* imbres , *Jovi supplicantem* , *Tellum audiens* arcum , *Parietes gratias agentes* , *Mortem velentem* aures , *Fidem moeste incedentem* *Rivulum Mare sperantem* , perinde ac si linguam , manus , pedes , aures , iram , spem , aliosque affectus habeant . Vide de Affectibus in 1. par. c. 4.

VII. Poteris in locum apertæ metaphoræ voces substituere *Æmulationem* , *Imitationem* , *mendacium* , *fallitatem* , *furtum* &c. significantes . Sic *Tellus* florida dici potest *stellati amula* *Cœli* ; *mentitis* , vel *falsis* *stellis* *luxurians* : *Lilia* *argentum laceffentia* , *imitata* *pruinâs* , *non cessura* , *certantia* , *exprobrantia* *nivibus* : *Rosa* *Auroræ furata* *faces* , *provocans* *Ostrum* , *cognata* *fulgens* *purpura* : *Uva* *pyropos mentita* : *Byssus* *minitans* *vincere* *olores* : &c.

VIII. Hæc tamen poetica , & audaciora sunt . Sedenim in substantivis Nominibus audacior & fere poetica est Metaphora ; in Adiectivis , & Verbis castigatior , ac verecundior .

IX. Cavenda est 1. *Asymmetria* (Nulla proportio) ut , *Tempestas* *Caloris* ; *Montes* *Belli* *fabricari* . 2. quæ longius sit deducta :

ducta; ut *Charybdis* Bonorum, *Syrtes* Patrimonij. 3. Obscuritas; ut si *Instabilem* hominem *Cycladam* appelles. (Poterit tamen interdum quibusdam formulis emolli: e. g. *Quasi, ut ita dicam, si ita loqui fas est, &c.*) 4. Nimis frequens Metaphoræ usurpatio; ut & ceterorum Troporum: obscurat enim, vel tædium parit.

E P I M E T R O N.

I. Materiam Metaphoræ natura in primis suppeditat.

Cælum: ut, *Stellata* floribus tellus; *Ferrea* telorum *diluvies*; *Tonat* rugitibus Leo; *Nube* tristitiæ premi.

Terra: ut, *Floret* exercitus armis, *Resp. Civibus*: *Pul-lulant* vitia; *Forma deflorescit*:

Elementa: ut, *Exundant* flammæ; *fluctuat* seges; *In-cendium* communis fati.

Corpus: ut, *Nemorum Membra*, *Arborum brachia*, *Navis artus*; *Sanguis, nervi*, orationis.

Humores: ut, *Doctrinam instillare*, *flere* antra guttis; *rorare* oculos, *sudare* Balsama.

Qualitates: ut, *Frigida* oratio, *calida* preces; *candidus* sermo, *amara* dicta.

Tempus: ut, *Ver ætatis*, *Senectutis Hiems*; *Vitæ Auro-ra*, *Vespera*, *occasus*.

Motus: ut, *Labat* Spes, *Serpunt* rami, *irrepat* error, *volat* navis; mens peregrinatur.

Situs: ut, *Erectus* animus, mens *curva*, *jacens*; *humilis* stylus; *pendens* fortuna.

Locus: ut, *Cœlestis Patria*, *Virtutis Arx*, *Eloquen-tiæ culmen*, *fraudum cubilia*.

Figura: ut, *Ingenium acutum, obtusum*; *quadratus* homo; *Lunata* frons taurorum.

Lapides: ut, *Corfaxum*: pectus *adamantinum*, *digiti marmorei*, *vena gemmea*.


Metalla: ut, *Crines aurei*, *lilia argentea*, *sermo ferreus*, *plumbea* mens, &c.

II. Ars verò, utpote perfectior [in qua videl. mens elucet humana] suggerit animosiores.

Agricultura: *Discordias ferere*, *vitia eradicare* trium-phos *metere*, *amputare* pampinos orationis.

Archi.

- Architectura** : Machinari dolos, architectari voluptates, opus ad coronidem perducere .
- Arithmetica** : Rem ad calculos revocare ; dicta in summam colligere ; argumenta in numerato habere .
- Bellica** : Conitantiā arietare , iram exarmare, animum expugnare , literario Marte certare .
- Fabrilis** : Orationem limare , tornare periodos, Carmina incudi reddere .
- Forensis** : Conscendere rationis tribunal , proscribere ab oculis verecundiam .
- Gymnastica** : Cum fortuna luctari , Quadrigas eloquentiæ effundere ; literaria Palæstra .
- Oratoria** : Belli causam perorare gladio ; vulneribus peccatus inscribere , Vitæ periodum absolvere .
- Pictura** : Orationem colorare , pictissimus stylus , simulationis fuco rem obtegere .
- Piscatoria** : Beneficia expiscari , in hostium casses incidere , promissis inescare .
- Politica** : Aves Aeris Cives , Rebelle rationi , cupiditatum Seditionem comprimere .
- Venatoria** : Gratiam aucupari , opes venari , dolis irritare .
- Textrina** : Negotia ordiri , Orationem contexere , laciniam dictis assuere , Vitæ pensum absolvere .
- Nautica** : Honori velificari , orationi vela pandere , ad clavum Reip. sedere .
- Musica** : Sibi blandius accinere , Virtutum chorus, Aves silvarum choraules .
- Medicina** : Curas mederi ; Famæ , Amicitiae vulnera , Consolationis pharmacum , Mens convalescit .
- Mercatura** : Fœnerare beneficia , mercari famam , Doctrinæ merces Eruditionis census .
- Oeconomica** : Ingenij supellex , Sapientiæ penetralia , Virtutis incunabula .



I I. Synecdoche .

- I. **S**ynecdoche (Conceptio , Intellectio) fit 1. *Cum pars pro toto sumitur ; sed pars insignior ; ut Puppis pro Navi , Testum pro Domo , Caput pro Homine ; non Pedes &c.*

E P I M E T R O N .

Huc revocantur 1. *Forma pro Concreto : ut , Anima pro Vivente ; Vos , o carissima Anima sapias ad me scribite . Cic. sic Anima virides pro Plantis .*

2. *Species pro Genere ; ut Tigris pro Fera ; & Peculiare pro Communi ; ut Umber pro Cane : hinc Epitheta , Erymanthus Aper , Nemeus Leo , Sabellicus Sus* 3. *Singulare pro plurali : Miles , Hostis , pro Militibus , &c. Spargere humum viola , lacryma : tondere capillum : abundare bado , ove , gallina ; &c. 4. Numerus determinatus pro indeterminato : Sexcenta pericula pro plurimis . O : erque quaterque beati ; &c. 5. Modus existendi pro ipso Existere ; & Agendi pro ipso Agere ; ut , Oïsa in tumulis albent , pro sunt .*

- II. Fit 2. *Cum Totum sumitur pro parte : ut , Fons , vel Flumen pro Aqua : sic dicitur Tiberim bibere : Fontemque , ignemque ferebant . [Virg.]*

E P I M E T R O N .

Huc revocantur 1. *Genus pro specie : ut Quadrupes pro Equo , Bipes pro Homine , Pater pro Jove . 2. Plurale pro Singulari : Ostultos Camillos , Curios , Fabricos ! & apud Poetas Ora , Colla , Pectora , Corda , &c. Gr. dicitur Pletbycticon*

- III. Fit 3. *Cum materia pro forma : ut , Ferrum pro Ense , Marmor pro Statua .*

E P I M E T R O N .

Huc spectat res , quæ scribitur , cogitatur , narratur , videtur , amatur , &c. pro ipsa descriptione , &c. ut , Multus recurſat mente pater ; plurimus in ore filius ; frequens in chartis Amor ; creber in plectris Deus ; totus in oculis Caesar ; Natus in aure sonat .

- IV. Fit 4. *Cum Antecedens pro Consequenti : ut , Canit gallus ; h. Dic-*

h. Diescit : *Villarum culmina fumant* ; h. Advespera scit .

E P I M E T R O N .

[Huc refer , cùm dicitur *Navigat Bellum , Triumphus ,*
 &c. pro Apparatu Belli, Triumphi, &c. Quinquàm
 hoc potest referri & ad Materiam .

III. Metonymia .

I. **M**etonymia (Transnominatio) fit, cùm sumitur 1. *Cau-*
sa pro effectu : ut , *Ver* pro floribus, &c. Sic *Vere* coro-

nari ; Ferre lancibus *Autumnus* ; Gelidas potare *hiemes* &c.

E P I M E T R O N .

[Huc refer 1. *Auctores* rerum pro rebus : Sic *Ceres* pro
 Pane, *Bacchus* pro Vino; *Pomona* onerare canistros;
 Neptunum miscere *Lyao* ; Pectus *Pallade* plenum :
 Platonem legere , *Romulum* adire , pro Romam :
 Scripta *Tullio* referta : In hac Sculptura multus elu-
 cet *Phidias* : plurimus in foribus *Dædalus* ; 2. *Per-*
sonam pro ejus gestis : ut , si pervenit ad aures
Oritbyia tuas ; h. *Oritbyia* facta .

II. *Effectus pro causa* : ut , *Vulnus* pro Ense ; *Crimen* pro Cri-
 minoso ; ut illud *Crimine ab uno Disce omnes* . *Æn.* 2.

E P I M E T R O N .

[Huc refer Epitheta vel Effectuum propria , apposita
 Causæ : ut , *Pallida* Negotia, *Opes Sollicitæ* [*Pallor*
 .n. est effectus Negotiorum , &c.] vel propria Cau-
 sæ apposita Effectui : ut *Alata Vulnere* pro Sagittis :
pretiosa frigora pro Marmore : utrobique enim venit
 Effectus pro Causa .

III. *Continens pro Contento* : ut , *Pateram* bibere [h. *Vinum*]
Ille impiger hausit spumantem pateram , & pleno se proluit auro .
Æn. 1. *Hec fuge crudeles terras , fuge litus avarum* . *Æn.* 3.
Hæc Ianus summus ab imo Perdocet . [*Horat.*] ubi *Janus* sumi-
 tur pro *Fœneratoribus* Jani templum incolentibus .

E P I M E T R O N .

[Adjice *Adiunctum* rei pro ipsa re : ut , *O miseram Ado-*
lescentiam ! h. *O te miserum , Adolescens* . *Nomen om-*
ne Latinum domare : h. *Latium* .

IV. Pos-

- IV. *Possessor rei pro re*: ut, Jam proximus ardet *Ucalegon* (h. Domus Ucalegontis) Proterit imbellem sonipes hostilis *Orontem* [Claud.] h. Lyciam, cujus Orontes Rex erat. Sic Manere sub *Jove* frigido, pluvio &c. [h. sub Cœlo]
- V. *Signum pro re significata*. Quod pertinent 1. Symbola rerum: ut, *Palma* pro Victoria, *Laurus* pro Poesi, *Fasces* pro Consulatu, *Sagum* pro Bello, *Toga* pro Pace, &c. 2. Stemmata gentium: ut *Aquila* pro Rom. Imperio, *Luna* pro Othomano, *Lilium* pro Florentia, *Lupa* pro Senis.
- VI. *Instrumenta pro Artifice*: ut, *Quantum Ignes*, *Animaque valent*. Æn. (h. Ars fabrilis) Innocentia habitat inter *Arastra* [h. inter Agricolas]. Hinc Epitheta, *Penicillus doctus*, *Calamus eruditus*, *Scalprum celebre*; &c.

IV. Antonomasia.

- I. **A**ntonomasia (Pronominatio) est cum loco proprii nominis ponitur aliquid aliud; ex quo res, vel persona intelligitur: ut *Eversor Carthaginis* pro Scipione; *Exitium Troia* pro Achille.

E P I M E T R O N.

Huc refert 1. *Patronymica*: ut, *Saturnides* pro Jove, *Thaumantias* pro Iride, &c. 2. *Genus* absolute positum ad significandam excellentiam: ut, *Magnus* pro Pompeio, *Orator* pro Cicer., *Philosophus* pro Arist., 3. *Patriam*: ut, *Itachus* pro Ulyssæ, *Macedo* pro Alexandro, *Mantuanus* pro Virg. 4. *Nomen proprium* pro Appellativo: ut. *Crasus* pro Divite, *Codrus* pro Paupere, *Sardanapalus* pro Voluptuoso.

V. Onomatopœia.

- I. **O**nomatopœia [Vocis fictio]: ut, *Bombarda* a Bombo &c. (Nova enim, ut ait Cic. de Fin. & de Nat. novis rebus imponenda sunt nomina) Hinc voces Animalium; *Mugit* Bos, *Frendet* Aper, *Hinnit* Equus, *Rugit* Leo, *Apis* *Bombilat*, *Coaxat* Rana, &c. & sonus Instrumentorum; *Clangit* Tuba, *Boat* Timpanum, *Strepit* Cornu, *Stridet* Plaustrum, *Tinnit* Campana, &c.

E P I.

E P I M E T R O N .

Licet & fingere voces jocosas : ut , Aristophanes
Cophantoditalædporon ; Plaut. *Cluniflaridisarchides* ;
 Scaliger , *Silonisæperones* , *Vibriffasperamenti* ; & alia
 id genus sesquipedalia , sive Hamaxiæa (h. plau-
 stralia) vocabula Charientismi , & risus gra-
 tia .

VI. Catachresis .

I. **C** *Catachresis* [Abusus vocis] cū abutimur significatio-
 ne rei alicujus ad aliam significandam : ut , *Parricida*
 pro Interfectore Matrīs , Fratrīs , Civis : *Carnifex* pro La-
 trone , *Periurius* pro Rebelli , *Tyrannus* pro Rege , &c.

E P I M E T R O N .

Huc refer. 1. *Antiphrasin* [Contrariam locutionem]
 Sic dicitur *Bellum* , quia minimè bellum ; *Parea* , quia
 minimè parcut ; *Luci* , quia minimè lucent : *Ma-
 nes* , quia minimè boni [Olim . n. Bonam *Manum*
 dicebant ; & *Manos* , vel *Manuos* Bonos , & Claros in-
 telligebant : unde *Mane* Diei initium] *Eumenides* ,
 quia minimè Benevolæ : nam *Eumenos* græcè *Bene-
 volum* significat . 2. *Acyrologian* [verborum absur-
 ditatem] ut , *Sperare* dolorem , pro Timere : *Pro-
 mittere* ultionem , pro *Minari* : & *Minari* Opus , Mu-
 nera , pro *Polliceri* ; Morte aliquem *donare* , pro
Afficere . &c.

VII. Metalepsis .

I. **M** *Metalepsis* (Transumptio) cū dictio aliud a sua si-
 gnificatione ex ijs , quæ antecesserunt , significat :
 ut illud , *Post aliquot , mea regna videns , mirabor aristas* :] Ex
Aristis enim *Ætates* , ex *Ætatibus* Annos intelligimus .
 Sic illa : *Speluncis addidit atris* . Per *Atrās* Tenebras , per
 has Profundas intelligit .

* * *

D

E P I .

Sic dicitur Consul, vel *Fasces* pro Anno, & *Annus* pro Consulatu. Mart. *Bis jam pane tibi Consul trigesimus inflat*: & illud *Regnabunt Capuli*, [h. Fortiores] nam ex Capulis [Gladij manubrijs] ipsi Gladij ex his, verò Bellatores significantur, Et Parasitis placet *Umbra decempeda* (h. Coena) Nam ex Umbra Nox, e Nocte Coenæ tempus: nisi mavis ad Synecdochen referre.

VIII. Allegoria.

I. **A**llegoria: (Inversio) cū aliud verbis, aliud sensu ostenditur: ut illud, *Fluctibus in mediis Navem, Palinure, relinquis* (h. Amicum, Amice, deseris in ærumnis)

Refer huc Proverbiales modos: ut, *Servire Scena, Herbam dare, Spartam ornare, omnem janere aleam, omnem lapidem movere, velis, ramisque contendere*; & alios quamplurimos; quorum Syllabon vide sub calcem Operis.

II. Cū Allegoria sit Metaphora continuata, quo genere inchoatur translatio, eo discurrere debet: quare vitiosa hæc erit: *In flagitiorum incendio vasfragium facere*.

III. Si sit obscurior, *Ænigma* dicitur. Vide Allegoriam inter Figuras Sententiarum.

IX. Periphrasis.

I. **P**eriphrasis (Circumlocutio) cū pluribus verbis explicatur, quod poterat paucioribus: ut, *Qui te genuit, pro Tuus Pater*. Sic Juno dicta *Coniux, & Soror Jovis*, Diana *Dea Venatrix*, Neptunus *Rex Pelagi*, Pluto *Fusca Deus aula*, &c.

I. Debet autem esse paulò adstrictior: nam si quid redundet, in vitium *Perissologia* degenerat: obstat si quidem, quidquid non adjuvat.

2. Nota horum vocabulorum diversam significacionem: *Periphrasis* est Circunlocutio: *Pbrasis* Elocutio, vel Sermo elegans: *Paraphrasis* Fusior explicatio: *Metaphrasis* est Traductio ab una ad aliam linguam: Hinc *Paraphrastes* Interpretes latius exponens, non de verbo ad verbum; *Metaphrastes*, Interpreter de verbo ad verbum.

X. Hyperbole.

- I. **H**yperbole (Superlatio) est *Sententia veritatis fidem excedens*. Fit autem vel rem extollendo: ut, *Nive candidior* vel deprimendo; ut *Brevior Pygmaeo*.
- II. Debet esse ultra fidem, non verò ultra modum: cuiusmodi militum gloriosorum in fabulis; qui *uno Spiritu dissulant legiones*.
- III. Emollienda est aliquando per particulas, *Pane*, *propemodum*, *quasi*, &c. ut si ad significandum quempiam ab aliquo periculo emersum, dixeris *Pane ab Acheronte excitatum*.

E P I M E T R O N.

1. Hyperbolen sapiunt Proverbiales quædam formulæ: ut *Iliadem malorum pati*; *Cælum digito attingere*; *Albis Jovis quadrigis præcurrere*; *Opus, quod ne Momus quidem carperet*; *quod Livor ipse laudaret*; *Quem ne Mars quidem expugnaret*; *Qui vel Argum falleret*; *Quod ne Pitbo quidem ipsa persuaserit*. &c.
2. Modi quidam superlativi: *Omnium Pater Esuritionum* pro Esurientissimo: *In fastigio Eloquentia stare*, pro Eloquentissimo.
3. Modi quidam alij Comparativi: *Audacior Icaro*, *Avarior Euclione*, *Clamosior Stentore*, *Castior Penelope*, *Craso ditior*, *Nestore facundior*, *Insanior Oreste*, *Dadalo ingeniosior*, *Mordacior Momo*, *Phœnice ravior*. &c.
4. Similem vim habet, cum ei, quem laudamus, aut vituperamus, nomen illius appingimus, qui in eo genere excelluit; *Archimedes alter* pro Mathematico, *Sinon alter* pro fraudolento, *Protheus reuens* pro Mutabili, *Thersites novus* pro Deformi &c.

§. *Adynaton* (*Impossibile*) huc referri potest: ut , *An-
te leves ergo pascentur in athere Cervi , quam nostro il-
lius labatur pectore vultus .*

§. IV.

Figuræ Verborum (gr. *Lexeoschemata*.)

- I. **F**igura [ut diximus] est *Elegantior loquendi modus a com-
muni sermone recedens .*
- II. Duplicis est generis ; *Verborum* , de qua nunc ; & *Senten-
tiarum* , de qua postea .
- III. Figura Verborum ea est , *Quæ in verbis tantum dignitatem
habet .* Differt a Tropis , quod hi non nisi improprijs vo-
cibus , hæc & proprijs constare potest . Coeunt tamen fre-
quenter utrique , *Figuræ* , & Tropi .
- IV. Omnis autem Figura , & Tropus , parcè , & variè usur-
pata jucundam efficit orationem : immodicè , & sine varie-
tate , gratiam adimit : intellige de Nobilioribus ; nam usi-
tatiores , si crebræ sint , modò variæ , aures non offendunt .
- V. Figura Verborum quatuor fit modis ; per *Additionem* , per
Detractionem , per *Similitudinem* , per *Dissimilitudinem* (*Quæ
Divisio cum nonnullis Auctoribus mihi magis arridet .*)

PER ADDITIONEM.

I. Repetitio [gr. *Anàphora* , *Epanàphora* .]

- I. **E**st , *cùm ab eadem voce membra , vel incisa Periodi incho-
antur .* Quo fit , ut acrior , & vehementior sit oratio .
Variæ autem sunt ejus formæ .
- II. *Incisim* : ut , *Nihil agis , nihil moliris , nihil cogitas , quod
ego non viderim [Cic. Catil.]*
- III. *Membratim* : ut , *Quid tam populare , quàm Pax , qua &c.
Quid tam populare , quàm libertas ; qua &c. Quid tam popu-
lare , quàm Otium , quod &c. (Quæ forma dicitur Epibole ,
Epistrophe , Epiphora .)*

IV. Ter

IV. Ter variata: Quid hæc amentia, quid hæc festinatio, quid hæc immaturitas tanta significat? Non vim, non scelus, non latrocinium, non denique omnia potius, quàm jus, quàm officium, quàm pudorem?

V. Alternatim varia per Antithesin: Accusant ij, qui fortunas ejus invaserunt; causam dicit is, cui nihil, præter calamitatem reliquerunt: accusant ij, quibus occidi patrem Sex. Roscij bono fuit; causam dicit is, cui non modò luctum, mors patris attulit, verùm etiam egestatem: accusant ij, qui plagam infligere; causam dicit is, qui accepit.

VI. Per Subiectionem. Ad vadimonium non venit. Quis? Propinquus. Si res ista &c. Ad vadimonium non venit. Quis? Socius. Etiam gravius &c. Ad vadimonium non venit. Quis? Qui tibi semper præsto fuit &c.

EPIMETRON.

Nota. Repetitio ejusdem versus, dicitur Epimone: sive Embolismus, & Versus Embolimus.

II. Conversio (gr. Antistrophe, Epistrophe, Systrophe.)

I. **E** St cùm eodem verbo Incisa, vel Membra Periodi terminantur.

II. Per Incisa. Illud ex te audire cupio, quare cùm ego te defenderim, non rogatus defenderim, immeritum defenderim, periculo meo defenderim, tu horum omnium immemor me oppugnas.

III. Per membra. Doletis tres exercitus Populi Rom. interfectos? Interfecit Antonius. Desideratis clarissimos cives? Eos quoque eripuit vobis Antonius. Auctoritas hujus Ordinis afflicta est? Afflixit Antonius. Hanc Rutilius Epiphoram appellat.

IV. Epistrophe propriè est Reversio: Virg. Similis si cura fuisset Tunc quoque fas nobis Teucros armare fuisset.



III. Complexio [gr. Symploce, Cœnôtes.]

- I. **R**epetitionem complectitur, & Conversionem: *cùm* videlicet *Orationis membra eodem verbo ineboantur, eodemque desinunt*. Commode autem fit per figuram Subiectionis. Exemplum.
- II. *Qui sunt, qui fœdera sæpe ruperunt? Carthaginenses. Qui sunt, qui Italiam deformaverunt? Carthaginenses. Qui sunt, qui sibi postulant ignosci? Carthaginenses.*
- III. Hoc Schema, ut etiam superius, parè est adhibendum; quia nimis enucleatum; & apertè incurrit in oculos.

IV. Conduplicatio [gr. Diplôsis, Anadiplôsis.]

- I. **C**um idem verbum vel initio, vel in medio, vel in fine *Orationis geminatur, affectus exprimendi gratia*. Sint exempla.
- II. Initio. *Crux, Crux*, inquam, infelici, & ærumnoso. *Vivis*, & *Vivis* non ad deponendam, sed ad confirmandam audaciam.
- III. In medio. 1. per *Diâcopen* (Intercisionem) ut, *Divum inclementia, Divum*, Hæc evertit opes. 2. Interiectu *Parentheſis*. *Bona* (Miserum me! consumptis enim lacrymis tamen infixus animo hæret dolor) *Bona*, inquam, C. n. Pompeii fuere acerbiſſimæ voci subiecta præconis. 3. per *Epi-zeuxin*, geminando cum impetu, & emphasi; ut, *Me me*: adsum, qui feci: in *me* convertite ferrum. *Æo*.
- IV. In fine. 1. per *Epanalepsin* [h. eorundem eodem ordine verborum post multa interiecta repetitionem.]: ut, *Quid Cleomenes facere potuit* (non enim possum quenquam insimulare falsò) *Quid*, inquam, *Cleomenes facere potuit?* & *Martial. Phosphore, redde diem*: quid gaudia nostra moraris? *Cæsare venturo, Phosphore, redde diem*. 2. per *Epanadiplôsin* (cùm idem verbum in eadem sententia est primum, & ultimum) ut *Multi*, & graves dolores inventi parentibus, & propinquis *multi*. Quæ per *Apophâsin* [Negationem] est elegantior: *Ademit* Albino Soceri nomen mors filia; sed
- cha.

charitatem, & benevolentiam non ademit. Adhuc elegantior per *Erotēsin* [Interrogationem] *Sustulit* diem fortuna populi Rom. : num etiam tuum de Auspiciis iudicium *sustulit* ? 3. per *Plocen* [mutato ordine verborum] *Commotus non es*, cum tibi mater pedes amplexaretur ? *Non es commotus* ? 4. per *Anapodismum* (*Regressum*) cum mutatur ordo verborum, & sententiarum. *Quia res indigna sit*, ideo turpem existimationem sequi : quia turpis existimatio sequatur, ideo *indignam non vindicari*.

E P I M E T R O N.

Sunt & alia Schemata, quæ ad Conduplicationem referuntur.

1. *Epānodus* [*Regressus*] cum duobus, vel pluribus propositis, ad singularem enarrationē recurrimus : *Divellimur inde Iphitus, & Pelias mecum : quorum Iphitus ævo iam gravior, Pelias & vulnere tardus Ulyssi.* *Æn. 2.* Appellatur hæc *Figura* etiā *Prosynapantbesis*.
2. *Drāphora* (*Differentia*) cum verbum iteratum alium sensum habet : ut, *Cuius ærumna quenvis hominem, modò hominem, commoverent.*
3. *Palinlogia* [*Iteratio*] cum verbum ultimum in prima sententiā, in altera est primum *Æn. 2.* *Deiphobum vidi lacerum crudeliter ora, Ora manusque ambas, &c.*
4. *Parēmbolē* (*Similium interpositio*) ut *Armatorum ad armator, inermium ad inermes, &c.* Cum autem est *Dissimilium*, dicitur *Parentaxis*.
5. *Chiasmus* seu *Chiaſton* [*Decuſſatio*] ita appellata a græca litera X. ut, *D. Augustinus Sanctorum doctissimus, Doctorum Sanctissimus.* Quatuor n. constat terminis; quorum quartus responder primo, tertius secundo,
6. *Plecton* (*Textura*) cum sunt implexæ sententiæ : ut, *Inter Nobiles Sapiens, inter sapientes nobilis.* [*Chiasmo simile*]
7. *Streptōlyton* sive *Diallèlon* [*Reciprocatio*] ut, *Ille est, ut Iustus fortior sic Fortibus iustior; vel potius Iustus iustior, & Fortibus fortior.* *Chiasmo, & Plecto simile.*

8. *Ana-*

8. *Anapilèsis* [*Correlatio*] ut, *Orator probet, delectet, moveat* : *Probare necessitatis est, Delectare suavitatis, Movere Victoriæ.*
9. *Synatræsmus* [*Congeries*] ut, *Pulchra Rosa in prato, Nube Iris, in athere Phoebus; Pulchrior at Virtus Iride, Sole, Rosa.* Quæ èt *Sylloge* (*Colledio*) & *Carmen Analectico.*
10. *Antistasis.* (*Reluctatio*) cum idem repetitur contrario sensu; ut, *Una salus Victis, nullam sperare salutem.*

V. Translatio [gr. Polyphton]

- I. *C*um eadem verba paululum immutata ponuntur : ut, *Pleni sunt omnes libri, plena Sapientum voces, plena exemplorum vetustas. Spectat te Patria, spectant Cives, spectamus nos Consules, spectabit Posteritas.*

EPIMETRON.

- { Est & *Paregmènon* [*Derivatio*] cum ex aliquo verbo aliud derivatur : ut, *Ipse gravis, graviterque ad terram pondere vasto Concidit. Æn. 5. Oppetere ingentem, atque ingenti vulnere victum.*


VI. Gradatio (gr. Climax)

- I. *C*um ab uno ad aliud sit progressio, aliquam ex prioribus vocibus repetendo : ut, *Africano virtutem industria, virtus gloriam, gloria æmulos comparavit. In urbe luxuries creatur, ex luxurie avaritia existat necesse est, ex avaritia erumpit audacia.*

EPIMETRON.

- { Appellatur *Epiploe* (*Implicatio*) cum ex una sententia oritur alia : ut, *Hostis armatus meam venit domum; cum venisset, expilavit; expilata domo familiam abstraxit; abstractam tormentis omnibus excruciauit.*

- II. Ejus usus rarior sit oportet, ne affectata videatur oratio.



VII. Synonymia (Nominis communio.)

- I. **C**um plura verba idem significantia concervantur; ad vim orationi addendam.
- II. Exemplum illustre Tullij, in Catil. Illum tandem aliquando furentem audacia, scelus anelantem, pestem Senatui nefarie molientem, bonis omnibus exitium machinantem, vel emisimus, vel eiecimus, vel exeuntem prosequuti sumus: abiit, excessit, erupit, evasit: illum redire non feram, non patiar, non sinam.
- III. Nisi crescat oratio, Puerilis erit Figura.

VIII. Polysyndeton [Coniunctionum frequentatio)

- I. **C**um crebra in oratione sunt Coniunctiones. ut, Teque, tuique similes, tibiue charos, & aspernor, & averfor, & execror. Et Virg. Testamque, laremque, Armamque, Amyclauumque canem, Cressumque pharetram.

E P I M E T R O N.

Cum verò plures Sententiæ convenienti articulorum copia continentur, dicitur Polysyndeton: ut, Quod in Catullo, &, in filio, itemque in Quinctio: Ille hunc poena constrictum habebat; hic autem vociferabatur; concursus verò non mediocris; cum tamen omnes opitulari vellent; sed nemo auderet.

IX. Subiunctio [gr. Hypozeuxis.]

- I. **C**um singulis rebus, vel sententijs singula verba iunguntur: ut il lud Licentij de Proteo: Spumat aper, fluit unda, fremit leo: sibilat anguis. Cic. Ab his studijs nullo me unquam tempore aut otium abstraxerit, aut voluptas evocarit, aut somnus retardarit.
- II. Cum verò singulis nominibus epitheta connectuntur, appellatur Schesis-onomatopoeia: ut, Marsa manus, Peligna cohors, festina virum vis. (Exemplum est a Beda allatum lib. de Tropis, & Schematis Sacrae Scripturae).

P E R

PER DETRACTIONEM.

X. Synèdoche (Defectio .)

- I. **C**um verbum quodpiam reticetur , quod facile intelligitur : e. g. Tumultuare famuli , lugere ancillæ , mœrere filij , conjux misera lamentari. Subaudi *Caperunt*. Cic. in Verr. Dies unus , alter , tertius : non reverti , &c.
- II. Per *Parentbesin* . Ovid. . . Me tibi venturam comitem , quocumque vocaris , sive (*quod heu ! timeo*) sive superites eris . [Subaudi , sive *eris mortuus* .] nisi mavis ad figuram *Reticentia* referre .

XI. Adiunctio [gr. Zeugma .]

- I. **C**um plura uno connectuntur verbo nihil immutato . Pluribus autem fit modis , & diversa sortitur vocabula .
- II. Si verbum ponitur in principio , dicitur *Protozeugma* : ut , *Vicit pudorem libido , timorem audacia , rationem amentia* . Si in medio , *Mesozeugma* : ut , *Formæ dignitas aut morbo deflorescit , aut vetustate* . Si in fine , *Hypozeugma* , sive *Hysterozeugma* : ut , *Neque te aut pudor a turpitudine , aut metus a periculo , aut ratio a furore revocavit* .

E P I M E T R O N .

1. Quando breviter diversa multa coniunguntur , appellatur *Antizeugmènon* : ut , *Ordo humilis , fortuna sordida , natura turpis , a laude abhorret* .
2. Quando diversis rebus diversa verba adiunguntur , *Dizeugmènon* : ut , *Capuam colonis occupabit , Atellam præsidio communit , Nuceriam multitudine obtinebit , cetera oppida præsidijs devinciet* . (Verùm hoc pertinet potius ad *Subiunctionem* .)
3. Huc potest referri & *Apòstasis* [quam vide §. 2. n. 14.] & *Paradiastole* [n. 25.]



XII. Synœceðsis, five Diállage [Conciliatio]

- I. **C**um duo diversa, vel opposita uno verbo colligantur : ut, Tam deest Avaro quod habet, quàm quod non habet. Est Vita Misero longa, felici brevis.
- II. Cum res diversæ communi opinioni adversantes conjunguntur, dicitur *Sysecvasis*.

XIII. Afyndeton (Dissolutio)

- I. **C**um demptis conjunctionibus multa copulantur. Exemplum illustre Tullij.
- II. Hæc studia Adolescentiam alunt, senectutem oblectant, secundas res ornant, adversis perfugium præbent, delectant domi, non impediunt foris, pernoctant nobiscum, peregrinantur, rusticantur.
- III. Dicitur etiam *Afyntheton*, & *Diályton*, five *Diálysis*.

XIV. Relatio [gr. Palindromia]

- I. **C**um plura verba verbis pluribus, eodem ordine referuntur. Ut illud de Virgilio.
Pastor, arator, eques; pavi, colui, superavi;
Capras, rus, hostes; fronde, ligone, manu.

PER SIMILITUDINEM.

(Hæ plus ad delectationem conferunt, quàm ad motum)

XV. Paronomasia [Agnominatio]

- I. **C**um voci vox similis dissimili sensu subiungitur. Fit autem pluribus modis.
 1. Adiectione : ut Multas Calamus peperit Calamitates.
 2. Detractione ; ut Urbium Securitas est Securis.
 3. Com-

3. Commutatione : ut *Orator* fuerat . *Arator* nunc factus .
Quæ nocent, docent [quæ ab aliquibus *Paromaxon* vel *Paronymia* appellatur .]
4. Transpositione ; sive Anagrammatismo : ut *Gemma*
Deus : pretium vis scire , ut *ematur* ? *Ametur* . *Maria* quod
 gerit in Nomine poscit , *Amari* .
- II. Anagramma diversa quidem debet significare ; sed ita ut
 rei , vel personæ conveniat : ut , *Divus Alexius* : *Diu exul*
a suis . *Maria Magdalena* : *Grandia mala mea* .
- III. Delectat ; & ferit hoc Schema , si in loco usurpetur :
 secus frigidiusculum est .

E P I M E T R O N .

1. Ad Paronomasiam referri potest 1. *Diàlysis* (Divi-
 sio) ut *Senescit* : *Se Nescit* . *Summus* ; *Sum Mus* .
 2. *Anàlysis* (Resolutio) cum resolvuntur Elementa
 nominis : ut *Adam* ; quod resolutum quatuor munda-
 di partes significat : A. *Anàtolin* (Orientem) D.
Dysin (Occasum) A. *Arcton* [Septentrionem [M.
Mesembrian [Meridiem .] 3. *Echo* . Echo autem
 est *Vocis repercussio* ; sive postremarum syllabarum ,
 vel literarum repetitio : e. g. *Implorare* , *Plorare* .
Magnus , *Agnus* . Clamor , *Amor* . Debet autem esse
 rei conveniens . Scitus est lusus ille , quo verus
 Amicus dignoscitur , Echone ter geminata ; Amo-
 re , *more* , *ore* , *re* . Sed hæc Poetica .
2. Anagramma , Tormentum ingenij , Lusus fortunæ ;
 ac proinde improbus labor ; duplex est . 1. *Gram-
 maticum* (seu Literarium) sitque literarum traje-
 ctione ; ut dictum est : cujus dotes *Brevitas* , *Clavitas* .
 & *Aptitudo* ; ut in allatis exemplis 2. *Arithmeticum*
 [seu Numerales] cum numeri unius vocis respon-
 dent numeris vocis alterius . Valor autem literarum
 hic est . A. computat 1. B. 2. & deinceps usque ad
 K. 10. L. computat 20. M. 30. usque ad T. 100. V.
 Computat 200. usque ad Z. 500. Sic } ESUS. 394. &
 DEUS ES. 394. æquipollent . Fit etiam solis literis
 numerum Romanum significantibus . Hinc Ana-
 grammata Chronologica (Tempus denotantia .)

Sic

Sic in hoc disticho Annum inventes, quo Clemens
XI. P. M. est creatus, h. 1700.

CLeMens a Lban Vs Latla CeLebrat Vs In Vrbe
LVX VatI Cano sV Lg Vrat In so Lio.

XVI. Similiter cadens (gr. Homœoptòton.)

- I. **C**um nomina in eodem casus, & verba in eadem tempora cadunt.
- II. **Exempla** Quid tam commune, quàm spiritus *vivis*, terrâ *mortuis*, mare *fluctuantibus*, litus *eiectis*? Hunc ego non *diligam?* non *admirer?* non omni ratione defendendum *putem?*

XVII. Similiter definens (gr. Homœoteleuton.)

- I. **C**um membra; vel incisa iisdem syllabis finiuntur. Exemplum Tullij.
- II. Tam felix Imperator est, ut eius semper voluntatibus non modò Cives *assenserint*, socij *obtemperarint*, hostes *obedierint*, sed etiam venti, tempestatesque *obsecundarint*.
- III. Cavendum tamen, nè in continuatum Rhythmum definat.

XVIII. Compar [gr. Isocòlon.]

- I. **C**um paria sunt membra orationis. Mirè confert da numerum, & concinnitatem Periodi. Exemplum Tullij.
- II. Bellum Pompeius extrema hieme apparavit, ineunte vere suscepit; media astate confecit.

E P I M E T R O N.

1. Cùm sunt fere æqualia, dicitur *Pàrison*.
2. Cùm paria sunt membra, sententiæ diversæ, dicitur *Isoleceton* [h. Æquidicum] ut, *Alba ligustra cadunt*, *vaccinia nigra leguntur*.
Hos urget Charitas, illos urit Invidia; huc trahit Petulantia; hinc retrahit Verecundia. Quod pertinet ad sequentem Figuram.

3. Cùm

- [3. Cùm latera omnia sunt æqualia dicitur *Iso pleuron*
 (h. *Æquilaterum* .)

PER DISSIMILITUDINEM.

XIX. Antithesis [Oppositio, seu Contentio.] Sive Antitheton (Contrapositum.)

- I. **C**um verba verbis, aut Sententia sententijs opponuntur;
 ut, Ovidiana illa,
Frigida pugnabant calidis, humentia siccis,
Mollia cum duris, sine pondere habentia pondus Met. r.
 & Senecæ in Hippolyto: *Cura lares loquuntur, ingentes stu-*
pent.
- II. Cic. sic definit: esse Cum verba verbis, vel singula singu-
 lis, vel bina binis, vel terna ternis opponuntur: ut in Ci-
 ceronis ipsius exemplo, quod hæc omnia complectitur, vi-
 dere est. 1. Est enim hæc non scripta, sed nata lex: 2. ad
 quam non docti sed facti, non instituti, sed imbuti sumus:
 3. quam non didicimus, accepimus, legimus; verùm ex na-
 tura ipsa arripuimus, hausimus, expressimus.
- III. Cavendum 1. nè Antitheta [h. Contrapositiones] sint lon-
 gè petita, sive arte quæsitæ: 2. nè frequentetur nimis hæc
 Figura: quod est Puerile.

E P I M E T R O N.

Huc referri possunt.

1. *Paradiastole* (Disiunctio) cùm unum in plura velut
 opposita dividitur: ut, si de Rege filium punituro
 dixeris: *Pugnat in illo & Pater, & Judex:* & illud
 Senecæ de Medea: *Ira discessit loco; Materque tota*
Coniuge expulsa redit: tanquam si duo essent. Vel
 cùm idem Agens & Patiens ostenditur; ut Mart.
Thaida Thais olet. Hæc videlicet Ingenij vis, &
 subtilitas est; scire unum velut in plura dividere:
 itemque plura in unum coniungere. Hinc.
2. *Synocœsis* (h. rerum diversarum conjunctio, vel
Synocœsis [Cohabitatio] cùm opposita in unum.

conjugimus : c. g. *In Christo Fortitudini Infirmitas , in Deipara Foecunditati Virginitas copulatur . Vel itriusque .*

3. *Oxymoron* (*Acutè fatuum*) ut , *Foecunda Sterilitas , Omnipotentia infirma , Felix calamitas , Sapiens Stultitia , &c.*

4. *Enagònion* , seu *Dragònion* (*Contrariorum pugna*) ut , *Hinc urget Amor , hinc odium . Ignotos notis , ini quos aquis , impios religiosis anteferre .*

5. *Antistasis* [*Reluctatio*] . Cum idem repetitur , contrario sensu : ut illud *Æn.* . . *Una salus victis , nullam sperare salutem .*

6. *Symbole* [*Collatio*] . cum comparantur dissimilia : ut , *Conferte hanc pacem cum illo bello , hujus Imp. adventum , cum illius victoria .* Fitque quoddam quasi *Parallelon* [h. *Æqualiter distans*] inter opposita .

7. *Antimetàbole* (cum verba vel sententiæ ex adverso mutantur) ut , illud *D. August.* *Vomunt ut edant , edunt ut vomant : Et illud Chilonis , Ames ut ofurus , oderis ut amaturus .* Appellatur etiam *Metàsthefsis* .

8. *Apòphasis* [*Negatio*] ut *Docta indoctè scribere . Et Mart.* *Vare , nihil recitas : non sapias , atque sapias . Frigida es , & nigra es : non es , & es Chione .* [*Chione enim , Mulieris nomen , Niveam , sive Candidam ceu Nivem , significat .*

9. *Isolecton* (*Æquidicum*) cum in sententijs oppositis membra sunt paria . De qua supra dictum est in *Isocolo* ,

10. *Synerisis* [*Comparatio rerum , & personarum contrariarum*] ut , *Ego peccator , quod tu peccas , Tu delinquis , ego arguo .*

S. V.

Figuræ Sententiarum (gr. *Dianœæ* .)

I. **F**iguræ Sententiarum ex sunt , *Qua non tam in verbis , quam in sententijs dignitatem habent .*

II. Hoc

- II. Hoc est autem oratorie dicere; nempe specie aliqua sententias illuminare: Quo in genere excelluit Demosthenes; idèd. *Oratorum Princeps* meritò nuncupatus.
- III. Has ad usum Tironum ex Alphabeti ordine collocamus.

I. Allegoria [Inversio]

- I. **C**um aliud verbis, aliud sensu ostendimus. Hujus duplex est genus.
- II. Altera est *Simplex*; cùm res significata non exprimitur: ut, *Cùm magnas subiisset tempestates, naufragium fecit*: ut significes, aliquem post multas calamitates bona omnia amisisse. Id genus sunt quàm plurimi Proverbiales modi. Est insigne apud Horat. exemplum l. 1. od. 12. de Rep. & Bello Civili sub Navis metaphora. *O Navis referent in mare te novi Fluctus*. &c.
- III. Altera est *Mista*; Cùm exprimitur res significata: Cic. in Pisonem. Neque tam fui timidus, ut, qui in maximis turbinibus, ac fluctibus *Reipublica* Navem gubernassem, *frontis* tuæ nubeculam, vel *Collega* tui contaminatum spiritum pertimescerem.

E P I M E T R O N.

1. Allegoria simplex, siquidem sit obscurior, *Ænigma* dieitur (h. Involucrum) ut illud *Vidi Carnem humanam ossibus ludentem in campo ligneo* (h. Manum talis, seu telseris ludentem in abaco): & *Plautinum* illud, *Ubi vivos homines mortui incurfant boves* (h. fustes e nervis bovillis) quodque olim *Sphinx* (Möstrum apud Thebas fabulosum) prætereuntibus proponebat: nempe *Quod nam Animal mane quadrupes, meridie bipes, vespere autem tripes?* Quod *Oedipus* sic dissolvit: hoc *Animal* esse *Hominem*, *mane* (h. in Infantia) *quadrupedem* (h. pedibus, manibusque reptantem) *meridie* [h. in virili ætate] *bipedem* [h. suis pedibus nitentem] *vespere* (h. in senectute) *tripedem* [h. *Scipione* assumpto incedentem]. Horum usus erat olim in Convivijs; ut illud *Samsonis*: & *Griphi* (h. *Problemata* Convivialia dicebantur.
2. Mo-

2. Modus allegoricè scribendi elegantissimus, modò non nimis frequens, est per eruditionem: e. g. *Egregius Vir, alter Æneas, cum aureo pretiosi Ingenij ramo, duce Sibylla, nempe Sapientia, ad Elysios Felicitatis, & Gloria magnanimum iter intendit.*
3. Cùm Rhetoricè scribere, ad Dialecticæ discrimen sit *Addere Phantasiam Rationi*, maximam energiam habent quædam formulæ, apud Tullium usitatæ: e. g. *Illi meum reditum flumine sanguinis intercludendum putarunt.* (pro Domo sua)
4. Neu religioni tibi duxeris, aliquid in Oratione poeticum, modò cum quadam verecundia, interfere: ut si Fidem inducas in litore Anglico mœstè incedentem, palla scissa, lacrymis perfusam, &c. Dionysius Halicarnassæus, optimam Orationem Poesi simillimam esse contendit; nisi quòd Poesis audacior, Oratio verecundior.

II. Apostrophe (Aversio)

I. **C**Um ab Auditoribus ad alium vel præsentem, vel absentem, seu vivum, seu mortuum, aut etiam res inanimas sermonem convertimus. Exemplum Tullij.

II. Quid enim, Tubero, tuus ille districtus in acie Pharsalica gladius agebat? Cujus latus ille mucro petebat? &c. Te nunc, Scipio, te, inquam, lectissimum Adolefcentem appello. Vos enim, Albani tumuli, atque luci; vos, inquam, imploro, & obtestor &c.

III. Valet ad invadendum Adversarium; ad vituperationem, laudem, miserationem, indignationem, admirationem, cohortationem, increpationem, &c.

IV. Rarius usurpanda (nam crebrior friget) rarissimè in Exordio; nisi ex abrupto inchoetur.

EPIMETRON.

{ Allocutio, Appellatio, si præsertim fiat cum Exclamatione, dicitur *Prosphonestica*. *Prosphonesticè* autem est Exclamatoriè; *Prosphonestica* Allocutoria, Appellativa.

E

III. Au-

III. Auxesis (Incrementum .)

- I. **E**st, per quam oratio semper crescit, addens aliquid ad antecedens. Exempla Tullij.
- II. *Facinus* est, vinciri Civem Rom. *Scelus* est, verberari; prope *Parricidium*, necare: quid dicam, in crucem tollere?
- III. Per *synatresmum* (Congeriem) maximè amplificat. *Miserum* est, exturbari fortunis omnibus; *miserius*, injuria; *acerbum* est, ab aliquo circumveniri, *acerbius* est, a propinquo; *calamitosum* est, bonis everti, *calamitosius* cum dedecore; *funestum* est, ab honesto viro jugulari, *funestius* ab eo, cujus vox præconio quæstu profititur; *indignum* est, a pari vinci, aut superiore, *indignius* est ab inferiore; *luctuosum* est, tradi cum bonis; *luctuosius* inimico.
- IV. Huc pertinet *Midōsis* [decrementum] cū oratio semper ad minora descendit, & quasi decrescit, quod magis extet id quod intendit: ut videre est in hoc Tulliano exemplo. Si hæc non ad *Cives Rom.* non ad *amicos* nostræ civitatis, non ad *eos*, qui populi Ro. n. nomen audissent; denique non ad *homines*, verū ad *bestias*, aut etiam ad *Saxa*, & *scopulos* conqueri vellem, tamen &c. non reverentur: nunc verò cū loquar ad *Senatores* populi Rom. &c., timere non debeo?
- V. Valet mirificè ad amplificandum.

E P I M E T R O N .

- Est huic opposita *Leptōsis* (Diminutio) cū quæ magna vel sunt, vel videntur, dicendo extenuamus: ut cū Orator Crimen ab Adversariis exaggeratum, vel suas ipsius laudes, deterit; verbis præsertim diminutivis. Ab iisdem autem sumitur locis, a quibus Amplificatio.

IV. Communicatio [gr. Anacoendōsis .]

- I. **C**um ipsos Adversarios, vel Judices, vel Auditores, quid sit faciendum, consulimus.

II. Ci.

II. Cicero. Nunc ego vos consulō, quid mihi faciendum puteris. Tu denique, Labiene, quid faceres tali in re, ac tempore? Quæro a vobis, Iudices, &c. profectō si recte vestram prudentiam agnovi, non multum me fallit, quid sitis responsuri.

III. Valet ad refellendum Adversarium.

IV. Potest & seipsum consulere Orator: e.g. Potero ne animadvertere in eos, qui &c. valetque ad deliberandum. Videtur tamen hoc referri posse ad Dubitationem.

V. Concessio [gr. *Dosis* :]

I. **C**um Orator aliquid Adversario concedit, fiduciæ causa; quod se adhuc superiorem fore confidat. Figura Transitionibus idonea. Exprimitur autem particulis *Esse*, *Sit ita*, *Fac*, &c. Accipe formulas quasdam ex Tullio.

II. Verum, quoniam tu id concedi postulas, concedamus. Tametsi statim vicisse debeo, tamen de meo iure dededam; & tibi, quod in alia causa non concederem, in hac concedam. Sed sane sunt paria omnia. . . . quid? in ista Prætura nihil existimas inter tuam, & illius sortem interfuisse? Sit fur, sit sacrilegus, &c. & est bonus Imperator, & felix &c.

III. Per Ironiam miram vim habet. Cic. sed sit beneficium, quod me non occideris, quando accipi majus a latrone non potuit, &c.

IV. Cum quid etiam iniquum conceditur, fiduciæ causa, dicitur *Synchordsis*.

V. Cum quid conceditur, deinde infertur aliquid majus, quod omnia infirmet, dicitur *Paromologia* [*Confessio*].

VI. Correctio [gr. *Catorthōsis*, *Epanorthōsis* .]

I. **C**um verbum, aut sententia retractatur, & alia magis idonea corrigitur: fitque per particulas *Si*, *Sitamen*, *Nisi forte*, *quanquam*, *Imo*, & similes.

II. Cic. Atque hæc Cives, Cives, inquam, Si hoc eos nomine appellare fas est, hæc de Patria (uā cogitant. . . .) Multi-

tiam! Stultitiā ne dicā an Impudentiā singularem? Cui homo benedixit unquam? Imo quem bonum civem non est infectatus? In exercitu comparando patrimonium suum effudit: *quanquam* non sumus usi eo verbo, quo decuit: non enim effudit: sed in salute Reip. collocavit. &c.

E P I M E T R O N.

1. Quæ ante dicti acerbitatem præmunit auditores, dicitur *Prodiortbōsis* [Præcedens Correctio] Quæ verò orationem durius prolatam corrigit, & mitigat, dicitur *Epidiortbōsis* (Correctio subsequens.) Quæ præmunit antequam dicatur, & post prolatam mitigat dicitur *Ambidiortbōsis*.
2. Cum seipse Orator reprehendit, & sententiam retractat, est *Metanaa*, (Pœnitentia, Resipiscencia) ut, *Sed quid ego ita gravem personam induxi?* &c.
3. Descriptio rerum per Reprehensionem dicitur *Aphorismus*, *Diorismus*: ut, *Quanquam* illa non pœna, sed prohibitio sceleris fuit. Cic.

VII. Deprecatio, vel Obsecratio [gr. Deësis.]

- I. **C**um alicuius opem imploramus. Exempla Tullij.
- II. Hoc nos primū metu, Cæsar, per fidem, & constantiam, & clementiam tuam libera &c. Per dexteram istam oro, quam Regi Deiotaro hospes hospiti portexisti &c. Quid restat, nisi ut orem obtesterque vos, ut eam misericordiam tribuatis fortissimo viro, quam &c.? Vos pro mea summa in Remp. diligentia moneo, pro auctoritate consulari hortor, pro magnitudine periculi obtestor, ut &c. Quæ cum ita sint, primū ab Jove Maximo, ceterisque Dijs immortalibus, precor &c.

E P I M E T R O N.

Porro Deprecatio varia sortitur nomina: 1. *Precatio*, sive *Opreatio* (gr. Euche) ut, O utinam virorum sortium tantam copiam haberemus &c. Utinam tibi istam mentem Dij immortales donarent / Dij faxint, ut meus collega &c.

2. *Invocatio* [gr. Eleticon] - Vos, o clarissima mundi

Lu.

Lumina, labentem Cœlo, quæ ducitis annum, Liber, & alma Ceres &c. Ferte simul Faunique pedem, Dryadesque puellæ [Georg.]

3. *Salutatio* (gr. Προσάγορεύς) - Salve fatis mihi debita tellus &c. Æn. 7.

4. *Deprecatio pro reo* [gr. Εὐχεταις] Ignosce, ignosce, Cæsar, &c.

5. *Adbortatio* (gr. Πρὸτροπε) Nunc nunc insurgite remis &c. [Æn.]

6. *Dehortatio* (gr. Ἀπὸτροπε) Turne, per has ego te lacrymas, &c. Unum oro, desiste manum committere Teucris [Æn. 12.]

III. Hoc Schema vehementissimum est, & perorationibus aptissimum.

VIII. Distributio [Merismus.]

I. **C**um id quod summam dici poterat, fusius per partes explicatur. Valet ad amplificandum.

II. Fit autem Distributio per enumerationem partium vel physicarum; ut cum describitur Homo secundum membra; vel moralium; ut cum enumerantur species Virtutis, aut Vitiij; vel idealium, ut cum describitur Virtus ad modum Reginæ; vel per enumerationem causarum, effectuum, circumstantiarum, &c. Potest autem fieri vel affirmativo modo, vel negativo. Exemplum Rutilij de Alexandro.

III. Alexandro Macedoni neque in deliberando consilium, neque in præliando virtus, neque in beneficio benignitas deerat; nam cum res dubia accidisset, apparebat sapientissimus; cum autem configendum esset, fortissimus; cum verò præmium dignistribuendum, liberalissimus.

IV. Eleganter autem effertur per particulas disiunctivas *Vel, Aut, Seu*: ut, *Cœlitum Sanctimoniam solet Deus prodigijs contestari vel tanquam fulgetris ad illustrandam, vel tanquam fulminibus ad vindicandam.*

V. Cum multa congeruntur dicitur *Synatræsmus* [h. Congeries] de qua infra, cum de Amplificatione agemus. Apud Cic. passim occurrit.

1. Annumeratio; quæ sit perspicuitatis gratia, dicitur *Aparethmèsis*.
2. Cùm posita descriptio tota primùm, deinde resumitur, ita ut non fiat repetitio, sed ut ejus partes accuratiùs, & fusiùs exequamur, & in ordinem redigamus, dicitur *Diàdosis*, sive *Anàdosis* (Digestio)
3. Si ordo absit, & confusè effundimus, est *Diaspora* [Disseminatio] sive *Diascòpisis* [Dispersio, Dissipatio,]
4. Cùm plura distantia velociter percurrimus; e. g. *Casar in patriam evolarat, Corfinium ceperat, urbe periebatur, Pompeium persequabatur*; est *Exàllage*. *Exàllaxis* (Inmutatio) *Epitrechon*, *Epitrochasmus* (velox Percursio)
5. Cùm certa quadam lege sit numeratio dicitur *Catalogus*.
6. Est & *Apòstasis*, & *Metàbole*: quæ sunt potiùs *Figura dictionis*. Vide §. 2.
7. Vide plura in *Descriptione* par. 2. c. 1. §. 10.
8. Huc referri potest *Taxis*. Vide in §. 2. n. 36.

IX. Dubitatio (gr. *Diaporèsis*, *Aporla*.)

- I. **C**um hævemus, & ambigimus, quid dicendum, agendumve sit.
- II. Cicero. Quid primùm quærar? aut unde potissimùm exordiar? aut quod, aut a quibus auxilium petam? Deorum ne immortalium? Populi ne Romani? vestram fidem implorem? Et quidem, quod ad me attinet, quo meo, veritam nescio: Negem hoc admissum fuisse crimen? negem testes auditos in Senatu? &c.
- III. Per *Parentbesin*. O Quirite Catule (Patrem ne appellam? an filium?) &c.
- IV. Per *Antitbesin*; adhibitis particulis *Utrum*, *Aut*, *Fortasse*, &c. ut, *Nescias, utrum plus splendoris acceperit a Dignitate, an addiderit Dignitatì*. *Martialis*: *Aut docuit lusus hos Thebis, aut didicit*. Est autem sic expressa *Elogij aptissima*. *Juglaris*: *Chrysostomus eloquentia aureus, constantia ferreus*; pre-

pretiosior fortasse, quàm ferreus, quàm quòd aureus. &c.

V. Per *Dilemma*. De quo, Judices, neque quomodo dicam, neque quomodo taceam reperire possum: Si enim taceo, vel maximam partem relinquo; si autem dico, vereor ne non ille solus se læsum putet. [Cic.]

VI. Per *Ætiologian* (Subiectionem). Quo te nomine appellamus? Improbum? At, &c. Num Malitiosum? Negas. Fraudulentum? Jam id quidem arrogas tibi. Audacem? Cupidum? Perfidiosum? Vulgaria, & obsoleta sunt. (Cic.)

X. Emphasis [Suspicio.]

I. **C**um plus intelligitur, quàm dicitur. Acutissima ferè omnium figura.

II. Exempla. [Sen. nat. qu.] Postquam deterior populus ipsas subiit terras, *effossurus obruenda*, ferrum primò in usu fuit: & id homines impunè eruerant, *si solum eruisent*. [Q. Cur. l. 4.] ubi Darius cum Alex. pugnaturus sic suos hortatur milites: *Hac dies Impertum aut constituet, aut finiet*. Quo datur intelligi, quanti momenti foret ille conflictus.

III. Frequens est apud Poetas: Virg. de Cyclope. *Jacuitque per antrum Immensum* [ex quo gigantæa statura colligitur] Mart. *Artis Phidiæa toreuma claræ Pisces aspiciis: adde aquam: natabunt*. Persius in Poetæ indocti carmina: *Scombras me-tuentia carmina, vel tus*.

E P I M E T R O N.

[Huc referri potest *Noëma* (Cogitatio) per quam aliud intelligitur, quàm dicitur: ut, si qui dixeris: *Utere salino*, ad significandum eum esse insulsum: ut-que exprobres aliquem filium factoris: *Tace tu, cuius pater nasum cubito emungebat*: Vel filium suspendia-rij: *Cujus pater sublimis obiit*: Vel *Obiit intra xvij. litteram Græcorum*. h. Π.

XI. Epiphonema [Acclamatio.]

I. **C**um rei narrata, vel probata maximè acclamamus. Etq; veluti Corollarium rerum, quæ admiratione dignæ sunt.

sunt. Efferrī autem solet per particulas, *Aded, Ita, Sic, Scilicet, Enim, Et, Et sanè, Tantus, Qui, Hic, Quàm, &c.*

II. Exempla. Fugiant arma jacentes, quæ paulò ante ad tutelam corporum sumpserant: *Adeo* Pavor etiam Auxilia formidabat! (Q. Cur. l. 3.)

Sic Odium, quod in ipsum attulerant, id in ejus imaginem profuderunt. (Cic.) Lento enim gradu ad vindictam sui Divina procedit Ira; tarditatemque supplicij gravitate compensat. [Val. Max.]

Dij immortales! Non intelligunt homines, *quàm magnum* vedigal sit Parsimonia. (Cic.)

Tanta molis erat Romanam condere gentem! [Æn. 1.]

Hac finis Priami fatorum, *hic* exitus illum Sorte tulit. Æn. 3.

Inde genus durum sumus, experiensque laborum;

Et documenta damus, qua simus origine nati. (Met. 1.)

Captique dolis, lacrynisque coacti, quos neque Tyrides, &c. [Æn. 2.]

XII. Ethopœia [Morum Imitatio.]

al. *Ethologia.*

I. **E**st *morum expressio, & Characterismus Animi*. Quasi enim lineamenta, atque indolem ipsam sub aspectum ponit. Valet ad movendos animos.

II. Puer pigerrimus a P. Pomey Soc. Jesu graphicè sic describitur. Hic beatulus noster aperire oculos, caput attollere, huc se illucque versare: &, *Quota hora est*, inquit; *ux dies illuxit*; *meis certè oculis adhuc multa nox est*. Quid multis? dum scalpit caput; dum distendit nervos, dum oscitat, fricatque oculos; tota abit hora. Demum emergit lecto: inde rectà ad focum petreptat; a foco cibarium ad armarium. Tum verò ad Academiam se confert, testudineum movens gradum, & ambages viarum quæritans, obvisque opificum tabernas stolidè contemplans, morasque neclens ex alijs alias. Denique accedit ad scholas, quo fermè tempore solent alij discedere.

III. Est Poetis persamiliaris. Ov. Met. 2. de Phœbo sub Phaëtonis mortem.

Datque

Datque animum in luctus, & luctibus adijcit iram,
Officiumque negat mundo, &c.

Colligit amentes, & adhuc terrore paventes

Phœbus Equos; stimuloque dolens, & verberare sedit:

Sedit enim; Natumque obiectat, & imputat illis.

Et de Narcissi Anima apud Inferos. Met. 3.

Tum quoque se, postquam est inferna sede receptus,

In stygia spectabat aqua.

Virg. de Equo Trojano: Æn. 2. Circum pueri innuptaque
puella

Sacra canunt; funemque manu contingere gaudent.

IV. Hactenus de Ethopœia, ut Figura est. Vide distinctius
pertractatam inter Progymnasmata, Par. 2.

V. Ethologia propriè est Morata Oratio.

XIII. Exclamatio [gr. Anaphorèsis, Ecphorèsis.

I. **E**st Orationis elatio, ad varios affectus, & ad rei magni-
tudinem exprimendam.

II. *Ad laudem.* O Clementiam admirabilem, atque omni lau-
de, prædicatione, literis, monumentisque decorandam!
O decus incredibile, & præter hanc unam in omni vita
inauditum! O laudem præclarissimam! O facinus omni
præconio superius, omniumque veneratione dignissi-
mum!

III. *Ad vituperium.* O admirabilem impudentiam, audaciam,
temeritatem! O pestis! O labes! O lutum! O sordes! O
portentum in ultimas terras amandandum! O diem illum
funestum senatui; bonisque omnibus, ac Reip. luctuosum!

IV. *Per Adiuncta.* O Civem natum Reip., memorem sui no-
minis, imitatoremq; majorum!

V. *Per Disiunctionem.* O miserum te si intelligis; miseriorem
si non intelligis. &c. O detestabilem hominem, sive quòd
Tyranni sacerdos es, sive quòd mortui! &c.



XIV. Hypotypòsis. (Descriptio.)

- I. **S**chema est, quod rem sic exprimit, ut cerni potius, & geri, quàm legi, & audiri videatur.
- II. Hanc Cicero *Illustrem Explanationem* appellat. Differt ab *Ethopœia*, quod illa tota sit in expressione animi, hæc verò corporis. Est autem in narrationibus usitata.
- III. Cic. Ipse inflammatus scelere, furore, crudelitate, in forum venit: ardebant oculi, toto ex ore crudelitas emicabat. [Catil. 4.] Dicitur etiam *Energia*.
- IV. Possunt etiam exprimi, quæ futura sunt, vel essent, per *Hermenæan* (Interpretationem) ut, videor mihi hanc urbem videre concidentem: cerno animo sepultam patriam, insepultos civium acervos: versatur mihi ante oculos aspectus Cethegi, & furor in vestra cæde bacchantis.

E P I M E T R O N.

Descriptio Personarum dicitur *Diatypòsis*, vel *Diascève*. Descriptio rerum propria, & genuina dicitur *Icon*, sive Descriptio *icastica*. Cum res minutissimè, & absolutè describitur, est *Leptologia*. Hinc *Lepturgus*, subtilium operum Artifex. Expressio vultus, incessus, cultus, habitusque personæ est *Prosopographia*. Cum rei incorporeæ corpus affingimus est *Somatopoeia*, ut cum fames describitur tanquam Fœmina. Descriptio vera alicujus loci *Topographia*. Descriptio ficta loci, *Topothèsia*. Descriptio Regionis *Chorographia*. Descriptio Terræ *Geographia*. Descriptio Mundi *Cosmographia*. Descriptio Temporis *Chronographia*. Descriptio, seu potius Narratio de Origine Generis, & Familiæ, *Genealogia*. Rei, vel Facti descriptio est *Pragmatographia*.

XV. Immoratio (gr. Diatribe.)

- I. **E**st cum eadem sententia mutatis phrasibus variè versatur: ut altius auditorum animis infigatur. Valet ad motus

tus ciendos, ad amplificandum. ad instandum.

II. Cicero. O miserum, si non intelligis, hoc literis mandari, hoc memorizæ prodi, huius rei ne posteritatem quidem omnium seculorum unquam immemorem, fore! Tam eram rudis? tam ignarus rerum? tam expertus consilij? nihil audieram, aut videram? nihil ipse legendo, quærendoque cognoveram?

III. Cum in loco firmissimo, in quo tota causa consistit, manetur diutius, dicitur *Epimone* (Commoratio) & *Epexergasia* (Expolitio.).

XVI. Imprecatio, Execratio (gr. *Arta*, *Catàra*)

I. **E**st, quæ malum alicui imprecamur. Huius rarior est usus, præsertim apud Christianos, & Sacros Oratores. Exempla ex Tullio.

II. Dij te perdant, fugitive; ita non modò nequam, sed improbus, atque amens es. Quin tu abis in malam rem, malumque cruciatum? Deus te infelicitet; aut ut melius precer, te destituat sanitate, malefane Blatero. Caput obgubilitato; arbori infelici suspendito.

III. Id genus sunt formulæ apud Comicos: *Abi ad corvos. Dij te eradicent: Malum quod tibi Dij dabunt. Dij te submoveant. I, tibi dispereas. Te Dij omnes, Deaque perdant. Abi malis avibus, infausito pede. Apage ad corvos. Malè tibi sit. Malè tibi eveniat; Abi malis auspicijs, infausitis ominibus. Abi in malam crucem. &c.*

IV. Potest & sibi ipsi malum Orator quadam sub conditione imprecari. e.g. *Dispeream (ut mihi pessimè precer) nisi malim, &c. Nisi &c., amens sim. Dij me, & te infelicitent, si &c.* [Plaut.]

EPIMETRON.

I. Huc spectat *Mantla* (Ominatio) h. futurorum, malorum expositio: ut, *Frit, erit illud tempus, cum tu amicissimi hominis benevolentiam desideres &c.* Dicitur etiam *Diàbole* (Criminatio, sive Denunciatio malorum), cuiusmodi illa *Harrylæ ad Æneam: Sed non ante datam, cingetis moenibus urbem. Quàm vos dira fames, &c. Æn. 3.*

2. *Ag.*

2. *Aganactêsis* [Indignatio] quæ fit maximè pronuntiatione : ut , *Fero ego te , Torquate , jandudum fero .* Cic. & Pastor Virgilianus : *Cantando tu illum ? aut unquam tibi fistula cera juncta fuit ?*
3. *Onidîsis* , *Onidîsmus* [Exprobratio] cùm Adversario insultamus : ut ,
I nunc , superbe ; virginum thalamos pete , Contemne matres . Seneca :
I nunc , ingratis offer te irrisu periculis . Æn.
I nunc , & ferrum , turba molesta , nega . Mart. : &c.

XVII. Interpretatio [Hermenla.]

- I. **E** St, cùm dictum , aut factum alicujus juxta mentem nostram interpretamur . Solet autem exprimi per particulas , Scilicet , *Hoc est , Perinde quasi , Ut ego arbitror , &c.*
- II. Cic. . . P. Clodius . . . reliquit annum suum . . . ut haberet [quod ipse dicebat] ad Præturam gerendam , *hoc est ad Remp. evertendam* , plenum annum , atque integrum .
 Ovid. Heroid. *Utque celer venias , virides Nereidas oro ;*
Scilicet ut venias in mea damna celer .

E P I M E T R O N .

1. Huc refertur *Anàclasis* (Repercussio) cùm dictum alicujus contra ipsius significationem intelligimus . ut , *Mortem , inquis , meam non expectas : verè scilicet non expectas ; quia morâ impatiens properas ut ocyùs moriar .*
2. *Paradiàstole* ; qua rem benigniori interpretatione dilatamus : ut , cùm Astutum *Sapientem* , Prodigum *Liberalem* , Temerarium *Fortem* vocamus .

XVIII. Interrogatio (Erotêsis , Erotèma.)

- I. **E** St Oratio , qua utimur , non sciscitandi gratia , sed instanti : interrogamus enim aliquando , quod negari non potest . Est ad ciendos animi motus accommodata familiarissima Tullio : estque tanquam Gladius Oratorius , & Ciceronianus . Multiplex verò ejus usus .

II. Sim-

- II. Simpliciter indicat per *Exegèsin* (Expositionem) ut, *Quousque tandem abutère, Catilina, patientia nostra? Quandiu &c. Patère tua consilia non sentis?* loco enunciandi simpliciter: *Diu abuteris; patent tua consilia.*
- III. Urget per *Parormèsin* [Incitationem] ut, *Quid est? quid ad hæc cogitas respondere? num mentiri me? num fingere aliquid? num augere crimen?*
- IV. Vexat per *Epiclèsin* (Afflictionem) ut, *Stipulatus es? ubi? quo die? quo tempore? quo præsentē? quis spondisse me dicit? Piratam tenuisti? quem ad finem? quam ob rem? quam ob causam? quo exemplo? cur tandiu? etiam ne privatus? etiam ne reus? etiam ne pæne damnatus?*
- V. Dubitat per *Diapordèsin* (Dubitationem) *Quem te esse dicam? an omni pietatis studio derelictum? an, &c.*
- VI. Dolet per *Lypen* [Tristitiam] *Heu! quæ nunc tellus, inquit, quæ me aquora possunt Accipere? &c. Æn. 2.*
- VII. Indignatur per *Aganactèsin* (Indignationem) *Et quisquam numen Junonis adores Præterea, aut supplex aris imponat bonorem? Æn. 1.*
- VIII. Aversatur per *Apotropiàsιν* [Detestationem] *Me ne incepto desistere victam? &c. Æn. 1.*
- IX. Admiratur per *Thaumasmon* [Admirationem] *Quid non mortalia pectora cogis, Auri sacra fames? Æn. 3.*
- X. Imperat per *Prostaxin* [Jussionem] *Non arma expedient, totaque ex urbe sequentur? Æn. 4.*
- XI. Percontatur per *Pysma* (Quæsitum) & pluribus quidem, ita ut non nisi pluribus responsionibus occurrendum sit. *Ut, Quæ ratione bellum geremus? quæ auxilia parata sunt? quis subvenire volet, cum tam acerbè socios tractaverimus?*
- XII. Aliquando Orator se ipsum interrogat: ut, *Non eloquar? patiar? conticescam? non reprehendam?*
- XIII. Aliquando etiam jocatur per *Eutrappellam* [Urbanitatem, Facetiam], alia ve ratione interrogat &c.
- XIV. Aliquando coarguit per *Epitimefin*, sive *Epiplexin* (coargutionem) *Virg. Non ego te vidi Dæmonis pessime Caprum excipere insidijs?*

XIX. Ironia [Illusio.]

I. **E** St cū contrarium planè dicimus, quàm verba significant. Figura olim Socrati in delicijs habita. Quàm, liqui-
dem brevior sit, & enucleatior, aut apertior, inter Tro-
pos poteris, cū aliquibus, recensere; ut si *Narcissum* pro
Deformi sumas; *Herculem* pro Imbelli. Ausonius de Jacta-
tore quodam, Suique magnifico Ætimate, *Offusus*, in-
quit, *accessit Sophos*. Sin pluribus verbis, & longiori ora-
tione efferatur, huc malim referri. Huc eam Scaligero
refer eam quam Cic. appellat *Erroris inductionem*.

II. Sed stulti sumus, qui Africanum, Pompeium, Nosmet-
ipsos cum P. Clodio conferre audeamus. . . . At quis erat
procurator! credo aliquem ejectum hominem, egentem,
improbum, &c. nihil minus. . . . O stultos Gamillos, Cu-
rios, Fabricios, Scipiones, Metellos! O amentem Mariam!
nullius consilij Patres! &c. . . . Tu eruditior, quàm Piso,
prudenter, quàm Cotta, abundantior consilio, ingenio,
sapientia, quàm Crassus. &c.

E P I M E T R O N.

1. Hue referri potest *Sarcasmus* [Jocus amarulentus,
sive hostilis Insultatio] cujusmodi verba Pyrrhi ad
Priamum, *Æn.* 2. *Referes ergo hac; & nuncius ibis
Pelida genitori: illi mea tristitia facta, Degeneremq;
Neoptoleum narrare memento.*
2. *Diasyrismus* (Distractio) cū una dictio ad diversa
significata distrahitur, cū irrisione: ut, E vesti-
gio ex homine, tanquam ex aliquo Circeio pocu-
lo, factus est Verres. [Cic.]
3. *Cblevasmus*, sive *Epicertomèsis* risum excitat, & se-
verè proposita vafre eludit; ut, *Meque timoris Argue-
tu, Drance &c. Æn.* . . .
4. *Myserismus* (Sublagnatio) est, *uncis naribus suspen-
dere*. Exprimiturque gestu potius, & narium
compressione, quàm verbis.
5. *Charientismus* [Seon nā, Dictum falsum] cū se-
stivè aliquem pungimus, vel cū dura dictu mitius,
& gratiùs efferimus.

6. *Asismus* contra, vel *Asteismus* est Urbana dictio, Jocus, Festivitas: ut, *Qui Baviū non odit, ames tua carmina, Mævi.* Eclog.
7. *Hypêrîsis* [Simulatio] fit gestu, & pronunciati one spernendo non sine risu adversarium: ut, Virg. *Cantando tu illum? aut unquam tibi fistula cera juncta fuit?*

XX. Licentia (gr. Parrhêsia .)

- I. **E** St, cūm quæ gravia dictu periculosaque sunt, ea fidenti animo dicturum se profitetur Orator: Tullij exempla.
- II. Vide, quàm non reformidem: vide, quanta lux Liberalitatis, & Sapientiæ tuæ mihi apud te dicenti oboriatur. Quantum potero voce contendam, ut hoc populus Rom. exaudiat: &c. Vos, P. C. (grave dictu est, sed dicendum tamen) vos, inquam, Sulpicium vita privastis.... Postremò (erumpat aliquando vera, & me digna vox) si ad earum voluntatem dicta, factaque mea referantur, optanda mors est.... Adestote omnes animis, qui adestis corporibus: erigite mentes vestras; & me de invidiosis rebus, ut ille putat, dicentem attendite.
- III. Valet ad fiduciam ostendendam, ad comminandum, ad insultandum Adversario, ad commonendum: ut in allatis exemplis.
- IV. Præstantia quædam animi, & fiducia orationis, dicitur *Hypôstasis*.

XXI. Obtestatio (gr. Epithiasmus .)

- I. **E** St Deprecationis genus; cūm in re gravi Deum, vel homines in testimonium Veritatis advocamus. Exempla.
- II. Cic. Unum restabat illud, de quo te, te, inquam, Patria, obtestor; & vos Penates, patrijque Dij, me vestram sedium, templorumque causa &c. dimicationem, eademque fugisse. *Æn. 2. Vos, æterni ignes, & non violabile vestrum Testor Numen, ait &c.*

III. Huc

[Hue referri potest *Cataphasis* [*Asseveratio*] interposita fide, vel juramento: ut, *Dispeream, nisi &c. Maria aspera juro. Æn. . . . quæ dicitur & Ombsicon.*

XXII. Occupatio (gr. *Prolepsis*, *Procataſceve*.)

- I. **C**um, quæ obijci possunt, prævenimus: ultroque rationem facti distique reddimus.
- II. Hisce autem formulis concipi solet. Quæret quispiam, *enr &c.* Atenim quæ causa fuit, quod &c. At etiam sunt, qui dicant &c. Novi locum, quod se jactaturus sit Adversarius. At inquiet hic aliquis. At dices. Requiretur fortasse. Forſitan quæretis. Video, quid dicturus sis. Atque etiam jactare audebis. Verum intelligo, quid opponi possit. &c.
- III. In exordijs præsertim causarum judicialium potissimum locum habet. Cic. *Credo ego vos, Iudices, mirari &c. Si quis vestrum, Iudices, forte miretur, &c.*

EPIMETRON,

1. Est *Antipòphora* (*Obiectio*) cum proponimus; & statim respondemus. Virg. *Verum anceps pugna fuerat fortuna: fuisset &c. Sed Perisse semel satis est: Peccare fuisset ante satis.* Vel est tacitæ obiectiōni *Responsio*: *Sum pius, heu! doleo; nam mihi sapè nocet.*
2. *Schesis* [*Addictio*, sive *Affectio*] cum fingimus in Adversarijs Affectum aliquem; cui respondemus; ut illa Junonis fingentis Venerem dicere, *Indignum est, Italos Trojam succendere flammis. . . .* Et respondet, *Quid face Trojanos atra vim ferre Latinis?*
3. *Apoloxis* (*Reſectio*) sive *Apoplandesis* (*Aberratio*) cum Obiecta Adversariorum, tanquam responsio indigna, aspernamur: ut, *Quid enim odisset Clodium Milo, Segetem, ac materiam gloria sua?*
4. *Antisagòge* (*Compensatio*) quam vide in subiectiōne. n. S. videtur enim ad utranque reduci posse.
5. *Antirrbesis* (*Contradictio*) vide ibidem.
6. *Procatalepsis* (*Præceptio*) cum id, quod obijci potest,

I test, prædicatur: ut, Virg. *Neque de Argolica me gentem negabo, Hoc primum. Et, Scio me Danaïs de classibus unum.*

XXIII. Permissio [Epitrope.]

- I. **C**Um alicui rei fidentes ostendimus, nos eam concedere alicujus voluntati. Differt a Concessione, quòd Concessio sit de re ut facta, Permissio de re facienda.
- II. Exemplum Rutilij ex Hyperide. Sed ego jam, Judices, legitimum meæ causæ jus omitto; vobis quod æquissimum videatur, ut constituatis, permitto. &c.
- III. Juncta Ironiæ miram vim habet; per hanc imperantes quæ ceteroqui fieri nolumus. Cic. Catil. Quid expectas? proficiscere: nimium jandiu te Imperatorem illa tua Manliana castra deliderant. . . . Egrederere cum importuna sceleratorum manu: confer te ad Manlium; concita perditos cives; secerne te a bonis; infer patriæ bellum; exulta impio latrocinio. &c.

XXIV. Præteritio [Paralepsis.]

- I. **C**Um profitemur, nolle dicere id quod tum maxime dicimus. Sunt enim quædam minus honesta, levia, communia, quæ non nisi obiter sunt perstringenda. Formulæ ex Tullio.
- II. Sed jam flagitia omittam, &c. Nihil de illius luxuria loquar; nihil dicam &c. Nihil ille a me de pueritiæ suæ flagitijs audiet. Omnia præteribo, quæ &c. Sileatur de nocturnis ejus Bacchanalibus. Nulla mentio fiat de &c. Hic ego plura non dicam. Omnia hæc vetera prætermittam: unum illud subijciam &c. Possem multa dicere de &c. Sed mihi ante oculos versatur, meque ad se rapit &c. Sine, me hoc loco præterire &c. Nondum commemoro rapinas &c. Sentio, moderandum mihi esse orationi meæ &c. At illud patiar latere &c. Habeat hoc præmium tua indignitas, ut obscuritate involvatur &c. Quid ego hic proferam? &c.
- III. Aculeata est per Ironiam, cum aliquem insectamur: ut

F

Non

Non sum tibi ita inimicus, ut omnia tua facinora detegam.
Non dicam, quàm sæpe in amicos perfidus fueris, in propinquos scelestus, in patriam impius &c.

XXV. Prosopopœia (Personæ effictio.)

- I. **C**um res inanimas, ac sensus expertes loquentes inducimus. Exempla Tullij.
- II. Etenim si mecum Patria, si cuncta Italia, si omnis Resp. sic loqueretur: *M. Tulli, quid agis?* &c. Patria tecum, Catilina, sic agit; & quodammodò tacita loquitur. &c.
- III. Cum vita functum aliquem loquentem inducimus, dicitur *Idolopoeta*. Cic. Existat ex ipsa familia aliquis qui si profectò existeret, sic loqueretur: *Mulier, quid tibi cum hoc Adolescente?* &c. Quòd si nunc ille Brutus reviviscat, & hic ante pedes vestros adsit, non ne hac uteretur oratione? *Ego Reges vici, vos Tyrannos inducitis.* &c.
- IV. Vide Ethopœiam inter Progymnasmata, par. 2. Valet autem ad suadendum, obiurgandum, laudandum, miscerendum, exaggerandum; etque Transitionibus apta.

XXVI. Reticentia (Apopsipèsis, Parapsipèsis.)

- I. **F**it, cum sermo abrumpitur, nec persequitur. Exempla Tullij.
- II. Tu istud ausus es dicere, homo omnium mortalium quæro, quo nam te digno moribus tuis appellem nomine: Tu istud ausus es dicere, qui nuper alienæ domui . . . non ausim dicere, nè, cum te digna dixerò, me indignum quidpiam dixisse videar. O celeritatem incredibilem! hujus autem nostri sed non possum sine dolore accusare &c.
- III. Huc pertinet *Pròtome* (Præcisio orationis) Cic. Sed nimis urgeo: commoveri videtur Adolescens: ad me revertar. &c. Vel cum quid tacentes suspicionem rei gravis injicimus. Juven. *Aut passor fuit, aut illud quod dicere nolo.*

XXVII. Sermocinatio (Dialogismus.)

- I. **E**st *ficta personarum collocutio*; five unus, five plures colloquantur simul: in narrationibus usitata; frequens apud Poetas, & festiva in Satyra, & Epigrammate. Cic.
- II. Quid ergo affers, quare id factum putemus? Exhæredare filium voluit. Quam ob causam? Nescio. Exhæredavit ne? Non. Quis prohibuit? Cogitavit. Cui dixit? Nemini &c. Vide Sat. 1. Pers. & Mart. l. 3. ep. 38. ad Sex.
- III. Aptanda est personæ oratio: tenuis puero, gravior viro, vel Regi; media servo, mulieri, seni,

XXVIII. Subiectio (Hypòbole)

- I. **C**um Orator vel se ipsum interrogat, idemque responsum subijcit; vel alium, & responsum non expectat, sed aliquid addit de proprio. Exempla Tullij.
- II. Domus tibi deerat? at habebas: pecunia superabat? at egebas, &c.
- III. Potest Responsum quoque interrogativo modo efferri. Quare venenum dare vellet? Ne aurum redderet? Num petivit? Ne crimen hæreret? Num quis obiecit? &c.

E P I M E T R O N.

1. Perfecta erit, si consuet. 1. *propositione* (ut, Quæramus, quæ causa fuerit) 2. *Enumerationem*, & *Remotionem* (An hæc? at &c. an illa? at &c.) 3. *Conclusionem* (Si igitur neque hoc &c. neque illud &c. perspicuum est, nullam esse causam &c.) 2. Cum sententiæ statim redditur causa, & confirmatio, licet non interrogativo modo prolata, dicitur *Ætiologia*; vel *Prospòdosis* [Redditio] vel *Epìcrisis* [Judicium] e.g. *Grave illud quidem: quomodo enim non esset grave contra Patriam?* (Demosth.)

Æn. 2. Ecce trahatur passis Priameia Virgo
Crinibus a templo Cassandra, adytisque Minerva,
Ad Cælum tendens ardentia lumina frustra;
Lumina; Nam teneras arcebant vincula palmas;

3. Huc referre placet *Anarefin*, sive *Anticrisin* [Responsionem] cum Interroganti subiicitur aliquid plusquam petebatur : ut , Tectis interrogatus , an ab eo fustibus vapulasset ? Et *innocens* ; inquit . [Quintil.] Quæro , an occiderit hominem ? Respondetur *Latronem* . [Cic.] & D. Polycarpus a Marcione Hæresiarcha interrogatus , an eum agnosceret , respondit , *Agnosco Primogenitum Diaboli* . Hinc in Tragœdijs , & Fabulis elegantes accidunt reciprocarum Propositiones , & Responsiones : e.g. Sen. Med. *Alta extimesco sceptrâ : Ne cupias vide , In festâ memet perime ; Misereri jubes* . Et Thebaid. *Nempe nisi bellum foret , ego te carerem : Nempe si tu non fores Bello carerem* . Et alibi frequentissimè . Quæ & *Antirrhesis* (contradictio , seu Responsio contradicens alicui) dici potest .
4. *Apophonisma* (Sententia responsiva) Schematismus est : ut , *Fac velis : perficies* .
5. *Antisagoge* [Compensatio] Cum difficile quid confitemur , sed aliud facile , & non minùs firmum subiicimus . Cic. Difficilis ratio belli gerendi ; at plena fidei , plena pietatis .

XXIX. Suspendio , seu Sustainctio (Hypomone .)

- I. **C**Um Orator diu suspensos tenet animos , donec aliquid inexpectatum subiungit .
- II. Cic. Quid deinde ? Quid censetis ? Furtum fortasse , aut prædam aliquam ? [tum subiicit quid improbius] Etiam num mihi expectare videmini , quid deinde factum sit ... Expectate facinus quàm vultis improbum : vincam tamen expectationem vestram . &c. [tum subdit quod maximè iniquum est .]
- III. Valet ad exaggerandum : excitat magnoperè attentionem ; multam in narrationibus gratiam addit .

* * *

EPI.

1. Valet in Jocis; cum expectatione rei maximæ concitata leve quid subjungitur. De milite glorioſo: Hic hoſtem ubi adverſum vidit, diram infremuit, gladium nudavit, altèque necem interminatus, quàm ocyſſimè fugit. De Prodigio. In ſuo Teſtamento reliquit magnum *Nihil*. De ſervo quodam: A primis annis Equeſtri dignitate inſignitus Torquem gerebat *in cruribus*. . . . Ibat in pedibus geſtans duo pulcherrima *Ulcera*. Mart. in Luperum. *Iraſcar licet uſque voces, mittaſque, rogeſq; Quid facies? inquis: Quid faciam? veniam*.
2. Refer huc *Paradoxum* (Admirabile) eſtque Sententia inopinata, & præter expectationem enunciata: ut, *Voluptatum maxima Voluptatem fugere. Maximum infortuniorum Felicitas. Minima Maximum faciunt*. Differt *Paradoxum* ab *Hypòdone*; quòd hæc ſiſa ſit in novitate rei; illud verò in novitate dicti.
3. Figura hæc Elogijs aptiſſima: gratiorem enim relinquit aculeum, propter Veritatem, vel cauſam inexpectatam: exprimiturque cauſa per particulas *Ut, nè, idèd quia*: e. g. *Antonius nè degeneri ſilveſceret animo, ſeceſſit in ſilvas; ut humanis viveret moribus, acceſſit ad feras; ne ferinos ritus indueret, receſſit ab hominibus. Mundo idèd notus, quia mundum nescivit; idèd apud homines clarus, quia homines lætuit*.
4. *Exartèſis* [*Suſpenſio*] eſt cum figuræ figuris implexx ſunt, ut anuli in catena; unde plena decurrit Oratio.

XXX. Schematum Analecta [Figurarum Reliquarum] diverſi generis.

- I. **A** *Nàcrifiſ* (*Percontatio*) cùm quærimus quid dicamus: ut, *Quid reliquum eſt? nunquid omiſi?*
- II. *Anamnèſis* [*Memoratio*] vel cùm rem aliquam memoramus, quam nos fingimus obliſos; vel cùm eam depoſitam

apud memoriam Auditorum deposcimus: *Quaeso, ut, quid pollicitus sim, diligenter memoria mandetis.*

III. *Anance* [*Necessitas*] sive *Anancaon* (*Necessarium*) cùm factum aliquod in suas causas, ut naturam, leges, mores, vel etiam Fatum, refunditur: ut, *Sed nos fata Deum vestras exquirere terras Imperijs egere suis. Æn. 7. Res dura, & Regni novitas me talia cogunt Moliri, & lasè fines custode tueri. Æn. 1.*

IV. *Agnaa* [*Ignoratio*] cùm ignorare videmur: *Sed Artificem: quem? quemnam? Rectè admones: Polycletum.*

V. *Brachyepia* [*Sententiæ Brevitas*] cùm Orator brevitate sententiæ præcedit expectationem: ut, *Consilio valuit, fortuna lapsus est: homo fuit, fatetur: non omnia possumus: hoc Dei proprium est.*

VI. *Dicæologia* [*Iustificatio*] eum causæ æquitatem brevissimè complectimur: *Si me reprehendis, quòd homo adolescens lapsus sim, vehementer erras; qui, quid natura valeat, ignoras &c.*

VII. *Egeris* (*Excitatio*) cùm animum auditoris tædio affectum excitamus: *Non mihi si lingua centum sint, oraque centum, Ferrea vox &c.*

VIII. *Gnome* [*Sententia*] quæ generali oppositoque Pronunciato orationem concludit: ut, *Hoc animo semper fui, ut Invidiam virtute partam, Gloriam, non Invidiam putarem.*

IX. *Metástasis* [*Transmotio*] cùm rem a nobis aliò transmovemus: ut apud Demosthenem pro Ctesiphonte: *Cum bellum Phocense constatum esset; non per me; nondum enim ego ad Remp. accesserans, &c. vel est Transitus a Loquentis persona ad aliam: sed tunc Metábasis potius appellanda: ut illa Æneæ ad Pallantem: Non hac Evandro de te promissa parenti Descendens dederam &c. Et nunc ille quidem spe multum captus inani Fors & vota facit. Æn. 9.*

X. Est & *Metanæa* (*Pœnitentia*) de qua V. in *Correctione*: & si qua alia, ad alia Schemata serè omnia reducta sunt.



XXXI. Schematum Virtutes.

Figura ad docendum idonea.

- I. **E**X Figuris Verborum: *Conciliatio, Subiunctio, Antithesis.*
- II. **E**X Figuris Sententiarum: *Communicatio, Concessio, Correctio, Distributio, Epiphonema, Interpretatio, Occupatio, Præteritio, Subiectio.*

Figura ad delectandum idonea.

- I. **P**Ræter omnes Tropos, ex Figuris Verborum: *Conversio, Complexio, Transductio, Gradatio, Adiunctio, Sinecdochè, Asyndeton, Relatio, Paronomasia, Compar, Similiter cadens, Similiter desinens.*
- II. Ex Figuris Sententiarum: *Allegoria, Apostrophe, Ethopoeia, Emphasis, Hypotyposis, Ironia, Prosopopeia, Sermocinatio.*

Figura ad movendum idonea.

- I. **E**X Figuris Verborum: *Repetitio, Synonymia, Polysyndeton, Conduplicatio.*
- II. Ex Figuris Sententiarum: *Dubitatio, Deprecatio, Exclamatio, Auxesis, Imprecatio, Immoratio, Interrogatio, Permissio, Obtestatio, Licentia, Reticentia, Sustentatio.*

XXXII. Transitio (Metàbasis.)

- I. **T**Ransitio non tam figura est, quàm potius *Nexus Figurarum, & Argumentorum*; cuius beneficio orationis membra aptè inter se copulantur; ut alia ex alijs ordinatim descendant.
- II. Duplex est, *Perfecta, & Imperfecta*: 1. est, quæ quid dictum sit, & quid dicendum supersit, admonet. 2. quid dicendum sit, tantum exprimit.
- III. Potest & ipsa per figuram aptari: ut videre erit in exemplis, quæ subiiciuntur.

IV. Adde his. Huc accedit. Huc, vel eòdem pertinet. His finitimum est, vel proximum, vel simillimum illud. Ad hæc illud considerandum. Ad hunc ordinem referendum illud. Quid si accedat eòdem, ut &c. Reliquum est, ut videamus. Age verò, Jam verò explicemus nunc. Venio nunc ad alteram partem. Ad illa jam descendò. quæ &c. Quid quòd ille &c. Nam illud quid attinet commemorare? Quid hic immoror? Ad id, quod est causæ caput, festinet Oratio. Sed hæc vetera; illud autem recens. Sed nimis multa de his: ad majora properat Oratio. Habetis, quid dixerit: nunc quid egerit considerate. Vultus vestri, Auditores, me invitant, ut liberè dicā &c. Facit Humanitas vestra, ut hæc addam. Bellè me vocat ad alteram orationis partem tanta herois gloria. Jam illud ad se vocat orationem meam. Quàm dissimile verò factum illud! Feliciter cecidit, ut ad Pietatis officia descendam. Hactenus tristitia: nunc lætiora videamus. Fuit hoc, fuit proprium populi Rom., nunc verò &c. Faciam ego, quod facere Geographi solent. Res ipsas interrogemus; &, quæ certissima conjectatio est, gerenda gestis colligamus. Hæc tibi apud hostes veneratio: quid apud Cive? Sed hæc privatim: nunc quæ publicè gesta consideremus: Date oculos, qui hactenus aures præbuitis. Adeste mecum animis; & quò me dudum oratio rapit, contendentem sublevate. Jam quid faciam? novam patior ex copia difficultatem. Adde casus, adde incertos exitus, adde &c. Dices: quid postea, si &c. respondeo. Requiretur fortasse nunc, quid egerit; &c. Verùm hæc ita prætereamus, ut tamen illud subijciatur. &c.

V. Si transitio sit a gravioribus ad leviora, per Præteritionem ferè facienda: *Omitto ea, quæ leviora fortasse videantur, & similia.*

XXXIII. Digressio [Apallage.]

I. **D**igressio hic ponitur, quòd maximè indigeat Transitione. Est autem *Res aliena, sed ad causam utilitatem pertinentis, extra ordinem excurrens tractatio.* e.g. si facinus

cinus aliquod eximie fortitudinis celebras, ad laudem ipsius Fortitudinis excurre, deinde apta transiitione in rem tuam te recipis.

III. Res itaque, ad quam excurritur, debet cohærere cum causa; nec debet esse per vim, aut temerè inserta.

III. Fit autem præsertim, ubi materia per se sterilis; & inamœna tractatur.

IV. Dicitur etiam *Ecbasis* (Exkursio a proposito.)

§. VI.

De Stylo.

I. Quid, & quotuplex Stylus.

I. **S**tylus secundum Etymologiam est Acus illa, qua olim in ceratis tabulis scribebatur: hinc usus invaluit, ut pro Scriptione ipsa usutur.

II. Est igitur Stylus *Sermonis modus ad id quod decet accommodatus*.

III. Triplex est, 1. *Summus* [qui & Sublimis, Gravis, Magnificus dicitur] 2. *Medius* (qui & Temperatus) 3. *Infimus* (qui & Humilis, Tenuis, Simplex.)

IV. *Summus* ornata verborum constructione, sententiarum majestate, & Antiquitatis eruditione supra communem dicendi usum assurgit.

V. *Medius* floridus est & concinnus, sed quadam inter summum, & infimum mediocritate.

VI. *Infimus* quotidianus est, & verecundus; munditiem amat; & familiari, dilucidoque candore, non sine leporibus, gaudet. Sententijs utitur, quæ plus acuminis, quàm ponderis habeant: Translara, nisi mitiora sint, omnemque tumorem evitat; cæsim, potiùs, quàm circumducta & numerosa oratione fertur.

VII. Dividitur etiam in *Asiaticum*, *Atticum*, *Laconicum*, & *Rhodium*. 1. Asiaticus fusus est, & verbosam prolixitatem amat. 2. Atticus Sales, urbanitates, lepores requirit.

3. La-

3. Laconicus concisus est, ac vibratus, argutus, brevibusque strictus sententijs. 4. Rhodius neque pressus, neque prolixus, Orationem molitur ex utroque permistam.

II. Styli usus.

- I. **D**emonstrativum Genus stylum poscit summum, & gravibus sententijs, ac figuris illuminatum. Deliberativum sibi vindicat plerunque Medium, ac Rhodium. Judiciale Medium initio, ac verecundiozem poscit, sed acutiozem sententijs: deinde verò varium pro ut causa postulat.
- II. *Propositio*, & *Partitio* Infimum amat. *Narratio* gaudet jam Infimo, jam Medio, & Attico, jam Numerosa oratione. *Confirmatio*, & *Descriptio* Medium sibi adsciscit, & aliquando Asiaticum. *Peroratio* summum, & in loco etiam Laconicum. Nam Stylus gravis movet, temperatus delectat, tenuis narrat, & docet.
- III. *Epistola* Infimum exigunt, *Elogia* Laconicum, *Historia* Tenuem, seu potius Medium, *Didascalica* Infimum.
- IV. *Comoedia*, & *Bucolica* Infimum, & simplicem, petit, *Tragadia*, & *Epicum* Poema Summum, ac magnificum, *Georgica*, & similia Medium.
- V. *Oratorem* dignitate gravem, vel ætate, gravior stylus dect; *juniozem* temperatus; *Adolescentem* tenuis.
- VI. Ad *Seniores*, ad *Principes*, in *Senatu* adhibendus est Stylus gravior; ad *Juvenes* medius, ad *Pueros* infimus; ad *Rhetoricos* Rhodius; ad *Philosophos* Laconicus, ad *Sophistas*, & *Philologos* Atticus.
- VII. *Grandia* sublimem poscunt, *Mediocria* temperatum, *Humilia* simplicem, & subtilem.

III. Styli Virtutes.

- I. **Q**uatuor primùm in Stylo observanda. 1. verborum *Proprietas*. 2. *Elegantia*. 3. *Nexus*. 4. *Collocatio*. Prima a Grammatica petenda est; secunda a Figuris; tertius Particulis conciliatur; quarta Periodo; de qua §. 7. Quæ serè consentiunt cum sequentibus. II. Qua-

II. Quatuor sunt in Stylo virtutes. 1. *Nervus*, sive *Energia*. 2. *Decorum* [gr. τὸ Prepon] 3. *Ornatus*. 4. *Suavitas*. Nervus positus est in literis, syllabis, phrasibus, & Epithetis: Decorum in Ethopœia, sive Imitatione personarum, & rerum, ut aptetur Dicenti, & Audienti: Ornatus in figuris, & eleganti structura: Suavitas in Numero Periodico.

III. Tria hæc postrema, vel tractata sunt alibi, vel tractanda: primum superest, de quo nunc.

IV. Ex *Literis* Vocales sunt Consonantibus grandiores: ut sonantior sit vox, quæ plures vocales continet. Sic *Aura* sonantior, quàm *Ara*; *Maurus*, quàm *Murus*; *Eurus*, quàm *Herus*. A. & O. grandiores, Horridis apta: E. & I. tenuiores, Exilibus, & Flebilibus accommoda: V. obscurius. B. insuave: C. D. G. tenacia, & tarda: F. flatum exprimit: L. lenè: M. sonorum: N. lenè, sed interdum, scilicet ante Mutas, sonantius: R. asperum: S. sibilans: X. & Z. varia, & gravia.

V. E *Syllabis* Verba Poly syllaba, & Composita orationem extollunt: ut *Compellare*, *Contrucidare*, *Consceleratus*, *Interferere*, *Inauspicatus*. &c.

VI. E *Phrasibus* Gracissimi tariotes sint oportet: habeatur delectus locutionis.

VII. De *Epithetis* jam breviter disseram: mira enim vis in Epithetis. Sunt autem *Qua substantivis adiuncta eorum naturam, & vim significant*.

VIII. Epitheta alia sunt ob necessitatem: e. g. Thebas absq; Epithetò non distingues: tres enim sunt: si addas *Cadmeas* intelliges in Bœotia; si *Palmiferas* in Ægypto; si *Etionias* in Cilicia. Alia sunt ad ornatum; ut *Ferrum in-belle*, *gloriosum*, *crudele*. Alia sunt perpetua, ut, *Ovis placida*; alia temporaria; ut *Venus improba*, *horrenda* *Juno*. Alia absoluta; ut, *Virtus pulchra*; alia comparativa, ut, *Robur Herculeum*. Alia Affirmativa, ut *oculus perspicax*; alia Negativa, ut *Pennæ non homini data*.

IX. Apud Oratores, nisi aliquid efficiant, redundant; ut *Dentes albi*, *humida viña*; quæ apud Poetas non reprehenduntur. Hæc igitur Energiam habent, si sint 1. *Significantia*; ut

- ut Prodigium inauditum . 2. Si *Splendida*; ut Virtus *Singularis*; *eximta* . 3. Si *Superlativa*; ut Hic locus ad agendum *amplissimus*, ad dicendum *ornatissimus* . 4. Si *consonantiora*, qualia sunt composita; ut *Consceleratus*, *Condecoratus* . 5. Si *graviora*; ut si pro Improbo dicas *Latronem* . 6. *Hyperbolica*; ut Gentes multitudinem *innumerabiles*, locis *infinitas* .
- X. Categoriae, seu Prædicamenta Arist., unde Epitheta, præsertim Poësi inservientia, eruas, sunt. 1. *Substantia*; ut Pons *ligneus*, Arma *ferrea* . 2. *Qualitas*; ut Miles *ferox* . 3. *Quantitas*; ut Mare *profundum* . 4. *Actio*; ut Telum *sanguineum* . 5. *Passio*; ut Vestis *lætera* . 6. *Relatio*; ut Æneas *Trojanus* . 7. *Locus*; ut Silvicola Fauni . 8. *Tempus* ut Rosa *Verna* . 9. *Situs*; ut Pastor *resupinus* . 10. *Habitus*; ut Loricatus Miles, Ovis *lanigera* . &c.
- XI. Præferenda quæ Colorem, ut Ripa *virens*; Motum, ut Sagitta *volans*; Animum, ut Ensis *crudelis*; & *eruditionem* continent; ut Scythicus arcus, Peltata Amazon, Tibur *Argæum*, &c.
- XII. In humili ac Sententioso Stylo Epitheta moderanda: Mediocre, & sublime scribendi genus Epithetis sit abundantius .
- XIII. Ad Stylum formandum nihil æquè confert, ac *Paraphrasis* [quæ est *fusior sententia explicatio*.] Fit autem per Synonymiam, & Expolitionem: quæ quidem fidelis sit oportet; ut & Sensui Auctoris inhæreat, nihil dissimulans, nihil importunum adiiciens; neve aliorum per intempestivas digressiunculas divagetur .

IV. Styli Vitia .

- I. **S**I sit *Inflatus*; h. verbis, & translatis, sententijsque plus iusto intumescens .
- II. *Cocozelus*; qui Imitationi nimium est addictus .
- III. *Parenthyrsus*, quasi insaniens intempestivis affectibus, & figuris .
- IV *Puerilis*, vel *Frigidus*; qui puerilia ornamenta, frigidos lepores, ineptas allusiones, elaboratos flosculos, sententias, figuras, descriptiunculas, minus opportunè interserit Orationi .

VI. Hu-

- V. *Humilis* ; qui omnia sectatur humilia , & communia .
 VI. *Dissolutus* ; qui sine connexionione est , aut nil sibi cohærens .
 VII. *Fluctuans* ; qui sine nexibus , & articulis huc illuc fertur .
 VIII. *Exanguis* , *Aridus* , *Jejunus* ; h. sine ornamentis , & succo Orationis .
 IX. *Miscellaneus* ; qui modò sublimis , modò humilis fertur ; & cothurnos cum socco miscet .
 X. *Scholasticus* ; qui totus in præceptis , monitisq; versatur .
 XI. *Antiquarius* ; h. totus eruditionibus confertus .
 XII. *Poeticus* ; h. phrasibus , & speciebus poeticis audaciùs utens , & numeris , ac pedibus nimium illigatus : tametsi etiam in Oratione species poetica , modò rarior , vim , & venustatem habet . Vide quatenus in *Allegoria* §. 5. n. 1. in Epimetro .

V. Epimetron .

Auctores Linguæ Latinæ , & quatenus eorum stylus imitandus .

- I. **M**itto vetustissimam illam , ac ferream ætatem Latinitatis ; ad quam referuntur *Leges XII. Tabularum* , *Columna rostrata Duillij* , quæ Romæ adhuc extat , & *Saliares bymini Numa Pompilij* ; quorum fragmentum a Varrone citatur : *Duònus Cerûses Deivos Ianos venit* . [h. Bonus Creator Divus Janus venit]
 II. Mitto etiam rudem , ac æneam ; quæ incipit a *Livio Andronico* , primo versuum latinorum Scriptore ; quem secuti *Navius* , *Cacilius* , *Pacuvius* , *Accius* , *Ennius* ; quorum stylus jam obsoletus .
 III. Auctores optimæ linguæ propono ; ac primò quidem *Plautum* , haud temerè tamen , propter impuros amores , legendum ; & *Catonem* de Re rustica ; qui paulò ante seculum aureum floruere .
 IV. Aureum seculum est Spatium illud annorum ferè centum , quod vulgò *Augusti ætis* nuncupatur . Hac ætate re-

cen-

consentur inter Oratores *Cicero* Eloquentiæ Pater, & *Cornificius*, Auctor librorum quatuor ad *Herennium*, tum *Q. Frater*: inter Historicos *Sallustius*, *Livius*, *I. Caesar*, *A. Hirtius*, *Cor. Nepos*: inter Poetas *Terentius*, *Pub. Syrus*, *Lucretius*, qui tamen paululum ætatem auream præcessere; *Virgilius*, Poetarum Princeps, *Horatius*, *Catullus*, *Tibullus*, *Propertius*, *Ovidius*, *Cor. Gallus* (qui omnes cauti, nec nisi expurgati, legendi) *Phadrus*, & *Manilius*: inter Medicos *Cor. Celsus*: inter Architectonicæ Scriptores *Vitruvius*; inter Scriptores de Re rustica *Varro*.

V. Ætate jam sub Augustum decolorari incipiente florent vario colore *Iustinianus*, latinissimus ille quidem, *Q. Curtius* purus, & latinus, *Velleius Paterculus* elegans, sed interdum atrox, *Pomponius Mela* latinus, & elegans, *Columella* elegantissimus, *Val. Maximus* aliquantum barbarus, *Seneca Philosophus* ingeniosus; sed confragosus, *Cor. Tacitus*, acutior, sed acerbior, *Quintilianus* durior, *Phrontinus* non inconcinnus, *Plinius ma*: subtilis, sed subobscurus, *Plinius mi*: paulum ab nitore deficiens, *L. Florus* amœnus, sed in multis contortus, *Suetonius* accuratus, *Justinus* rerum imperitior. Inter Poetas, *Lucanus*, ingeniosus, sed elatus, *Seneca* intemperanti ingenio, *Persius* acutus, & Profundus, *Juvenalis* doctus, & eloquens, legendus tamen expurgatus; *Silius Italicus* *Virgilij* imitator, sed longo intervallo, *Statius* confragosus, in silvis cultior, *Val. Flaccus* Statio præferendus, *Claudianus* meliore seculo dignus, *Martialis* acutus, cautè tamen, nec nisi expurgatus legendus; *Prudentius* eruditus, sed Barbariem sæpe redolens. Adde *A. Gellium*, *Ulpianum*, *Asconium*, *Macrobius*, *Paulus* Iureconsultum, *Apuleius*, *Ausonius*, *Boetius*, *Latinus Pacatus*.

VI. Inter Recentiores lege *Sannazarium*, *Muretum*, *Bembum*, *Sadoletum*: tum *Masseium*, *Petavium*, *Perpinianum*. *Tursellinum*, *Rapinum*, *Stephonium*, *De la Rue*, *Jannettasium*, *Ferrarij*, *Pomonam*, & *Floram*, *Famianum Strada* &c.



§. VII.

De Periodo.

I. Quid, & quotuplex sit Periodus.

- I. **P**eriodus (h. verborum circuitus) est Oratio in quodam quasi orbe inclusa, procurrens, quoad insistas in plena absolutaque sententia.
- II. Duas habet partes: Colon [h. Membrum] quod sensum quidem habet, non eum tamen absolutum, & Comma (h. Incisum, sive Articulum) Membri partem sensu imperfectam. Sit exemplum.
- III. *Quàm honestum, quàm utile, quàm jucundum* (en! tria Incisa) cum ijs adolescentibus versari [ecce! membrum unum] qui literis, qui pietate, qui omni virtutum laude, florescunt [ecce! altera Incisa, alterum Membrum, & Periodus.]
- IV. Multiplex est Periodus. Prima Monocolon (h. Unimembris) ut, *Tantam enim mansuetudinem, tam inusitatam, inauditamque Clementiam, tantum in summa Potestate rerum omnium modum, tam denique incredibilem Sapientiam, ac prope divinam tacitus nullo modo praterire possum.* Cic. pro Mar.
- V. Secunda Dicolon (Binembris) 1. Nullius tantum est flumen ingenij, nulla dicendi, aut scribendi tanta vis, tantaque copia; 2. qua non dicam exornare, sed enarrare, C. Caesar, res tuas gestas possis. Cic. ib.
- VI. Nota. Periodum Dicolon eam optimè evolui, in qua sit Prothesis & Apodosis [h. Antecedens, & Consequens] ita inter se connexæ, ut altera ab altera pendeat beneficio particularum Tam, Quàm; Tantum, Quantum; Tantus, ut; Licet, Tamen. Tot, Quot; Non solum, Sed etiam; Quemadmodum, Sic; & Similium Correlativarum: ut, 1. *Tantus est enim splendor in Laude vera, tanta in Magnitudine Animi, & Consilij Dignitas;* 2. *Ut hac a Virtute donata, cetera a Fortuna commodata esse videantur.* Cic. ibid.

VII. Ter-

VII. Tertia *Tricolos* (h. Trimembris) Exemplum quo nihil artificiosus, Cic. pro Quint. in quo partes omnes sibi invicem mirè respondent. 1. Si veritate Amicitia, fide Societas, pietate Propinquitas colitur; 2. *Neceſſe* est, ille, qui Amicum, Socium, Affinem, fama, ac fortuna spoliare, conatus est; 3. *Vanum* se, ac Perfidiosum, & Impium esse fateatur.

VIII. Quarta *Tetracolos* [h. Quadrimembris] Cic. pro Quint. 1. Si tu, Judex, nullo præsidio fuisse videre, contra vim, & gratiam, solitudini, atque inopiæ, 2. Si apud hoc consilium ex opibus, non ex veritate causa pendetur; 3. *Profectò* nihil est jam sanctum, atque sincerum in Civitate; 4. *Nihil*, quod humilitatem cujusquam gravitas, & virtus Judicis consoletur.

IX. Hæc adhuc perfectior erit, si quaterna membra ita inter se recurrant, ut duo postrema primis duobus ex æquo respondeant: diciturque Periodus *Quadrata*, omnium perfectissima. Cic. pro A. Cæcin. 1. Si quantum in agro desertisque locis Audacia potest; 2. *Tantum* in foro, atque judicijs Impudentia valeret; 3. *Non minùs* in causa cederet A. Cæcinnæ Sex. Æbutij Impudentiæ; 4. *Quantum* in vi facienda cessit Audaciæ.

X. Quinta *Polycolos* (h. Multimembris, seu Membratim ducta) cum in singulis membris subsistit oratio: valetque ad narrandum, describendum, altercandum, atque ubi pugnaciter agendum, plusque acrimoniæ requiritur, quàm gravitatis. Cic. Catil. Quousque tandem abutere Catilina, patientia nostra? *Quandiu* nos etiam furor iste tuus eludet? *Quem* ad finem sese effrenata jactabit audacia? &c. Catil. 2. Non enim jam sunt mediocres hominum libidines; non humana audaciæ, ac toleranda; nihil cogitant, nisi cades, nisi incendia, nisi rapinas: patrimonia sua profuderunt; fortunas suas liguvierunt: res eos jam pridem, fides deficere nuper cœpit: eadem tamen illa, qua erat in abundantia libido permanet.

XI. Sexta *Polycommatica* (h. Incisim ducta) cum in singulis incisim insistit oratio. Valet ut Polycolos; & ad arguendum, contendendum, deridendum, refellendum. Cic. 2. Catil. Tandem aliquando, *Quirites*, L. Catilinam furentem auda-

audacia , scelus anhelantem , pestem patria nefariè molientem , vobis , atque huic urbi ferrum , flammamque minitantem , ex urbe vel eiecimus , vel emisimus , vel ipsum egredientem urbe persecuti sumus : abiit , excessit , evasit , erupit .

XII. Septima Colocommatica [h. membrisi , & incisivi permixta] quæ peculiarem venustatem habet . Cic. pro Arch. *Hæc studia adolescentiam alunt , Senectutem oblectant , secundas res ornant , adversis perfugium , ac solatium præbent , delectant domi , non impediunt foris , pernoctant nobiscum , peregrinantur , rusticantur .*

XIII. Perigraphica (h. Circumscripta , seu circumducta , Fusa , Volubilis) est , quæ pluribus contexta membris , vel incisivi , longo verborum , sententiarumque circuitu velut in orbem sic evoluitur , ut legentis , vel audientis animum impleat , & ultra satietatem non excurrat . Cic. pro Marc. *Soleo sæpe ante oculos ponere , idque libenter crebris usurpare sermonibus ; Omnes nostrorum Imperatorum , omnes exterarum gentium , potentissimorumque populorum , omnes clarissimorum regum res gestas , cum tuis , nec contentionum magnitudine , nec numero præliorum , nec varietate regionum , nec celeritate conficiendi , nec dissimilitudine bellorum posse conferri .* Hæc toti generi Epidictico , & interdum Historiæ , peridonea .

II. De Numero Periodico .

I. **C**UM Animus bene dispositus quandam in se se harmoniam contineat , Numero Periodico mirificè delectatur . Hujus primus Auctor Trasymachus ; post hunc concinnior , & castigatior Isocrates .

II. Definitur ab Arist. *Rhythmus quidam , non exquisitus ille quidem , neque canorus , qualis est in Poëmatibus , & Canticis ; sed ita dissimulatus & latens , ut sentiatur tamen , & jucundo sine concludat .* Pendet itaque a certâ syllabarum quantitate , & idonea verborum collocatione , ac structura , quæ coherentem , leniterque fluentem reddat orationem ; ut *Neque claudicat (inquit Tullius) neque fluctuet , sed æqualiter , constanterque ingrediatur .*

III. Huc confert Pedum ratio , quibus inchoanda , inter-

stenda, & claudenda Periodus. Syllabæ enim breves, ac longæ temperandæ sunt, atque alternandæ; nisi ad rem exprimendam ex industria breves vel longæ sint coacervandæ. [Porro Pedum indicem habes sub calcem Operis]
Has accipe observationes.

IV. *Jambus* (ait Arist.) humili, & vulgari sermoni congruit. *Trocheus* ob brevitatem dignitatem non habet, *Padnes* in ampliori Oratione aptissimi. Cic. *Creticum*, *Dochymum*, *Dichoraum*, ac *Padnes* ceteris pedibus antepont. *Dactylos*, *Anapæstos*, *Spondaos*, in heroo Numero probat, modò alternos, atque permittos. Mediæ Orationi aptum dicit *Paonem*, & *Dochimum*: alibi & *Creticum*, & *Bacchium*. In Clausulis *Spondaus* firmior (hoc maximè usus Demosth.) *Paon* Aristoteli, & Ciceroni, sed huic magis *Creticus* arripet in Clausulis; præsertim si geminatus, aut spondæum præcedens. *Dochimus* in clausulis stabilis: imo quovis in loco aptus est, modò non iteratus.

V. Si celeriozem vis orationem, crebros *Trocheos*, & *Jambos* inferre; si lentiozem, *Spondaos*; si moderatiozem *Creticos*, *Bachios*, *Antibachios*, *Dichoraos*; aliosque, qui longis, & brevibus temperentur.

VI. *Indignationi*, & *Gaudio* serviunt *Dactyli*, *Anapæsti*, *Choriambi*, alijque pedes volubiliozes. *Obiurgationi* crebræ elisiones, & asperiores literæ sæpius recurrentes; cum cæsim membratimque ductæ periodi. *Commiserationi*, & *Dolori* voces suaviozes, tardèque incedentes, cujuscumque *Spondai*, *Molossi*, & *Epitriti*.

VII. Res humilis minutiozes requirit numeros; Medioeris libetiozes, *Gravis* verò grandiozes.

III. Tulliana quædam exempla inchoandæ, sistendæ, absolvendæ Periodi.

I. **I**nitia Periodi [præsertim in Exordijs diligentiam requirunt: nam ad hæc intentior est Auditor].

Quamquam mihi semper frequens conspectus vester. Tandem aliquando, Quirites.

Si, Patres Conscripti, pro vestris immortalibus &c. Cum multa divinitus, Pontifices.

Cum

Cum propter egregiam, & singularem &c. Etsi vereor, Judices, ne turpe sit.

Quousque tandem, abutere, Catilina, &c. Diuturni silentij, Patres Conscripti.

Si quantum in agro, desertisque locis: Quo nam meo facto, Patres conscripti. Animadverti, Judices, &c.

Neminem vestrum ignorare arbitror, Judices. Cum in omnibus causis &c. Patior, Judices, &c.

II. *Initia quaedam Periodi intermedia.* Tantam enim mansuetudinem. Tantus est enim Splendor in laude vera. Itaque quod me vertam nescio. Habes igitur, Tuberò. Dolebam enim, Patres Conscripti.

Et per Monosyllaba. Quis enim est illo. Est enim hæc, Judices. At etiam sunt, Quirites. Quem quidem ego hostem. Et ceteros quidem omnes. Ac primum illud a te &c.

III. *Membrorum clausula.* Quæ res in Civitate duo plurimum possunt. Quod erat optandum maximè Judices. Reliquos amplissimos viros. Si pietate propinquitus colitur, Soleo sæpe ante oculos ponere, Gladium vagina vacuum in urbe non vidimus.

IV. *Periodi exitus diligentius elaborandus; quod in eo perfectio judicetur; & aures maximè finem expectent.* Fiat plerumq; per verbum, aut participium; nisi aliter rei expressio requirat. Hæc autem sæpius sint quadrisyllaba, penultima producta, quibus præcedat polysyllabon pen. correpta, vel etiam monosyllabon. Vel finire potest trisyllabon pen. prod., cui præcedat dissyllabon, vel polysyllabon pen. prod. Potest & monosyllabo terminari, aliave ratione: qua in re judicium aurium est consulendum. *Vide subiecta Exempla.*

Ciceronis sunt. Interpretando Rempublicam conservarent. Ab interitu vindicasti. Cum his, qui sedeant, Comparandus. Tuum contaminatum spiritum pertimescerem. Eorum exitus non perhorrescere. Et conservare quam plurimos. Operæ plurimum, studijque consumere. Meo pristino more dicendi. Unius opera servatam judicaverunt. In militiæ disciplinam profectus est. Qui su-

perfuert amicitissimi sint. In oblivionem diuturnitate adducta sit. A fortuna commodata esse videantur. Vanum se & impium esse fateatur.

IV. Alia quædam super Periodo notanda.

- I. **P**eriodus optima ea est, 1. cum membra inter se aptè cohærent, præsertim comparia per *Isoclon.* 2. Cum sensus non nisi in fine percipitur. 3. cum exitus pleniorè ambitu, verbisque consonantioribus terminatur.
- II. In ingressu Exordij, & in exitu totius orationis Periodus & magnificè ingredi, & concinnè devolui, & numerosè cadere debet. Præterea cum laudat, ornat, amplificat.
- III. Moneo nè in Periodi structura industriam affectes: sed cures, ut ipsa *facile*, ac veluti *spon te sua* fluxisse videatur: quanquam hoc *Facile*, o quàm difficile!
- IV. Ne verba solum Periodus otiosè contineat, sed & res; nempe argutiam, affectum, argumentum, eruditionem, figuram &c. In Epithetis seligendis potissimus [ut dictum est] labor sit. Nè apertè verba traijciantur, quò meliùs evoluatur oratio; neve inania complementa, & quasi ramenta numerorum, ceu rimas impletura, includantur: Ne ulla denique Periodi pars in partem Carminis, & unà Orator in Poetam, desciscat.
- V. Non semper Oratio periodica, & numerosa esse debet; sed quatenus in secundo numero dictum est. In Contentionibus, & Affectibus, cæsum potius feratur: nam in Ornatibus Pompa, in Contentionibus Fides, in Motibus Pugna instituitur: Artificium autem tum Affectum, tum Fidem minuit. Varianda item Periodus ad similitudinem evitandam; quæ mater est Satiæ.
- VI. Cum res magna proponitur, Periodus sit productior: In Narrationibus item numerosior esse potest: Narratio enim plus dignitatis desiderat, quàm doloris: cum verò arguit, insectatur, instruit, & perorat; concisior, quàm numerosior sit oportet.
- VII. Cum periodicè dicendum, si Periodus est brevior, membra sint productiora; si longior, breviora; ut multitudinè corrigat tarditatem.

§. VIII.

§. VIII.

Amplificatio (gr. Auxêsis.)

- I. **A**mplificatio est *Gravior quadam rei affirmatio , quæ cum motu animorum conciliat fidem .*
- II. Duplex autem est ; altera *verborum* , altera *rerum* : 1. est propriè *Auxesis* , 2. græcè dicitur *Dinôsis* : utraque id , quod simpliciter prolatum parvum videtur , ita auget , ita ejus dignitatem exponit , ut admirationem pariat , & motum conciliet ; qui ipse est finis Amplificationis .
- III. Amplificatio verborum habetur per Tropos , & Figuras jam pertractatas , & per delectus vocabulorum , & phrasium ; ac præsertim per Epitheta splendidiora ; de quibus supra §. 6. n. 3.
- IV. Sit hoc Thema : *Virtutem amo* . Dilatabis 1. per phrasas , & synonyma : pro quo tria selige , quatuorve Virtutis Epitheta ; e. g. *Decora* , *pulchra* , *splendida* , *mirifica* . Ex his unum , vel alterum in Substantiva converte , verbo *Amo* per phrasin explicato ; hoc fermè pacto . *Mirificum pulcherrima Virtutis splendorem , ac decus amore prosequor quàm possum maximo , ac vehementissimo* . Præterea quod plura Epitheta congeres , plura Substantiva egerminabunt ; & ipso quoque verbo multiplici phrasi explicato , gliscet Periodus , & dignitas orationis . e. g. *Mirificum pulcherrima Virtutis splendorem , singularem dignitatem , nobilitatem eminentiam , summam amplitudinem , speciosissimum decus , incredibilem honestatem , cælestem formam , lucemque planè divinam , unicè diligo , eam studijs omnibus , & amoribus foveo , in antiquis habeo , in oculis fero , tota mente animoque complector* .
- V. 2. Hoc idem per varias figuras efferri potest ; per Interrogationem : *Non diligam &c. ?* per Exclamationem : *Quàm diligo &c. !* per Apostrophen : *O Virtus &c.* ac per alias .
- VI. Amplificatio rerum ex Quintil. quatuor fit modis . 1. per *Incrementum* . 2. per *Ratiocinationem* . 3. per *Comparationem* . 4. per *Congeriem* .
- VII. *Incrementum* est Figura Gradationis , & Auxeseos , de

- quibus dictum suo loco: itaut per gradus deveniatur ad summum. *Ratiocinatio* fit cum unum augetur, ut aliud crescat: sic amplificatur belli difficultas, quod magis elucescat virtus Imperatoris, & gloria Victoriæ: Tyranni crudelitas, & tormentorum acerbitas, quod crescat Constantia Martyris. Virgilius Turnum laudat, ut Æneæ virtus existat. *Comparatio* fit per Exempla similia: Sic Cic. Pompeij laudes amplificat Comparatione magnorum Imp.
- VIII. *Congeries* [gr. *Synatrœsmus*] qua nihil magis confert ad uberiores Amplificationem; est Coacervatio 1. *Definitionum*, sive, quod dicitur, per definitiones conglobatas: ut si Virtutem appelles *Felicitatis Auroram*, *Gaudiorum Parentem*, *Beatitudinis Germen*, *Salutis Portum*, *Gloria Thesaurum*, *Divinitatis Speculum*, *Balsamum Immortalitatis*, &c.
2. *Adiunctorum*: ut si Christi cædem describens, Personam, quæ patitur, ejusque Divina Attributa perpendas; Crucis supplicium ignominiosissimum; acerbissimum; Carnifices immanissimos; clavos, vulnera, sanguinis rivos; latronum comitatum; adstantem Deiparam, Angelos, populos spectatores, convicia, ludibria, locum, tempus, Coelum, terram, elementa velut ingemiscensia: tum modum quo Deus patitur, pro quibus, & cur patitur, omnia dicas divinum Amorem ostendere humanam Impietatem incusare.
3. *Partium*: enumerando e. g. partes Florentinæ Urbis ad ejus pulchritudinem ostendendam; Compita, Tempia, Palatia, Fora, Porticus, Pontes, Statuas &c.
4. *Causarum, Effectuum, Consequentium*: sic variæ Bellorum causæ conglobantur, *Luxus*, *Otium*, *Ambitio*, *Cupiditas*, *Superbia*, *Fastus*, *Potentia*: sic foedissimi eorundem Effectus, & Consequentia recensentur: 5. *Similium, Comparationum, Exemplorum*: sic alicujus Avaritiam exaggerabis congerendo similitudines rapacium belluarum, comparationes, & exempla hominum avaritia æstuantium. 6. *Contrariorum*: sic existet summum Virtutis Decus, & Gloria, si Vitiorum omnium sæditas exhibeatur.
- IX. Nota I. Nihil conferre magis tum ad uberiores amplificationem, tum ad modulatiorem Orationem, quam *Synatrœsmum*, sive Congeriem prædictam.

- X. Nota II. Conferre ad eandem si per *Apôphasin* inchoetur, h. Negationem Oppositorum: ut, si Virtutem laudaturus, dixeris, eam *Absyntbium* non esse amaritæ succo imbutum, non *Aconitum* veneni tabe infectum; non *Labem* Animi, vel Corporis Bona contaminantem &c. quid enim in illa vel amari, vel noxij, vel turpis inest? &c.
- XI. Nota III. Duo esse in Amplificatione viranda. 1. Ne ad minutissima quæque descendat. 2. Ne ad explendum numerum vacuas voces, & inanem verborum sonitum interijciat.
- XII. Nota IV. Providendum est, ut Amplificatio semper ad majora procedat: post quæ nil levius subiiciatur.

C A P U T IV.

Memoria (gr. Mnème.)

§. I.

Quid sit, & Quotuplex.

- I. **M**emoria est Rerum inventarum, ac verborum firma recordatio.
- II. Duplex est, *Naturalis*, & *Artificialis*.
- III. Naturalis multifariam distinguitur. 1. *Aquosa* (in qua velut in Aqua, nihil imprimitur) 2. *Arenacea* (in qua res imprimuntur, sed citò obliterantur) 3. *Marmorea* [in qua difficile res imprimuntur, sed semel impressæ, tenaciter hærent] 4. *Papyracea* (quæ & facile arripit, & arrepta firmiter servat.) Hæc verò gratuitum est Dei donum.
- IV. Artificialis & Aquosam, & Arenaceam, & Marmoream juvare potest, modò ea, quæ subiiciuntur, monita observentur.

(✚)(✚)(✚)

S. II.

Quædam Memoriz Adminicula.

- I. **R**erum intellectio, & transcriptio. 1. Methodus ordinata, ac certas in partes, numeros, notas digesta. 2. Scriptio. 3. Assidua exercitatio. 4. Mentis ab omni cura vacuæ tranquillitas, animique nihil sibi conscij serenitas: Animus siquidem crimine perturbatus non est aptus ad id muneris exequendum. Cibi potusque usus temperatior: nihil enim æque officit Memoriz, ac Crapula. 5. Locus semotior, omnique strepitu vacuus. 6. Tempus matutinum post mediocrem somnum in dextero, aut in alterutro potius latere, quàm in occipito; favente scilicet Aurora Musis amica. 7. Serotina rerum manè comprehensarum repetitio. 8. Non tacite, sed voce sub initium pressa discendum: postea verò quàm memoriz mandasse videmur, voce elatiori, nec sine gestu recitandum.

E P I M E T R O N.

Subijciam & illud Memoriz Artificialis adminiculum, quod ex prolixa Raymundi Lulli doctrina decerptum est. 1. Animo pingere locum ipsum, in quo dicendum est; vel saltem locum aliquem, amplum, multa partium varietate distinctum. 2. Singulis eiusdem partibus, ea quæ memoriter dicenda sunt commendare: e. g. Ianuæ, gradibus, fenestris, altaribus, columnis, fornici, tabulis, statuis &c. 3. Quæ partibus ijsdem sunt credita, eadem in chartæ margine, ubi conscripta sunt, certis, & congruentibus signis, & imagunculis adnotare: e. g. Si de Cælo loqueris Asteriscum, si de navi Anchoram, si de Bello Jaculum pingas. Si de Prudentia Speculum, de Justitia Libram, de Charitate Flammam, de Virginitate Lilium; & similia Schemata, ac symbola.

- III. Tene scitum illud Effatum; *Tantum scimus, quantum memoria mandamus.*

C A.

C A P U T V.

Pronunciatio (gr. Phonèsis.)

- I. **P**ronunciatio [in qua vis omnis, & gratia, quamque Tullius quandam *Corporis Eloquentiam* vocat] est *Vocis*, & *Gestus idonea moderatio*.
- II. Duas proinde habet partes, *Vocem*, in qua propriè sita est Pronunciatio; & *Gestum*, qui Actio propriùs appellatur. De utroque nunc seorsim.

§. I.

De Voce, quæ gr. Phònos.

- I. **V**ocis dotes: sit 1. *Sonora* [Naturæ donum, arte tamen iuvandum, tum abstinentia a cibis, potibusq; officientibus, tum Calidæ potu saccharina compositione dilutæ] 2. *Firma, constans, aquabilis* [quæ exercitatione obtinentur] 3. *Mollis, ac Flexibilis*, proque Argumenti diversitate *variabilis*.
- II. In Exordio (nisi ex abrupto fiat) sit *Sedata, Gravis, Verrecunda* [est enim Inscientis, & minùs de re tota deque Auditorum gravitate cogitantis Audacter ingredi] paulùmque subsistat Orator, quasi cogitabundus, antequam dicat [qua in mora vitium est, caput mulcere, vel scalpere, manum intueri, habitum circumspicere, lacunar suspectare, infringere articulos, oscitare, validè excreare, sternuere, sese emungere, simulare conatum, suspiratione sollicitudinem fateri]
- III. In narratione sit *familiaris*, in confirmando *acris*, in suadendo *gravis*, in exhortando *fortis*, in precando *lenis*, in exclamando *vehemens*, in iracundia *incitata, acuta*, crebròque *incidens*, in miseratione *sebilis*, in re læta *bilis*, in re tristis *pressa*, & *interrupta*, in metu *contracta, demissa, hesitans*, in amore *effusa*, & *explicata*, in impetu *elata*, in do-

dolore *gravis*, unoque sono *deducta*, in voluptate *tenera*, remissa, *lenis*, in perorando demum, quasi *parta Victoria excitatior*.

- IV. Vocis vitia : 1. si *cantillans*, quasi sese Orator auscultet : 2. si *monòtona*, h. unius, perpetuique tenoris. 3. si *furiosa* & *ululans*. 4. si *Stridula*, supraque vires *intenta*. 5. si *nimiùm præceps*. 6. si *nimis lenta*, & tractim quasi stillans, & irrorans verba. 7. si *inflata*, ac *tumens*; præsertim ubi A. litera pronuncianda, ut O. potius proferri videatur. 8. si *confusa*, h. non legitimis interpunctionibus articulata. 9. si ultimas syllabas, vel literas *absorbens*. 10. si *nare*, potius, quàm ore *prolata*. 11. si *suspiriosa*, h. crebris suspirijs fracta, & intercisa, & gravius anhelata. 12. si *exilis*, & muliebriter *emollita*, sive ad effoeminationem *attenuata*, & *lascivians*. 13. si *vasa*, & faucibus nimiùm ductis emissa; quod gr. dicitur *Platiasmus*, h. verborum latitudo.

- V. Nota tres vocis principes commutationes. 1. est *moderatio* familiari sermoni accommodata. 2. paulò *major*, apta ad hortandum, & leniores motus ciendos. 3. *vebementior*, apta ad commovendum: qui vulgò dicitur *Tertius tonus*. Non enim laudandus Orator *Statarius*, sive *Gradarius*, h. semper leniter, & moderatè agens, & loquens.

§. II.

De Gestu, qui gr. *Parastèsis*.

- I. **S**tatus Corporis sit *erectus*, & *excelsus*, & quasi *basilicus*, ac *regius*. Demittere se, tum resupinare, remigum est: neu vacillet Orator, quasi e lintre loquatur. Sedere interdum in narrationibus licet.

- II. Caput ne stet rigidum, ne saxeus homo videre: neu supinum, nam hoc superbiam; neu dejectum, nam hoc abiectionem animi indicat; neve obtipum, nisi cum tristitia, aut poenitentia significanda; sed medium quendam servet statum, & oratoriam maiestatem.

- III. Oculi manum sequantur, nisi *Aversio*, *Indignatio*, *Negatio*

gatio sit exarimenda : ne stent uno defixi loco , neu de-
rent unum quempiam : ne tremuli ni stent (hoc enim mali-
tiam olet) neu sint extantes , & emissitij (hoc enim auda-
ciam) neu stent rigidi (hoc enim stuporem) vel semiclausi
(hoc enim adulationem) neu nimia modestia affectetur .
Oculorum mobilitas index est agitationis mentis : æquabi-
lis autem , & numerosus motus , & quædam quasi lenis mo-
dulario gratiam conciliat . In oculis mira vis : inde exe-
runt sese pictæ affectiones .

IV. *Supercilia* ne palpitent , aut saliant : sed modò stent im-
mota , aut diducantur , aut contrahantur , modò inæquali-
ter dissideant , prout oratio postulat .

V. *Subridere* Philosophico quodam risu , & decoro gelasino ,
in lætitiæ significatione licet . Labia valgiter repandere ,
seu distorquere illudendi gratia , aut linguam exertare ;
tum loqui labijs , tussire , & se vel alios despuere , turpe .

VI. *Frons* , nisi restrictis significetur , rugis non contrahen-
da , non manu ferienda : neu prostituta sit , aut ferrea , &
audax ; sed pura . Veteres Genio dicatam dixere .

VII. *Vultus* totus pro ratione argumenti componendus : jam
supplex videatur , jam minax ; blandus , hilaris , tristis ,
erectior , atque explicatior . Non tamen sæpiùs mutanda
oris species , ne levitatem præseferat , nec facies nimium
proferenda .

VIII. *Collum* ne in alterum humerum flectatur , nisi modicè ,
cùm preces adhibendæ .

IX. *Humeri* , nè subrigantur , neu subsultent , neu gloriosè
circunrotentur , sed naturalem servant modum .

X. *Pectus* ne nimium projiciatur , aut contra inclinetur : nun-
quam verò ab Auditoribus avertatur .

XI. *Latere* viriliter , ubi opus sit , flectantur : neu projician-
tur , neu manu pulsantur , neu tremula sint , & exilentia ,
aut vagis flexibus fluctuantia .

XII. *Brachia* ne vehementer iactentur , quasi adremigent ;
neu desidiofa pendeant : sed in contentionibus moderatè
moveantur . *Porrecta* Auditoritatem , *cohibita* Pudorem ar-
guunt , *suspensa* , *ponderosa* , *plumbea* Rusticanum quid
olent .

XIII. Pe.

XIII. *Pedum* supplotio rara, nec nisi in Contentionibus, & Inveclivis aut incipiendis, aut finiendis. Incessus & Excursio sit moderata. Micare, & argutari pedibus, quasi facietis, & ludibundis, indecens est.

XIV. *Manuum* motus ita conformentur, ut loqui videantur exhibendo, poscendo, minando &c. ita tamen ut aptentur rebus: secus solœcismus erit in gestu; ut si quis Cœlum nominans, terram indigitet. Cavendum verò ne nimis gestuosæ sint, ut verbis singulis singulos gestus apponant, nè in Mimum abeat Orator. Ferire femur, Scenicum est. Gestus igitur ne nimis sit accuratus, & satur: ne contra negligens, neu levior, jactatior, vastior, ac fractior: Ne digitis argutet; neve ad numerum articulus cadat. Manus ne caput superet, neu faciem inumbret; nè perfricet, aut scalpat; ne capillum mulceat, aut retro agat, nisi fortè ante ventulas comas in Adolescentibus, modeste tamen: neve intra pallium, vel togam contineatur. In pugnum contrahenda non est, nisi cum irascimur; nec tota explicanda; neque digiti simul arctius uniendi, aut penitus sejungendi, sed leniter sunt in volam cogendi. Utrunque Indicem intentare, indecens; Medium, indecentissimum. Adversis palmis reijcimus: crebra manuum impressio urget, elatio supplicat: prona manus confirmat, sublata admiratur, extenta silentium indicit: ori admota tacentis, aut silentium suadentis habitus est. Sub exordium parumper sistat; deinde cum gravitate moveri incipiat. Sinistra (quam *Furtificam* Poetæ appellant) nisi cum oppositus Dexteræ motus exprimendus, nunquam sola moveatur; sed quiescat, vel tanquam Ancilla Dexteræ subserviat: Dexteræ verò, quæ Principatum obtinet in Actione, sola ut plurimum gestum facit. Sub Periodi finem Manus ne pendens remaneat, sed decenter declinetur: A sinistro latere in Dexterum movenda, vel a mediò pectore extrorsum. Manuum collisio, & complosio [modò non clarò sonitu, sed leni appulsu fiat] Compectinatio, seu Complicatio, subiectio, atque humilis sessio, subinde facienda, præsertim in significatione tristitiæ.

XV. Ita denique omnia componenda, ut nihil effœminati,

ac

ac mollis; nihil nimium exquisiti; & elegantis; nihil demum agrestis ac duri, aut ingrati habeant. Honeſta oris, & corporis compositio potentiſſimum. eſt delinimentum ad Benevolentiam conciliandam.

XVI. Altè ſedeat infixum animo illud Demosthenis, qui rogatus, quid in dicendo eſſet primum, quid ſecundum, quid tertium, primas, ſecundas, tertias uni tribuit Pronunciationi. Docetque Cyprianus, hanc tanti faciendam; ut ſine

ipſa Summus Orator nullo in numero ſit; Mediocris verò hac inſtructus, Summus ſape antevertat.

* * *
* * *

PRIMÆ PARTIS FINIS.





SYNTAGMA RHETORICUM

PARS ALTERA.

PECULIARIA QUÆDAM RHETORICÆ.

SYNOPSIS EORUM, QUÆ IN HAC PARTE TRACTANTUR.



Erſatur hæc pars in quibusdam Peculiaribus. Ea verò ſunt 1. *Progymnaſmata* Aphthonij. 2. *Varia Orationum genera*. 3. Hiſce ſubijci-
tur *Caput de Epistoſis*. 4. *Brevis Tractatus de*
Affectibus. 5. *Breviſſimus de Argutijs*. 6. *De*
Elogijs. 7. *Non nihil de Hiſtoria*. 8. *Pbrenoschemata*, vul-
go *Impreſe*. 9. *Nonnulla ad Poëſin quidem ſpectantia*, ſed
Rhetoricæ Candidatis non ignoranda. 10. *Selectiores de-*
nique formula Proverbiales.

CAPUT I.

Progymnaſmata (h. *Præluſia*) Aphthonij

- I. **P**æviæ ſunt Exercitationes, ſecundùm triplex
genus dicendi; quas Aphthonius Sophiſta, Græ-
cus Auctor, pertractavit; Orationibus utiliſſimæ.
Sunt autem quatuordecim; *Fabula*, *Narratio*,
Cbriæ,

Chria, Sententia, Confirmatio, Confutatio, Locus communis, Laudatio, Vituperatio, Comparatio, Ethopœia, Descriptio, Thesis, Legislatio.

- II. Hæc ordine præire debuerant: sed visum est, quæ ad Theoricea pertinent primùm tradere, deinde quæ ad Praxin. Potest autem a Progymnaste vel Ordo inverti, vel utraque Pars componi, altera Discipulos erudiendo, altera exercendo.

Progymnasmata pro Genere Deliberativo.

§. I.

Chria (h. Usus.)

Hanc præmittendam, & fusiùs tractandam putavimus; tum quia nostro in Gymnasio valde usitatam, tum ut reliquis tanquam Norma quædam præluceat.

- I. *Chria* græcè, latinè *Usus*, ob utilitatem, quàm affert, sic appellata; est *Ornata commemoratio, sive explicatio alicujus Disti, vel Facti.*

- II. Triplex est: *Activa, Verbalis, & Mixta*. 1. Actionem aliquam, seu Factum exponit: e. g. M. Cato Utricens. Imperator in Africa Romanorum unà cum exercitu siti laborans, oblatam sibi a milite aquam sub omnium oculos in terram projicit. 2. Cujuspiam præclarè dictum explicat: ut, illud Solonis Athenien. Philosophi: *Beatus dici debet, dum vivit, nemo*. 3. Factum aliquod Dicto conjunctum enarrat: e. g. Crates Thebanus, quò Philosophiæ liberius vacaret, opes in mare projicit, dicens: *Mergo vos, ne mergar a vobis.*

- III. Ab octo capitibus *Chria* tractatur: ab *Encomio*, a *Paraphrastico*, a *Causa*, a *Contrario*, a *Simili*, ab *Exemplo*, a *Veterum Testimonio*, ab *Epilogo*. Quæ capita compendiosè habes in hoc versiculo: *Laus, Dictum, Ratio, Contra, Par, Actio, Testis*

Hæc jam singillatim: & quidem in *Chria* verbali; a qua disce reliquas.

IV. Sit

IV. Sit Dictum illud Virgil. in Ætna: *Pietas homini tutissima virtus.*

Ab *Encomio*: h. ab ejus laude, cujus Dictum, vel Factum exponitur: quæ quidem petenda a Definitione, Notatione Nominis, Adiunctis, alijsve locis oratorijs. Pluribus autem rationibus, varijsque Figuris auspicari poteris.

1. *Simplicius, & planius*: ut, Clarissimus ille Musarum Antistes, Parnassi, atque Heliconis potissimum Decus, Latinaeque Poeseos Lumen amplissimum; cui Carminis dignitas Poetarum obtinuit Principatum; qui nitore, ac pudore scribendi Virgineum Nomen promeruit; Virgilius, inquam, Maro, inter universas, quotquot protulit, easque Cedro dignas sententias, nullam, me quidem iudice, aut veriore, aut luculentiore suis monumentis consignavit, quàm illam: *Pietas homini tutissima virtus.*

2. *Per Exclamationem*: Quà n sapienter gravissimus ille Poetarum Princeps concinuit, cum pronunciavit &c. O sententia enim verè Immortalitate plenissima! O doctissimo Poetarum Principe digna vox! O effatum Sapientum omnium calculis approbandum, Mortalium omnium animis insculpendum!

3. *Per Interrogationem*: Potuitne luculentius, nobiliusque Vatum ille Antesignanus, Virgilius, inquam, effari, quàm cum cecinit &c. ? Quæ splendidior unquam, uberiorque sententia ab ore Sapientum emanavit, quàm quæ latino ab Homero prolata est &c.

4. *Per Apostrophen*. Huc adeste, Adollescentes ingenui: Sententiam accipite, an gemmam? Virgilianam: nempe &c. Audite, universum mortale genus; audite, Pueri, Juvenesque, Virilis, ac Senilis ætas, quid concinat Latinus Vates, Mantuanus Olor &c. O præclarissime Vatum Coryphæe, Virgili! O Virgineo dignissime titulo, ac nomine! Quàm veram, tuxque consonam Tubæ, Venæque aureæ concolorem protulisti sententiam! videlicet &c.

V. *A Paraphrastico*: h. ab interpretatione ipsius Facti, vel Dicti: hac ferè transitione. 1. Quid enim *Pietatis* nomine intelligitur, nisi Virtus, quæ debitus Deo, ac Cœlitibus Cultus, debitum Patriæ, Parentibus, ac Propinquis officium

Scium tribuitur ? [Tum dilatanda vox ipsa *Cultus* ; nempe *Animi* , studium , cura , veneratio ; *Oris* , laudatio , preces , consilia ; *Operis* , honor , obsequia , subsidia , &c. 2. Dilatanda vox *Tutissima* : quæ sonat Tutari , Defensum dare , sospitem , incolumemque servare ab omni discrimine Calamitatis , ignominia , mortis : nihil enim æquè hominem , ac sua quæque Pietas , sospitat , ac fortunat . 3. Dilatanda demum vox illa *Homini* ; qua comprehenditur omne Mortalium genus , ætas , conditio ; tum secundum *Animum* , quem ab omni periculo Criminis , perturbationisque vindicat ; tum secundum *Corpus* , & Bona fortunæ , h. opes , domum , familiam &c. idque omni tempore , loco , ratione , &c.

VI. A Causa : h. causam afferendo , cur verè sapienterque Dictum illud , vel Factum videatur : his fere transitionibus. 1. *Quod* si hujusce rei causam quæritis , dicam ; idcirco Pietatem tutissimam esse , quia cùm hæc Virtus sit gratissima Superis , Mortalibus Venerabilis , ea quisquis sit maxime instructus , non possunt utrique , quin , ut eundem tueantur , ac foveant , omni ope studioque contendant. 2. *Scitaris* , cur Pietas usque aded tuta sit , sui que Cultores tutetur ? ratio est , quia &c. 3. *Nec sanè mirum* , si Pietas Hominem tutissimum reddat , ejusque animum , corpus , famam , atque fortunas fartas , ut aiunt , testasque servet ; nam &c.

VII. A Contrario : h. ex contrariarum rerum conflictu id confirmando , quod propositum est : his ferè transitionibus. 1. *Contra* verò quid periculosius , perniciosiusque ; tum corpori , tum animo ; quid ærumnis , & calamitatibus omnibus obnoxium magis , quàm Impietas ? Hæc enim &c. (Hic verò recensenda sunt damna , quæ ab Impietate proficiscuntur) 2. *Nihil e contrario* reperiri potest , quod majoribus Hominem infortunijs , miserijs , cladibus afficiat , ac premat , præter Impietatem , quæ &c. 3. *Atque ut liquidd constet* , & luculenter existat hæc veritas , Nihil Homini utilius , ac tutius accidere , quàm Pietatem , vel inde æstimare licet , quodd nihil eidem insensius , atque exitiosius est Impietate ; nam hæc &c.

VIII. A Simili : h. Similitudine quapiam sententiam il-

lustrando: his ferè transitionibus. 1. *Quemadmodum enim* Arx munitissima valido circumquaque conscripta vallo &c. (hæc verò futius describenda) Patriam, & patrios Lares, ab insectis hostium aggressoribus defensat, acutos servat: ita &c. 2. *Haud aliter verò quàm* Thorax aeneus, vel Clypeus textu septemplici communitus, lethalibus telorum ictibus prorsus impervius, vulnera, & neces eludit: sic &c. 3. *Et verò* quod fidiissima Portus ac Litoris statio præstat nautis, atque navigijs, quæ, post tumentes pelagi minas ejus in sinu placidissime conquiescunt; id præstat Homini Pietas; quæ &c.

IX. *Ab Exemplo*: h. exemplo aliquo rei veritatem confirmando: his ferè transitionibus. 1. *Vos, vos, inquam* appello Viri eximia Pietate clarissimi, quos hæc Virtus ab omni hostium incurfu tutata est. Te appello, Chrysostome; qui &c. te appello *Athanasii*; qui &c., te appello, Basilii, &c. 2. *Testes sunt illi Heroes*, qui Pietatem mirè servantes ab illa servati sunt: testis Joseph Ægyptius &c. testes Babylonenses Pueri &c. testis Regius Vates &c. 3. *Expertisunt* præsentissimum tantæ Virtutis Præsidium amplissimi, ac sanctissimi Viri. Tu Carole Borromæ, &c. tu Ignati Loyola &c. tu Franciscæ Xaveri &c.

X. *AVeterum testimonio*: h. auctoritate antiqui scriptoris id confirmando: his ferè transitionibus. 1. *Quid enim aliud* innuere voluit sonora Pauli Tuba, cum vocem illam intonuit, *Pietas ad omnia utilis*? nam si &c. 2. *Audite verò*, quid in eandem sententiam scripserit Byzantinus Anstites Chrysostomus: *Pietas*, inquit, *magnus quæstus est*: si enim &c. 3. *Id ipsum sensit*, ac declarare voluit vel Tragicus Vates, cum cecinit: *Nulla vis major Pietate vera est*.

XI. *Ab Epilogo*: h. quæcumque sunt dicta, brevi aptaque verborum comprehensione claudendo: his ferè transitionibus. 1. *Quæcumque ita sint*, si &c., si &c. (hæc verò recolligenda sunt omnia) quis eat inficias, ad Vitæ salutem, atque incolumitatem nihil tutius esse Pietate? 2. *Quæ si vera sunt*, ut verissimi esse sanus inficiabitur nemo; si &c. si &c. an non sapientissime pronuntiavit Virgilius &c. 3. *Itaque fateamur* necesse est, nihil a Poetarum maximo dici verius
sa-

fapientiusque potius, quam cum cecinit &c. hoc siquidem firmissime comprobant quæ hæcenus sunt disputata : nempe &c.

§. II.

Sententia (gr. Gnome.)

- I. **E**st Oratio, sive Effatum, breve, universale, perpetuum, ad mores pertinens.
- II. Multiplex est : 1. Simplex : ut *Generosos animos labor nutrit* (Sen.) 2. Composita, ut *Obsequium amicos, Veritas odium parit.* [Salust.] 3. Vera : ut, *Nobilitas sola est, atque unica virtus.* (Juven.) 4. Probabilis : ut, *Corrumpunt bonos mores colloquia prava.* (Menand.) 5. Hortatoria : ut *Omnem crede diem tibi diluxisse supremum* [Hor.] 6. Debortatoria : ut *Res Principe digna non est, totam noctem dormire* (Hom.) 7. Enunciatio : ut, *Sapiens sibi fortunam fingit.* [Plaut.]
- III. Tractatur iisdem fere capitibus, quibus Chria ; excepto Encomio Auctoris : nam potest Orator de suo Sententiam dicere ; se ipsum laudare non debet.
- IV. Sententiæ, aliæ sunt explicitæ, & apertæ, ut superiores ; aliæ tacitæ, & sublatentes, & velut ex obliquo vibratæ : ut, *Timere Rex, dum nimis timetur, incipit*, quæ hanc involuit Sententiam : *Rex timere debet, se, nimis timeri.* Potest & Imperativo modo per Protaxin esse : *Rex si nimium timeris, time.* Si vis igitur apertam Sententiam, revoca Hypothelin ad Thelin : e. g. hanc : *Vanus fuit Amicus, qui te deseruit* sic revoca : *Amicitia, quæ desit, vera non est* : Si vis opertam, vice versa agas.

§. III.

Thesis (h. Quæstio infinita.)

- I. **E**st Rei alicujus investiganda Consideratio. Hanc Cicer. *Propositum*, seu *Consultationem* vocat.
- II. Duplex est : *Contemplativa*, seu *Speculativa* ; cujus finis est

H 2

est Cognitio: e. g. *An Terra sit rotunda*. 2. *Practica*, seu *Civilis*; cujus finis est Acti: rem enim disquirat utilem Civitati: e. g. *An Bellum sit gerendum*.

III. Dividitur etiam in *Simplicem*, & *Compositam*. 1. unum quaerit: e. g. *An optimum sit, Rhetorica operam dare*. 2. plura comparat: ut, *An melius sit studere Rhetoricâ, an verò Philosophiâ*.

IV. Differt ab Hypothesi; quoddam Thesis sit generalis, & infinita: ut, *An praestet Rhetorica operam dare*: Hypothesis sit singularis, & circumstantiis limitata: ut, *An praestet, Feminas Rhetoricam discere*: vel ante, *an post Philosophiam*: vel in privatis adibus, *an in publicis scholis*.

V. Hujus usus est in Oratione: nam cum Thesis sit Propositio generalis, quæ dicuntur de Genere, valent ad inferendum de singulis. Sic si sermo sit de discenda Rhetorica, excurram in laudem *Sapientia*; si de Otio fugiendo, excurram in vituperationem *Vitij*. Hoc verò est Traducere Hypothesin ad Thesis. Et omnis excellens Orator semper, cum potest, Controversiam a personis, & circumstantiis avocet.

VI. Ejus Dispositio est. 1. *Exordium*, prout res postulat. 2. *Propositionis expositio*. 3. *Confirmatio*. 4. *Epilogus*.

VII. Capita Confirmationis. 1. *Ab Honesto* [quod scilicet, detracta omni utilitate, per se ipsum est expetendum] & complectitur naturam rei, legesque, ac virtutes cum re conjunctas. 2. *Ab Utili* [quod nempe unice propter commodum expetitur] continetque Bona Naturæ, ac fortunæ. 3. *A Necessario* [h. sine quo Salus, aut Dignitas stare non potest], quod comprehendit omnia, quæ consecutura sunt ex re facta, vel omissa. 4. *A Facili*, vel *Possibili* [h. quod rem secundum suas circumstantias facilem factu demonstrat]. 5. *A Jucundo* [h. quod honestam habet vel animi, vel corporis voluptatem].



§. IV.

Narratio (gr. Diegèsis .)

- I. **E**st *Expositio rei gesta , vel quasi gesta* . Dixi *Rei gesta* , respiciendo Historicam ; dixi *Quasi gesta* , respiciendo Poeticam Narrationem . Triplex est autem Narratio .
- II. 1. *Historica* , quæ res verè gestas exponit . V. p. 1. pa. 29. & p. 1. c. 7. 2. *Poetica* ; qua rem fictam exponit : quæ quidem res si est omnino ficta , est absolutè Fabula ; si res vera , sed ficto modo exposita , non est fabula , nisi penes modum . 3. *Civilis* , sive *Oratoria* ; qua rem exponit , de qua est contraversia ; ut sunt Forenses .
- III. Sex in Narratione requiruntur . 1. *Persona* , quæ rem gessit . 2. *Res* , quæ gesta est . 3. *Tempus* , quo . 4. *Locus* , in quo . 5. *Modus* , quo . 6. *Causa* , propter quam gesta est .
- IV. Quatuor sunt Narrationis Dotes , *Brevitas* , *Perspicuitas* , *Suavitas* , *Probabilitas* : de quib. p. 1. c. 1. §. 3. pag. 29.
- V. *Oratoria* continet Admiraciones , Expectationes , seu Suspensiones , Motus animorum , Colloquia personarum : ut dictum est par. 1. Stylus *Poetica* floridior sit oportet : *Tragica* tamen gravitate , & majestate plena esse debet : *Comica* , & *Satyrica* cum salibus , & mordacitate . Stylus *Historica* medius est , ac temperatus .
- VI. Dispositio est . 1. Breve *Exordium* , vel a Thesi , vel in laudem Personæ , vel per aliquam sententiam . 2. *Expositio Facti* . 3. *Admonitio in fine* : quæ cujusmodi sit , vide §. sequ. n. 5.

§. V.

Fabula (gr. Mythos .)

- I. **F**est *Sermo falsus veritatem effingens* , ad mores hominum informandos .
- II. Triplex est . 1. *Rationalis* ; sive *Parabola* ; cùm homo fingitur aliquid dicens , vel faciens : e. g. Vir quidam ab hoste

vulneratus, a vomica, qua laborabat, per vulnus sanatur. Tum subijcitur Apodosis sive Clausula [de qua mox] v. g. *Ab inimicis salus interdum venit.* 2. *Moralis*: cum scilicet Brutis humanos mores affingimus: quæ siquidem inter se colloquentes inducimus, dicitur *Apologus*. 3. *Missa* utranque complectens: ut, cum Homines loquentes cum Beluis, vel rebus inanimis, inducimus; Stylo rebus accommodato.

III. Alia etiam sortitur nomina. Dicitur *Fabula Æsopica* ab Æsopo Phrygio fabularum Scriptore: *Cypria* a Cypro Insula, ubi magnus fabularum usus: *Sybaritica* a Sybaritis Magnæ Græciæ populis fabularum Architectis: *Milesia*, quod Milesij, a Mileto urbe Asiæ appellati, jocis delectarentur: hinc *Milesus Sermo* pro voluptuario dicitur: & *Cilissa*: quod Cilices, Minoris Asiæ populi, mendacijs forent assueti.

IV. Dispositio. 1. *Exordium*, quod continet laudes Auctoris ipsius Fabulæ. 2. *Narratio*; quæ quidem brevis, & jucunda esse debet. 3. *Affabulatio*: de qua nunc.

V. *Affabulatio* [gr. *Epimythion*] est Admonitio, seu Documentum ad vitam rectè instituendam: quod est Finis ipsius Fabulæ. Quæ quidem præponi etiam potest: sed tunc appellabitur *Præfabulatio* (gr. *Proimythion*).

VI. Potest & brevius tractari Fabula, simplici Narratione cum Affabulatione.

VII. Ejus usus est ad recreandos Auditorum animos, ad docendum, ad mores instituendos.

In genere Demonstrativo.

§. 6.

Laus (gr. *Encomium*).

I. **E**st Oratio, qua Bona alicuius recenset. Bona verò alia sunt *Natura*, alia *Fortuna*, alia *supra naturam*, sive *Gratia*. Naturæ sunt tum *Corporis*, ut *Forma*, *Robur*, *Sanitas*,

nitias, Habitudo, &c. tum *Animi*, ut Ingenium, Virtus, Scientia, Artes &c. Fortunæ sunt Opes, Nobilitas, Parentes, Educatio, Patria &c. Gratia sunt Virtutes Theologicæ, Virtus Miraculorum, Donum Vaticinandi, Donum Linguarum &c.

II. Dispositio. 1. *Exordium* liberum est, vel ab Adiunctis, vel a Facto, Dictove aliquo. 2. *Narratio* per totam orationem diffusa, Bona Personæ recensendo, res gestas, & gloriosum exitum ostendendo. 3. Ostendatur, *Contrariis carere*, puta labe vitiorum, &c. 4. Cum viris illustribus comparetur. 5. *Epilogus*, Personę laudatę existimationem conciliet, amorem virtutis, & imitationem accendat.

III. Stylus ornatior sit oportet. Vide Orationem Panegyricam Cap. 5. §. 9.

EPIMETRON.

Deus laudatur ab Attributis Potentiæ, Sapientiæ, Bonitatis, Providentiæ, Immenfitatis, Æternitatis, Majestatis, Justitiæ, Misericordiæ, Pulchritudinis, Gloriæ: & ab Effectis eorum.

Persona quęlibet laudatur a Bonis supradictis, quoddamque iis bene sit usa. Vide Panegyri. c. 5.

Res inanimata laudantur a Pretio, ab Usu, ab Antiquitate, a Forma, ab Effectibus, & Virtutibus.

Regio, vel *Urbs*, a primis Cultoribus, vel Conditoribus; a Principibus, a Civibus illustribus, a Frequentia populi, a Cœli temperie, a Soli ubertate, amœnitate, situ, fontibus, fluvijis, collibus: a Structura, Edificijs: a Ritibus, Moribus, Artibus, Academijs, &c.

Academia, *Ordo Religiosus*, *Familia*, a Conditoribus, Viris illustribus, Factis egregijs, &c.

Virtus, quoddam Bonis corporeis sit præstantior, quoddam Ornamentum sit Animi; quoddam Bonum constans, æternum, fortunę arbitrio non subiaccens, quoddam Deo grata, Hominibus venerabilis, & admiranda; quoddam veram felicitatem, & immortalem gloriam pariat.

Ars, & *Scientia* ab Inventionem, Usu, atque utilitate

tum privata, tum publica; ab *Honesto*, *Utili*, *Necessario*, *Facili*, *Jucundo*: ut supra explicavimus §. 3. n. 7.

§. VII.

Vituperatio (gr. Μῶμος)

- I. **E**st Oratio, *Qua Mala alicujus recenset*. Mala verò sunt Bonis supradictis opposita.
- II. *Dispositio* eadem est, quæ *Laudis*; sed per oppositionem.
- III. *Stylus* mordax, & *Satyricus* cum *Imprecationibus*, & *Invektivis*. De *Invektiva* vide cap. sequ.
- IV. In *Epilogo* motus excitandi ad *Vitij detestationem*, vel etiam *Personę*, quę vituperatur e.g. *Hæretici*, *Rebellis* &c.

§. VIII.

Ethopœia [h. Morum expressio.]

- I. **E**st *Expressio morum*, *affectuumque alicujus persona*. Triplex autem est.
- II. 1. *Ethopœia* absolutè dicta: quæ notam, veramque Personam inducit: e.g. Quid dicere potuerit D. Franc. Xaver. cū Christi Cruce suffixi imaginem sibi a Cancro redditam vidit.
- III. Hæc rursus triplex est. 1. *Pathetica*, exprimens affectus vehementiores: ut, Quid dixerit Medea filios interfectura. 2. *Etbica* (h. *Moralis*) quæ solos exprimit mores: ut, Quid diceret avara Mulier aureum pugionem reperiens. 3. *Mista*, quæ & *Mimêsis* (h. *Imitatio*) exprimens affectus, & mores: ut, Quid dixerit Achilles, Patroclo amico interfecto, pugnare statuens. Mos autem ex Arist. est *significatio propensionis animi ad aliquid vel diligendum, vel fugiendum*.
- IV. 1. *Idolopœia*; quæ est *Expressio morum Persona mortua*. Sic Tullius Appium Cæcum jam mortuum adversus Clodium loquentem inducit. Vide *Protopopœiam* Par. 1. c. 3. §. 1. V. 3.

V. 3. *Prosopographia*: quæ est *Expressio vultus, oris, habitus, incessus alicuius Persona*. Sic Cic. Patriam, & Remp. Personarum more loquentes effingit. Vide *Prosopopœians*. par. 1. &c.

VI. Dispositio tria continet tempora. 1. *Præsens* pro Exordio. 2. *Præteritum*. 3. *Futurum* pro Confirmatione. Ex gr. si vis Famam inducere loquentem de Heroe aliquo, puta de Eugenio a Sabaudia, dicat primò quid nunc agat, quid cogitet, & mediteatur. 2. quid egerit, quotque palmas retulerit. 3. quid se dignum facturum deinceps polliceatur.

VII. Porro in Moribus tractandis spectandum. 1. *Decorum*. (gr. τὸ πρὸς ἔπαινον) in actionibus, & locutionibus: non enim dandi sunt Viro mores Fœminæ, Puero Senis, Servo Regis. 2. *Constantia*, h. ut sibi consent: sic qui semel Iracundus, semper Iram retineat. 3. *Ratio Regionis, vel Urbis &c.* quarum diversi sunt mores.

§. IX.

Comparatio (gr. Analogia.)

I. **E**st Oratio conferens aliquid cum alio: e. g. Florentiam cum Antuerpia, Scipionem cum Alexandro.

II. Duplex est. 1. cùm comparatur Æquale cùm Æquali; e. g. Annibal cum Scipione. 2. cùm comparantur Inæqualia; e. g. Adulator cum Amico; Apes cum Republica.

III. Artificium est simile Laudi, ac Vituperationi: h. Exordium, Expositio, & Epilogus.

IV. Non est necesse utranque rem totam uno ictu conferre; sed potest Capiti Caput per modum Paralleli.



§. X.

Descriptio (gr. Catàgraphe .)

- I. **E**st Oratio fusè colligens, & representans rem aliquam Multiplex autem est.
- II. 1. *Icon* (h. Imago) e. g. Describatur Pyxis Nautica Cynosuram respiciens : tum traducatur ad Animum Cœlestia respicientem, ut Vitæ Navim rectè gubernet.
- III. *Diatypōsis* (h. Effictio) quæ est Expressio corporis Personæ alicujus.
- IV. 3. *Hypotypōsis*. De qua dictum est inter Sententiarum Figuras.
- V. 4. *Simiōsis* [h. Notatio] Sive Morum alicujus Expressio : sed hæc propriè est Ethopœia.
- VI. 5. *Merismus* (h. Distributio) seu Partium omnium distincta, & graphica Enumeratio.
- VII. Potest fieri 1. per *Apōphasin* [h. Negationem] : e. g. Describo Ver, recensendo propria Hyemis, quæ jam cesserunt. 2. per *Catāphasin* [h. Affirmationem] recensendo effectus proprios ipsius Veris. 3. per Sensus ; recensendo quæ visu, auditu, vel factū, tactuque percipiuntur verno tempore. 4. per Definitiones conglobatas. 5. per partes : e. g. Hominem iratum describens, exprimes Vultum, oculos, vocem, gestus, incessus &c. 6. Ab Adiunctis, seu Circumstantijs : qui est fons uberrimus Descriptionum. Vide in Par. 1. cap. § 10.
- VIII. Nota 1. Texenda stylo tenui quidem, sed eodem exposito, & figuris illuminato. 2. Ordinata esse debet, e. g. A capite gradatim ad pedes, &c. 3. Non debet esse nimium prolixa. 4. nec nimium frequens. 5. neque nimis affectata. 6. nec extra rem ; ut, si Viridarium nominans, Viridarij continuò sub suas Descriptionem. 7. nec in Oratione graviori ad minuta quæque, aut etiam ridicula descendendum.



In genere Judiciali.

§. XI.

Confirmatio [gr. Εἰσχυρῶσις.]

- I. **E**st *Proposita rei comprobatio* : Quæ res debet esse nec manifesta, nec incredibilis ; sed tantum probabilis. Dispositio hæc est.
- II. 1. *Exordium* ab Encomio Auctoris, qui Dictum protulit.
 2. *Expositio fidelis ipsius rei*. 3. *Comprobatio* : quæ facienda.
 1. a *Manifesto*, probando rem esse manifestam. 2. a *Probabili*, ostendendo esse probabilem. 3. a *Possibili*, seu *Facili*, confirmando, rem facilem factu esse. 4. a *Consentaneo*, quodd scilicet sit conveniens, & consentanea rationi. 5. ab *Honesto*, quodd res ipsa deceat, & gloriosa sit. 6. ab *Utili*, demonstrando ejus utilitatem.
- III. Addatur *Epilogus*. Vide par. 1. cap. 2. §. 4.

§. XII.

Confutatio [gr. Ανασῆψε.]

- I. **E**st *Proposita rei subversio*, seu *Reprehensio*, sive *Destructio* : quæ res non debet esse manifesta, nec incredibilis, ut sunt *Fabulæ* ; sed dubia, & obscura. Dispositio hæc est.
- II. 1. *Exordium* a *Reprehensione Auctoris*, cujus oratio, vel dictum subvertitur. 2. *Rei*, vel *Dicti Expositio sincera*.
 3. *Subversio ipsa per vias oppositas*. 1. ab *Obscuro*, sive *Incerto*; h. Rem non manifestè apparere. 2. ab *Incredibili*.
 3. a *Difficili*, sive *Impossibili*, h. Rem fieri non potuisse. 4. a *Dissentaneo*, seu *Repugnante*. 5. ab *Indecoro*, seu *Turpi*. 6. ab *Inutili*.
- III. Addatur *Epilogus*. Vide par. 1. c. 2. §. 4.



§. XIII.

Locus communis (gr. Cindlochos.)

- I. **E**st Oratio, qua Bona, vel Mala alicujus amplificat; ut præmio, vel pœna afficiantur.
- II. Dicitur *Locus communis*; quia omnibus convenit, quibus ejusdem rei, vel bonæ, vel malæ, sunt participes: ut, si in Contumacem dicas, ea oratio in omnes Contumaces cadit.
- III. *Exordium* vel breve, vel nullum; cum *Locus communis* sit rei jam probatæ mera amplificatio.
- IV. Capita Confirmationis, sive Amplificationis. 1. *A Contrario*; e. g. in Contumacem, ostendendum, quantum Bonum sit Obedientia, quam ipse violavit. 2. *ab Expositione* rei notæ, more oratorio. 3. *a Comparatione* aliorum improborum, quos iste superavit. 4. *a Sententia*; h. ab ejus mente, qua id fecerit, qua de causa, quid voluerit. 5. *a Digressionem coniecturali*, conjecturam capiendo ex hoc crimine de ceteris actis ejus vitæ. 6. *ab Exclusionem Misericordiam*; nullum siquidem Miserationi locum scelus tantum reliquit.
- V. Tum impellendus est Judex ad sententiam adversus illum ferendam. 1. *a Legitimo*; ostendendo, esse secundum leges, si Misericordia negetur. 2. *a Iusto*; Id scilicet jus postulare, seu Justum esse, pœnam infligere. 3. *ab Utili*; id prodesse Reip. 4. *a Facili*; nullo scilicet negotio ejus furorem comprimi posse. 5. *ab Honesto*, Rationi nihil convenientius, quam si pœna ab illo exigatur. 6. *ab Eventuro*; ex ejus punitione eventura Reip. Bona omnia; e. g. Scholasticam Disciplinam, vel Civitatis Emendationem, &c.
- VII. Differt a Thesi; quia *Locus communis* est de re jam probata, Thesis verò est rei dubiæ investigatio.
- VIII. Stylus poscit acrem, vehementem, & argumentis robustum.
- IX. Si rem bonam exaggeramus, cum proportionem procedendum; præmiumque expetendum. §. XIV.

§. XIV.

Legislatio [gr. Nomothesia.]

- I. **E**st *Legis lata vel Criminatio, vel Defensio*. Dispositio ejus hæc est.
- II. 1. *Exordium* Legi accommodatum. 2. *Expositio* ipsius legis. 3. *Tractatur* 1. a *Legitimo*, ostendendo, Legem legitimam esse. 2. a *Iusto*; probando esse justam. 3. ab *Utili*; demonstrando ejus utilitatem. 4. a *Possibili*, seu *Facili*, probando facilitatem.
- III. *Obiectiones* adduntur ad singula: & solvuntur. Addatur *Epilogus*.

C A P U T I I.

Varia Orationum genera.

Et primùm in genere *Deliberativo*.

Pænota. Caput Artis est, quibuscum agas dignoscere: 1. an cum Principibus, Rebusque pub. apud quos molli brachio utendum: formæ diversæ dominationum spectandæ: an *Monarchia* (Dominatus unius) an *Aristocratia* [Optimatum Imperium] an *Democratia* (Imperium Populi) &c. 2. An cum Nobilibus, quos *Honestæ* & *Gloriosæ* juvant. 3. An cum Populo, ac Plebe, cujus indoles, & mores varij: nam Divitibus, & Ambitiosis splendida, Voluptuosis jucunda, Avaris utilia proponenda. Distinguendæ etiam ætates, sexus, gradus: nam. 1. Adolescentia præservida movetur *Honesto*. 2. Juventus intemperans *Honesto*, & *Utili*. 3. Senectus timida, & suspiciosa utili magis. 4. Viri in Fide firmandi. 5. Mulieres ad Pietatem, & Amorem Cœlestium inflammandæ. 6. Seculares ad Fidem, Justitiam, Pucitiam. 7. Ecclesia-

fiastici ad Decorum, & Cultum rerum sacrarum. 8. Religiosi ad Contemptum Mundi, & Regularem observantiam. 9. Patres fam. ad Rectam Familiæ institutionem. 10. Filij ad Obedientiam, & Obsequium. 11. Famuli ad Fidelitatem. 12. Ministri ad Juititiam. Distinguendæ denique Nationes, earumque diversi mores, & indoles: quas ap. Barclaium in *Icon. Animorum* cap. 3. &c. videbis. Vitanda est Ostentatio, Aſentatio, & Suspicio Artificij, Imprudentiæ, Inverecundiæ; præsertim in Senatu (ubi sine magno apparatu dicendum) nam ista minuunt fidem Dicentis.

§. I.

Oratio Suasoria [gr. Parænetica.]

- I. **E**st, *qua ad aliquid deliberandum suadet.*
- II. Exordium vel a Re ipsa, quæ in deliberationem cadit, vel a Personæ commendatione, ad quam spectat Deliberatio; vel a Persona, quæ oppositum suadet; vel ab aliqua gravi sententia.
- III. *Propositio.* Rem deliberandam omnino esse.
- IV. *Confirmatio.* 1. quia *Honesta*, seu *Gloriosa*. 2. quia *Utilis*. 3. quia *Necessaria*. 4. quia *Facilis*. 5. quia *Lucunda*. Tractentur hæc autem a Causis, Effectibus, Consequentibus, Similitudine, Comparatione; maximè verò ab Exemplis; sed potissimùm Argumentis divinis; nam mortales omnes Religionem movemur.
- V. *Epilogus* spem ostendat, eum qui suadetur, propter optimam indolem, morem gesturum.

§. II.

Oratio Dissuasoria [gr. Parapithica.]

- I. **E**st, *Quæ ab aliquo deliberando dissuadet.*
- II. Exordium vel ab Amore erga Patriam, vel Personam, quicum agis; vel ab ejusdem Commendatione, quæ rem suæ

sux dignitati minùs convenientem nunquam sit susceptura; vel a gravi sententia.

III. *Propositio*. Rem omnino fugiendam esse.

IV. *Confirmatio*. 1. ab *Indecoro*, seu *Turpi*. 2. ab *Inutili*. 3. a *Pernicioso*. 4. ab *Impossibili*, seu *Difficili*. 5. ab *Insucundo*. Igitur ostendenda Rei turpitudine, & incommoda, quæ inde ad Corpus, ad animum, ad domum, ad Patriam redundarent.

V. *Epilogus*, spem ostendat, nunquam a tali Persona rem tam indignam effectum iri.

VI. Reliqua cum Suasione conveniunt.

§. III.

Oratio Hortatoria [gr. *Protreptica*.]

I. **E** St, *Qua ad rem jam deliberatam alacriter prosequendam instimulat.*


II. *Exordium*. A circumstantiis rerum, locorum, personarum, &c. vel ab iisdem capitibus, quibus Oratio suaforia.

III. *Propositio*. Rem omnino prosequendam esse.

IV. *Confirmatio*. 1. ab *Honesto* laudis, & gloriæ, quæ inde colligitur. 2. ab *Utili*, quod inde provenit. 3. a *Facilitate* rei conficiendæ. 4. a *Necessario*, ob pericula, quæ secus immineant. 5. a *Jucundo*. Exemplis agat, & ad æmulationem instimulet.

V. *Epilogus* preces, & obsecrationes addat: per *Pròtropa* [h. Adhortationis Figuram] extimulet: spem ostendat, Virtutem ejus, quem hortaris, laudando; & amorem, ac desiderium rei, ad quam hortamur.

VI. Differt a Suasione; quod hæc rationibus agit, & docet; Hortatio verò magis impulsu, & calore inflammat: illa est de re deliberanda, hæc de re jam deliberata; illa ad Intellectum magis, hæc verò ad Affectum pertinet.



§. IV.

Oratio Dehortatoria (gr. Apotreptica.)

- I. **E** St, *Qua a re deliberata deterret.*
- II. **E** St, *Exordium* ferè idem ac in prædictis orationibus.
- III. *Propositio*, Rem prosequendam non esse.
- IV. *Confirmatio*. 1. a *Contrario*, declarando, contrariam esse Omnium sententiam. 2. ab *Indecoro*. 3. ab *Inutili*. 4. a *Difficili*. 5. a *Pernicioso*.
- V. *Epilogus* ducendus ab interposita Auctoritate ipsius Dehortantis.

§. V.

Oratio Commonitoria [gr. Parangelmatica.]

- I. **E** St, *Qua aliquem ad meliorem frugem impellit.*
- II. **E** St, *Exordium* plenum sit amoris, & miserationis.
- III. *Propositio* rem clarè exponat, de qua commonet.
- IV. *Confirmatio*. 1. a *Turpi*, *Inutili*, *Difficili*, *Pernicioso*: deinde ab *Honesto*, *Utili*, *Facili*, *Necessario*.
- V. *Epilogus* Adhortationem adhibeat.
- VI. *Nota*. Si Commonitio sit cum Obiurgatione jungenda, invehatur Orator in Vitium potius, quàm in Personam.

§. VI.

Oratio Commendatoria (gr. Sytatica.)

- I. **F** St, *Qua Orator aliquem alicuius patrocinio commendat.*
- II. **F** St, *Exordium* a *Thesi*: quàm sint protegendi Viri, vel Juvenes virtute, vel bona indole præditi, ut præsidia ad omnem Laudem obtineant. *Hypothesis* verècundè Causam ipsam Commendationis exponat, & Personam, quæ commendatur.
- III. *Propositio*. Personam tali esse Patrocinio dignissimam: vel

vel hoc publico Bono expedire.

IV. *Confirmatio*, ab Adiunctis, Personæ commendatæ laudes, & merita recensendo: tum ostendendo ejusdem inopiam, vel necessitatem; vel commoda, quæ inde ad alios quoque redundant. Adjice Consanguinitatem, Amicitiam, vel Beneficia accepta si qua sint.

V. *Epilogus* totus sit in obsecrationibus, ut Persona juvetur; & grati, ac memoris animi officium polliceatur.

VI. *Nota*. Si se ipsum Orator alicujus Patrocinio commendet, non debet proprias, nisi summa cum modestiâ, laudes attingere; sed suam maximè inopiam, & publicum Commodum demonstrare.

§. VII.

Oratio Postulatoria (gr. Ætetica.)

I. **E** St, *Qua Orator vel pro se, vel pro aliis Beneficium ab aliquo postulat*. Si pro alijs, dicitur *Enstatica* (h. Intercessio sive Intercedens Oratio)

II. *Ekordium*. Concilianda Auditorum, vel Principis benevolentia, Beneficentiam eorundem, ac Merita commemorando in Patriam, in Cives, &c.

III. *Propositio*, Tale Beneficium esse conveniens, tum eorum Liberalitati, tum Personæ, pro qua postulatur.

IV. *Confirmatio*, ab *Honesto*, vel *Iusto*, ab *Utili*, a *Facili*; sed præcipuè a *Gloria* apud populos, & a *Laude*, quæ ad Deum redundat.

V. *Epilogus*, futurum sese, aliosque Beneficij memores pollicebitur: exoraturumque a Superis compensationem, & gratiam.

VI. *Deprecatoria* Vide §. 26. n. 8.

§. VIII.

Oratio Consolatoria (gr. Paramythetica.)

I. **E** St, *Qua aliquem calamitate oppressum solamur*.

II. *Ekordium* vel a Laude Fortitudinis in ferenda adversa

fortuna, vela Sapientia, Virtute, Moderatione Personæ calamitate oppressæ; vel ab Affinitate, Amicitia, Officio, &c. Si gravior sit Calamitas, ostendat, se parum idoneum, qui alios soletur; cùm & ipse, & omnes boni consolatione indigeant; se tamen qualecunque solatium allaturum.

III. *Propositio*, Æquo animo sustinendam Calamitatem.

IV. *Confirmatio*, 1. ab *Honesto*, ostendendo, quàm sit honestum, Divinæ se Voluntati permittere; quantumque sibi colligat Gloriæ a Constantia in tali Adversitate. 2. ab *Utili*; quodd videlicet utilis sit ad morum informationem: tum Præmium proponat in æterna vita Patientiæ a Deo promissum: contra ab Inutilitate Impatientiæ. 3. a *Necessario* in hac vitæ humanæ conditione tot malis obnoxia. 4. a *Possibili*, Divina scilicet cum ope. Exempla Heroum, Sanctorumque Virorum, præcipuè Christi Domini, subiiciat. Sententijs probatorum Auctorum, Sacrorumque Codicum rem corroboret.

V. *Epilogus* Animum excitet ad Heroicam Constantiam, & Fortitudinem.

VI. *Nota* 1. Si Orator ætate, vel dignitate *minor* fuerit, modestè, ac leniter agat: amorem suum testetur: Sapientum dictis potiùs, quàm suis ostendat se loqui.

2. Si fuerit *aqualis*, pro jure amicitia se id agere, ac loqui dicat.

3. Si *major*, liberiùs poterit agere, & increpationem quoque, sicubi opus, sed amice, adhibere: nempe ubi novèrit, Personam calamitates minùs humaniter ferre.

In genere Demonstrativo.

§. IX.

Oratio Panegyrica (h. Laudativa.)

I. **E**st, *Qua Orator laudes alicujus recenset.*

II. *Exordium*, vel a laudandi difficultate summos Heroes, qui tot tantisque meritis populos sibi obstrinxere; vel recens-

cenfendi eorum laudes; quemadmodum difficile est, Cœli stellas dinumerare, &c.

III. *Propositio*, Personam, quæ laudatur, esse in aliquo, vel in omni laudum genere absolutissimam. Curandum tamen ut sit maxime propria, & veluti Character ipsius.

IV. *Confirmatio*. 1. A Bonis *extrinsecis* Patriæ, Generis, Educationis, Fortunarum, Affinitatum, Honorum, Munerum, Civium Benevolentia, Famæ, &c. quæ sit omnia ritè promeritus; quibusque omnibus rectè, ac sapienter usus. 2. ab *Intrinsecis* Indolis, Ingenij, Virtutum, Artium, Scientiæ, Usus, Rerum gestarum pro Patria, pro Repub., pro Ecclesia; præsertim per comparisonem aliorum Heroum. 3. a Donis Divinis, Vaticinijs, Miraculis, &c.

Vel tria tempora distinguendo. 1. quod *vitam antecessit*; in quo spectantur Signa, Vaticinia, Auguria, Prodigia &c. quæ futuram Personæ claritatem indicaverint: item Natio, Patria, Genus, &c. 2. *Vita ipsius cursum*: in quo spectantur Indoles, Educatio, Virtutes acquisitæ, Facta illustria, Honores, Dignitates, Mors præclara. 3. *quod mortem est subsequutum*: in quo spectantur Luctus, Pompa funebris, Miracula, Monumenta, Existimatio, Fama &c. Vide in Progymnas. tit. *Laus*.

V. *Epilogus*. Gratulandum Patriæ, Familiæ, Accademiæ, &c. quibus Vir tantus obtigerit.

§. X.

Oratio Genethliaca [h. Natalitia.]

I. **E** St, *Qua habetur in Ortu Principis, vel cum anniversarius Natalis ejusdem, aut alicujus Divi recurrit.*

II. *Exordium*, lætitiæ, & gratulationis plenum, vel a circumstantijs loci, temporis, personarum, &c. vel a votis publicis: vel ab ijs, quæ Nativitatem præcesserunt: vel ab aliqua Similitudine: e. g. Quamquam Mortalium Exitus magis spectandus sit, quàm Ingressus, posse nos tamen ab hoc Die Natalitio, quemadmodum ab ortu Solis, totum Vitæ Diem augurari.

I 2

III. Pro-

- III. *Propositio*, Magnam futuram Sobolem; ex eaque Felicitatem expectandam: vel, Ipsum Anniversarium Diem fausta nobis omnia polliceri.
- IV. *Confirmatio*, ab Adiunctis. 1. *Temporis* præcedentis, ac præsentis, an Calamitosi, cui finem sit positurus, an felicitis, quod sit servaturus; an Belli, an Pacis. &c. 2. *Diei* ipsius, an sereni, an nubili, festi, an nefasti &c. (olim Kalendæ Natalibus felices existimabantur: item Dies IX. Mensis Soli dicatus, XV. Minervæ, &c. Consulantur veteres Fasti) 3. *Loci*, nempe Urbis, Domus, Villæ, extra Patriam, &c. 4. *Familia*. ac Stemmatibus. 5. *Parentum*, Avorum; eorumque virtutum, gestorum, dignitatum, honorum; meritorum; &c. 6. *Nominis* Soboli impositi. 7. *Prodigiorum* si qua acciderunt, &c. è quibus omnibus bonum omen sumendum.
- V. *Epilogus* Gratulationes, Auguria, spes, & vota contineat.

§. XI.

Oratio Lustrica [gr. Agnistica.]

- I. **E** St, *Qua habetur, cum Infanti Nomen imponitur.*
- II. **E** *Exordium* a circumstantijs Temporis, Loci, Personæ, &c. vel a Ritu antiquo imponendi Nomina.
- III. *Propositio*, Rite tale Nomen impositum esse.
- IV. *Confirmatio* 1. a Commendatione ipsius Nominis, cujus *Etymon*, h. vera origo vocabuli, ac significatio explicanda. 2. a Persona, a qua, vel cui datum est. 3. a Modo, quo datum est. Frequentes fiant Comparationes.
- V. *Epilogus*, gratulationes, faustas preces, & vota contineat.

§. XII.

Oratio Epithalamica [gr. Nuptialis.]

- I. **E** St, *Qua habetur occasione Nuptiarum.*
- II. **E** *Exordium* a laudabili Nuptiarum a Deo institutarum.

ho-

- honestate, ad bonam prolis educationem, vel quodd inde sequatur Familiarum decus, Urbium splendor, &c. vel a Raritate Nuptiarum undequaque felicitium. Aspergi potest exordium, & oratio, historia, & fabulis, cum mica salis.
- III. *Propositio*. Has Nuptias omnia nobis felicia promittere.
- IV. *Confirmatio*, A laudibus utriusque Conjugis, & Familiæ, ex norma Orationis Panegyricæ. A Patriæ lætitiæ, ex tali Connubio. A celebritate, & apparatu nuptiali. Veterum ritus commemorentur; quibus Coronæ compingebantur ex Cassia, Myrto, Lauro, Nardo, Rosa, Lilio, Croco, &c. A Sponsorum muneribus, &c.
- V. *Epilogus*, Gratulationes, Spem sobolis, mutuæque Coniugum Concordiæ contineat: fausta omnia apprecetur.

§. XIII.

Oratio Epinicia [h. pro Victoria.]

- I. **E** St, *Qua habetur parta aliqua insigni Victoria.*
- II. *Exordium*, maximè splendidum, ornatum, lætitiæ plenum, & potius abruptum, quàm legitimum, ac lene: A publica lætitiæ, in qua tacere, neque gratulari, sit nefas.
- III. *Propositio*, Maximam ex ea Victoria derivatam esse felicitatem.
- IV. *Confirmatio* 1. ob fortunam in melius conversam. 2. ob securitatem partam, timore abacta, Patria liberata. Ostendatur difficultas rei feliciter gestæ: Virtus Ducis, Præfectorum, & Militum amplificetur: res uti gesta est, oratorio stylo narretur, cum Amplificatione, & Hypotyposi. Fiat Comparatio aliorum Præliorum, Victoriarum, Ducum, Militum, cum Elogijs; ut habet Cic. de Legione Martia (Vide hic cap. 6. §. 2.) & Collatio præcedentis cum præsentis fortuna. Enumerentur commoda hujus Victoriæ.
- V. *Epilogus* gratulationes, gratiarum actiones, & vota contineat, atque auguria felicioris in dies fortunæ.

I 3

§. XIV.

§. XIV.

Oratio Eucharistica (h. in Gratiarum actione)

- I. **E**St, *Qua habetur occasione maximi Beneficij ab insigni Benefactore accepti.*
- II. *Exordium*, aperto quodam candidoque dicendi genere lætitiā, & grati animi significationem foras erumpere gentem depromens; A difficultate gratias agendi, referendique pares, ubi summa sunt Beneficia. Vitetur tamen artificiosæ simulationis suspicio.
- II. *Propositio*, Summum hoc Beneficium extitisse.
- IV. *Confirmatio* ab Adiunctis, & comparatione; a Persona, quæ Beneficium contulit; a Persona, cui collatum est; a Re ipsa, a Modo, quo collata est.
- V. *Epilogus*, ipsam Gratiarum actionem contineat, & Grati, memorisque animi promissionem, preces & vota; uberemque viro optimè merito mercedem a Superis exorabit.

§. XV.

Oratio Auspicalis, h. pro in auguratione.
(gr. Isiterica)

- I. **E**St, *Qua habetur in Electione ad Dignitatem, sive in Assumptione ad Imperium, in Creatione, vel Coronatione Pontificis, Regis, Imperatoris &c.*
- II. *Exordium* a communi lætitiā, quæ non patitur inter angustos fines pectoris contineri: vel a suspensione animi, utri potius sit gratulandum, an Electo ad Dignitatem, an ipsimet Dignitati: ab Augurijs, a Prodigijs, a Loco, a Cæremonijs, a Pompæ splendore, &c.
- III. *Propositio*, vel Meritò omnes gaudere, vel Utrunque pari gratulatione dignum esse.
- IV. *Confirmatio*. 1. Dignitatis amplitudo, quasi Imago, & Character Divinæ Majestatis exaggeretur. 2. Modus Electionis.

tionis, Comitia, Suffragia, Ritus, Ornatus, & Insignia Dignitatis describantur. 3. Auguria, Prodigia, si qua intervenerint, recenseantur. 4. Personæ merita, Nobilitas, Virtutes, Scientia, Experientia, Animi amplitudo, Mentis solertia, recolantur. 5. Conferatur Electus, & Electio cum alijs superioris memoriæ, puta Davidis, Salomonis &c.

V. *Epilogus*, similis illi, quo utitur Cic. pro M. Marc. *Quare gaude tuo isto tam excellenti Bono &c.* Totus igitur in gratulatione versetur.

E P I M E T R O N.

Nota. *Isiteria* Festum erat Athenis, cùm Magistratus inibantur: & erat Anni Principium.

VI. Si Oratio sit super ipsa Electione faciendâ, mistam malim ex Epidictica, & Parænetica. *Exordium* grave, ac verendum ab Adiunctis Rei, quæ agenda est, & Personarum, ad quas sit sermo, & inter quas res agenda. Negotij gravitatem exponat, simul difficultatem dignioris eligendi, ubi omnes dignissimi sint. *Propositio*. Necessariam esse electionem Optimi. *Confirmatio*. Id reposcere rerum ordinem universum, ut in omni genere Præses sit optimus: nam a Principe, veluti corpus a capite, Bonum publicum pendet: idque patet inductione Familiæ, Militiæ, Reip., Coelorum denique, quorum motus a Primo Mobili temperantur. Igitur & hic Ordo deposcet; qui instat Magni Corporis, Familiæ, Militiæ, Reipub. Cœlique ipsius est: hic verò ejus decora recenseantur, præsertim quodd optimos Presides semper habuerit; quam laudem retinendam esse, nec desciscendum, dicetur. Addatur, id reposcere Personam ipsam, quæ dignior visa fuerit, ejusque merita, ac dotes, ut reliquis præferatur. (Atque hic dotes ad tantum munus requisitæ interseri possunt) hanc verò mentem esse ipsius Ordinis, qui talem finxerit Virum, cujus propterea virtute, tanquam suo fructu uti, ac frui jure suo petat: hanc & mentem videri Divinæ Munificentiae: non enim frustra D. O. M. tantis illum laudibus cumulavit: quæ idem Character quidam sunt, ac signum divinæ voluntatis. Tum de ipsa Eligendi ratione loquendum, quæ serva-

tis legibus, & consuetudinibus facienda est, absque vitiosa aliqua propensione; ac spectata unicè publica utilitate. *Epilogus* totus sit in adhortando, spemque ostendendo, spectatis virtutibus Personarum, legitimæ Electionis, ac Felicitatis inde ad universum Ordinem redundaturæ; opem denique ritè a superis implorando.

§. XVI.

Oratio Isodica [h. in Adventu Viri principis.]

- I. **E** St, *Qua habetur in illustris Persona adventu*: vel cùm Magistratus, Rex, Pontifex &c. recipiuntur. Brevitatem autem hæc Oratio amat, stylumque concisum, ac sententiosum.
- II. *Exordium*, ab expectatione, & votis Populi, Academiæ, &c. & communi lætitia.
- III. *Propositio*, Gratiſſimum ejus Adventum accidere.
- IV. *Confirmatio*, Merita, ac Laudes Personæ recenseat: illustria symbola, & similitudines, & Comparationes adhibeat. e. g. Cimmeriorum Soli nascenti faustis acclamationibus plaudentium. Describatur apparatus; fiant Apostrophæ ad Cives, Domos, Tempia; & interpretationes de iisdem præ gaudio gestientibus.
- V. *Epilogus* Animos excitet ad Principem officijs omnibus prosequendum. Ipsi Principi Animos, fortunaſque omnium devoveat. Ipsum oret, ut omnes suam in fidem recipiat.
- VI. Si verò Persona ipsa in Dignitate constituta, e. g. Curie Præses, Regius Patronus, Generalis, Prætor, Cancellarius, &c. verba faciat; quiſque eo dicendi genere utatur, quod suæ Dignitati, ac Personæ, quam agit, conveniat. Nam Cancellarius Regiam Auctoritatem, quæ saluti, & quieti Regni consulat, tueri debet: & sic de reliquis.

EPIMETRON.

Nota. *Isodium* est Xenium adventitium datum Magistratui Urbem ingredienti; vulgò *Honorarium*.
Oratio *Proſagoreutica* (h. Salutatoria) huc potest referri.

L ferri : tamen si spectare videtur magis ad Figuram Deprecatoriam.

§. XVII.

Oratio pro discessu (gr. Propemptica.)

- I. **E** St, *Qua habetur in Persona illustris discessu.*
- II. **E** *Exordium* ab Incommodis Patriæ ex Virorum illustrium habitu : vel a Brevitate humanæ Felicitatis, quæ nos diu frui Bonis non patitur.
- III. *Propositio*, Apprecandum faustum iter, maturumque redditum : vel Tristari maximè Patriam ex ejus Absentia, & sola Reditus spe recreari.
- IV. *Confirmatio*, Id efficere ejus Merita, ac Beneficia in omnes collata ; tum Incommoda, quæ ex ejus Absentia derivantur.
- V. *Epilogus*, spem excitet id eventurum. A superis fausta hæc omnia imploret.

§. XVIII.

Oratio ipsius Discedentis [gr. Apobaterica.]

- I. **E** St, *Qua habetur ab ipso Oratore discessuro.*
- II. **E** *Exordium* a Thesi : quantus sit dolor in digressu, & separatione Capitum carissimorum puta Civium, Amicorum, Contubernalium, Propinquorum, &c. *Hypothesis* ; præsertim verò talem Patriam, Contubernium, Academiam relinquendo.
- III. *Propositio*, summum esse dolorem Oratoris in tali digressu.
- IV. *Confirmatio*. Ab ipsius Patriæ, Contubernij, Academiae laudibus, præcipuè verò a Beneficijs in ipsum Oratorem collatis.
- V. *Epilogus*. Licet corpore sit abfuturus, animo tamen memori nunquam se abfore profiteatur : Absentia potiùs desiderium magis magisque augendum. Oret denique, ut omnes sui pariter memores esse velint.

§. XIX.

§. XIX.

Oratio pro Reditu [gr. Epibaterica.]

- I. **E** St, *Qua habetur in Reditu illustris Personæ* ; vel etiam ipsius Oratoris .
- II. *Exordium* a significatione publici Gaudij, vel ipsius met Oratoris : ab Amore Patriæ, qui dulcissimus est ; & ab Jucunditate Cives suos, Laresque patrios revivendi .
- III. *Propositio* . Hunc omnibus, vel sibi, diem jucundissimum esse : & vel Patriam, vel ipsum sibi quodammodo redditum videri .
- IV. *Confirmatio* . A laudibus Personæ reversæ ; vel Patriæ, ac Civium, si Orator ipse reversus est ; Eorumque beneficia recolantur .
- V. *Epilogus* totus in significatione gaudij, vel gratulationis versetur ; ac votis, & spe diuturnæ moræ, ac vitæ .

§. XX.

Oratio pro Salute recuperata [gr. Soteriaca ;
sive in plur. Soteria.]

- I. **E** St, *Qua habetur pro salute Principis recuperata* . Hæc autem Oratio mita est ex Eucharistica, & Gratulatoria ; de qua infra .
- II. *Exordium* a Communi lætitia ; ut in Superioribus .
- III. *Propositio* , Maximum esse hoc Beneficium ; meritò omnes gaudere .
- IV. *Confirmatio* , ab Adiunctis . Laudetur Persona ; recenscantur Commoda in Patriam ex ejus salute, ac sospitate derivantia . Describatur Morbus, Mortis periculum ; tum Virtus, & Constantia ipsius Principis .
- V. *Epilogus* ipsas gratiarum actiones, gratulationes, vota, preces diuturnæ salutis, atque incolumitatis contineat .

§. XXI.

§. XXI.

Oratio Gratulatoria (gr. Syncharmatica .)

- I. **E** St, *Qua habetur occasione honoris, vel Dignitatis a quam adeptus.*
- II. *Exordium a propria, & communi lætitia.*
- III. *Propositio, Jure illi ob ejus dotes, ac Merita talem honorem obtigisse: vel Jure ipsi gratulandum.*
- IV. *Confirmatio. Ab Enumeratione virtutum, ac laudum; tum ab Amplificatione talis Honoris.*
- V. *Epilogus totus in Gratulatione versetur, & votis, appreciationibus &c.*

E P I M E T R O N.

[Nota, Præmium quod datur Nuncianti faustum eventum, seu publicam lætitiam, dicitur *Syncharion*: plur. *Syncharia*.]

§. XXII.

Oratio Funebris (gr. Epicedia .)

- I. **E** St *Qua habetur in Funere illustris Persona.*
- II. *Exordium, doloris plenum, a Veterum consuetudine [nam originem videtur traxisse ab orationibus quotannis habitis ad Mausoli sepulchrum jussu Artemisæ Reginæ ejus coniugis: ad cujus imitationem postea recitabantur ab Atheniensibus in eorum laudem, qui pro Patria fortiter ceciderunt; cujusmodi Oratio Periclis apud Thucydidem; quarum inventor apud Græcos Solon; apud Romanos Valerius Publicola, qui hujusmodi orationem habuit super Bruto Collega in pugna adversus Tarquinius cæso: qui mos apud Romanos invaluit; deinde ad ceteras gentes emanavit.] vel a præsentis luctus significationibus, nempe squalore publico, Funeris pompa, Cœnotaphij mole, lugubri cantu, sepulchralibus facibus, Defuncti vultu decorato; vel a diversis Gentium ritibus; vel a rationibus lenien-*

leniendi doloris : vel ab aliquo symbolo , &c. Potest & ex abrupto duci per Exclamationem , Apostrophem , Epiphonema : vel a Sententia aliqua , vel Apophthegmate de humanæ vitæ Caducitate &c.

III. *Propositio* spectet Dolorem excitandum , sed solatio temperatum ; eò quòd Defunctus in suorum præclarè gestorum monumentis superstes sit , & immortalis .

IV. *Confirmatio* , A Defuncti virtutibus , rebus egregiè factis , meritis in Patriam , ac suos Cives ; a Splendore Generis , Principum benevolentia , alijsque capitibus , quæ in oratione Panegyrica dicta sunt . Proponatur etiam ut Exemplar Posteris imitandum .

V. *Epilogus* , Familiam consoletur , Patriamque in solitudine relictam , ob tristissimum tanti Viri desiderium . Æternam felicitatem apud superos apprecetur ; memoriam verò apud Mortales immortalem polliceatur .

VI. Breviter . Tria continet hæc oratio , *Laudem Mortui* , *Consolationem Patriæ* , *Paranefin* ad superstites .

§. XXIII.

Oratio in Instauratione Studiorum , (gr. *Anascevatika* .)

I. **E**st , *Qua habetur* , cùm *Studia* incitantur , vel *Ludi Scholastici* aperiuntur .

II. *Exordium* ad novam admirabilemque Propositionem , seu Paradoxum , graviter , eruditè , ac sententiosè disponat ; vel per *Antithesin* , *Synœcedsin* , *Antimetabolen* effarendam .

III. *Propositio* , e. g. 1. *Magnum ad Sapientiam incitamentum esse ipsam Difficultatem Sapientia* . 2. *In stadio sapientia lentè currendum : vel Tardè sapere qui festinat* . 3. *In Sapientia Cursum omnibus quidem Ingenijs , sed optimis maximè , Ducem sequendum* . 4. *Nullum sine Poesi Oratorem* . 5. *Sapientem Mundo creatum , Mundum Sapienti* . 6. *Eximium in Literis virum esse neminem nisi in uno ; eximium verò in uno esse neminem , qui*

Caput II. Orationum genera §. 23. in Instauratione. 141

attingat omnia. 7. *Literas Ornamentum esse in secundis rebus, in adversis Praesidium*. 8. Si Propositio desumatur à Re insigni propria Civitatis, vel a recenti eventu, gravior accidet Auditoribus.

IV. *Confirmatio* ex fontibus Rhetoricæ universis 1. Par. explicatis. Inferantur laudes Civitatis, vel Academia &c.

V. *Epilogus* ex Præceptis Par. 1. traditis c. 2. §. 5.

VI. Potest etiam tractari per alia Genera Causarum: per Deliberativum, hortando ad studium Literarum; per Judiciale, obiurgando Desides, Osores Literarum, Criticos, Adulatores, &c.

VII. *Prælectiones* solennes, quæ habentur cum Doctor Cathedram primò ascendit, sic potes disponere.

1. *Exordium* a Circumstantijs Personarum, quæ Confessum coronant, vel Principis, qui Cathedræ munus impertijt, vel Oratoris ipsius tum primò, vel etiam quotannis, apud tales Viros dicentis.

2. *Propositio*, ostendat Excellentiam, Utilitatem, Necessitatem Facultatis illius, quam est explicaturus.

3. *Confirmatio* 1. a Definitione ipsius Facultatis. 2. ab Explicatione Decorum, & Effectuum enumeratione. 3. ab Existimatione communi &c.

4. *Epilogus* studiosam Juventutem ad ejusdem adeptionem hortetur.

VIII. *Prolegomena*, seu Præfationes Academicas sic licebit disponere.

1. *Exordium* vel a Thesi, vel ab Eruditione aliqua, vel similitudine, vel ab aliqua sententia, vel Apophthegmate.

2. *Propositio* ipsa sit Argumenti tractandi Expositio.

3. *Confirmatio*, Ostendat, quàm sit conveniens Materies illa, quæ pertractanda.

4. *Epilogus*, Auditores precetur, ut perhumaniter ea, quæ tractanda sint, accipiant.

E P I M E T R O N.

1. *Declamationes* [quo nomine olim Umbratiles exercitationes significatæ, quibus dicendi ars intra privatos parietes condiscabatur; nunc verò Opera literaria, e. g. Poematia, Idillia, Eclogæ, Elegiæ, Sa-

Satyræ, Oratiunculæ, &c. è suggestu aliquo habitæ vulgò *Recitamenta* significantur] haud parvi faciendæ, nec infrequenter habendæ, præsertim ab Rhetoricis proprio sæpe Marte elaboratæ: mirum enim quantum conferunt tum ad vocem gestumque moderandum, tum ad memoriam excolendam, tum ad optimam scribendi normam, tum ad stylum conformandum, tum denique ad magnum eruditionis censum comparandum.

2. Sectanda in earundem Argumentis, saltem quod ad modum pertinet, novitas; quæ ingeniosa aliqua specie delectet: ita ut ipsæ, non *cramben*, ut aiunt, *recoctam*, sed, quod olim de Africa iactabatur, *Semper aliquid novi ferant*. Sintque, quoad ejus fieri potest, propria rerum, & circumstantiarum.
3. Vitanda in eisdem *Prolixitas*; ita ut horæ spatium vel non attingant, vel non excedant; in Argumentis gravioribus *Levitas*, & *Humilitas*; in hilarioribus *Scurrilitas*; in Satyricis Personarum, præsertim Seniorum, ac Principum, *Offensio*; in omnibus denique *Indecorum*. Occurres autem tædio Auditorum scriptionum Varietate, & Dialogismis.
4. Argumenta Academica habeant partiū unitatem; sintque veluti Corpus, cujus Membra aptè inter se cohæreant, sibi que respondeant.

§. XXIV.

Oratio pro Laurea Doctorali. [gr. Daphnitica.]

- I. **E**st, *Qua habetur; cum quis Doctoratus Lauream consequitur.*
- II. *Exordium*, a laudabili veterum Coronarum institutione, Civicæ, Muralis, Obsidionalis, Castrensis, Navalis, Ovalis, Triumphalis, &c. vel ab antiqua Consuetudine coronan-

Caput II. Orationum genere §. 24. pro *Laurea* &c. 143.
nandi Literatos, Poetas, Doctores &c. vel ab Adiun-
ctis, &c.

III. *Propositio*, Inter hos meritò referendum, vel præcipuo
reponendum in loco præsentem Laureatum.

IV. *Confirmatio*. Laudes Doctrinæ, ceterarumque Virtu-
tum Laureati recenseantur. Extendi potest Laudatio ad
Patriam, Familiam, Stemmata, Educationem &c.

V. *Epilogus* gratuletur, hortetur, auguretur, appreceturque
fausta omnia.

§. XXV.

Oratio Problematica (h. Perquirens.)

I. **E** St; *Qua* habetur, cum inter duo controversa disquiritur
Veritas.

II. Conflatur ex Confirmatione, & Confutatione. Quare
ejus Dispositio ex utraque petenda. Vide utranque par. 2.
c. 1. §. 11. & 12.

§. XXVI.

Oratio Paranymphea (h. in Dedicatione Literaria.)

I. **E** St, *Qua* habetur, cum quis Libros, aut *Theses* dedicat :
vel cum Doctor primùm in Curiam admittitur.

II. Dedicatio &c. pertinet ad Epistolas, de quibus infra.
Cum verò quis admittitur &c. Dispositio est ferè eadem
quæ Orationis Daphneticæ. 1. *Exordium* a Veterum mo-
ribus, e. g. Gladiatorum, Militum, Flaminum &c. 2. *Pro-*
positio, Dignissimum esse, qui admittatur. 3. *Confirmatio*
laudes contexat, Doctoris, Scientiæ, Curia. 4. *Epilogus* ;
Commendatio, et Sacramentum, seu Fidei Professio ora-
tionem absolvat.

§. XXVII.

§. XXVII.

Oratio Vituperatoria (gr. Momeotica .)
al. *Satyrice*.

- I. **E** St, *Qua mala alicujus recenset* . Vide hic cap. 1. §. 7. & sequentes Orat. in Genere Judiciali .

In Genere Judiciali .

§. XXVIII.

Oratio Accusatoria [gr. Categoricala .]

- I. **E** St, *Qua habetur in Criminosos , eorumque Delicta* .
II. **E** St *Exordium* a Calamitate temporis , & Corruptela morum , a criminum gravitate , a necessitate puniendi propter publicum Bonum , a circumstantiis loci , personarum , &c.
III. *Propositio* . Tale Delictum maximum esse , & puniendum.
IV. *Narratio Facti* planior , sed & robustior , quàm ad pompam .
V. *Confirmatio* , vehementer Crimen exaggeret , tabulas proferat , testes indicet , circumstantias perpendat .
VI. *Epilogus* ad iram , & vindictam Judices incitet .

§. XXIX.

Oratio Defensoria (gr. Synagorica .)

- I. **E** St, *Qua defendit Reos* .
Exordium a Dignitate , meritisque Personæ , quæ defenditur ; vel a Facti Confessione , & excusatione intentionis ; a malevolentia Accusatoris , a Clementia Judicis .

III. *Pro-*

- III. *Propositio*, Delictum vel nullum esse, vel leve, & venia dignum.
- IV. *Narratio* Rem ita exponat secundum circumstantias, ut omnem ejus invidiam minuat, vel amoliat.
- V. *Confutatio* urgeat præcipua accusationis capita; quibus everlis reliqua facile corruunt. Vide de Confutatione par. 1. c. 2. §. 4. & par. 2. c. 1. §. 12.
- VI. *Epilogus* precibus potissimum agat apud Judices, eosque ad Commiserationem moveat.
- VII. Oratio *Apologetica* est, cum Orator se ipsum defendit: quæ simili ordine procedit.
- VIII. Oratio *Deprecatoria* [gr. *Apeudica*] est, cum malum aliquod alicui deprecamur: rem ita exponendo, ut omnis ejus invidia amoveatur. Supplex est: nulla in ea fit Narratio. *Epilogus* excitat ad misericordiam. Reliqua ut in Defensione. Vide in Cap. seq. §. 4.

E P I M E T R O N .

Oratio *Apotropæa* (h. *Depulsoria*) est ad averruncandam, sive avertendam iram Superum: quæ est potius supplex *Deprecatio*: ut *Apotropæum Carmen*, *Apotropæum Sacrificium*, ad avertendum aliquod malum imminens. *Apotropæum Medicamentum* est quod appensum, aut alligatum venena, aut incantamenta arcet; aut reprimat: & Dij malorum depulsores, [ut *Hercules* & *Apollo*] dicebantur *Apotropæi*, *Averrunci*, *Averruncarij*, *Apompa*, *Apompai*, *Alexicaci*, *Aliterij*, *Lisij*, *Palamnai*, *Physij*, *Prostroptæi*; tum *Satères*, & *Tutani*: Deæ verò, quas præfesse fabulabantur tutandis frugibus, *Tutelina*.

§. XXX.

Oratio Controvertens, sive Controversia
(gr. *Amphisbethèma*.)

- I. **E** St, *Certarum personarum de Re propria Contentio*.
- II. **E** Cum *Controversiæ* subint huic generi *Judiciali*, sequen-

quendus est in ijs ordo Orationum prædictarum, Accusatoria, & Defensoria: Vide Controversias Quintiliani, & Senecæ.

- III. *Vindicia* [gr. Eleuteròses] h. in re controversa Adjudicationes. 1. Rem exponunt. 2. Adversarium confutant. 3. Causam adiudicant sententiæ potiori.

§. XXXI.

Oratio Invectiva (gr. Steliteutica)

- I. **E**st Oratio mordax, & reprehensiva; qua utimur vel in vitia generatim, vel in singulares personas; puta Rebelles, vel Improbos famosiores.
- II. *Exordium* ab Expositione sceleris, Abusus, Vitijve cuiuspiam, ex abrupto: vel a Perfidia, & Improbitate Personæ, per Thesin.
- III. *Propositio*, Maxime improbam esse Personam illam; vel Tale vitium non ferendum.
- IV. *Narratio*, Explicet Facta singulatim in illo vitij genere; vel vitam omnem Personæ a puero discutiat.
- V. *Confirmatio*, Crimina exaggeret; ostendatq; supplicio digna.
- VI. *Epilogus* hortetur Auditores ad illius vitij fugam; vel Iuces, & Senatum ad vindictam, & remedia. Vide cap. 1. §. 13.

§. XXXII.

Oratio Comminatoria [gr. Apiletica]

- I. **E**st, Qua habetur in Improbos.
- II. *Exordium* ferè ex abrupto. Reliqua, ut Invectiva.

§. XXXIII.

Oratio obiurgatoria [gr. Epitimetica]

- I. **E**st, Qua habetur in quempiam alicujus delicti reum.
- II. *Exordium*, a spe decepta; e. g. Nunquam credideram, &c. vel

- vel a Dubitatione , unde initium petatur .
 III. *Propositio* , Magnam esse criminis atrocitatem .
 IV. *Narratio* Rem per Hypotyposin sub oculos subiiciat .
 V. *Confirmatio* , crimen, præsertim ab Adiunctis , exaggeret .
 VI. *Epilogus* *Orationis* Lenimentum sit, ostendendo *Objurgationem* ab amore profectam .

§. XXXIV.

Oratio Expostulatoria [gr. *Memptica*]

- I. **E**St , *Qua* habetur in *Amicum* ob acceptam injuriam .
 II. *Exordium* a Commemoratione Beneficiorum in eum collatorum , & Admiratione , quod tam malè repensâ sint . Amoveat tamen a se omnem odij suspicionem .
 III. *Propositio* , Magnam Iniuriam extitisse .
 IV. *Narratio* , Rem exponat cum suis circumstantijs .
 V. *Confirmatio* , ab aliorum Comparatione , a Causis , ab Exemplis , rei indignitatem exaggeret .
 VI. *Epilogus* excitet primò metum , verecundiam , poenitudinem : tum fiduciam , & spem veniæ , & clementiæ , instaurandæque Fidei , & Amicitiaë .

§. XXXV.

Oratio Exprobratoria (gr. *Onidistica*)

- I. **E**St , *Qua* habetur in *Ingratum* : fere eadem ac Expostulatoria .
 II. *Exordium* , ex abrupto , testem appellet Conscientiam ipsius .
 III. *Propositio* , Magnam Ingrati Animi significationem dedisse .
 IV. *Narratio* Rem exponat cum suis circumstantijs .
 V. *Confirmatio* duo continet . 1. Amplificationem collatorum in ipsum Beneficiorum . 2. Exaggerationem ejus Ingrati Animi , transeundo ab Hypotesi ad Thesin , h. Criminis in genere .
 VI. *Epilogus* motum excitet timoris , & verecundiæ .

VII. Nota . Has tres postremas ad Epistolare genus magis spectare .

§. XXXVI.

Oratio Concitatoria (gr. Parormetica)

- I. **E**st *Acre Orationis genus ad tumultum populi commovendum , & seditionem constandam .* Adhibendum adversus Ducem , vel Principem impia & manifestè iniqua imperantem : e. g. si adversus Ecclesiam , & Pontificem , ejusve Decreta quidquam juberet .
- II. *Exordium* ex abrupto .
- III. *Propositio* , Talibus Imperatis neutiquam obtemperandum .
- IV. *Confirmatio* , Artificij plena esse debet , ab Indignitate , rei , a Legibus Divinis , a Consequentibus , &c. Prosopoeja , Ethopoeja , Interrogatione , Exclamatione , alijsque vehementioribus Schematis , tanquam telis , & facibus , agendum .
- V. *Epilogus* vehementissimos Detestationis , Iræque motus succendat .

§. XXXVII.

Oratio Conciliatoria (gr. Diallactica)

- I. **E**st , *Qua Populi injustè dissidentis partes ad concordiam revocamus .*
- II. *Exordium* lenè , ac temperatum , gravitatis , prudentiæ , ac benevolentiae plenum .
- III. *Propositio* , Iniustum esse Dissidium , vel odium inter se , vel in Principem excitatum .
- IV. *Confirmatio* , 1. Nullam esse rationem , vel causa malis , Dissidij , vel Odij . 2. Non convenire neque Legibus neque Principis virtuti , neque Populi præclaræ Indoli . 3. Damna ex tali Dissidio proventura recenseat . 4. Rem omnem Tranquillitate præclariùs peractum iri .
- V. *Epilogus* , Fiduciam ostendat , Populum bona indole præ-

ditum ad Saniora consilia revocandum; ad quod proposita spe melioris rerum exitus incitabit.

§. XXXVIII.

Causidicus (gr. Dicæologus)

(ubi perorandi mos viget)

- I. **A**gendum illi est cum gravitate, & moderata Libertate dicendi; ut nihil suæ causæ diffidere, sed in Æquitate Iudicum confidere videatur.
- II. Hæc autem Libertas major in Senæ, moderatior in Juventute sit oportet.
- III. Dicendi ordo e supradictis petatur, præsertim ab oratione Accusatoria, & Defensoria.

§. XXXIX.

Orator Sacer [gr. Ecclesiastes]

- I. **D**ebet esse in lectione Sacrorum Codicum, SS. Patrum, & Historiæ Sacræ, sed præsertim in Philosophia, ac Theologia, & Divino Jure versatus.
- II. Studeat, Populo probari, Tullianæ memor sententiæ (in Bruto) *Id ipsum est Summi Oratoris, Summum Oratorem populo videri: Quod enim probat Multitudo, hoc idem Doctis probandum est.*

In Genere Deliberativo.

1. **E**xordium Auditores attentos, ac benevolos reddat, exposita Dignitate, vel Utilitate rei, de qua agitur. 2. Narratio plerumque nulla. 3. Propositio sit clara, tum Partitio; quæ sub Exordium fieri potest. 4. Confirmatio suadeat ab Honesto, Utili, Necessario, Facili, & Jucundo. Si dissuadet, a Turpi, Inutili, Pernicioso, Difficili, Injucundo. Testimonia

adhibeat Divina e sacris Paginis. 5. Epilogus argumenta recolligat, & motus animorum concitet. 6. Perorata causa modum ostendat, quo virtus comparatur, vitium evellatur. 7. Habenda est ratio Populi, ad quem fit sermo: Populus rudior, & agrestis stylum simplicem postulat; & utilitate, ac spe, vel metu, ac periculo movetur: Urbanus, & cultior stylum politiolem requirit; & Honesto vel Turpi movetur magis.

In Genere Demonstrativo.

- I. **V**ide Ordinem, ac Dispositionem supra allatam in hoc Genere. 2. Laus Heroum, & SS. Virorum a Bonis Naturæ, Fortunæ, ac Divinis Charismatis petenda. Vide quæ in Oratione panegyrica, & in Progyimasmatis de Laude dicta sunt. 3. Facta, Dicta, & Miracula, non quæcunque, sed insignia commemoret, & amplifcet. 4. Auditores ad imitationem inflammet.

In Genere Didascalico [sive Sacre Lectiones]

- I. **I**n primis inhæreat Sensui S. Scripturæ juxta mentem Patrum explicando; nec prave distorqueat, aut coarctè interpretetur.
- II. Quadrupliciter autem distinguitur. 1. *Literalis*, sive *Historicus*, h. quem immediate significant ipsa verba. 2. *Mythicus*, seu *Spiritualis*, quem non significant proxime ipsa verba, sed res intellecta per verba; qui rursus triplex est, tribus Virtutibus Theologicis respondens. 1. *Allegoricus*, qui pertinet ad Ecclesiam Militantem, & respondet Fidei. 2. *Anagogicus*, qui pertinet ad Ecclesiam Triumphantem, & respondet Spei. 3. *Tropologicus*, qui spectat ad Mores, & respondet Charitati. E. g. *Jerusalem* literaliter significat Urbem Palæstinæ; Allegoricè Ecclesiam Militantem, Anagogicè Triumphantem, Tropologicè Animam. Hi omnes sensus sunt intenti a Spiritu S. Præter hos est Sensus ab Homine, quem vocant *Accommodatum*; quem scilicet quæque pro libito aptare potest; modo pie; ac citra falsitatem,

aut 3

Caput II. Orationum genera §. 38. Orator Sacer . 151
aut absurditatem . Sic illud Lucæ 22. *Ecce duo gladij hic Bonifacius VIII. accomodat duplici Pontificis Potestati ; Spirituali videlicet , & Temporalis .*

III. Explicet Rerum essentiam , & Qualitates , sive Affectiones : causas , & effectus perquirat .

IV. Primò ea tractet , quæ ad Consequentium intelligentiam conducunt ; ut a facilioribus ad difficiliora ; a notioribus ad minus nota ; ab effectibus ad causas ; ab ijs , quæ sub sensum cadunt , ad ea , quæ intellectu percipiuntur , progressum faciat .

V. *Exordium* sit breve ; totumque Argumentum contineat ; Divini Spiritus ope rite invocata .

VI. *Propositio* sit ipsa *Expositio* Rei pertractandæ : sed Brevis , Clara , & ad Attentionem , ac Docilitatem conciliandam idonea .

VII. *Confirmatio* e Sacris Paginis , & nostræ Religionis Mysterijs , ac SS. Patrum Interpretationibus : & ferè semper Hypothesin ad Thesin revocet , ad Animorum utilitatem . Ad datur , sicubi opus , Confutatio .

VIII. *Epilogus* , quæ tota Lèctione sunt pertractata , recolligat ; cum Interrogatione ad Auditores ; An non assentiantur , an non afficiantur , &c. deinde cum Apostrophe ad Divinas Personas , gratias agendo , ad Deiparam Virginem , ac Cœlites , eorum opem implorando .

C A P U T I I I .

De Epistolis , earumque structura .

AD has quoque Rhetorica est opus : si quidem suadent , dissuadent , laudant , vituperant , arguunt , defendunt ; aliquid demique eorum , quæ Oratoriæ propria sunt , quasi totidem Oratiuncule , vel Pars earundem , acutunt . Quin etiam Epistolarum species ferè omnes ad tria Causarum genera reducuntur .



§. I.

Quid sit Epistola , ejusque Dispositio , ac Stylus.

- I. **E** *Pistola* [h. Missum , Mandatum] est *Animi nuncium ad Absentes* . Cicero appellat *Amicorum colloquia absentium* . [1. Philipp.]
- II. *Exordium* , Benevolentiam aucupatur , scribendi occasionem aperit .
- III. *Propositio* . Quid velimus , breviter , ac dilucidè exponit ; vel Negotium , aut Factum narrat .
- IV. *Confirmatio* Rationes affert ad suadendum , vel dissuadendum , nisi sit purè narratoria .
- V. *Clausula* , Preces addit , Salutem impertit , seseque Absenti vovet , ac dedicat .
- VI. Stylus simplex , decens , venustus , non verò Oratorius , aut turgidus esse debet . Ornatur Adagijs , Sententijs , Jocis in tempore , ac loco .
- VII. Dotes ejus præcipuæ sunt Brevitas , Concinnitas , recta Dispositio ; neu sit nimis elaborata , neve in ea nimis affectata Officiositas .

E P I M E T R O N .

1. Adijcio quædam vocabula ab *Epistola* derivata . *Epistolum* est Parva Epistola : *Epistolaris* , e. ad Epistolam pertinens . *Epistolares* , Amanuenses , qui describunt literas . *Epistoleus* , Epistolarum scriptor , & magister . *Epistaticus* , scribendis epistolis operam dans . *Epistolaphorus* , Qui fert epistolas , Tabellarius . *Ab Epistolis* , à Secretis literarum .
2. Quæ scribitur , ob rei gravitatem , etiam Præsentibus , appellatur *Codicillus* , vulgò *Biglietto* .

§. II.

Epistolæ in Genere Deliberativo .

- I. **E** *Pistola Suasoria* (h. ut quis quid deliberet) 1. Captat paucis benevolentiam Laude Amici , Scribentis modo .

- defidia . 2. Negotium exponit . 3. Rationibus confirmat , ab *Honesto* , *Utili* , *Necessario* , *Facili* , *Tuto* , *Jucundo* : tum ab Exemplis . 4. Si qua sint confutanda , refellit . Vide Cic. lib. VI. ep. 8 VII. 20. VIII. 16. XI. 23.
- II. *Dissuasoria* (h. ne quis quid deliberet) similem petit dispositionem . Confirmat per opposita , a *Turpi* , *Inutili* , *Pernicioso* , *Difficili* , *Incerto* , *Iniucundo* . Cic. VI. 20. X. 25. 26. XIV. 1. 12.
- III. *Hortatoria* (ut quis quod deliberavit , perficiat) Vide Cic. I. 8. 9. II. 3. 4. 7. 12. 18. 19. IV. 3. 7. 8. 9. 10. V. 14. 17. 21. VI. 1. 3. 6. 7. 12. 13. 14. 23. VII. 6. 9. 11. 17. 18. 31. IX. 2. 8. 9. 14. X. 1. 3. 5. 12. 13. 14. 19. 20. XI. 5. 7. 29. XII. 1. 8. 9. 10. 11. 24. XIV. 18. XV. 14. XVI. ferè per totum . Tum
- IV. *Dehortatoria* [ne exequatur , vel ut ab incepto desistat] eodem disponuntur modo . Valent hic rationes a *Laudè* , ab *Amicorum expectatione* : quæque incitent ad *Spem* , *amorem* , *odium* , *metum* , *miserationem* &c. Cic. VIII. 5.
- V. *Consolatoria* . Ostendit , nullam esse causam dolendi , præter Vitium , & Turpitudinem : Laudat Amici Prudentiam , & Fortitudinem : Calamitatem extenuat : Commoda aperit inde provenientia : Exemplis adijcit fortium Virorum in simili re : Hortatur , ut bono animo sit , utque mentem ad hilariora traducat . Cic. II. 2. IV. 3. 5. 15. V. 14. 16. 18. VI. 1. 2. 3. 4. 5. 6. 10. 11. 14. 15. 21. VII. 3.
- VI. *Responsoria* . Gratias agit de officio : Ingenium , studium , amorem scribentis dilaudat : declarat , quantum ejus apud se valuerit consolatio ad leniendam tristitiam . Cic. II. 15. 15. 17. IV. 4. 6. V. 11. 13. VI. 19. VII. 2. 25. 27. 31. 33. IX. 15. 17. X. 21. XI. 24. XIII. 24. 29. XIV. 6. XV. 6. 14. 21. XVI. 18. 21.
- VII. *Petitoria* Captat , sed sine exquisito artificio , benevolentiam : Pudorem petentis aperit , simul necessitatem petendi : exponit breviter Petitionem : Confirmat a *Iusto* , *Pio* , *Facili* , *Utili* , *Honesto* : Obtestationem subjicit , cum spe impetrandi ab ejus perspecta Liberalitate . Cic. II. 6. 7. III. 2. 3. 11. V. 4. 9. VI. 17. VII. 19. 32. VIII. 2. IX. 8. XI. 2. 4. 9. 19. XIV. 8. XV. 1. 4. 7. 10. 13. XVI. 25. 26.

- VIII. *Commendatoria* [qua aliquem alicui commendamus] declarat, Personam, quæ commendatur, ad se attinere, sui optimè meritam, bonitate præditam, laudè dignam: Rem exponit: Confirmat ab *Honesto, Utili, & Facili*: Adijcit obsecrationes, & spem obtinendi ab Amici Benignitate, & Humanitate: Pollicetur, Beneficij memores fore, qui beneficium receperint. Cic. I. 3. II. 6. 14. III. 1. V. 5. 9. VI. 9. VII. 5. 21. VIII. 9. IX. 13. XI. 16. 17. 22. XII. 21. 26. 27. XIII. fere per totum.
- IX. *Monitoria*. 1. vel Amici Vitium indicat, ut ad bonam frugem revocet: & tunc asperitatem induat, Amici tamen laudè mitigatam, & quatenus licet, Vitio extenuato: Disponendi ratio similis Dissuasoria, ac Dehortatoria: Addat illustrium Virorum exempla, & dicta subiiciat, se Amici amore unicè impelli: Oret ut Amicus quoque Scribentem moneat, pari officio, & libertate; ita ejus Benevolentiam magis testatam fore. 2. Vel aliquid agendum Amico nescienti declarat: tunc verò asperitate, & obiurgationibus vacat: sed gravitate verborum, quid illi conveniat, exponit. Reliqua disponuntur, ut in Suaforia, & Hortatoria. Cic. VI. 21. XI. 9. 20. 26. XII. 19.
- X. *Mandatoria* (qua alicui, quid illum facere velimus, mandamus) nihil habet artificij, præter Elegantiam, & Brevitatem. Cic. XIV. 10. 13. 21. XVI. 19. 20. 22. 23. 24.
- XI. *Conciliatoria* (quæ in Benevolentiam Personæ antea ignotæ se insinuat) Causas talis Amicitiae jucundæ sine affectatione aperit; suæque illi vicissim officia exhibet, sine arrogantia.
- XII. *Invitatoria* (qua Amicus ad Geniale quid invitatur) Tractatur fere ut Suaforia.


§. III.

In Genere Demonstrativo.

- XIII. *Nunciatoria* (quæ Amicum rei, quam scire cupiat, certiores facit) Narratio sit Brevis, dilucida, venusta, probabilis. Huc spectant Descriptiones Personarum,

- rum, Locorum, Animalium &c. Cic. I. 1. 2. 4. 5. 6. 7. II. 10. 11. 16. III. 1. 4. IV. 11. 12. V. 6. 10. VI. 2. 8. 15. 19. VII. 1. 4. 19. 23. 26. 33. VIII. 1. 2. 4. 6. 7. 8. 9. 10. 11. 13. 14. 15. IX. 1. 3. 6. 16. 17. 18. X. 8. 11. 12. 13. 15. 16. 17. 18. 21. 22. 23. 28. 30. 32. 33. 34. XI. 1. 5. 8. 10. 11. 13. 23. XII. 2. 3. 4. 5. 6. 7. 9. 10. 11. 12. 13. 14. 15. 22. 23. XIII. 68. 77. XIV. 1. 4. 5. 7. 11. 15. 22. 23. 24. XV. 1. 2. 3. 4. 15. 17. 18. XVI. 1. 2. 3. 4. 5. 9. 10. 11. 21. 22. 23. 27.
- XIV. *Apprecatoria* [qua Paschales Christi Domini serias felices alicui quis apprecatur]. Dicat, sese officio moneri, ut has illi faustas tum animo; tum corpori augeretur; ad animum quoque scribentis, præsertim si cum ejus mandatis conjunctæ sint, redundaturas. Clausula ut in §. 1. n. 5.
- XV. *Promissoria*. Vide Cic. X. 4. 7. 9. 11. XIII. 77.
- XVI. *Laudatoria* (qua Amicum officio perfunctum laudamus) Hortatur sub finem, ut quam Virtutis & laudis viam est ingressus, tenere pergat. Cic. VII. 28. IX. 6. X. 3. 10. XI. 15. 29. XII. 13. XV. 20.
- XVII. *Gratulatoria* (qua honorem, dignitatem, aut quid faustum Amico gratulamur) Ostendit, quantum et ali re ceperit voluptatis: Extollit rei magnitudinem ejus meritis respondentem: Apprecatur, ut ei, amicis, Patriæ beneveniat. Potest & Oblique fieri Gratulatio, non amico, sed Dignitati; quæ tanta Persona sit illustrata: tum gaudento, quod Amicus par in ea Dignitate Virtutis suæ ostendendæ Theatrum sit nactus. Cic. II. 5. 7. 9. 19. III. 9. 11. 12. VI. 12. 13. 16. VII. 15. VIII. 13. X. 14. XII. 15. 16. 19. XV. 5. 7. 8. 9. 12. 13. 14. XVI. 16. 21.
- XVIII. *Gratiarum actio*. Beneficii magnitudinem extollit; quod vel ultrò, vel citò, vel opportunè, & supra meritum collati: Pollicetur, citra jactationem, Amici officio se per fortunas suas responsurum; gratum certè, memoremque animum habiturum: Superos orat, ut ipsi vicem suppleant. Potest & oblique fieri Gratiarum actio; imparem sese agendis gratijs contestando. Sed tunc, non agendo, maximè gratias agit. Cic. III. 3. 13. X. 11. 24. 34. XIII. 18. 24. 27. 28. 41. 42. 54. 61. 64. 73. XV. 11. 21.

- XIX. Officiosa** [qua ultro Amicis subsidio egentibus operam nostram offerimus; vel munusculum aliquod mittimus.] Donum extenuandum, Affectus exaggerandus. Cic. V. 8. VI. 10. II. 12. X. 29. XI. 6. XVI. 6. 7. 8. 12. 13. 14. 15.
- XX. Familiaris** [qua cum Amico fidenter, & familiariter agimus] Cic. VI. 18. VII. 7. 15. IX. 23. 24. 26. XII. 28. XVI. 6. 7. 8. 12. 13. 14. 15.
- XXI. Jocosæ** [cum jocamur cum Amicis]. Jocus tempestivus sit oportet, liberalis, Decori memor, sine affectatione, offensione, turpitudine. Cic. I. 10. VII. 4. 7. 20. 11. 12. 13. 14. 18. 32. IX. 4. 7. 10. 16. 19. 20. 22. 23. 24. 25. XII. 20. XV. 19.
- XXII. Mœsta. Flëbilis.** [cum, quid adversi nobis acciderit, Amico significamus]. Nihil opus est arte, ubi Natura, & dolor disertum facit. Cic. IV. 6. 12. V. 25. IX. 11. XIV. 1. 2. 3. 4. 9. 17. 19.
- XXIII. Nuncupatoria**, seu Dedicatoria [cum quis Personæ illustri Librum, vel Theses dedicat] 1. *Exordium* ab occasione, & causis dedicandi, ab Officio Dedicantis, a Dignitate Personæ, cui fit Dedicatio. 2. *Propositio*, Jure optimo illi præ ceteris dedicandum. 3. *Confirmatio*, Merita, ac Laudes Personæ, Familiæ, Avorum; & Stemmatæ, ac Beneficia tum publica, tum privata recenset. 4. *Clausula*, se, suæque studia tanto Mecœnati commendet; oretque, ut suam in fidem recipiat; addita animi æternum memoris contestatione.
- XXIV. Disputatoria**, Discutit res literarias, & doctrinas. Hac utuntur Docti de re quæpiam inter se sciscitantes; aut, si qua in re minus conveniat, disputantes. Cic. IX. 22.
- XXV. Mixta** (in qua plures e supradictis, vel infra dicendis formæ concurrunt) ex singularum norma disponenda. Cic. II. 13. 15. 17. IV. 4. 14. IX. 15. XII. 17. 18. 25. XIV. 16.



§. IV.

In Genere Judiciali.

XXVI. *C* *Riminatoria*, sive *Accusatoria*, statim ex abrupto rei atrocitatem, doloremque scribentis indicat; idque per Exclamationem, vel Dubitationem, aut similem Figuram: Rem exponit: Delicti gravitatem argumentis confirmat, & exaggerat. Cic. II. 10. V. I. 5. X. 1. 27. 32. XI. 18. XII. 2. 3. 4. *Obiurgatoria*. VII. 27. XVI. 17.

XXVII. *Recriminatoria* [cum quis accusatus vicissim accusat]. Cic. III. 8. V. 2.

XXVIII. *Expostulatoria* queritur de Iniuria accepta ab Amico: Lenienda tamen Querimonia joco, vel laude Amici, nè Amicitiam dissuere velle videatur: Hortatur, ne in posterum ansam det, unde conqueri jure possit; id quod alteri dedecori, alteri mœrori futurum sit. Cic. II. 8. III. 6. 7. V. 7. VII. 24. 30. VIII. 12. 17. X. 28. 33. XI. 3. 12. XII. 1. 8.

Huc pertinet *Exprobratoria* in Ingratos, aliquantò severior, sed parciùs adhibenda.

XXIX. *Comminatoria* est in Improbum: Orditur ex abrupto: Improbicatem, exaggerat, minas intentat.

XXX. *Excusatoria* [qua utuntur, quos expostulatio lacessivit] Cic. I. 8. 9. II. 1. 16. III. 8. 10. V. 3. 17. 20. VI. 2. 7. 23. IX. 2. 5. 26. X. 2. 4. 7. 8. 31. 35. XI. 13. 27. 28. XII. 30. XIII. 24. 29. XIV. 2. 6. XV. 5. 17. 18.

XXXI. *Defensoria* [qua utuntur, qui accusati sunt]. Utrique significant, utranque, h. *Expostulationem*, & *Accusationem*, sibi gratam accidisse, ut ab amantissimo animo profectam; tum rationibus ostendant, eam culpam procul ab eis extitisse, vel leviozem fuisse: Diligentiores deinceps futuros in illius Criminis fuga. Cic. III. 10. *Confutatoria* huc pertinet, seu *Contentiosa*. Cic. IX. 21. & *Apologetica*, qua viri docti sua opera vindicant a Censuris.

XXXII. *Monitoria* (quæ est lenis obiurgatio) & *Obiurgatoria*,
(quæ

(quæ est acrior Admonitio) convenit cum Accusatoria.
Cic. VII. 8. 27. & XVI. 17.

XXXIII. *Deprecatoria*, (qua Culpam factus ignosci sibi, vel aliis petit). Laudat Humanitatem, & Clementiam ejus, quem placare contendit: Ingenue culpam fatetur, quam tamen extenuet, quantum fas est: Ostendit eo confici pudore Culpæ reum, ut Misericordia dignus videatur: Spem melioris vitæ pollicetur, ex bona indole, alijsque Virtutibus: Suam Auctoritatem, Amicitiam, Benevolentiam interponit. &c.

E P I M E T R O N.

{ Sunt & alia Epistolarum genera, ut *Apostolica*, *Catholica*, *Decretales*, *Pastorales*, *Synodales*, *Dimissoria*, *Commendatoria*, seu *Patentes*, *Memoriales*, &c. Sed has utpote ad Rem Ecclesiasticam, vel Civilem spectantes, prætermittimus.

C A P U T I V.

De Affectibus (gr. Pathetica.)

§. I.

Quid, & Quotuplex sit Affectus.

- I. **A**ffectus [gr. Pathos] est Motus Animi ex Boni, vel Mali opinione excitatus: Hinc *Pathopæia*, Figura nempe omnis, quæ affectus movet.
- II. Duæ sunt Affectuum classes: alij enim a Concupiscibili, alij ab Irascibili proficiuntur, seni ab utroque genere: sive terna sunt Binaria continentia passionis inter se oppositas per Accessum, & Recessum: videlicet.
- III. In Concupiscibili *Amor*, & *Odium*; *Desiderium*, & *Detestatio*; *Gaudium*, & *Tristitia*; in Irascibili *Spes*, & *Desperatio*; *Timor*, & *Audacia*; *Lenitas*, & *Ira*.

§. I I.

Affectus à Concupiscibili.

- I. **A**mor est *Propensio Voluntatis ad Bonum*. Triplex est autem Bonorum genus; Honestum, Utile, Delectabile. Ab his Amor excitatur; minuitur contrarijs. Dividitur Amor in Amorem *Concupiscentia*; nempe cum quis amat Bonum sibi, e. g. Honorem, Victoriā, Mercatūram: & *Benevolentia*; cum quis amat Bonum alteri: sic Pater amat Filium. Rursus hic Amor, si non est mutuus, est *Pura Benevolentia*; si verò est mutuus, dicitur *Amicitia*. Amoris *Benevolentia* causa sunt, Virtus Amati, Morum similitudo, Fidelitas, Familiaritas, Beneficentia, Grati animi significatio, &c. Amoris *Signa*, & *effectus* sunt, Timor, Suspicio, Ira, Lacrymæ, Imitatio, Comitatus in periculis, Ardor, Desperatio, &c.
- II. Odium est *Animi Aversio ab eo, quod sibi malum opinatur*. Excitatur ab incommodis sibi illatis, a Contemptu, vel injuria accepta, a vitijs alterius: minuitur precibus, & expositione Contrariorum. Præterea ejus *Causa* sunt Antipathia, Abundantia atræ bilis, Immanitas, & foeditas ingenij naturalis. *Effectus*, Imprecatio, Exprobratio, Convicia, Minæ, Ultio.
- III. Desiderium est *Appetitus Boni absentes*. Excitatur proposita Boni Opinione: minuitur propositis incommodis. Præterea ejus *causa* est spes obtinendi: *Effectus* Anxietas, Vigilæ, Suspiria, Impatientia, Velocitas in agendo, Audacia, Locutio frequens de re exoptata.
- IV. Detestatio, seu Fuga est *Aversio a Malo absente*. Excitatur proposito Malo: minuitur propositis Commodis. Præterea ejus *Causæ* & *Effectus* ea sunt, quæ Desiderio adversantur.
- V. Gaudium est *Delectatio de Bono presenti, quatenus presenti* reprimitur proposita Boni vanitate. Ejus *causa* sunt Bonum ipsum præsens, præsertim insperatum. Spes melioris fortunæ, Rerum novitas, admirabilitas, jucunditas.

. Effe-

Effecta Oris serenitas, & festivitas, lacrymæ ex lætitia, spes, gratulatio, præteritorum periculorum jucunda memoratio.

- VI. Tristitia, seu Dolor est *Ægritudo ob Malum præsens*. Expellitur proposita Patiētiæ Honestate, ac Præmio; & Exemplis Heroum. Ejus *Causa* sunt Bonorum amissio, Con sanguineorum mors, Calamitatis indignitas, &c. *Effectus* Squalor, languor, solitudo, querimonix, fletus, &c.

§. III.

Affectus ab Irascibili.

- VII. **S**pes est *Boni ardui futuri expectatio*. Excitatur magnitudine Boni: infringitur ejus difficultate. Præterea ejus *Causa* sunt Potentia obtinendi, certa præsidia, vires animi, & corporis, auctoritas, industria &c. *Effectus* Credulitas, Suspendio animi &c.

- VIII. Desperatio est *Ægritudo animi sine expectatione meliorum*. Excitatur ex difficultate Remedij: minuitur proposita ejus facilitate. Præterea ejus *Causa* sunt Ingens calamitas, Ignavia, nulla subsidia. *Effectus* Mortis cupido, & studium, Metuum, ac Periculorum contemptus, Pallor, Ultionis amor.

- IX. Timor est *Perturbatio animi ob malum imminens*. Excitatur Mali difficile evitabilis vicinitate: mitigatur virium persuasione. Præterea ejus *Causa* sunt Impendentium malorum signa, Potestas in hoste, acceptæ iniuriæ experientia. *Effectus* Horror, Inquies, sollicitudo, suspicio, titubatio, fuga.

- X. Audacia est *Impetus voluntatis prosequendi Bonum arduum*. Excitatur spe superandæ difficultatis: minuitur contrario. Præterea ejus *Causa* sunt, Erectus animus, Difficultas partim superata, subsidia, æquitas Causæ, Divina Voluntas. *Effectus*, Belli cupido, Comparatus animus ad pericula, in rebus arduis delectatio, fiducia, securitas, Mortis contemptus.

- XI. Lenitas est *Ægritudo animi ob malum cuiuspiam immeritò illatum*. Conciliatur proposita Patientis vel Innocentia, vel

vel ingenua Confessione, Demissione, Dolo, vel levitate culpæ, aut malitiæ. Porro ad Iram leniendam apti sunt Pueri, Fœminæ, Senes. Minuitur verò Lenitas contrariis. XII. Ira est *Ultionis appetitus cum dolore conjunctus*. Excitatur vehementi apprehensione Iniuriæ: flebitur precibus. Differt ab Odio, quòd hæc sit brevis, illud diuturnum; idè appellatum *Ira inveterata*. Præterea Iræ Causæ sunt Contemptus opinio, Injuria accepta præsertim ab Amicis, & Propinquis, Vituperatio eorum, quæ laudamus, Convicia, Ingrati animi vitium, Obtrectatio, &c. Effectus, Ardor in oculis, Imprecatio, Desiderium vindictæ, minæ, &c.

§. IV.

Affectus alij, qui ex Superioribus oriuntur.

- XIII. **Æ**mulatio, h. *Animi motus, quo Bonum alienum nobis optamus*. Honestus Affectus est: movetur illustrium virorum exemplo: refertur ad Desiderium.
- XIV. Invidia, h. *Animi motus, quo quis dolet de bono alieno ut alieno*. Refertur ad Tristitiam.
- XV. Pudor, h. *Animi dolor ex malo, quod famæ labem inferre videatur*. Refertur ad Timorem.
- XVI. Inverecundia, h. *Supina animi securitas in eodem malo*. Refertur ad Audaciam.
- XVII. Commiseratio, h. *Animi dolor ex malis immerenti illatis*. Refertur ad Lenitatem; si quid differt ab illa. Excitatur magnitudine calamitatis, præsertim si Patiens sit de civibus optimè meritis.
- XVIII. Indignatio, h. *Dolor ob res secundas alterius, quibus videatur indignus*. Refertur ad Iram. Differt ab Invidia; quæ est erga Bonos, & sua felicitate dignos. Excitatur comparando. 1. Vitæ prioris sordes cum præsentibus opibus cum Arrogantia conjunctis. 2. Vitia eiusdem cum alterius virtutibus, qui sit postpositus.
- XIX. Gratia, h. *Animi motus, quo ferimur ad gratias agendas pro Beneficijs acceptis*. Refertur ad Amorem.
- XX. Eutrapelia (h. Urbanitas) *Animi propensio ad sermones jo-*

EPIMETRON.

{ Hæc Oratorem scire decet; ut cognita singulorum
Affectuum natura, eos efficaci impetu valeat in-
torquere: e.g. Si *Metum* velit incutere, horribilia
proponere, Si *Desiderium* accendere, Boni magni-
tudinem meminerit repræsentare: & sic de alijs, &c.

S. V.

Nonnulla super Affectibus Monita.

- I. **I**N Affectus nunquam assurgas, quin illos prius in teme-
tipso excitaveris; juxta illud, *Ardeat Orator, si velit
incendere*. Breviter: *Afficiaris, ut afficias*. Affectus .a. pin-
guntur in fronte.
- II. Ad eosdem non deveniendum, nisi re demonstrata: fru-
stra enim quis ad Ignoti Amorem, vel Fugam conetur im-
pellere.
- III. Non omnes Affectus pariter in omnibus excitantur: alij
Personis alijs, alijque alijs serviunt temporibus. Agrestes,
& Senes faciliè timore moventur; Cives, & Juvenes Iracun-
dia &c. Bacchanalia, Quadragesimales, & Paschales dies,
utique diversos reposcunt, proque horum diversitate
variandi.
- IV. Clanculum, & quasi furtim ad Affectus veniendum: ut
Auditoris Animus sponte sua moveri, non cogi videatur.
- V. Vitanda est omnis Ingenij ostentatio, artificium exquisi-
tum, joci, & subtilitas Disputationum: pleræque enim
Figuræ positæ sunt in Delectatione; quæ non convenit, ubi
cum atrocitate, ac miseratione pugnandum: Verborum
autem cura Affectibus derogat.
- VI. Vitanda & Prolixitas in eodem Affectu: *Lacryma* enim
nil citiùt arescit: potiùsque variandi, quam iidem diutiùs
continuandi: ut diximus Par. 1. c. 2. §. 5.
- VII. In genere *Laudativo* valent Motus Gaudij, Amoris, De-
siderij, Æmulationis, Gratix; in *Vituperando* motus Tri-
stitix, Odij, Iræ, Indignationis; in *Accusando* Iræ, & In-
di-

- dignationis; in *Defendendo* Lenitatis, & Commiserationis: in *Suadendo* Spei, & Desiderij; in *Dissadendo* Timoris, & Desperationis.
- VIII. Valet item Industria, ad excitandos Motus: e. g. Rerum imagines ita repræsentare, quasi oculis cernantur; vel etiam proferre in medium cruentas vestes, cadaver, vel Defuncti effigiem; quæ intentos Affectus in animos excitent, altiùsq; imprimant.
- IX. In Exordijs locum habent leniores motus, qui per totam deinde orationem spargi possunt: in Epilogis verò vehementiores dominari debent.
- X. Qui stylus, quique Pedes Affectibus serviant, vide Par. 1. c. 3. ubi de Stylo, ac Periodo.

C A P U T V.

De Argutiâ (gr. Oxyphasi.)

- I. **A**rgutia est *Distum acutum, & novitatis specie admirabile.*
- II. Argutiarum fontes sunt. 1. Loci Oratorij, præsertim Definitio, Divisio, Etymologia, Opposita, Repugnantia, Causæ, Comparatio. 2. Ex Argumentationibus Dilemma. 3. ex Tropis Metaphora, Metonymia, Allegoria, Hyperbole. 4. ex Figuris Verborum Synœcdoxis, Paranomasia. Antithesis. 5. ex Figuris Sententiarum Correctio, Dubitatio, Emphasis, Interpretatio, Ironia, Paradoxum, &c.

§. II.

Categoriæ (h. Prædicamenta) Aristotelis.

- I. **E**X his potissimum Argutiæ eruuntur, quas Aristoteles tractat.
- II. Decem omnino Categoriæ sunt: easque nostrum delibat de Epigrammatis Artificio jam prælo paratum Syntagma.

productio jocosæ Argumento super Lampyride, seu Cicindela, vulgò *Lucciola* .

- III. 1. est *Substantia* (gr. *Usia*) per quam quærimus quid sit Res: dicimusque, hanc Alitem insultare posse & Stellis, & Soli; quæ suus sibi vel noctu Dies sit, atque Soli.
- IV. 2. *Quantitas* (gr. *Posôte*) h. Quàm magna Res sit: dicimusq; hyperbolicè, hanc parvissimam volucrem efficere, ut Nihilum, quod cerni non potest, vel noctu videamus .
- V. 3. *Qualitas* [gr. *Pœôte*] h. Qualis sit: dicimusque, Hanc esse Flammam sine Flammæ noxa, quasi Ignem Amoris .
- VI. 4. *Relatio* [gr. *Epanàphora*] h. Ad quid referatur: dicimusque, Hac Stellarum Superbiam retundi; cùm & Terra suas Stellas errantes habeat .
- VII. 5. *Actio* (gr. *Praxis*) h. Quid res agat: dicimusque, Hanc unam agere, quod & Sidera, & Aquilæ; nam & volat, & lucet .
- VIII. 6. *Passio* (gr. *Hypòmone*) h. Quibus passionibus sit obnoxia: dicimusque, Nullis hanc vulneribus, ac telis patère; divina idèd quadam sortè, ac privilegio frui .
- IX. 7. *Situs* [gr. *Topotèsia*] h. Modus, quo quidquid ponitur: dicimusque, cùm sit hæc tam exigua, in ejus tumulto vix scribi posse: *Hic fixa est* .
- X. 8. *Tempus* (gr. *Chronos*) quo res est: dicimusque, Ipsam duo illa Mortalibus metuenda non pertimescere, Noctem, & Hyemem .
- XI. 9. *Locus* [gr. *Lochos*] in quo res est: dicimusque, Dignum Alite hæc Theatrum ipsammet sibi & facere, & circumpferre .
- XII. 10. *Habitus* [gr. *Schema*] quo res convestitur: dicimusque, Ipsam & Luce, & Igne innoxio convestiti; h. Honore, & Amore: quibus nec Deos quispiam finxerit nobilius cohonestatos .
- XIII. Quod nos in Re jocosa lusimus, disce ad graviora transferre .



C A P U T VI.

§. I.

De Inscriptione (gr. Epigraphē) & Elogio (gr. Encomio.)

- I. **I**nscriptio latè sumpta est *Brevis Persona, vel rei alicuius descriptio.*
 - II. **I**strictius verò sumpta pro Encomio *Elogium* dicitur; definiturque, *Laus Deo, vel hominibus dicata.*
 - III. Eædem inserviunt utrique regulæ: nisi quòd Inscriptioni maximè convenit cum Elogio Lapidario: de quo §. 4.
 - IV. Triplex est Elogiorum genus, *Oratorium, Historicum, & Lapidarium.* [est, qui addat *Poeticum*: sed hoc non differt ab *Epigrammate*, de quo nos sepositum Syntagma jam prælo paratum habemus.]
- Jam singulorum Characterem, & Stylum inquiramus.

§. II.

Character Elogij Oratorij.

- I. **N**ec est planè Periodicus, neque strictim Laconicus, & Concisus; sed Rhodius, ac perornatus.
- II. Ejus usus est potissimùm in Orationibus in genere Exorativo.
- III. Aliquando brevius est; ejusmodi Cicerò in suis sæpe orationibus interserit; ut illud de Lentulo: *Parents, Deus, Salus, nostra vita, fortuna, memoria, nominis:* & illud de Pompeio: *Virtute, gloria, rebus gestis, omnium gentium, omnium seculorum, omnis memoria facillè princeps.*
- IV. Aliquando verò uberius; ut illud ejusdem Tullij de Martia Legione inter vincendum cæsa: *O fortunata mors, qua,*

Natura debita, pro Patria est potissimum reddita! vos verè Patria natos iudico, quorum etiam Nomen a Marte est: ut idem Deus Urbem hanc gentibus, vos huic Urbi genuisse videatur. In fuga fœda mors est, in Victoria gloriosa. Etenim Mars ipse ex acie fortissimum quenque pignerari solet... Brevis vobis vita data est; at Memoria bene reddita vita sempiterna: &c. Deinde suus pergit ejusdem laudes contexere.

S. III.

Character Historici Elogij.

- I. **E**st Narrationi accommodatus: proinde Oratorio concisior; elegans, eruditus, argutus; atque, ut non tam fusus ut Oratorius, ita paulò liberior Lapidario.
- II. Divisiones amat, Antitheses, Isocla, Emphases, Dubitationes, Interpretationes, Paradoxa; &c.
- III. Versus exigit inæquales, æquali utrinque excessu, vel defectu; syntaxi tamen in eodem versu, quantum licet, collecta.
- IV. Ejus usus potissimum est in *Cenotaphijs* (h. novis, seu vacuis sepulchris) in quibus Defuncti Herois gesta enarrantur; in *Solemnibus Festis*, in quibus Divina Mysteria, vel Sanctorum Coelitus facta describuntur; in *Magnifico Principis ingressu*, & similibus. Hujusmodi sunt Elogia P. Aloysij Juglaris e Soc. Jesu, ac Emmanuelis Thesauri. Ex hoc uno specimen sume omnium.

D. Joannis Chrysostomi

ELOGIUM.

JOANNES

Eloquentia aureus, Tolerantia ferreus.

Pretiosior fortasse, quòd ferreus, quàm quòd aureus;

Nescias ubi cœperit esse sanctissimus,

Aut quando desierit.

Bonas Artes cùm disceret, docuit meliores;
Jam inde Magnus, ubi esse vix cœperat.

Silvescere metuens secessit in silvas;

Exuturus inter feras

Si quid ferinum induerat inter homines.

Alienis clarus in oculis, obscurus in suis,

Urbes, dum fugit, in Erènum attraxit:

De hoc uno cum Virtute rixatus,

Quòd Latebras impediret.

Se uno dolente revocatus in Patriam,

Non minùs in dicendo, quàm in agendo disertus,

Nescias,

An plures Virtuti dederit, an reddiderit.

Se felicem non reputans,

Nisi cùm Miserorum causas assumeret,

Nullius aurum appetens, omnium animos acquiſiuit.

Sibi uni durus, quòd mitior esset in ceteros,

Salutis omnium memor, quia immemor sui,

Securitatem, quam daret alijs, rapuit sibi.

Sed Monstrum erat, si tanta Virtus Invidis caruisset:

Ideo hostis habitus, quia dissimilis.

Semel atque iterum

A Barbaris pulsus ad Barbaros,

Quòd tantum Hominem Urbs una non caperet,

Plura ferre cupiens, quàm hostis inferre,

Veram Patriam, cùm in Exilium properaret, invenit;

Vir in omnibus Aureus;

Nisi quòd Avaris placere non potuit.

§. IV.

Character Elogij Lapidarij.

Est maximè Laconicus; ornatus, acutus, eruditus;
reijcit nexus Transitionum, vel Coniunctionum:
per Eclipsin sæpe suppressit verbum: Brevitatem præ alijs
amat.

II. Hæc Elogiorum species appellatur generali nomine *Inscriptio*

ptio (gr. Epigraphe , five Programma) locum habet in Sepulchris [sed tunc proprio vocabulo dicitur *Epitaphium*] in Urbium Portis , in Templorum , ac Domorum Januis , in Aris , in Arcubus , in Columnis , in Statuis , in Numismatibus , in Fontibus , in Horologijs , in Theatris , in Academijs , in Officinis , &c.

III. Quædam horum Paradigmata [h. Exempla] exhibemus , ex P. Juglaris , alijsque decerpta .

S. Jo: Baptiste Tumulo .

Lege , Viator , & tace :
 Silentium exigit Vox sepulta .
 Echo illius hoc superstes in Saxo ,
 Quid loquatur , attende :
 Herodi Epicedia , Christo Epinicia ,
 Eucharistica sibi , Parænetica tibi .

Sub Imaginem D. Thomæ Aquinatis .

En ! tibi omnem
 In uno Capite Bibliothecam ,
 In uno Calamo
 Militantis Ecclesiæ Panopliam .

Sub Iconem Viri illustris .

N.
 Vetustatis Lux , Nostri Seculi Decus ,
 Posteritatis Exemplar .

In Cænotaphio .

Tanto Funeri Præficias
 Omnes decet adesse Virtutes .
 Omnes regnarunt in Vivo ;
 Omnes lamentantur in Mortuo .

*Super Januam Episcopalis Palatij
Asculani .*

Hieronymus Ghimnutius Episcopus
Honesti Cultor , Sacri Custos , Pravi Ultor .

Sub Horologio .

Hic mortis horam cernis , & nescis tuæ .



Ingens Momentum .



Super Theatrum .

In Otio Negotium .

Super Januam Domus .

Ostium non Hostium .

Super Fontem .

Et Anni , & Amnes .

*Super Aram Deiparæ ab Immaculato
Conceptu .*

Deiparæ

Sine labe conceptæ ,

Sine labe colendæ .

Super Tumulum .

N.

Merito gravior , quàm Senio ,

VI.

Vixit annos LXX.

Naturæ satis, Patriæ parum, Gloriæ semper.

Inscriptionum Ideam, quæ ad Principes, & Imperatores pertinent, videtur affecutus P. Carolus Ruus Soc. Jesu: ut ex his tribus, aureo seculo dignis, licebit colligere.

Ludovico Magno.

Flandris, & Sequanis Regno adiectis,

Batavis, Hispanis, Germanis

Bello multatis,

Pace donatis.



Godefrido

Maresc. Estradio

Cumulata per gloriosæ Pacis gubernationem

Belli gloria.



Jacobus

Maresc. Duci Duraffio

Mansuefactis

Prudentia, & Æquitate Sequanorum animis,

Firmato Alsatia exercitu.



C A P U T VII.

De Historiâ (gr. Historia.)

S. I.

Quid, & quotuplex sit.

- I. **H**istoria est Narratio simplex, & vera; quæ quid, quo consilio, ratione, eventu, gestum sit, exprimit. Ejus finis est Humanas actiones dirigere.
- II. Multiplex est 1. Chronica [h. Tempora per se-
riem digesta.] 2. An-

2. *Annales* [gr. Hori : Horus Annus, quia Horas continet]
h. in quibus complurium res annorum ordine continentur.
3. *Kalendaria* (h. quibus res per menses narrantur)
4. *Ephemerides* [h. Diaria] quibus res per dies singulos geste describuntur : cujusmodi sunt *Fasti*. *Martyrologia* huc pertinere videntur .
5. *Acta* [gr. Praxes] quæ continent Comitia, & Judicia publica, sive Senatus, sive Populi. (Acta enim proprie dicuntur, quæ gesta sunt ab eo, qui Togatus in Repub. cum Potestate, Imperioque versatus est. Itaque Imperatorum Res gesta dicuntur.)
6. *Commentarii*, vel *Commentaria* [gr. Hypomnematismi, Hypomnemata] sunt Libri in quibus res, non diffusè, sed brevissimè explicantur, Memoriarum causa : vel sunt Diligentes, & continuatæ Narrationes, nudæ quidem, & illaboratæ, sed rectæ, ac venustæ : cujusmodi sunt Libri Cæsaris de Bello Gallico &c., in quibus videtur materiam alijs ad exequendam Historiam suppeditasse.
7. *Epidome* (h. Breviaria) quibus res quàm brevissimè, & compendiarid attinguntur .
8. *Regeſta*, sive *Registra*, sunt Indices memoriarum causa, in quos regeruntur, seu rediguntur, quæ nobis obvia esse volumus.
9. *Indigitamenta* [h. Libri Pontificales, qui olim nomina Deorum, & rationes ipsorum Nominum, ac Cere monias continebant) Hoc nomine appellari possunt Catalogi Sanctorum .
10. *Vita Virorum illustrium* ; cujusmodi contexit Plutarchus, Suetonius, &c.

§. II.

De scribenda Historia Monita quædam .

- I. **I**psa falsitatis umbra evitanda: proin Res dubiæ, & incertæ pro talibus referendæ : & studiosa Personarum Acceptio (quæ gr. *Proſopolepsia*) omnino cavenda .
- II. Possunt Conciones inseri ex gravi causa ; cujusmodi apud Livium ; quæ sententijs & energia polleant.

III. Idem

- III. Idem dic de Descriptionibus locorum, fluminum, montium, gentium, earumque morum; modò ne nimia sint: idem de Elogijs Personarum interserendis.
- IV. In Narratione servandum Principium, Medium, Finis; cujus occulta quædam semina jacienda: tum causæ, & consilia investiganda: Animadversiones, & Gnomæ Politicæ inferendæ.
- V. Stylus sit Atticus, non verò Laconicus: & jam fusior, jam brevior; sententijs, ac figuris interdum, & moderatè, illuminatus; præsertim Epiphonemate, Exclamatione, &c. Similitudines in loco, Comparationes, ac Digressiones, modò non longiusculas, Historia non dedignatur. Denique Historicum, quò res altius inscribat animis, præstat quodammodo Poetam agere, & vivida Formularum specie, atque Imaginibus, & Phantasia rem convertire.
- VI. Nota. Historiæ necessarias esse, ceu gemellos oculos, Chronologiam, & Geographiam, h. Temporum rationem, & Locorum descriptionem: quas si detrahas cæca erit Historia.
- VII. Ne spernas, moneo, ordinatum studium veterum Numismatum, lapidum, gemmarum, totiusque Antiquitatis.

C A P U T VIII.

De Phrenoschemate.

§. I.

Quid sit Phrenoschèma.

- I. **P**hrenoschèma græcè (h. Mentis Figura) latinè *Insigne*, Italicè *Impresa*; est Heroici conceptus Symbolum, seu signum visibile; Figura, & Dicto compositum. c. g. si ad significandum hunc mentis conceptum *Princeps Justus*, Solem pingas meridianum cum lemmate: *Respicit aquè.*

II. Fuit

Caput VIII. De Phrenoschemate §. 1. 2. Quid, & Quale &c. 173
 II. Fuit ab Heroibus Græcis inventum Bello Trojano, in
 Clypeo præclare gesta sculpsentibus.

§. II.

Quale sit Phrenoschèma.

- I. **N**on est quid proprium, sed Metaphoricum; sive Allegoricum.
- II. Metaphora autem alia est *Attributionis*; quæ scilicet non est aliena, sed pertinens ad rem significatam; estque in eodem genere: ut est *Ensis* respectu Belli, *Bilances* respectu Justitiæ, *Laurus* respectu Poetarum. Sic Academia Parisiensis exprimit Laurum cum lemmate: *Immortalitati*.
- III. Alia est *Proportionis*; quæ scilicet est inter duo similia, sed diversi generis: Sic ad exprimendum Ducem in præliis intrepidum, picta fuit Aquila inter fulmina, cum lemma: *Nec metuenda timet*.

§. III.

Quod sit perfectum Phrenoschema.

- I. **P**hrenoschema Proportionis perfectius est Phrenoschemate Attributionis: nam perfectius est, rem unam per aliam diversi generis explicare; quia sic plura docet; quàm per rem ejusdem generis, quæ docet pauciora.
- II. Perfectissimum tamen Phrenoschema est, quod Metaphoram utranque complectitur; e. g. si Corpus Phrenoschematis ad Herois Stemma pertineat: cujusmodi est *Histris*, Insigne Ducatus Regis Galliarum. Quare omnium perfectissimum existimatur illud de Ludovico Galliarum Rege, ad ejus Potentiam tum prope, tum procul, in Bello, & Consilio, significandam: nempe *Histris* cum Lucani Dicto lib. 4. *Cominus*, & *Eminus*.
- III. Perfectum Phrenoschema debet esse Quadratum, h. quatuor includens terminos, qui sint Correlativi: itaut Lemma possit æquè de Corpore & Anima Phrenoschematis enun-

enunciari: ut videre est in prædicto: nempe *Histrix punit, Ludovicus vincit.*

S. IV.

Requisita ad perfectum Phrenoschema.

- I. **C**orpus Phrenoschematis sit 1. *verum*, non fabulosum, cujusmodi *Cerberus, Scylla, Siren, &c.* 2. *Nobile*; cujusmodi non est *Calceus, Dolium, Scopa.* 3. *Admirabile* proprietatibus; cujusmodi *Bombyx, Apis, Magnes.* 4. *Repræsentabile* Scalpro, & Colore; cujusmodi non est *Cicindela.* 5. *Unicum, & simplex*; vel, si plura, faciant unum ratione finis: cujusmodi tria illa *Horologia* Rotatum, Sciatericum, Arenarium, Academiæ Concordium, cum lemma-
te, Tendimus unâ. 6. Corpus *Humanum* excluditur; quia inter *Hominem, & Hominem* nulla intercedit Similitudo; sed idem ipse est: præterea *Homo* ipse debet esse repræsentatus, non repræsentans. Non tamen excluditur *Pars*, modò nobilior, *Hominis*; ut, *Oculus, Auris, Cor.* 7. In *Clypeo* nulla debent esse *Parerga*, h. Ornamenta, *Arborum, montium, maris &c.* Color verò *Clypei* vergat potius in *Album*, quàm in *Cæruleum*; qui *Clypei* proprius non est.
- II. *Anima* Phrenoschematis, h. *Conceptus mentis*, sit 1. *Heroica*, utpote primitus ab *Heroibus*, & ad *Heroicum* quid significandum inventa. 2. ne sit *Dogmatica*, h. per modum *Documenti* generalis [hoc enim *Emblematis* proprium] sed *Demonstrativa* rei *Singularis* 3. sit *Unica* unico respondens *Corpori.*
- III. *Lemma, seu Dictum.* 1. non debet directè significare conceptum mentis, sed corpus: idè in *tertia* persona esse ferendum: est enim *improprium*, rem ratione carentem loqui de se ipsa. 2. sit *Breve*, in quo nihil redundet: hinc improbat *illud* de *Mari* sub *Sole, Nunquam siccabitur astus*: satis enim fuerat, *Nunquam siccabitur.* 3. *Perfectissimum* habetur, si tribus constet vocibus; utpote magis *numericum, & harmonicum.* 4. *Nihil* eorum, quæ in *Disco* videntur.

dentur, appellet: quare vitiosum est illud de Caprifico rupem frangente, *Ingentia marmora rumpit*. Hinc reiiciuntur particulæ demonstrativæ; ut illud de Stella Veneris: *Hæc monstrante viam*. 5. sit *Æquivocum*, vel saltem *Analogum*; quale illud de Henrico II. Luna crescens cum lemmate, *Donec totum impleat orbem*: Orbis enim tum Lunæ girum, tum Mundum significat. 6. sit Classici Auctoris: est enim Viri eruditi, ac ingeniosi transferre celebre dictum ab una re ad aliam. 7. sit *Hemistichium*; præsertim finale: hoc siquidem sonat concinnius. 8. *Antithesin* contineat; ut illud de Phœnice, *Perit, ut vivat*: & de Microscopio, *Maximus in minimis*: præsertim ubi sit *Isoclon*: ut illud de Metis, *Nec citra, nec ultra*; & de Sole inter Nubes, *Et latet, & luccet*: vel ubi sit *Paranomasia*: ut illud de Vipera, *Dum parit, perit*.

EPIMETRON DE ALIJS SYMBOLIS.

1. *Emblema* (h. Vermiculatum opus) est Figura, præsertim humana, ex Fabula, vel Historia, vel Natura, vel Arte, cum explicatione continente monita, & documenta universalia e. g. si *Proserpina*, dum flores legit, vel *Europa*, dum ludit, Raptum figures, cū Monito *Sæpe inter lusus, & delicias Pericula reperiri*.
2. *Hieroglyphicum* (h. Sacra Sculptura) sunt Arcanæ notæ vel Animalium, vel aliarum rerum; ad mores, vel res Mysticas exprimendas: e. g. *Serpens caudam mordens* ad exprimendam Æternitatem. Hæc ab Ægyptijs inventa, quibus utebantur pro literis ad Sapientiæ Mysteria suboscure notanda, ut Indoctos laterent.
3. *Ænigma* (h. Involucrum) est obscura Allegoria [de quo Par. 1. dictum est] ut, *Mater me genuit; eadem mox gignitur ex me*; h. Aqua in Glaciem conversa, iterum e Glacie effluens.
4. *Logogryphus* (h. Ænigma Nominis) ut, Sit mihi quantus Amor, disce hinc: tibi Corniculatam do Lunam, Solem do, Rabiemque Canis. (h. COR).
5. *Numismata* sunt Metalla, quorum altera facies exprimit effigies illustrium Virorum, altera eorum præclarè gesta.

6. *Scy-*

6. *Scytale Laconica* [notæ secretiores, vul. *Cifra*] h. Surculi duo loro circumligati, in quo Lacedæmonij literas ad Duces scribebant; quo resolutio literarum mutilarum remanebant. Similis Sera illa teres literarum anulis compactilis (vul. *Lucchetto*).

C A P U T I X.

Nonnulla ad Rem Poeticam spectantia.

Poetica quædam sunt, quæ ignorare Rhetoricæ Candidatum, turpe videatur; sepositum idem iisdem caput, ceu Mantissam, adjicimus.

§. I.

Pedum Nomenclatio.

- I. **P**edes dissyllabi. *Spondeus*, ll. ut *Mores*: *Pyrrhichius*, bb. ut *Amor*: *Choreus*, sive *Trocheus*, lb. ut *Roma*: *Iambus*, bl. ut *Amant*.
- II. Pedes trissyllabi. *Dactylus*, lbb. ut *Candida*: *Anapaestus*, bbl. ut *Legerent*: *Tribrachys*, bbb. ut *Facilis*: *Molossus*, lll. *Vinebant*: *Bacchius*, bll. *Dolores*: *Antibacchius*, llb. *Maturus*: *Creticus*, lbl. *Maximos*: *Amphibrachys*, blb. *Cadēbat*.
- III. Pedes tetrasyllabi, ex Dissyllabis compositi. *Dispondeus*, llll. *Conturbabant*: *Proceleusmaticus*, bbbb. *Retulerat*: *Dichoreus*, lblb. *Civitate*: *Dijambus*, blbl. *Amaveras*: *Choriambus*, lbbl. *Nobilitas*: *Antispastus*, bllb. *Recusare*: *Jonicus a maiori*, llbb. *Cantabimus*: *Jonicus a minori*, blll. *Pretiosos*,
- IV. *Pæones*. *Pæon* 1. lbbb. *Temporibus*: *Pæon* 2. blbb. *Amabile*: *Pæon* 3. bblb. *Speciosus*: *Pæon* 4. bbbl. *Calamitas*: [Orationi aptissimi.]
- V. *Epitriti*. *Epitritus* 1. blll. *Repentinos*: *Epitritus* 2. lbll. *Conditores*: *Epitritus* 3. llbl. *Clamaverant*: *Epitritus* 4. llbb. *Fortunatus*.

VI. Dochimus, bilbl. ut Republicæ, Perhorrescerent.] qui maximè orationi intervīt.]

§. II.

Cæsuræ.

- I. **V**ersus omnes, præter Anapæsticos, Adonios, aliosve admodum paucos, sunt intercidendi cæsuris: Exameter sanè, ijs reiectis, atq; Pentameter, inepti, insubidique sunt.
- II. Cæsuræ est Syllaba, quæ ex Dictione caditur, atque ex pede redundat: Huius tanta vis est, ut brevem Syllabam interdum producat; ut, *Omnia vincit Amor: & nos cedamus Amori.*
- III. Prima Cæsuræ est Tritemimeris (h. Semiternaria) constans uno pede, & syllaba; quæ dictionem claudat: ut illa Virg. *Magnanimi Jovis ingratum ascendere cubile.*
- IV. 2. Pentemimeris (h. Semiquinaria) duobus constans pedibus, & syllaba: *Arma virumque cano.*
- V. 3. Hephthemimeris (h. Semiseptenaria) tribus constans pedibus, & syllaba: *Multa super Priamo rogitant.*
- VI. 4. Trochaica, habens post duos pedes Trochæum: *Infandum Regina.*
- VII. 5. Tetrapœdia [h. quatuor constans pedibus] sive Bucolica; quod propria sit Bucolici Carminis: sitque, si Hephthemimeri addatur Pyrrhichius; ut, *Namq; erit ille mihi semper Deus.* In qua si sensus terminetur, multò erit elegantissima.
- VIII. Versus exameter vel una, vel pluribus, usque ad quatuor simul constare potest: ut, *Insident quantus sinistra Deus:* omnibus simul non potest.
- IX. Sola Tritemimeris rarissima.



§. III.

Metaplasmus, sive Figuræ Poeticæ.

- I. **M**etaplasmus est *Transmutatio sermonis*; cum aliquid præter communem usum mutatur; idque vel necessitatis, vel ornatus gratia. Itaque quod in soluta oratione Barbarismus esset, in Carmina dicitur *Metaplasmus*. Alij autem fiunt in principio dictionis, alij in medio, alij in fine, alij denique indiscriminatim.
- II. In principio. 1. *Prothesis*, seu *Prosthesis*, cum additur syllaba, vel litera: ut, *Ingredior*; pro *Gradior*: *Gnatus* pro *Natus*: *Gnarus* pro *Narus* (vox obsoleta Peritum significans; a quo *Narro*, & *Narratio*). 2. *Apharesis*, cum detrahitur: ut *Ruo* pro *Eruo*; *Temno* pro *Contemno*.
- III. In medio. 1. *Epenthesis*, sive *Epectasis* [h. Porrectio] cum additur: ut *Religio* pro *Religio*; *Alitum* pro *Alitum*; *Mavors* pro *Mars*; *Induperator* pro *Imperator*. &c. 2. *Syncope*, cum detrahitur; ut *Periculum* pro *Periculum*; *Accessis* pro *Accessis*. &c. 3. *Tmesis* [h. Sectio vocis compositæ]. ut *Hætrojana* - *tenus*: *septem* - *subiecta* - *trioni* &c.
- IV. In fine. 1. *Paragoge*, seu *Proparalexis*, cum additur: ut *Dicier* pro *Dici*. 2. *Apdcope*; cum detrahitur: ut, *Oti*, *Gaudi*, *Ingeni*, pro *Oti*, *Gaudi*, *Ingeni*, &c.
- V. Indiscriminatim. 1. *Synalæphe*, cum eliditur, vel absorbetur postrema vocalis, vel Diphthongus a vocali sequenti: ut, *Conticuere omnes*, *intentique ora tenebant*. Eliditur interdum & in fine versus a versu per vocalem incipiente: ut, *Et spumas miscent argenti, vivaque sulphura, Idæasq; Pices*. 2. *Esthipsis*, cum extrema litera M. unà cum præcedente vocali a vocali sequente interimitur: *O curas hominum! o quantum est in rebus Inane!* Interdum interimitur in fine versus, cum versus sequens incipit per vocalem: Jamque iter emensi turres, ac testa Latinorum Ardua cernebant. 3. *Antithesis* (h. literæ unius pro alia positio) ut, *Olli*, pro *illi*.

III. Here pro Heri. 4. Metathesis (h. literarum transpositio) ut, *Thymbre*, pro *Thymber*. 5. Synaresis, sive Episynalephe, seu Synecphonestis [h. duarum syllabarum in unam contradio] ut, *Hærent parietibus scalæ*. Aurea composuit sponda. 6. Crasis (cùm expungitur una vocalis, & producitur syllaba) ut, *Bigæ*, pro *Bifuga*: *Cogo* pro *Coago*: *Plotius* pro *Plantius*. 7. Diuresis, seu Dialysis, seu Dialecton [h. unius syllabæ in duas resolutio] ut, *Aulas* pro *Aula*: *Silua* pro *Silva*: *Perfoluisse* pro *Perfoluisse*. 8. Synstole (cùm corripitur syllaba natura longa) ut, *Fulgere*, *Fervere*, *Pòtitur*, *Stèterunt*, *Dèderunt*, *Tùlentur*, &c. 9. Diastole, sive Ectasis (cùm producitur syllaba natura brevis) ut, *Italiam fato profugus*, &c. Et domus intacta te tremit Arabiæ. 10. Dialaphe [cùm nec vocalis, nec diphthongus a sequenti vocali absorbetur] quæ tamen ad Licentiam potius poeticam pertinet, de qua iam.

§. IV.

Licentia Poetica.

- I. **M**onosyllaba brevia Græcorum more producta: ut *Liminaque*, *Laurusque Dei* &c. *Et animam*, & mentem, cum quâ Di nocte loquuntur. (*Juven. 6.*)
- II. Syllaba brevis producta beneficio cæsura, post 1. 2. 3. 4. pedem: ut in his exemplis.
 1. *Pectoribus inhians spirantia consulit exta*. *Æn. 4.*
 2. *Emicat Euryalus*, & munere victor Amici. *Æn. 5.*
 3. *Ostentans artem pariter*, arcumque sonantem. *Æn. 5.*
 4. *Muneribus tibi pampineo gravidus Autumno*. *Virg.*
- III. Vocalis longa, & Diphthongus non elisa: Et succus pectori, & lac subducitur agnis. Ante tibi *Eoa* Atlantides abscondantur. [*Geor. 1.*] *Lamentis*, gemituque, & foemineo ululatu.
- IV. Vocalis longa, & Diphthongus non elisa, & correpta. *Insula* Jonio in magno, quas dira Celeno [*Æn. 3.*] Victor apud rapidum Simoenta sub *Ilio* alto [*Æn. 5.*] Credimus? an qui amant, ipsi sibi somnia fingunt? (*Ecl. 8.*) Tu quæque,

que, o Eurytion, vino, Centauré, peristi. (Proper. 2.)

S. V.

Patronymica.

Patronymica sunt propriè Nomina a Patrum, Matrum, Avorum, Proavorum, nominibus formata; ut Filium, Filiam, Nepotes significant.

II. Forinquantur & à Fratribus, Regibus, Conditoribus Urbium, ab ipsis etiam Urbibus, Regionibus, Montibus, Fontibus, Fluvijis.

III. Masculina exeunt in *Des*: suntque primæ Declinationis: ut, *Alcides*, gen. *Alcida*, dat. *Alcida*, acc. *Alciden*, voc. *Alcide*, abl. *Alcide*. Quæ interdum declinantur ut *Poeta*, æ; ultima brevī in Nominativo, & Vocativo. Non ita Dardanio gavisus *Atrida* triumpho est. [Prop. l. 2. cl. 11.] Aliquando tamen Vocativus more Dorico producitur, diciturque *Vocativus Doricus*; ut ille Pentameter Politiani: *O Everida*, quod maneat pretium: pro *Everide*. Sic illud *Æn.* 3. Conjugio, *Anchisa*, Veneris digonitate superbo. Olim enim pro *Anchiser*, *Æneas*, declinabant *Anchisa*, æ; *Ænea*, æ; tametsi; Emmanuel contendit, *Anchisa* in illo versu produci beneficio cæsuræ. Nota. Seneca in Troade, Act. 1. sc. 1. scripsit *Æacids armis* pro *Æacida*; ut notat Jos. Scaliger.

IV. Nomina A. finita assumunt *des*: *Æneas*, *Æneades*: *Ilia*, *Iliades*. Interdum mutant A. in I. ut *Philyra*, *Philyrides*: interdum assumunt I. ante A.: *Amyntas*, *Amyntades*.

V. Nomina Es finita sumunt *Ades*: *Hippotes* *Hippotades*: interdum admittunt I. ante A. *Anchises* *Anchisiades*, *Laertes*, *Laertiades*.

VI. Nomina 2. Declin. *Us* finita in genit. assumunt *Des*. *Æacus*, *Æaci*, *Æacides* pen. corr., interdum producta: *Belus* *Belides*: *Lycurgus*, *Lycurgides*. Interdum sumunt A. ante *Des*. *Battus* *Battiades*; *Menætius*, *Menætiades*. Ab *Japeto* fit *Iapetides*, & *Iapetionides*, p. p.

VII. Genit. Nominum in *Eus* assumit *Des*, pen. prod. contracto

Ei

Ei in Diphthongum : Atreus, *Atrides*, Peleus *Pelides*.

VIII. Nomina 3. Declin. formant a Dat. addito *Des* : Agenor *Agenorides* ; Actor *Actorides*. Nomina in *As*, gen. *Antis*, petunt I. ante A. . Abas *Abantiades* : Atlas *Atlantiades*. In *On* finita eodem modo. Laomedon *Laomedontiades* : Telamon *Telamoniades*. Scipio facit *Scipiades*.

IX. Fœminina exeunt in *As*, *Is*, *Ne*. Quæ in *As*, & *Is*, fiunt a Patronymicis Masculinis, ablato *De* Thaumantiades, *Thaumantias* : Phaetontiades, *Phaëntias*. Æolides *Æolis*, Tantalides *Tantalidis*, Dardanides *Dardanis*. Quædam utroque modo : Atlantiades, *Atlantias*, & *Atlantis*, *dos*.

X. Cùm Masculina desinunt in *Eides*, ut *Æneides*, *Thesides*, Patronymica Fœminina desinunt in *Eis* pen. prod. ut, *Æneis*, *Thesëis* : interdum pen. corr. *Æneidos* vati grande fuisset opus. (Ov. 3. de Pon.)

XI. Quæ desinunt in *Ne*, fiunt a Gen. Masculini pen. prod. Neptuni *Neptundne*, Nerei *Neridne*. Quodd si Primigenium desinat in *Ios*, ut *Acrisios*, Patronymicum Fœmin. desinit in *One* pen. prod. *Acrisione*. a qua Ovid. finxit Masculinum. *Acrisioniades*.

C A P U T X.

Selecta Proverbia, Formulæ Proverbiales, Sententiæ &c.

- I. **C**Um multum dignitatis, & Venerum tempestivus Proverbiorum usus Orationi conciliet, nonnulla huc seponenda putavi; queis, Tiro, *citra pulverem* (ut aiunt) *citraque sudorem* utare. Dixi *Tempestivus*: siquidem nimia frequentia gratiam omnem interimit.
- II. Proverbium est *Commune omnium verbum*: sive, ut uberius definiam, est *Sermo rem manifestam obscuritate tegens*; & *ad vitam rationem, utilitatemque conducens*.
- III. Primum verò formulas quasdam præmitto, quibus Proverbia, si qua duriora, vel obscuriora occurrant, præmol-

liri solent. Sunt autem quæ sequuntur.

- IV.** Ajunt. Ut ajunt. Quod ajunt. Quomodo ajunt. Ut dicunt. Quod dicunt. Quod dicitur. Quod dici solet. Quod vulgò dicitur. Quemadmodum dicitur. Quod Græci dicunt. Quemadmodum vetusto verbo dicitur. Quod ait vetus Proverbium, paroemia, Adagium. Ut antiquum ait. Dictum. Proverbium est. In Proverbio est. Veteri Proverbio. Ut Adagio dictum est. Ut dicimus Proverbio. Ut est in vetere Adagio. Ut vulgò dici consuevit. Ut habet Proverbium. Ut vulgò jactatum est. Ut vetus verbum usurpem. Quod vetus est verbum. Rectè dictum est. Verè hoc dicunt. Verè & eleganter dictum est. Iuxta vetus Adagium. Iuxta vulgò tritum sermonem. Non temerè dictum a Græcis illud. Res in Proverbium abiit, cessit. Scitè veteri Proverbio fertur. In vulgi fabulam abiit. In Proverbij, Paroemiæ, Adagij, consuetudinem, locum, vicem, usum, cessit. Proverbij locum, vicem habet, obtinuit. Tractum est in popularem sermonem. Unde vulgò jactatum est illud. Usu trita Paroemia est. Proverbio locum fecit. Proverbij vice dicitur. Proverbiali loco, joco, dicitur, dici solet. Proverbium increbuit. Res Proverbio increbuit. Hinc natum est tritum illud vetustate, vel sermone Proverbium. Assentior veteri, laudatoque Proverbio. In hanc sententiam extat Veterum Proverbium. Itaque celebratum illud emanavit. Vulgare illud omnibus usurpatum. Hoc vulgò circumfertur Adagium. Venit in Paroemiam. Haud prorsus abhorret a vulgato Proverbio. Manet & hodie vulgatus jocus. Sententia Proverbio celebris. Allusum ad Jocum veterem. Ut fert Paroemia. Hic locus est veteri Abagioni, Adagioni. Popularem sermone tritum est illud, Proverbiali specie dictum est. Non abludit hinc illud. Veteris Proverbij admonitu. &c.
- V.** Quibus ad hunc ferè modum, sicubi res poscit, utendum. Omnem [*ut aiunt*] lapidem movet. Serviendum (*quod dicitur*) Scenæ. Oleum (*quod aiunt*) & operam perdidit. Scitè veteri proverbio fertur: Suam et Capillus umbram habet. Non enim semper per Parenthesin efferuntur.
- VI.** Non omnia quæ hic ponuntur [*ut ex titulo intelliges*]

aper-

apertè Proverbia sunt; sed maximam partem Proverbiales modi, quique ob usitatam translationem, vel præclaram sententiam similem colorem habent: qua in re neque tam religiosi sumus, sed paulò interdum laxiores; quatenus ex usu fore Discipulis existimavimus.

VII. Scio equidem fore, rectiorem ut ordinem in his requiras, farraginem culpes; obijcias, complura temerè acervari, plurima desiderari, nonnulla explicatione indigere: quorum tu omnium dabis fesso jam calamo, fatiscentique veniam; qui tibi hæc interim exhibet, die procedenti emendatiora, si Deo visum fuerit, exhibiturus.

Absurda. V. Labor inanis, Error.

NE in Tonstrinis quidem audiendum. In lente unguentum. Ornamentum in luto. Anulus aureus in naribus suis. In eburnea vagina plumbeus gladius. Putris silurus in quadra argentea. In herba luxuries. In Tragœdia Comicus. Pistillum exornatum. Anus, vel Camelus saltans. Exacta via viaticum. Calceus pede minor. Calcei Sicyonij (*pulchri, sed virum dedecentes*) Caliga Maximini (*Major vestigio hominis*) In pace leo, in bello lepus. Asinus ferens mysteria. Simia purpurata. Inter furculos capra (*Quos tondens perdit*) Hercules crocotòphoros (*muliebriter indutus: Crocoton delicata vestis genus*) Calvus comatus. Nihil ad fides, chordas, nervos, catinam, versum. Extra numerum, modumque. Currus bovem trahit. Cancer leporem capit. Vulpes bovem ducit. Aliorum medicus, ipse vulneribus scates. Te ipsum non alens, canes alis. Asinum sub fræno currere doces. Meum mihi somnium narras. Cùm Syrus non sis, ne syriissa. Non e quovis ligno Mercùrius fingitur. Neque Cœlum, neque terram attingere. Eburneis rastris solum vertere. Aureis ligonibus terram fodere. Lucernam in meridie adhibere. Juxta fluvium puteum fodere. Mari aquam e fossa infundere. Feli Crocoton dare. Jungere vulpes aratro. Mulgere hircos. Bovem lepore venari. Extra chorum saltare. Extra cantum agere, dicere. De Scammate egredi [*Æfena ubi athleta luctantur*]. Ultra se-

pta transilire . Extra oleas ferri . (*b. extra stadium : quod olim oleis utrinque sepiebatur*) . Per parietem loqui . Ther-
 siti loricam Achillis , Infanti cothurnos Herculis induere .
 Delphinum silvis , fluctibus aprum appingere . Cupressum
 importunè pingere . [*Hor.*] Humano capiti cervicem equi-
 nam jungere [*Hor.*] Ranis vinum præministrare . Solem
 facibus juvare : Agninis lactibus alligare canem (*h. Intestinis*)
 Aratro jaculari . Sambucam Caloni aptare [*Instrumentum
 musicum , Militum seruo*] . In tenebris saltare . Aliena
 facere . In lenticula fabulam narrare . Cani paleas , asino
 ossa dare . Fronti ocreas , tibiæ galeam applicare . Eodem
 collyrio omnibus mederi . Omissis fontibus rivulos conse-
 ctari . Ebur atramento candefacere . Machinas post bel-
 lum afferre . Ad fractam citharam canere . Caminum deal-
 bare . In toga personam saltantis inducere . Ollam exor-
 nare .

Accommodare se rebus . V. Occasio .

Admonitio V. Stimulare , Labor inanis .

A Urem vellere , pervellere , vellicare alicui . Latus fo-
 dere . Cubito ferire : e. g. Spes , Mors aurem vellit . &c.
 Frustra canere , seu chordas pulsare : Surdis canere : mor-
 tuo verba facere : vento , litori , parieti , lapidi , dormien-
 ti loqui : mortuum flagellare : lapidem verberare : sterilem
 fundum colere . &c. est *Incaustum monere* .

Adscribere .

I N Album referre , adscribere , adsciscere . Aliquem au-
 torare , decuriare , centuriare . In alios adlegere , coopta-
 re . In tabulis , in Commentario conscribere , describere ,
 perscribere . In aliorum numerum referre , censere ,
 adscire .

Adversitas . V. Fortuna , Malum .

Adulatio. V. Blanditiæ , Gula , Astutia .

Gracula Adulatio. Assentationis poppysma. Melle litus gladius. Mellitum venenum. Agathonia cantio [*ab Agathone Tibicine cantionum suavitatem aures deliniente*]. Verniles blanditiæ. Herculana scabies (*suavitatem instillans*). Mercenarium præconium. Simia, Vulpe, Gnathone adulantior. Python formosus. Cauda blandiens. Benevolus trucidator. Venaticus molossus. In ostio formosus. Muscarum abactor [*in Persarum convivij adhibitus*]. Parasitus. Parasitulus. Parasitaster. Dolosus palpo. Magis ipse Phryx [*Phryges dolosi simulatores*]. Glossogastores (*ventriloqui: in Assentatores dictum*). Adulatore, & Amico non potes eodem uti. Palpari alicui, suppalpari, subblandiri, lenocinari, parasitari, supparasitari, obsecundare in loco. Fucum facere, palpum obtrudere, os sublinere, os bellè, malè, pessimè sublinere, Oleum in auriculam ferre, instillare; tumidis sermonibus utrem inflare; blandioris sermonis ficto lenocinio imponere, illudere. Agathoniam cantilenam canere. Lethale mulsam instillare. Melle litum gladium offerre. Verbis caput demulcere. Verba coquinaria, vel byssina loqui. Fraterculum se facere. Gnathonissare. Verborum illecebris, cupedijs, blanditijs; mulseis, unctis, melleis, cupidineis, conquinarijs, fucatis, viscatis, firenæis, aurem juvantibus vocibus capere, delinire. Sibi placere, allubescere, blandiri, adblādiri, subblandiri, stolidè assentari. Se suspicerè, admirari, magnificè circumspicere. Magnificum, speciosum sibi videri. De re aliqua se multum, perditè amare, sibi gratulari, placere. Se ipsum sine rivali, vel competitore, amare. Esse sibi pulchrum, lautum, beatum. In Cœlo esse. Inanem de se cum voluntatis sensu opinionem concipere. Magnificè de se sentire.

V. Arrogantia .

Adumbrare : V. Ruditas. *Æmulatio* : V. Invidia.
Affabilitas : V. Urbanitas. *Affirmare* : V. Ju-
 rare. *Ambitio* : V. Arrogantia, Excellentia.

Amicitia, *Amor*. V. Similitudo.

UNUS Deus, & plures Amici. Nec multis, nec nullis ami-
 cus [*Hesiod.*] Nec uivis dexteram porrigas. (*Pythag.*)
 Plures Orientem Solem adorant [*Plutar.*] Felicium multi
 cognati. Viri infortunati procul amici [*Arist.*] Amicitia
 Stabilium (*Arist. b. virtute parta* : *Qua sola humanis in rebus*
stabilis est). Fac nidum in una arbore. Amicorum omnia
 communia. (*Pyth.*) Quisquam ne repugnet Amico ? [*Hom.*]
 Ames ut osurus ; oderis, ut amaturus [*Solon.*] Ne quando
 amare incipias, quem odisse possis [*Cic.*] Mores Amici no-
 veris, non oderis. Amantium iræ Amoris redintegratio
 est. (*Teren.*) Amicitia, quæ desinere potuit, nunquam ve-
 ra fuit. (*Senec.*) Amicitia Æqualitas (*b. inter pares*) Simi-
 litudo Amicitiam conciliat. Graculus graculo assidet ; Ci-
 cada cicadæ cara, formica formicæ ; Accipiter placet acci-
 pitri. (*in deteriorem sensum*). Non sunt amici, qui degunt
 procul. Ubi amici, ibi opes. Amicorum est, admonere
 mutuū. Amicus Amico ægrotanti medicus. Amicus
 usque ad aras. Tempus Amicum arguit. Amicus certus in
 re incerta cernitur. Amicitias immortales esse oportet.
 Amicus non cogendus. Nemo sibi nascitur. Amicitia Ol-
 læ, sive Ollaris (*b. propter commodum*). Amici mensæ, ol-
 lares, secundum lotionem manuum. Modium salis com-
 de, antequam ames. Hercules Amicitia nodus. Ami-
 cissima Amicitia. Indissolubile fœdus. Prætextata Ami-
 citia [*b. vetus, a parvulis*]. Solidissimo glutine ferrumi-
 nata : in qua nullæ præstigiæ (*b. sincera*). Amicus lingua
 (*b. fide*). Tantaleum poculum libare [*Amicitiam firmare*].
 al. Tantalæ Philothesia. Amicitia dissiliens, consenes-
 cens, victa, evanida, elanguescens, obliterata, dissuta. Ad ali-
 cujus

cujus Amicitiam adrepere, perrepere, irrepere. Alicujus amicitiam venari, captare, &c.

Amicus. Alter Pylades, Orestes, Damon, Pythias. Animæ dimidium meæ. Suavissimum, amicissimum, jucundissimum Caput; dulce, & charum Latus; Cultor, & comes vitæ. In ære meo est, in Albo meo. Sacro Amicitiae jure, nexu, vinculo, foedere mihi devinctus, obstrictus, arctissimo Necessitudinis vinculo innexus, tenaci quodam Amicitiae glutine copulatus; ex Albo Amicorum non expungendus.

Amor. *Amare.* Amor Musicam docet (*Plutar. b. Artium, & omnis elegantia magister*). Ex aspectu nascitur. Aureæ compedes. Amor fit irâ jucundior: Iniuria solvit amorem. Oculis, in oculis, in sinu ferre. In amoribus, in delicijs, in antiquis habere. Ex unguibus amare (*ab ineunte aetate*). Sibi aliquem delicias esse. In oculis esse (*Amari*). Unicè, mactè, fictim, effictim amare [*vehementer*]. Perditè, miserè, insanè, stolidè amare, deamare, deperire. In alicujus amore, medullis, intimis sensibus hære. Medullitus, ex intimo sensu diligere. Alicujus amore deperire, spirare. In aliquem se suavissimè effundere, profundere. Oculis carior, Oculissimus [*Amatissimus*]. Ebrius amore ocellus (*Catul.*) Sub artus flamma dimanat (*Catul.*) Amor permadefecit cor [*Plaut.*]

Anceps res, Angustia. V. Discrimen, Difficile.

INter Saxum, & Altare. Inter Sacrum, & Saxum. Inter cæsa, & porrecta [*Cic.*] Inter malleum, & incudem. Inter has, vel illas nassas incidere. In extrema tegula stare. In acie novaculæ stare. Assen Elephantò porrigere. Auribus lupum tenere. Cum cane pugnare. Hæc urget lupos, hæc canis angit. Aleam jacere. Quid primum, quid ultimum, ignorare. In trivio esse. Arctum anulum gestare. In vado, in luto, in salebra hære. De filo, vel de pilo pendere. Caput scabere. Unguem arrodere. Dia-
po-

poresin pati . Unica filia duos parare generos . In putèò constrictus . Mihi aqua hæret . Tanquam mus in pice . A fronte præcipitium , a tergo lupi : Pallet , uti nudis preffis qui calcibus anguem , aut Lugdunensem Rhetor dicturus ad aram . [*Iuven.*] Tanquam Protagoræ sophisma dissoluturus (*v. ap. Manut.*) Volens nolente animo . Labyrintho implexus sine filo hæret . Aut mortuus est , aut literas docet [*In Athenien. a sculis victos*] . Delphicus gladius (*Sacris victimis , & reorum supplicijs serviens*) . Aut quinque bibe , aut tria , aut ne quatuor (*Athenaus : quòd hic numerus ominosus*) . Aut flos , aut cucurbita . Testudinis carnes aut edas (*liberaliter*) aut non edas (*nam parcè sumpta nocent*) . Obnoxiares [*incerta , dubia*] .

Applausus , Approbatio . V. Dignus , Exaggerare , Excellentia .

A Udire magnum , vel grande Sophòs ! Omne punctum ferre . Omnium calculis approbari . Grata omnium admurmuratione excipi . Digitum ad hoc attollunt omnes . Magno assensu approbari . Pollicem premere alicui : Digitum tollere , attollere . Candidum , album , niveum calculum , lapillum addere , adijcere , subiicere , apponere . Pedibus alicui in sententiam ire ; in alicujus placita ire , discedere . Creta , vel Cressa notare aliquid . Utroque pollice probare , approbare , laudare . Suo suffragio , calculo , lapillo probare , ratum habere . Alicujus sententiæ se subscribere , adstipulari . Rei alicujus auctorem accedere . Momo iudice rectum est . Res recto talo persistit . Firmum esse , quod actum est .

Euge ! Eugepæ ! Sophòs ! Jo ! bis Jo ! Jo Pæan ! Jo triumphè ! Maçtè ! Papæ ! Bellè ! Beatè ! Decenter ! Effatè ! Effectè ! Basilicè ! Factum bene ! O fortuna ! O fors fortuna ! Superi bene , quòd &c . Maçtè virtute tua ! Maçtè virtutis eximix ! I pede fausto ! I bone , quòd tua te virtus vocat ! Evenère ! &c .



Aplur.

Aptus. V. Occasio. Argumentum. V. Disputatio.

Arrogantia. V. Audacia, Severitas.

Superciliosus sermo. Mus in farina exultans. Pauper cornua sumens. Gallus in sterquilinio ferox. Jovis Sandalium (*h. crepida Jove digna*). Sapientum Octavus. Ipse dixit. Tertius e Caelo Cato. Narrat Ulysses, quæ sine teste gerit. E Tiblicina, & folle. Thraſonico tumefactus spiritu. Tragicus Cothurnus. Argivum fert clypeum. Argivum extulit gladium. Pisandri galea, vel supercilium [*qui statuta, & armis terribilis, cetera meticulosus*] Delphicum patina non capit. (*Ita Rhetor Amphicrates ad Tigranis aulam invitatus*). Cænei hasta (*Lapitharum Regis invulnerabilis; per cuius hastam iurabant*). Calliphanes [*qui initia librorum didicerat, cetera ignarus*]. Salmones alter. Suffenus, vel Mævius alter (*Inepti poeta, sed iactabundi*). Est sibi Suffenus. Sybaritæ per plateas (*homines molles, & superbi*). Gigantum Soboles. Bullatæ pugæ. Mira de lente (*loqueris. Prov. gr. quoties res humilis magnificè attollitur*). Cicadis plenus (*qua olim Insigne Nobilitatis*). Hic Rhodus, hic salta (*In saltatorem iactabundum*). Pelus sibi placet in Machæra (*Vulcani dono*). Tuo te pede metire. Vultu contumax. Præ fastu vultuosus. Campana superbia. Altius Oromedonte consurgens. Briareus, aliàs Lepus. Uter fastu plenus. Tanquam tragicus Rex. Atticus in portum venit. Æsopicus graculus. Panaria ebrietas. Ebrietas absque vino. [*ita Plutarch. Tonsrinas vocat, ubi temerè effutitur quidquid in buccam venit*]. Homo Bombylius [*Fucus strepens sine mellificio*]. Pavonis fiabellum. Generosus ex crumena (*ex opibus non ex nobilitate*). Est sibi ipsissimus. Sibi favet, blanditur, placet. Sibi pulcher, lautus, beatus. Colophonum arrogantia. Sine rivali te ipsum amas, sine competitore. Jovi paria intonans. Arrogantior Darete (*Æn. 5.*) Elatior gigantibus. Fastosior Sybarita. Gloriosior Thraſone. Herostrato ambitiosior. Ubi uber, ibi tuber. **V. Adulatio.** Ani-

Animos sustollere. Supercilium contumaciùs attollere. Cristas furrigere. Altum, magnum, tragicum sentire, spirare. Altiores spiritus præferre. Tragicè, sublimè loqui. Tanquam e sublimi aliquem deridere. Ferociùs se gerere. Super peram pastoritiàm sapere. Pennas nido majores extendere. Cornua tollere. Cælum armis territare. Junonium ingredi. Summis unguibus incedere. Cælum digito attingere. Magnificè se inferre. Ex uno multa facere. Arcem e cloaca facere. Ampullas loqui. Thraſonicè loqui. Grandia de se loqui. Merum Thraſonem ore ac gestu præferre. Buccis sonantibus, inflatis, crepare aliquid. Cornicis naturam induere. Leonis exuvium induere. Laureolam in mustaceo quærere. In Sympulo (*calice fictili*) fluctus excitare. Plus aloes, quàm mellis habere. Despuere oculo aliquid.

Asperitas morum. V. Rigo.

Affiduitas. *Aſuetudo.* V. Perseverantia, Diligentia.

Cutta cavat lapidem, non vi, sed sæpe cadendo. Fabricando fabri fiunt. Dicendo dicere discitur. Studium generat studium. Taurum tollet, qui vitulum sustulit [*ut Milo Crotoniater*]. Velut umbra sequi. Saxum volutum non obducitur musco. Multis ictibus deijcitur quercus. *Contra.* Deflexit jam de spatio, curriculoque consuetudo majorum [*Cic.*] Ab Aula recessit [*de re iam desueta*].

Astutia. *Fraus.* V. Prudentia. Simulatio.

Quò non pervenit Leonina pellis, Vulpina assuenda. [*h. ubi ius non valet, fraus adhibenda*]. Vulpinari. Anosa vulpes, vel simia non capitur laqueo. Cuniculis gra-

grassari. Technas, sycophantias concenturiare. Con-
 sarcinare dolos. Omnes stropharum arculas excutere. Una
 fidelia duos parietes dealbare. Geminas chordas tangere.
 Pallio Philosophico militarem addere balthcum. Locren-
 se pactum scire [*Locrenses fœdere prodito, quod ap. Peloponnesios
 inierant, ad Heracidarum partes defecere*]. Thracium com-
 mentum (*Thracæ pactis aliquot dierum inducijs cum Bæotijs,
 nihilominus noctu incursiones agebant, illud hostibus subijcientes,
 pactum esse de diebus, non de noctibus*). Vir duplex. Ver-
 sutum pectus. Versipellis, bilinguis, recoctus, instructus
 arte Pelasga; Veterator, artificiosè versatus, animo ex-
 cubans, ingeniosus, emunctus, affabre, basilicè ornatus
 ad omnem fraudem; Libyca fera. Lepus dormiens [*ocu-
 lis vigilantibus*]. Non oblitus sui Ulysses. Alter Sinop.
 Vertunus alter. Sycophanta. Cothurno versatiliior. Trim-
 ma (*qui in re aliqua tritus*), Tragulam novit injicere (*Teli
 vel Retis genus*). Habent hic foveam Ericij. Altera manu
 fert aquam, altera ignem; altera caput mulcet, altera ferit.
 Altera fert panem, altera lapidem [*Plaut.*] Polypi mentem obtinet
 (*b. est moribus versatilibus: nam hic piscis, subinde colorem mu-
 tat*). Non ignorat, quid distent æra lupinis. Est Spartam
 nactus. Tacito pede ingreditur. Secum habitat. Janus
 alter. Acutior Chrysippo. Technas. Megarica Sphinx.
 Oestipes Cancer. Equus Trojanus (*tacita insidia*). Sportu-
 lam furunculus captans. Hic Corycæus est (*Insidiator*). Fu-
 cum facere. Dolum dolare. Os sublinere. Palpum ob-
 trudere. Palpo percutere. Stratagemate percutere, feri-
 re. Imponere alicui. Verba dare. Subleflare, subli nere
 blanditijs. Greca, Pelasga fide incedere. Pro thesauris
 carbones, pro lana pilos præbere. Technis, & captioso
 sermone ludificari. Pulverem in oculos alicui ambabus
 manibus spargere. Specie, obtentuque veritatis impone-
 re alicui. Calidum, & frigidum ex eodem ore efflare. Pu-
 nica fides. Vir Punicæ, lubricæ, dubiæ, sublestæ fidei.
 Fidei lubricus. Vir profluvia fide [*Cacil.*] Con sarcinator
 fraudum. Scelerum latebræ. Fraudum cubilia, vestigia.
 Ambages, & scelerum viæ. Sutela [*callida Astutia*]. Fra-
 dulentior Afro, vulpe. Græcia non novit fidem.


Attentio . V. Diligentia.

Aures alicui dare , dedere , accommodare , adhibere , præbere . Vacuas aures afferre , arrigere . Aurem totam advertere . Ad alicujus vocem animum , aures ad-movere , adhibere , intendere . Aurem loquenti substringere . Manu admota sonum captare . Ab alicuius ore pendere . Porrecto iugulo , ut Captivus , audire . Purgatis auribus adstare . Auribus haurire , bibere , excipere . Dare operam alicui . Suspensis , arrectis , cupidis , secundis , pronis , æquis , purgatis , vel *poeticè* bibulis , votivis , vaporatis auribus captare . Aures pronas , &c. præbere . Animo , vel animis præsentem adesse . Mente non peregrina attendere . Aure , vel animo non peregrinari . Aures non peregrinantur . Mens peregrina non est . Favere auribus , animis , studiis , linguis . Aliquantò pensius intueri . Ali-cujus orationem devorare . Acerrima cogitatione animum in aliquid figere , defigere . Ceram auribus non obdere [ut Ulysses] vel obijcere .

Avaritia . V. Furtum , Paupertas , Divitiæ .

Argenti sitis , fames , esuritio , gula . Animus in avari-tiam præceps ; Parcus , tenax , restrictus , cupidus , ap-petens ; divitiarum effrænate , immodicè , supra modum sitiens ; ad divitias nimis incensus , inflammatus ; conge-rendis opibus addictus , devotus ; fædè tenax , sordidè par-cus ; Argenti tenax . Argenti amore pallens . Cupidus , & emax . Vir avido ingenio . Institor lucri , & furti . Illi-berales , & sordidi quæstus . Infana sitis , imperiosa fames auri . Sæva cupido indomiti census . Acquirendi insatia-bile votum . Vultur , Charybdis , Baratrum , Gurgès , Vo-rago divitiarum . Gluto , helluo , ad quanlibet lucri spem exiliens . Scabies , & contagio lucri . Ærugo , & cura pec-culij animum imbuunt . Hydrops pecuniæ . Æsculator ,

Æruscator nummularius. Æruscans [h. *undique pecuniam* *malis artibus colligens, corradens*]. Lucrio [*qui lucra aucupatur*]. Catillo, onis, Catillans (*catinos lingens*) Catillatio. Hirudo nummularia. Homo hiantē, imminente avaritia. Avaritiā fervens, ardens. Avaritiā infamiā flagrans, laborans, aspersus. Avaritiā notam sibi inurens. Avaritiā nomine malē, vel pessimē audiens. Lucrum Pudori anteponens. Lucri pallida tabes. Quæstuosa calliditas. Felis Tartesia (*rapacissima*). Argivus fur (*ad furtum solers*). Canis circum intestina. Cumini sector (*herba vilis*). Ficus dividens. Lavernio (*Fures sub Dea Lavernia tutela*). Dolium inexplebile. Voracior purpura. Natta sordidior. Euclione avarior. E Patrocli, vel Euclionis familia est. Lari sacrificat [*qui neminem invitat*]. Tenui Salillo, vel fæce victitans. Solus vescens. Sine Symbolo convescens. Glandibus vescens. Oleo fraudans lucernas. Rancido se inungens oleo, & ad lucernas relegato, addictō. Cochleæ vita. Pannosam faciem sorbens morientis aceti [*Perf. h. vinum fugiens, vapidum*]. Aliena bona liguriens. Mucida cærulei panis frusta consumens. A Mortuo tributum exigens. Ab ipsis statuis farinam posceret. Fabarum arrosor, fabis victitans. Plus verrens, quàm ferens. Tales sunt ejus sordes, ut nec ipsa unguium præsegmina ex eo expresseris. Argentanginā laborans. Clausis, retrusis thesauris, congestis sacculis incubans, indormiens. Aurum illi olet. Lucri apud eum bonus odor ex quacunque re. Famem, si utendam roges, non dederit, Salinum cum sale obsignans. Nescius uti compositis nummis [h. *collectis*]. A lethargo excitatur nummorum tinnitu. Mendici peram non impletur. Mendicorum loculi semper inanes. Parthi, quò plus biberint, plus sitiunt. Atticus moriens manum porrigit. Vorare hamum, ut piscis. Serpens, nisi serpente edat, draco non fiet (*sic Potentes minores devorant*). Pecuniarum cupiditas spartam capiet. Ne Tagus quidem ipse possit explere.



Auctoritas . Auctor . V. Dignus , Veritas , Censor , Excellentia .

Primæ notæ , ptimi subsellii auctor , scriptor . Non unus de plebe Doctorum . Non inutilis , sordidus , plumbeus auctor . Tanquam in balneis primum locum occupans . Tanquam e Jovis tabulis testis . Atticus testis . Attica fides . Locuples Auctor . Dignus , cui vel iniurato fidem habeas . Credite hunc folium recitare Sibyllæ . Barbatum crede magistrum dicere [*Socratem*] . Ipse dixit (*de Pythagora*) . Amphictyonum Confessus (gravissimorum in Græcia virorum) Censorium supercilium . Rhadamantæum habens Iudicium , lusuendum . Liberale testimonium . Tanquam Iovis , Iustitiæ , Minervæ suffragium . Ex Tripode loquens . Iurare in verba Magistri . Alicui rei , dicto , sententiæ pondus afferre , addere . Tanquam ex Tripode Delphico , Pythio , Clario , vel tanquam e Quercu Pelasga dictum , manans . Tanquam Folium Sibyllinum . E Cortina , ex Adyto Philosophiæ effatum proferre . Ex arbore Dodonæa . Socraticum , vel Socraticè dictum .

Contra . Unus de plebe Doctorum . Futilis , sordidus , plumbeus , ficulnus , nullius notæ , vel nominis Auctor . Proletarius , vel infimi subsellij scriptor . Auctor maleferiatus . Malefanus suffragator .

Pilam more Claudii tenere (*h. pendere ab alieno iudicio , , aliena nisi auctoritati , cui satis sit illud Ipse dixit . Claudius enim suis diffidens pedibus columna inbaret*) .

Audacia . V. Impudentia , Arrogantia .

MArtis pullus . Alter Hercules , Turnus , Achilles . Animus Heptabæus [*velut Aiæis clypeus septemplici boum tergore obductus*] . Vir gladiatorio animo . In discrimine apparens , existens , eminens . Audens aliquid brevibus Gyris , & carcere dignum . Ad audendum projectus . Vir projecta , prompta , Celtica audacia , supina temeritate .

Ulti.

Ultimæ, extremæ vir audaciæ. Vir animo præsentî. Animus in corpore præsens. Omnibus audendis paratissimus [*Vell. Pat.*] Os infrunitum. Frons exanguis, Gressu licenti incedens. Induens Domini supercilium. Audacior Icaro. Rubo arefacto præfractor. Pertinacior Excetrà [*Hydra*]. Thraſonismus. Alazonismus. (*Alazonia*, Arrogantia, Superbia:) Fragores, turbines, bombi. Novus Marſyas ſuas inflat tibiaſ. Os frontem, animum, commaſculare. Os importuniſſimum offendere. Eſſe adamaptinum, murum aheneum. Vultum confirmare. Oſtrei in morem hære. Mordicus, utraque manu, tenere aliquid. Supercilia extendere ſuper nubes (*Julius Pollux*). Campanum, Palatinum, arduum, rubrum ſupercilium. Silonicaperones (*ita venuſtiſſimè dicti ab Hegesandro Poeta*). Rubra ſupercilia tollere (*Catull.*)

Contra. Faſtum deponere. Frontem, faſces ſubmittere. Ponere ſupercilium. Ex leone leporem agere.

Augurium. V. Fortuna.

BOnum. Bonis avibus. Secunda, potiore alite. Niveis alitibus, Luciferis. Felicibus edita pennis Fortuna. (*Prop.*) Sidere fauſto, amico, dextro. Amico Hercule, Apolline, Numine. Bono Genio. Luce bona. Marte ſecundo, Jove, Numine, Apolline, Caſtore dextro. Noſtro Jove. Omine auſpicato. Dextra Cornice. Dextro oſcine Corvo. Urna felici. Æqua, ſamulante, arridente fortuna. Ventis, & Dijs, vel ſuperis ſecundis. Ventis meis, tuis, ſuis. Felicibus aſtris. Tumidis velis, Aquilone ſecundo. Plenis Jovis omine velis. Parca meliore. Cretata die. Superis, hominibusque faventibus. Fato candidiore frui. Candido ſtamine vota. I pede fauſto. Dijs orte bonis, Æqua favebit Avis. Deus ore ſereno annuit. Et mea ſincero curreret axe Rota [*Œv.*] Dexter erit Olympus. Omnia ſecunda, Dies albo ſignanda lapillo. Hoc bene ſit. Quod fauſtum, felixque ſit. Fortunent Superi. Amores ſternutaverunt, Sternuit omen Amor (*Prop.*) Dextera ſternuit approbatione, (*Cat.*) Superi faciles, & ſecundi,

Malum. Malis avibus, avibus sinistris. Mala avi, alite. Lugubri alite. Numine lævo, irato, haud nostro. Inauspico Sidere. Malo astro. Inimico Hercule. Inauspicato omine, vel Bubone. Sole nigro. Deo, Genio, Superis, Fatis iratis, advertis, averſis, sinistris. Averſis superis, & hominibus. Averſis Muſis. Apolline irato. Averſo fonte Sororum. Invitis canibus venari. Invitos plauſtro boves inducere. Invitis equis plauſtrum agere. Cum Dijs pugnare (*more gigantum*).

Auxilium. V. Patrocinium, Remedium.

Non absque Theſeo aliquid agere (*qui Meleagro adverſus aprum, Pirithoo adverſus tauros, Herculi adverſus Amazonas adſtitit*). Comite Hercule (*cum quo Theſeus ad Inferos tetendit*). Cum Minervâ manum move. Sine cortice non natabitur. Unus vir, nullus vir. Multæ manus onus levius reddunt. Homo homini Deus. *Contra* Homo homini lupus. Frater viro adſit. Manus manum lavat, vel fricat (*Auxilium mutuum*). Digitus digitum abluir. Ferrum ferro acuitur. Aliquod ſtipendium rei alicui conferre [*Colum.*] Collativum præſtare favorem (*h. mutuum*. Macrobius.) Enixiſſimè juvare. Alieno ferox præſidio. Anchora domus, &c. Tanquam Deus ex improviſo apparens. Deo aſſante, benefavente, præcunte, juvante, propitio, adſpirante, ſecundante. Superis adſpirantibus, obſecundantibus. &c. Anchora ſacra, Præſidium ſacrum (*h. ultimum remedium*). Robur adamantinum. Sacram Anchoram ſolvere. Movere talum, vel teſſeram a ſacra linea. [*A veteri ludo dictum*]. Res ad Triarios redijt [*qua tertia, & ultima, eademque fortiffima Romanorum acies erat*]. Vocatus, & non vocatus Deus aderit [*Oraculum Lacedæmonijs datum*].

Contra. Proprio Marte (*h. absque auxilio*). Meis, tuis, ſuis auſpicijs. Sine canibus, & retibus. Copijs noſtris. Sine cortice nans. Noſtrophe ingenio. Nullis adminiculis. Ficulnum, vel Coriaceum auxilium [*h. infirmum*]. Lunæ radijs non matureſcit botrus.

Ma-

Manum auxiliariam , subsidiariam , præfidiariam alicui præbere . Præsentem adesse .

Baptismus. V. *Religio*. *Beneficium*. V. *Liberalitas*.

Bibacitas. V. *Gula*.

R Anarum more vivere [*semper in Humido*]. Absque cibo vivere [*Ranarum more* . Athæneus]. Angina vini laborare . Cyathissare , Cothonissare [*cothon poculi genus*]. Parthi , quo plus bibunt , plus sitiunt . Calicum remex . Quantum nec Elephanta bibat . (*Athen.*) Hectorem imitatus : non recedis ab Illo [*In Parasitum olim dictum . Ilium autem & Urbs , & ventris intestinum dicitur*]. Multibibus . Bibacior spongia , hirudine , Thrace . Leontini semper juxta pocula . Aquilæ senectæ [*qua , crescente rostro superiore , non vescitur , tantum bibit : hinc Senes plus bibunt , quam comedunt*]. Vinum potature , memento , te bibere sanguinem terræ . Sapientia vino obumbratur (*Alex. omnium victor , a vino victus*). Vinum caret clavo (*Rectorem non patitur*) Pholus alter [*unus e Cætauris , in primis ebriofus*]. Udu Aleator [*bene potus*]. In Combibonum Senatu facundus . Madidis cantat Sotistratus alis [*Poeta ebriofus . Juven.*] Ingerere pocula , calices (*crebro potum affundere*) . Tria e duobus videt [*h. Ebrius*] , Solem geminum videt , & duplices Thebas . Illusi pedes , corpus irriguum mero . Ore foetido teterriam popinam inhalare . Thasium infundere (*vinum rarum , & præstans*) . Magna cellæ vinariæ clades : Cyathorum , amphorarum legiones , cohortes . &c. (*Vini copia*) . Campanæ vitis temulentiam avidissimis gulis strangulare , &c. Vinum diluere , aqua frangere , ejus furorem exarmare [*Temperare*] .

Blanditiæ . V. *Adulatio* .

B Landimentum , Palpum , Poppysma ; Mulsea , mellea , mollia dicta ; Melliti , blanditia illiti sermones . Vox de-

demulcens, blandita, blandiloqua. Verba fucata, uncta, coquinaria, Circæa, Sirenæa. Lingua blanditijs mollibus illita. Retia subdola. Blanditiæ argutæ, lenes, cupidinæ, viscosæ, verniles (h. *serviles, adulatoria*). Oratio vinula, venustula. Verborum cupediæ, hami, lynges, Philtra. Blanditijs, delicijs delinire, demulcere, inescare. Subblandiri alicui. Caput alicui demulcere. Capillos alicui lenta manu ducere. Movere officiosam manum. Concrepare digitis cani.

Bona. V. Fortuna, Utilitas.

Bonorum acervus, cumulus, Ilias, plaustra, Glomi, Myrmecia [*formicarum caverna*]. Thaisus (*Insula fertilissima iuxta Thracas*). Dathus (*Urbs Thasiotum ditissima*). Gargara [*copiam significant*]. Copiæ cornu, Amalthææ cornu. Hippodromica Bona (*qua more celeris equi transeunt*. Chrysost.] Adventitia. Boni simulacra, umbræ.

Breviloquium.

Chilonius modus (*a Chilone Philos. suas sententias brevissimè complectente*). Pressior, circumscripior, adducior. Laconismus. Laconicè dicere. Minore finire pomerio. Meta claudere. Cancellis finire. Cancellis circumscribere. Obiter aliquid lustrare. Uno fasce multa complecti. Tribus verbis, tribus bolis; numero dicere. Summo digito, & quasi per indicem tangere [*strictim, Summatim*]. Breviter, & circuncisè dicere (*Macrob.*) Breviter, & congestè (h. *confuse, & sine ordine*. Jul. Capit.) Strictim, & per summum verticem attingere. Molli brachio, vel manu tractare. Brevi manu (*per compendium, vitato circuitu*) Summa sequar fastigia rerum. (*Æn. 1.*)

Cecitas.

Talpà, Tiresià, Hypsèa cecior (*illo vate, hoc muliere*). Leberide cecior (*Serpentis exuvio*). Saturniæ, sive seniles

les lemæ [*Pellicula, vel humor oculorum*]. Tenebræ Cimmeriæ. In tenebris Cimmerijs agere. Lolio victitare [*unde fluunt oculi*]. Ollas, vel cucurbitas lippire. Palpari in tenebris. Palpas de meridie (*Lippus oculus Solis radios non fert*). Pulverem ob oculos suffusum habere. Andabatarum more agere [*qui populi clausis oculis pugnabant*]. Oculorum, vel mentis aciem alicui perstringere, obtundere hebetare. Oculis caliginem offundere. Oculos alicui fodere, effodere, educere, elidere, excludere, exculpere, excutere, expilare, expungere. Expilare genis oculos [*Ov.*] Non parvo caput libavit haustu, vixque cupientes sequi eduxit oculos (*Senec.*)

Calamitas. V. *Fortuna*, *Malum*.

Calumnia. V. *Maledicentia*. *Canonizare*. V. *Religio*. *Capilli*. V. *Ornatus*. *Causa*. V. *Principium*.

Cedere.

H Erbam dare alicui [*olim cursu victi, herbam ex eodem loco decerptam adversario porrigebant*]. Victam dare manum. Manus dare [e. g. *Veritati*]. Porrigere ad aliquem victam manum. Humeros, cervicem, fasces submittere. Arena cedere. Clypeum abijcere. Digitum tollere [*victi signum*]. Cedendum multitudini. Plurium calculus vincit. Unus vir, nullus vir. Uni cum duobus non est pugnandum. Contra fluvium ne adnitæris [*more Cimbrorum*]. Ne Hercules quidem adversus duos. Ne formica contra leonem

Censor. *Censura*. V. *Emendare*, *Justitia*, *Auctoritas*, *Severitas*.

A lter Aristarchus. Tertius e Coelo cecidit Cato. Sapiens octavus. Octavus accessit Sophus. Prodicus alter. Acerimus numerorum Curator, Quæstor apicum, Ædilis

virgularis. Aliorum Gnomon, & Regula. Amussis alba. Heraclius, vel Lydius lapis. Cujus nunquam delirat Amussis. Cujus pro Lydio lapide judicium est. Cui acutæ sunt nares. Vir emunctæ, emunctissimæ naris; tersæ, tersissimæ, absteræ, lotæ, purgatæ auris. Lydio par lapidi. Lydium lapidem in oculis gerens. Cui cor, vel pectus sapit. Vir Aquilino, subadunco naso. Censorium, gravissimi viri judicium. Novit, quid album, quid nigrum. Censoria gravitate damnare aliquid. Acri subtilique ingenio, judicio perconsere.

Certa res. V. Veritas. *Christianus.* V. Religio.
Cibi. V. Cœna, Paupertas.

Clamor. V. Garrulitas.

S Tentorea vox. Stentore, vel Lauro clamorior: Laurus ardet. Columnas rumpat. Cœlo, ac terræ loqui. Aperit tibijs, diducto guttore clamitare. Usque ad ravim vociferari. Cyclabori voces [*st. strepentis in Attica*]. Sarpedonum litus (*quod mare impetuosius verberat*). Claudiana tonitrua (*qua Claudius Caesar post Scenam finxit*). Abydena illatio [*ubi post convivium pueri, & mulieres admixta*]. Septem Convivium, novem convicium (*Gell.*) Svilla harmonia. Clamore vincit Neadas [*Animantium genus quorum clamore terra debescit, Phocione teste, qui Samum ab incolis deseram propter Neadas, prodis*]. Syrbenæorum Chorus (*incompositus, dissonus*).

Cœna. V. Paupertas. *Cœniperæ.* V. Gula, Adulatio.

S Yracusanæ, Siculæ, Persicæ, Sybariticæ, Sicyoniæ, Saliæres, Pontificales, vel Pontificum Mensæ, Cœnæ, dapes, convivia. Persicus apparatus. Cœna Dialis (*h. Jovis*) dubia [*ob copiam*] Adipalis, Adijcialis (*in qua dapes adjiciuntur*).

siuntur extra ordinē). Solis mensa (*quasi divinitus data*). Deorum cibus, vel lac. Jovis lac, vel cerebrum. Nectaris flos. Medulla mellis. Helenæ cibus. Regis obsonium. Opiparè, Musicè vivere [*Plaut. voluptariam vitam agere*]. Coturnissare [*Coturnicibus vesci*]. In leporinis esse. Attica bellaria. Lydorum caricæ. Afra avis. &c. Obsodædalus, Magirus, Archimagirus. (*Cocus*).

Cognoscere. V. *Noscere*. *Commodum*. V. *Bona*,
Fortuna, Utilitas.

Commodi proprii studium. V. *Utilitas*.

T Unica est pallio propior. Sura genu propius. Odi sapientem, qui sibi non sapit. Nequit quam sapit, qui sibi non sapit. Sibi capere. Sibi quisque amicus. Suum cuique pulchrum. Suam quisque rem meminit. Suo quisque studio gaudet. Vicino favet, sed magis ollæ suæ. Sibi ipsi balneum ministrat. Manum suis rebus admovet. Intus canit, & sibi. Se ipsum decorat. Omnes sibi melius esse malunt, quàm alteri. Scilicet est cupidus studiorum quisque suorum. (*Ov.*) Qua in re clarus quisque est, ad eam properat. Te ipsum inspice. Tibi dormio, mihi vigilo. Astutior Cocyge. (*qua ova in alieno nido excludenda ponit*). Ipselicit venias Musis comitatus, Homere, si nihil attuleris, ibis. Homere, foras [*Ov.*] Turbata aqua anguillas captat [*Turbata Rep. suum commodum quarit*]. Veniat, qui proderit, hospes. &c.

Comparatio. V. *Differentia*.

N Il graculo cum Musis, cum fidibus. Nihil Sui cum Amaracino (*unguento suavissimo*). Nihil ad Parmenonis Suem [*qui suillam vocem mirè exprimebat*]. A sinu ad Lyram. Vespæ Cicadæ obstrepat. Pica cum Luscinia certat. Graculus inter Musas, Anser inter Olores. Thrasylulo Dionysium similem facere. [*Aristoph. Thrasylulus enim*
Recip.

Reip. studiosus, Dionysius Tyrannus). Canibus catulos componere, matribus agnos. Tibiam Tubæ, Corvum Luscinia, Apem Cicadæ, Testudinem Pegaso, Aquilæ Noctuam, Cancros Lepori, Rosam Anemoni, Minervæ Felle, Culicem Elephanto, Formicam Camelo, Hinnulum Leoni, Fulicas Cygnis, & Aedona Paræ conferre.

Complacere sibi. V. Adulatio, Commodi &c.

Conatus. V. Difficile.

Labor omnia vincit improbus. Conando Græci Troja potiti sunt. Omni pede standum (*Suid.*) Pro virili; velis, remisque; Hasta, & scuto; Manibus, pedibusque; Ambabus manibus; Omni pede; Omnibus unguiculis; Unguibus, & calcibus; Omnibus velis, vel carbasis; Omnibus nervis; Omni telorum genere; Navibus, atque quadrigis, conari, contendere, eniti, adniti, laborare. Æquis, Veijsque pugnare. Omnes nervos contendere. Contento fune laborare. Summis uti velis, vel carbasis. Omnem movere rudentem. Omnem movere lapidem (*Sic responsum ab oraculo cuidam quærenti thesaurum in agro: amotis lapidibus crevit seges: hic thesaurus*). Utranque manum ad opus aliquod adhibere. Omnes machinas adhibere. Omnes arculas excutere. Omnem jacere aleam. Utranque inflare tibiam. Sacram anchoram solvere. Sua sacra commovere. Talum movere a sacra linea; vel Sacræ lineæ calculum movere [*h. extrema tentamenta experiri*]. Perque enses, perque ignes irrumpere. In pulvere, & sole dimicare. Operosæ contentionis palæstram exhaurire.

Concordia. V. Discordia.

Concordiâ parvæ res crescunt, Discordiâ maximæ dilabuntur (*Micipsa Numidarum Regis moribundi vox ad filios. Salust.*). Sciluri fasciculus (*Scytarum Regis; qui moriens filijs iaculorum fasciculum frangendum dedit: quod cum ne tentare*
qui-.

quidem possent, singula eduxit, ac facillè fregit; illud adiiciens, Concordes invictos fore). Canis caninam non est. (deijs, quos inter maximè convenit). Acum, & filum sumens rupturam consue. Pariter remum ducere. Doricè concinere. [Dorica Harmonia maximè probata, utpote media inter Lydiam, & Phrygiam].

Coniectura. V. Error.

EX ungue leonem, ex cauda vulpem, ex cantu avem, e culmo spicam, e vultu Æthiopem, e fimbria textum. nosse. E fimbria de textu, de fructu arborem iudicare. De gestu conijcere. De gustu cognoscere. De facie noscere. Ex fronte perspicere. Prima facie divinare. Tanquam cribro divinare, vaticinari (*olim vaticinia peragebantur Cribro suspenso, Lauro, & Tripode*). Rem acut tangere. Acu rem tetigisti. E pelle apparet. Falsò hariolari. Hariolando divinare. Scopum attingere [*sagaci coniectura rem deprehendere*]. Qualis vir, talis oratio.

Consideratio. Examinatio. V. Diligentia.

AD unguem aliquid explorare. Rem altius rimari, excutere, discutere, per otium expendere, ad calculos vocare, revocare, ad vivum rescare; æqual lance, trutina, tanquam auraria libella, severiori trutina, suis momentis, ponderibus, iustis ponderibus, suo momento, rationum momentis, æquà iudicij lance, librare, pensare, pensitare, perpendere, expendere, æstimare, ponderare. Recte calculum ponere. Calculos movere. In quæstionem vocare. Cribrare aliquid, e. g. Factum, historiam. Penitiores rerum recessus rimari, perscrutari. Diligenter aliquid circumspicere. Pari pondere trutinare, trutinari. Secum rationes exigere. In utraque parte calculos ponere. Aliquantò pensius intueri. Se colligere, excutere, &c. Dextero pede aliquid concipere.

Consilium . V. Prudentia .

Consultor res sacra . [*Zenod.*] Consulendum , & consilij parendum (*Homer.*) Consilium in arena [*in facto Gladiator capis*] . In nocte consilium (*maturandum*) . Cosa consilium (*salubre, a Cosa, viro sapientiss., quo neglecto Attici perire*) . Consilij , & Cursus non idem exitus (*nam in cursu celeritas, in consilio cunctatio tutior*) . Romanus sedendo vincit . Consilia inanum inania . Consilium improbi in extremum incidit malum . Consilium malum Consul-tori pessimum . Quod dubites, ne feceris . Nunquam crateri lagenam imponas (*quasi exhausturus simul omnia*) . Ad aliquem, tanquam ad Aram, Tripodem, Nestorem, Anchoram sacram, confugere . E cujus voce, velut è sacra Anchora, pendet populus . Consilio secundo uti . Calculum reducere, funem reducere, vertere, vertere vela, Palinodiam canere (*consilia in melius referre*) . Lituram in decretis ducere [*consilium mutare*] . Consilium, Commentum, Commentatio (vulgò *Ripiego*) .

Constantia . V. Perseverantia , Fortitudo , Patientia . Consuetudo . V. Assiduitas .

Contemptus . V. Nugæ , Ignobilitas .

Nihil ista curat Hippoclides [*Herodot. ex quodam facto*] . De hac re nihil laboro . Nullum apud me pondus habet . Nullius apud me momenti est . In pretio non est . Mihi istuc neque seritur, neque metitur . (*Plaut.*) Manum non verterim . Digitum non porrexerim . In hac re nihil est sacri . Susque, deque esse (*parvipendi*) . Elephantus non capit mures . Aquila muscas non capit, cornicem negligit . Asinus complutus (*nihil eo commotus*) ; Asinus esuriens fustem negligit . Tanquam e sublimi aliquem deridere . Susque, deque habere aliquid . Contemptum deprimere . Nullo loco habere . Pro fungis aliquos habere . De-

pre-

preciare. Despuere oculo. Nostras preces cave despuas ocello. (*Catell ad Licin.*) . nihil es sacri [*contemnendus es*] . Non habeo penſi .

Contradictio, Contraria. V. Oppositio. Conversari. V. Similitudo. Convivium. V. Cœna. Credere. V. Auctoritas. Crimen. V. Delictum. Critice. V. Censor.

Crudelitas. V. Pœna.

Phalarismus [*Phalaridis imitatio*] . Phalaridis Taurus , vel Imperium. Manlium Imperium . [*Manlius, filium publici edicti transgressorem occidit*] . Nex marſyæ [*ab Apolline excoriati*] . Thyestæ cœna. Sicala Aula (*in qua Dionysius Tyrannus*) . Buſſridis ara [*in qua humana victima immolabantur*] . Antropophagi. Polyphemus alter. Neptuni filius. Crudelior Atreo, Phalaride. Cruentè aliquid agere [*Iustin. h. crudeliter*] .

Currere. V. Festinare, Fugere, Conari.

Curiositas. V. Occulta.

Nihil dulcius, quàm omnia scire (*Prov. gr.*) Nihil inanius , quam plurima scire (*Athen.*) Canes venatici. Corycæus auscultavit (*Explorator olim dictus, ex Coryco Pamphilia monte insidijs opportuno*) . Multæ Regum aures , & oculi (*Lucian.*) Omnia norunt foeminae [*Theocr.*] Maleferiata curiositas. Orexia sollicitare alicuius rei [*curiositatem movere*] . Admoto capite auscultare. Nemo in se tentat descendere: sed præcedenti spectatur mantica tergo [*Pers.*] . Tecum habita , ut noris, quàm sit tibi curta supellex (*Pers.*) . Sed non videmus manticæ quod tergo est (*Catull.*) . Quæ supra nos , nihil ad nos [*Socrat.*] . Lamina [*domi cacustien-*

tes, foris oculata]. Capra gladium [pedibus scalpens effodit, quo mactata est]. Rei alicuius videndæ, libri legendi salivam movere alicui. Effusissimo Studio spectare aliquid [Suet.].

Damnare. Improbare. V. Censura, Emendare, Derisio.

AD collariam, ad catastam, laqueum, crucem, flammam, damnare, addicere, deposcere, clamare. Nigrum Theta alicui præfigere. Nomen alicuius seculi Theta signare. [Tristis litera Θ, quod olim Damnationis Symbolum; sed T. salutarius, quod symbolum Absolutionis]. Nigrum calculum addere. Pollicem vertere, convertere alicui. Calculo mordere. Nigra cote, carbone, notare. Calculum detrahere. Ne Iupiter quidem omnibus placet.

*Damnum. V. Malum. Decipere. V. Astutia.
Decipi. V. Error. Declarare. V. Explicare.*

Defensio, Excusatio. V. Patrocinium.

PRO aris & focis. Tanquam pro aris & focis pro aliqua re pugnare. Patrocinium debere alicui. Amoliri invidiam criminis. Niti adversus morsus invidiæ. Laconicas Lunas causari (*frivola excusatio*) Trecentas, mille causas colligere, fingere, comminisci. Ipsa olla olera legit. Ipsum ferrum virum attraxit.

Deformitas.

THERSITIS facies. Scarabæo nigrior. Deformior Therseite, Corytheo, Deformitate ipsa. Leporem non edit. Totus informis est, nec, quem velis tibi in tenebris occurrere, Homo inhonestus, illiberali facie. Insigniter deformis; ad deformitatem insignis. In eo corporis pravitates per-

perinsignes sunt. Nihil scœdus, perversius fingi potest.

Degenerare .

Heroum filij noxæ. E. sapientibus plerunque stulti. Paternas haud canit cantiones (*Teren.*). Ab equis ad asinos transire. Troia non generat Thracem. Mandrabuli more res succedit. (*qui reperto thesauro, ex voto lunoni quottannis offerendi, primò auream, altero argenteam, tertio arcem dedit*).

Delicia. V. Luxus, Voluptas.


Delicta. V. Vitium, Pœna.

Largiter peccare. Opus censorium facere. Tragicum scelus, & cunctis gravius cothurnis. Crimen nobile, patricium, splendidum, generosum. Generosa delicta. Scelus lemniscatum, vastum, funale (*suspensio dignum*). Palmarum, palmarium, coronatum facinus. Facinus majoris abolitæ. Virilis audaciæ facinus. Crimen robustioris improbitatis. Nefas ultimum (h. *Parricidium*. Sen.). Crimen nulla cæde expiandum: nullis Febris rite purgandum. Breuib. Gyari, & carcere dignum. Fas, nefasque confundere.

Demissio. V. Audacia, Infamia, Mansuetudo, Modestia.

Deprehendi.

Medius teneris. Folio ficulneo eras ligatus. In laqueos decidit lupus. Hydrus erat in dolio.



Dr.

Derisio. V. Risus, Contemptus.

Naso suspendere aliquem. Naso suspendere adunco, ex-
terso. Naribus uti. Uncis naribus indulgere. Contra-
here; contorquere, corrugare, crispere nares. Ingemi-
nant tremulos naso crispante cachinnos [*Perf.*]. Nasus
Atticus [*Satyricus*]. Rhonchis majoribus excipere. Po-
stica illudere fanna. Postica, rugosa fanna uti in aliquem.
Defixis procaciter oculis cachinnos tollere. Circumtonde-
re comam alicui (*Stupidis risus gratia fieri solitum*). Fucum
facere alicui. Quem multa Ciconia pinxit a tergo (*forme-
tis ad rostri Ciconia speciem digitis illudere. Perf.*). Et manus
auriculas imitatur mobilis albas [*Afininas. Perf.*]. Ten-
tipellum, aut Strictipellam inducere [*h. rugas in ore exten-
dere. Ita veteres Latini*]. Barbam illi vellunt infantes. Ir-
ridendi sui ansam dare, præbere. Se alijs irridendum
propinare. Aliorum ludibrio, sannis, rhonchis, sibilis
sefe obiectare. Debere ludibrium alijs. Debere probum
sux famæ. Posticæ sannæ non occurrere. Idoneum esse,
quem ludos facias. Dare risum alijs. Risum de se tradere.
De se risus dare. Esse, fieri risum, jocum, ludos: Esse
joco, ludo, risui, irrisui alijs. Deridiculum in ridicu-
lum esse. In ora aliorum abire. Per aliorum ora traduci.
Palmarum ludibrio traduci. Per urbem totam sermonibus,
rumoribus differri. Digito monstrante notari. Pastoritia
fitula dignus.

Desiderium. V. Votum.

Desperatio. V. Fortuna, Malum,
Spes, Diffidentia.

Actum est. Peracta res est. Occidi, Perij. Nullus sum.
Perditus sum. Occisissimus sum. Absumpta salus. Ad
rectum res redijt. Suspendio est arbor deligenda. A sco-
pulis in fluctus. A quinque scopulis lapsus est. Omoibus
aris,

aris, præsidijque destitutus. Collapsus animus, malè fractus, spe sua lapsus, orbatus. Et Clypeo simul, & galea nudatus & hatta [*Homer.*] Ad Charontis ianuam ductus. Vivens, vidensque perit. Rupta est Anchora. Cuius haud ultra mala exire possunt, in loco tuto est situs (*Sen.*) Una salus victis, nullam sperare salutem. Dicas tria e Curgia. (*Damnatis tria dicere licuit ante supplicium, quacunque libuit*). Spes abnuvit, Occidit. Spes caduca, accisa, debilis, abscissa, rescissa, præclusa, interclusa, nutans, senescens, frustrata. Desperatissima spes.

Differentia. V. Comparatio, Oppositio.

Non tam nox diei dissimilis. Bis per omnia (*differt*). Myforum, atque Phrygum termini discreti sunt. Pætillos Rufinus olet, Gorgonius hircum [*Hor.*]. Novit, quid distent æra lupinis. Ex ore aurum, ex auro hominem proba. Corvus absente Graculo pulcher. A calvo ad calvum [*sine ullo discrimine. Ita Caligula reos puniturus*]. Differentiæ notas conquirere. Scrupularis differentia (*modicissima*). Vix pilus in medio est (*vix differt*). Non vulgare, ac traollatitium discrimen. Quod intervallum sit interjectum, quanta distantia inter &c. Tam dispar Aquilæ Columba non est, & Dorcas rigido fugax Leoni [*Mart.*]

Difficile. V. Anceps, Discrimen, Impossibile.

Difficilia, quæ pulchra. Non cuivis licet adire Corinthum [*ob portum periculosum*]. Res aleæ plena. Ancipitem ingredi aleam. Ire per extensum funem. Via salebris strata. Difficile est, vel Facilius est, simul flare, & sorbere. Negotiosam, & ancipitem, provinciam aggredi. Spissum, operosumque negotium. Opus operosum, laboriosum, spissumque. Spissi, operosique operis magnitudo.

Spis-

Spissa, & negotiosissima provincia. Induere leonis exuvium (*supra vires negotium*). Quod Hercules decimum, tertium laborem numeret. Magnum literarum onus, magna provincia Facilius est, Sibyllæ folia colligere. Prius Clavam Herculi, Jovi fulmen, Homero carmen extorseris. Camelus discat citius Pyrrhichiam Cinesæ (*Tripudium relox ab illo traditum*). Augiæ stabulum repurgare [*quod fecit Hercules*]. Mallem ediscere Teucrum Pacuvij [*Poema, difficultissimum*]. Ardua res homini mortali vincere Numen (*Hom.*). Inter duas sedere sellas. Bisariam saltare, pulsare. Phrygum, ac Myсорum fines definire, difficile [*propter bella hinc inde orta*]. Res inenodabilis. Nodus Hercule, vel Deo vindice dignus.

Diffidentia. V. Prudentia.

NE Mercurio quidem fidam. Timeo Danaos. Homo homini lupus. Quot servos, tot hostes alis. Non persuadebis, & si persuaseris (*Arist.*). Hostium munera. Simul accipe, cum das [*Arist.*]. Oculatæ manus sunt: credunt, cum vident (*Plaut.*). Lydus ostium custodit [*furax*]. Syri adversus Phœnices (*utrique fallaces*) Tesseram confringere [*hospitalem, quæ, quis fidem meretur*]. Mus non uni fudit antro. Timide sum tibi credulus. Timeo fidem oculorum, aurium. (*Pet. Arb.*).

Dignus. V. Excellentia, Perfectio, Exaltare, Auctoritas.

Iupiter Aquilam elegit. Daphnis inter pastores. Primis dignus subfellijs. Vir Obelisco dignus. Dignus, qui stet aureus in Olympia. Dignus, propter quem vadimonium deferas: Dignus quicum in tenebris mices [*h. ludas digitis, numerum divinando*]. Dignus, cui & injurato credas. Dignus Argivo clypeo (*quo pueros triumphantes ornabant*). Quavis re dignus. Ambrosii alendus. Quem decet auro expendi. Coeli filius. De Coelo lapsus. Quasi e Coelo demis-

missus. Utranque facit, implet paginam. Tanquam Heros in clypeo exceptus. Alicujus æris Vir. In quo choro statuemus? Summo loco esse apud alios. Monstrari digito. Fama secundiore frui, uti.

Diligentia. V. Attentio, Assiduitas, Conatus, Negligentia, Sapientia, Consideratio, Perfectio.

D Emoros res sapit unguis. Aristophanis, vel Cleanthis olet lucernam. Plus olei, quàm vini, consumere (*De Demosthene dictum*). Amussitata opera, ad amussim, examussim, amussim, ad unguem, ad libellam facta, dicta. Peniculatè, examinatè, enunciatè, accuratè, definitèque scribere, dicere, facere. Exertissimè [*Spartian. h. graviter admodum*]. Scrupulosissimè (*h. anxie, exquisitè*). Graphicè, ex pictura, ex perpendiculo agere. [*h. eleganter, politè, cogitatè*]. Ad Critolai libellam trutinare. Ad Cleanthis lucernam aliquid lucubrare. Lapides ad filum. (*Prova Doricum*). In quadrum redigere. Nulla dies sine linea (*Ita profecit Apelles*). Nescit manum de tabula [*Apellis dictum de Protogene, innuens, nimiam saepe diligentiam nocere*]. Diligentius Spartam aliquam ornare. Metiri digitis. Quasi spiculis aliquid scrutari. Curiosè, haud incuriosè, observatè, aliquantò pensius aliquid tractare. Caput scabere. Pluteum cedere. Frontem ferire. Gallinaceus Buclionis. (*Auson. qui minimos pulvisculos diligentissimè discutiebat*). Non una manu capiendum. Non omnia per bovem obtrinebis. Arator, nisi incurvus, prævaricatur. Somnus absit. (*Arist.*) Grus lapidem sustinens (*vigilandum*). Hoc manu faciendum (*cum industria*). Studium generat studium, ignavia ignaviam; Musas hortari ut canant [*de studiosis dictum*]. Ex optimorum Auctorum lectione rerum vindemiolis colligere. Sese penetrare in literas antiquiores, altiores [*Gell.*] Liberalibus studiis operari. Succisivis, subsecivis, furtivis, subsecundariis horis, vel operis elaborare aliquid. Subseciva opera, &c. Literarum radices amara, fructus dulces.

Discere. V. Diligentia. *Discedere.* V. Fugere.
Discernere. V. Differentia.

Discordia. V. Concordia.

Diffidij Pomum (*ut olim inter Deas*). Mappam mittere (*auspicanda in arena pugna signum*). Conditione tua non utar. Tuas tibi res habe (*Divortij formula*). Leonina Societas (*Ulp. cum societas iniri non potest; ex Apologo Æsopi. Leo, Asinus, Vulpes, societatem inierant, ut quod venatu cepissent, id in commune partirentur. Asinus pradam aequaliter distribuit: Leo indignatus Asinum laniat: tum Vulpes totam fere Leoni attribuit. A Leone rogata, quis eam artem partiendi docuisset, respondit: Calamitas Asini.*)

Discrimen. V. Anceps, Securitas.

Flamma fumo proxima. Latet anguis in herba. Post folia cadunt arbores. Incedis per ignes suppositos cineri doloso (*Hor.*) Tum tua res agitur, paries cum proximus ardet. Ne temerè Abydum, vel Corinthum [*ubi corrupti mores*]. De filo pendere [*ut gladius Dionysii super caput Damoclis*]. De meo capite aguntur Comitia. [*Plaut.*] Sub cultro hæret (*victima*). E nassa escam petit [*ut piscis*]. Rutà opus est (*herbà contra pestem*). Ne obversa fronte obnuas ariet (*qui tales faciliè impetit*). Novacula in cotem incidit. In acie novaculæ stare. In eodem luto hæsitare. Eodem bibere poculo. In eadem esse navi. Pari fortuna uti. Ovem lupo committis. Maleam transiens domum obliviscere (*Promontorium Laconia nautis periculosum*). Fortiorem te vita. Longæ Regum manus. Res est in cardine. Jacta est alea. Vitæ alea. De fumo ad flammam. Ad Solem, & pulverem discriminum descendere. Discrimina deprecari. Periculosæ plenum opus aleæ. Ne puero gladium. Manubrium emanu eripere, eximere (*Plaut. hunc occidendi causam, occasionem, adimere.*).

Dispu

Disputatio . V. Rixosus .

C Radum, pedem conferre (*initium disputationis facere*) . Cominus aggredi . Gradum figere [*argumentum premere, conceptam semel sententiam acriter defendere*] . De gradu recedere (*a sententia recedere*) . In gradum redire [*ad propositum reverti*] . Eodem gradu occurrere [*eodem argumento obviam ire*] . Movere calculos [*rationes*] . In utraque parte calculos ponere [*rem discutere*] . Volsellis pugnare cum gladio (*infirma argumenta asferre*) . Vinculis Hippocratis alligare (*fortissimis argumentis*) . Subulà Leonem excipere (*levis rationibus fortissima argumēta convellere*) . Argumentum Achillæum (*robustissimum*) . Herculeus, adamantinus nodas, Hercule, vel Deo vindice dignus (*insolubilis*) . Plumbeus gladius, pugio, argumentum stramineum (*infirmum*) . Everfa, & profligata ratio . Plumbeo gladio jugulare . Malè materiataſ machinas adhibere . In ipſum cauſę jugulum descendere . In agendis cauſis jugulum petere (*quod firmissimum cauſa eſt, invadere*) . Disceptare de fumo, de Afini umbra, de lana caprina, de tribus capellis; de umbris, & chimæris digladiari, de ſtillicidijs, de Nihilo . [*de rebus futilibus diſputare*] . Exuere caſtris Adverſarium [*Convincere*] .

Diſſimilia . V. Differentia, Oppositio .

Diſſimulatio . V. Simulatio .

Divitiæ .

C Ræſi, Craſſi, Midæ, Darj, Pygmalionis opes . Lyſiſtrati, Cyniræ, Callicratis res . Arabum gazæ . Pythiæ, Pelopis, Zopyri, Tantalii talenta . Attaliæ, Tantaliciæ opes . Lydiæ arena . Craſſo, Cræſo, Arabis ditior . Craſſo nummator . Cujus in ſinum Ganges, Tagus, Pactolus fluit . Pecuniæ vir (*Pindar.*) . Tanti, quantum habeas, ſis [*Hor.*] . Noclæ Laurioticæ, Atticæ [*Laurios Attica*

regio, venis auri frequens, quod Noctua signabatur). Quantum non Milvus oberret, possidere. Vettis Virum facit. Mare amnum non indiget. Nescit quid faciat auro (Plaut.) Quantum rapuit Nero. Montibus aurum exæquare. Quantum sub Tatio populus Romanus arabat [Iuv.] Quantum ubique possunt duo oboli! [Bocchi verba, postquam accepit ab Hercule duos obolos Charonti persolvendos. Aristoph.]. Nummos modio metitur. [Pet. Arb.]. Res Amicos invenit (Plaut.) Toloſanum aurum possidere. Unctum caput (pro Divite). Unctior discessit [muneribus locupletior]. Elutum aurum [purum putum. Jul. cap.] Satietas (erociam parit. Ad scelus, atque nefas, quodcunque est, purpura ducit (Iuv.) Prima peregrinos obscœna pecunia mores intulit; & turpi fregerunt secula luxu Divitiæ molles. (Iuv.)

Doctrina. V. Literaria, Diligentia. *Dormire.*
V. Somnus. *Dubitatio.* V. Anceps,
Diffidens.

Ebrietas. V. Bibacitas. *Egregium opus.* V. Perfectio. *Electio.* V. Dignus.

Eloquentia. V. Literaria.

Attica Musa, lepos, favus, Mella. Nestoris Eloquentium. Hymettia mella loqui. Nunc ipsa fuit Facundia. Atticis artibus madens. Cygnæ cantio. Nunc ipsa vivit Sapientia. Musarum aves, Luscinia, Luscinie non deest catio. Calirhoë [fons Athenien. pulchrè fluens] - Mercurij, vel Herculis Gallici catena [quæ fingitur, homines auro ex ore fluente, auribusque innexos traxisse]. Incantatione quavis efficacior. Demosthenes Concionis, Forique Dominus. Fandi dulcissimus (Gell.) Incorruptè loqui (purissimè. Gell.)



Emendatio. V. Censura.

A D unguem castigare. Incudi opus reddere. Opus re-
 fingere, recoquere, recudere; Censoria spongia elue-
 re. Quod spongiam deletilem, limam, incudem expectat,
 postulat. In spongiam incumbere. Veru, verubus, ce-
 raunio notare, prænotare. Tristi arundine, ungui rigido
 notare. Acu, obelo figere, jugulare. Ceraunium appo-
 nere. Transverso calamo expungere. Exauctorare. Ru-
 bricâ signare. Rubris ceris notare. Miniatulas ceras re-
 formido. (Cic. nam Atticus, quæ in Cic. minis probabat, ce-
 ra signabat rubra). Lituras ducere. Imis ceris eradere
 (delere. Scribebant enim in tabellis cera illitis). Limâ mor-
 dere. Verba loco movere. Atrum transverso calamo si-
 gnum allinere. Censoriam virgam exerere. Censoria vir-
 ga, virgula, animadversione, notare. Stigmatæ castigare.
 Luxuriam verborum compescere. Luxuriantes Oratio-
 nis pampinos amputare.

Error. V. Absurda, Conjectura,
Emendatio.

E Sse in aliqua hæresi. In luce meridiana cæcutire. A li-
 neis excidere. A via, institutoq; aberrare. Toto cœlo aber-
 rare. Procul a scopo aberrare. Errare in sacris. Supinè alluci-
 nari. Supina allucinatione laborare. Supinæ allucinationis
 fascino, fascinatione impediri. Allucinationis fascibû aver-
 runcare (est amovere errorem). Falsis deludi imaginibus. De
 curru delabi, decidere. Brevi limite falli. Toto aberrare
 captu, corpore, scopo, aggere. Ab janua errare (h. in
 principio). In limine, de limine offendere. In limine de-
 ficere. In portu impingere. Cantherius in porta (h. la-
 psus; ut accidit Sulpicio in provinciam ituro. Cantherius, equus
 exectus). Toto erras Cœlo (in eos dictum, qui instar Siderum
 discurrentium, nil sibi constant, sed claudicant in re explicanda).
 Extra callem.

Error palmaris, decumanus. Tanquam clavus trabalis; vel clavis trabalibus dignus. Sphalma, Sophisma. Errorum agmina. Sophismatum plaustra. Mera monstra. Pro amphora urceus. (*Hor.*) Aliquid Lesbià regulà factum. Doctrina absurda, ex tabulis literarijs eliminanda. Strigili-go [*Imparilitas*, h. *Solacismus*, ita ab Alinio Capitone, & ab alijs appellatus].

Evitare. V. Fugere, Odium.

Exaggerare, Exaltare. V. Dignus.

E Lephanum ex musca facere, Arcem ex cloaca, ex Pygmæo Polyphemum. Pygmæum Colosso imponere. Aureum in Olympijs stare jubere. Aras alicui excitare. Deum facere aliquem. Lapidem ex sepulchro venerari pro Deo. In sublime tollere, extollere, efferre, evehere, subvehere, excitare, &c. Ad eminentiam, & umbras quasi picturæ efferre. Laudes alicui congerere. (*Suet.*) Verborum phialæ, ampullæ, ampullantia, sesquipedalia, cubitalia, trabalia, plaustralia verba.

Examinare. V. Consideratio, Disputatio, Prudentia.

Excellentia. V. Comparatio, Dignus, Perfectio, Auctoritas.

P Rimi subsellij Scriptor, Doctor. Primis dignus subsellijs. Primum quasi locum in balneis occupare. Alpha Pænulatorum. Cùm Aquila esse queas, inter graculos primas ne opta (*Nazian.*). Inter Athenienses probus [*rarum in malè morata urbe.* Plato]. Primas in re aliqua tenere. Principem locum obtinere. Prætoriam in aliqua re, e.g. in literis, sellam habere. Multis decempedis, multis parasangis alios

alios præire, præcurrere, prævertere. Equis albis, vel albis Jovis quadrigis præcedere, præcurrere. Longissimis intervallis præterire, posthabere aliquem. Primas, secundas, tertias suffragio omnium, & judicio tenere. Roscius in scena [*princeps histrio*] Equis albis investus. Lesbius cantor [*Terpander, qui Musicâ Lacadæmonas discordes composuit*]. Nichil urbes aliæ ad Crotonem (*unde pugiles fortissimi prodire*). Deo loquente homines tacent. Dei sermonem excipis. Hoc palmare, & eximium est.

Excusatio. V. Defensio. Exercitatio. V. Assiduitas, Perseverantia. Exhortatio. V. Admonitio.

Exilium. V. Fugere.

Patriâ excutere. E Civitate exturbare. Aqua, & igni interdicere. Solum vertere. Coloniam commutare. Extorrem laribus exulare.

Expellere.

Quasi furcillis expellere aliquem. Cubito submovere. Hostem castris exuere. In hostium terga hære. Signa fugienti inferre. Aliquem a se ablegare, excludere, abigere.

Experientia. V. Conatus, Prudentia, Sapientia.

Omne move lapidem. Semper tibi pendeat hamus (*Or.*) Et post malam segetem serendum est. Resp. virum docet. Tentantes ad Troiam pervenerunt Græci. Multum navigavit aqua (*de eo, qui multarum rerum experientiam habet. Aristoph.*) Rerum prudentia non venit ante pilos (*Perf.*)

(*Perf.*) Discipulus prioris posterior dies. Discenti assidue multa senectâ venit (*Solon.*) Scitum est, periculum ex alijs facere, quod tibi ex usu sit. (*Ter.*) Ætas semper aliquid adportat novi (*Ter.*) Amor vires sibi colligit usu [*Ov.*] Solus, Artifices qui facit, usus adest [*Ov.*] Peritus ad usum. Primas jactare hastas. Hac non successit. alia ingrediemur via. [*Ter.*] Ætatem inter experimenta consumere. [*Pet. Arb.*] Experimentum oculorum capere [*Pet. Arb.*] Loci imprudens sum (*Pet. Arb.*) Res usu incognita (*L. Fl.*) Experientia magistra cognoscere. Usu, & experientia discere, edoceri.

Explicare.

E Nucleare. Nucleum rei aperire. Signa, notas, argumenta, indicia rei edere, prodere, præbere. Longius & voluens fatorum arcana movebo (*Æn. 1.*) Mentem, sensum Auctoris enucleare. Nodum difficultatis exolvere. Difficultatem enodare, evolvere, extricare, profligare.

Facile. V. Difficile.

R Es prona, & proluxa. Citra negotium, pulverem, pulveristatum, sudorem, cruorem, sementem, arationem. Ultro Deus hoc suppeditat. Dormienti Dij conficiunt [*Dormientibus piscatoribus, pisces aliquando ultrò in retia inciderunt*]. Taurum tollit, qui vitulum sustulit (*ut Milo Crot.*) Aditum invenire (*ad effectum perducere*). Omnia ludibundus perficies [*h. nullo negotio. Cic.*] Pronum, & proclive est. Res facilis, & nugatoria [*1 Lips.*] Non operosa via est (*Prop.*) Invia Virtuti nulla est via [*Ovid.*] Difficultates omnes exorbere, profligare, enodare &c. Omni se turba rerum exolvere.



Falsitas. V. Mendacium, Error, Veritas, Hypocrisis.

Omnia adulterata, præstigiorum plena. Res ad fabulas ableganda, ad Æsopi fabulas, Apologos, & commenta Gigantomachiae. Hæc tam vera sunt, quàm Lamiæ turres, & Pectines Solis. Tanquam Caput Gorgonis vera. Confutis dolis, ac verborum technis obtegere aliquid. Doctrinæ larvam induere. Suberatum aurum. Caracallæ nummi [*adulterini*. Plumbum argentatum, & as inauratum Senatoribus dabat]. Tingere nummos [*adulterare*]. Alienum sumere vultum. Cibdela (*numismata oblasa*).

Fama. V. Dignus, Exaggerare. *Fames.* V. Paupertas. *Fastus.* V. Arrogantia.

Favor. V. Applausus, Patrocinium.

Premere pollicem alicui. Pollicem vertere (*favorem denegare*). Dexter stat mihi, secundus, auspicatus. In meis castris, prædiisq; versatur [*mecum facit*]. Non infavorabilis sententia (*Cels.*).

Festinare. V. Fugere, Conari.

Remis, Remigio, velisque festinare. Dædali remigio, Jovis quadrigis properare. Solis, ac Jovis currum æquiparare. Talaria sumere, pedibus neclere. Navibus, atque quadrigis properare. In foribus adesse. Ut canis è Nilo [*qui crocodilorum metu fugiens bibit*]. Simul dictum, factumque. Aphyia ad ignem [*pisciculus igne tacto statim coctus*]. Hemerodromos [*totius diei cursor, ut Sol*]. Quantum pedibus valet. Citiùs, quàm formica papaver, vel canis exta, devoret. Citiùs, quam coquantur aspi rati. Celerius, quàm Butes pictus [*in porticu Stoa Athenien., cuius sum -*

summa tantum capitis pars cum oculis videbatur). Ocyor Accipitre. Velocior Pegaso. Salaminia Navis [*velocissima Plutarc. de Pericle : se veluti Salaminiam triremem ; ut inquit Critolaus , ad maiorem rerum usum præbuit .*] Festina lentè . Ante pilos sapit . Odi pueros præcoci sapientia . Uno die confenescis . Ergini canities (*qua juveni obtigit : h. prapropæ festinatio*) .

Fides . V. Auctoritas , Dignus , Veritas , Astutia .
Finire . V. Perfectio . *Fingere* . V. Falsitas ,
 Hypocrisis , Simulatio , Mendacium ,
 Astutia .

Fortitudo . V. Audacia , Patientia ,
 Perseverantia .

Alter Hercules (*de Briareo dictum ab Oraculo Delphico*) .
 Corpore Tydeus [*pussillus , sed fortis*] animo Hercules .
 Dentatus pugnans (*L. Licin. Dent. in 22. pralijs nullum vulnus aversum tulit*) . Tanquam in Lipsydrio pugnans [*loco aquis cincto , ubi Tyranni Athenien. fortissimè se defenderunt*] . Atticus miles . Deorum filij invulnerabiles . Adamantinus , ferreus animus , altus , infragilis . Vir altè succinctus , præcinctus , cinctus , paulò altiùs succinctus . Fortis , & in se ipso totus teres , atque rotundus [*Hor.*] Casus omnes provocans . Fortunæ , voluptatibus responsare paratus (*h. resistere*) . Cote Cretica , vel Naxiaca durior . Animosè satis , & Stoica manu Fortunæ vulnera tractans . Murus aheneus . Murus Semiramidis (*pedes 200. altus , 50. latus*) . Moenia ferrea . Achillea arma . Æginosum pectus [*Ægide sonans , loriatum . Val. Flac.*] Innoxius (*h. intrepidus . Enn.*) Aut vincendum , aut moriendum [*hoc animo Lacedamones pralium inibant*] . Aut cum hoc , aut in hoc (*sic Lacanæ mulier bellaturo filio scutum porrigens*) . Solæ Lacanæ viros pariunt (*sic reposuit quadam obiectanti ; Sola viris imperatis*) . Leoninùm intue-

intueri (*h. impavidè*). Omni pede standum (*h. non cecidendum*).

Contra: Fortes in tabula [*de Atheniensibus a Lacone quodam dictum: h. fìstia fortitudine*].

Fortuna.

Varia. Ipsa Dies quandoque Parens, quandoque Noverca [*Hesiod.*] Nunc pluit, & claro nunc Jupiter æthere fulget. Si Fortuna volet, fies de Rhetore Consul: si volet hæc eadem, fies de Consule Rhetor [*Juv.*] Fortuna Euripus. Fors domina Campi (*Martij: ubi ex suffragiis honores deferebantur*). Cras Cerdo, hodie nihil. A Remo ad Tribunal. Ad pristina præsepia. Inter manum, & mentum, inter os, & ossam, inter calicem, & labra, multa interciunt. Fortuna æstuaria. Circulus res mortalis. Fortunæ Imperium. Multæ rotæ voluentur. Quanti casus humana rotant! [*Sen.*] Me Fortuna rotat. (*Sen.*) Alea Fortunæ. Sortis variæ rota. Crede obsequenti parcius: Levis est Dea. (*Sen.*) Computatorum digiti (*qui modò unum, modò myriades faciunt*). Dionysius Corinthi (*pueros docet, modò Rex*). Non mutat Fortuna genus [*Hor.*] Fors rotam versat, fidem mutat, constantiam dediscit.

Prospera. Fortunæ vultus benignior. Mollior aura. Fortunę dona secundę. Fortuna secundior. Fortunę candida, vela. Bona avis. Virgula divina (*Mercurio ad omnia serviens*). Rex sum. Superis par. Æqualis astris gradior. Fausis successibus uti. Res recto talo persistit. Laureum gestans baculum [*adversus fulmina*]. Gygis anulum, Plutonius galeam gestans [*qua duo qui ferebant, occulti rebus suis providebant*]. Gallinę filius albę [*Augusti in sinum alba gallina cum lauro devolavit*]. Noctua volat [*victoria symbolum*]. Fortunę filius, vel sponsus (*sic dictus Polycrates Rex*) Oculus mihi dexter salit (*Theocr.*). A dextris volat ales. Mihi supercilium salit (*Plaut.*) Capram cœlestem orientem vidit (*hac visa, Iovis nutrice, se votorum compotes fore, existimabant*). Intonuit levum (*bonum ap. veteres omen*). Bis sex jacet [*qui iactus felix*]. Semper feliciter cadunt Jovis taxil-

catos una clade amisit]. Ne per somnium quidem felix. Est Mysorum præda. Perditus, eradicatus, vel hosti miserandus. Querens obsonium vestem perdidit (*ut furi accidit, veste comprehenso*). Invitos boves aratro subdit. Argicolem habitat [*locum frequentibus latrocinij infamem*]. Ad summam lineam pervenit. Hydram secuit. Excubias egit in Naupacto [*ubi Achivi victores Pausaniam excubiarum præfectum interfecerunt*]. Fuimus Troes. Fuimus quondam fortes Milesii. Dulce Mori miseris (*Cor. Gall.*) Mersari fortunæ fluctibus (*Catull.*) Data sunt vitæ fila severa meæ (*Ov.*) Sæva res (*mala, sinistra*) Fortuna cernuans, & allidens (*Sen.*) Fortunæ pila [*sic Ælius Pertinax vocabatur. Sex. Aur. vict.*]

Fraus. V. Astutia. Frugalitas. V. Paupertas, Avaritia.

Fugere. V. Festinare, Conatus, Exilium, Odium.

V Elis, remisque; velis, equisque; citis quadrigis; navibus, atque quadrigis; Jovis quadrigis; remigio, veloque fugere. Talaria induere, sumere, pedibusnectere, aptare. Utroque pede devolare. Cavum, volam pedis ostendere. Terga dare, præbere. Lina, hamos, laqueos effugere. Rimam reperire. Occiput ostendere. Convasare. Conclamare, colligere vasa. Anchoras tollere. Sarcinas colligere [*discedere*].

Furari. V. Avaritia.

F Urunculorum Alpha. Lavernio. Apertularius. Depreculator. Manu sinistra utens. Cui manus piccata. Autolycus alter. Compiler. Convasare [*furto omnia colligere*]. Qui rei alienæ amore uritur. Cervino halitu sorbere, Manticulator. Saccularius. Præmordens, præ-

rodens aliena. Resupinans domum [*susque deque vertens*]. Depectere, emungere marsupia. Briarei manus iniicere. Briareijs uti manibus. Ungues impingere. Vir trium literarum (*Fur.*) Prædam unguibus illigare, implicare. Infixis ungulis attinere. Immissis falculis inuncare. Exagoga Bonorum [*qui educit, & asportat foras*. Plaut.] Argicollem habitare (*locum latrocinijs infamem*). Aquæ furtivæ dulciores.

Garrulitas. V. Clamor.

H Irundinum Musæa. Arabicus Tibicen. Daulia Cornix. Architæ crepitaculum (*quod ultro in strepitum volebatur*). Dodonæum æs, cymbalum, tiotinnabulum (*tradit Zenodotus, duas in Dodona fuisse columnas, in altera pelvim aream, in altera pueri simulacrum flagellum aream tolerantis: flante autem vento scuticam illam lebeti impactam sonitum ad multum temporis reddere*). Ære Dodonæo, caute, litore, turture loquacior. Cicada vocalior. Prolixior Iliade. Os infræne. Rana Lemanica [*in paludibus Lemanicis coæxans*]. Glossargia (*garrulitas*). Battologia [*A Batto Pastore garrulo*]. Lingua quò vadis? Cornicari (*garrire ut cornix*). Tellenis cantilena [*Tibicinis; qua longa & mordax*]. Meliacum navigium (*rimarum plenum*). Excedere clepsydrum [*dicendo*]. Rimarum plenus hac illac perfluis. Vir saburratus (*cibo onustus, idè loquacior*). Gerras clamitare. Quidquid in buccam venit. Quidquid in linguam incidit. Stenologia [*sermo de frivolis rebus*]. Stenolesches [*de inutilibus garriens*]. De calcaria in carbonariam decurrere. Sattyrica, vel Mimica levitas. Ebrietas, temulentia, compositio absque vino (*Theophrast.*) Ad vinum disertus. Blateronès, Rabulæ, Linguaces, Locutuleij. Turtur cantat. Sartago loquendi [*Perf.*] Ita nugas blatis? (*Plaut.*) Citeria, Adolechia [*futilis loquacitas*]. Ebullitio [*effervescentia locutio*]. Ebullire. Quod quidem solent ebullire nonnulli [*Cic.*] Qui, quæ vult, dicit, quæ non vult, audit. (*Ter.*)



Glo-

Gloria. V. Dignus, Exaggerare. *Gloria inanis*. V. Superbia.

Gratiæ. *Gratus animus*. V. Liberalitas.

Immortales Gratiarum horti sunt. Ciconiæ se mutuò nutriunt [*id quod illa senibus præstant*]. Sylofontis Chlamys (*quam cum Hyſtaſpes dono obtuliſſet Dario, hic Inſulam Samum rependit*. Herodot.) Gratiis tibi ago ſummè, & exuperantiſſimè (*Apul.*) Verbis accuratiſſimis, officioſiſſimis gratias agere. Mirificas gratias agere. Aliquem de beneficio accepto amare. Amo te, & habeo gratiam. Valde te amo de &c. Bonam gratiam habere alicui. *Contra* Malam gratiam.

Gula. V. Bibacitas, Luxuria, Cœna, Prodigalitas, Luxuries.

Combibonum Senatus. Cupes (*cupedijs, & liguritioni deditur*. Plaut.) Matteolicus [*guleſus quem matteola, vel mattya juvant*]. Neronis noctes [*ad mediam noctem, & ultra cœnam protrahentis*]. Catillones (*catinos lingentes*). Popinones, Helluones, Lurcones, Glutones, Ganeones, Manducones. Venter Aſotus [*luxu perditus*]. Pernicies, & tempeſtas barathrumque macelli (*Hor.*) Venter popa. Venter ſaburratus [*præpinguis*]. Comedit quod fuit, & quod non fuit [*Plaut.*] Gloſſogàſtores (*ventriloqui*) Cana Gula [*pervetuſtus, emeritus Helluo*]. Ventres Cyclopeij. Terræ Cerberi. Harpyis gula digna rapacibus (*Hor.*) Bacchanalia vivens (*Iuv.*) Abdomini ſerviens. Natus abdomini ſuo [*Cic.*] Venter auribus caret [*Non audit conſilia*]. Charybdis, & barathrum epularum. Apicij, Vitellij aſſecta. Edacior vulture. Porcus Trojanus. Porcellus Acarnanus. Bos ad præſepe. Ad ambas uſque aures ſeſe ingurgitare.

P

Cani-

Cœnipsa. Parasiti, Gnathones: Muscæ [*qua ad dulciores cibos advolant*]. Auceps culinæ. Uncetæ tractus nidore culinæ. Muris in morem vivere. Aliena vivere quadra, Myconiorum more [*qui etiam non invitati aderant*]. Amici ollares. [*V. Amicitia*]. Cyclades inhabitant (*hic illuc cenaturi vagantes*). Decempes umbra (*cenandi tempus notans, gratissima Parasitis*. Ex Paul. Man.). Asymbolus [*qui alieno edit sumptu*]. Suave me suffocet (*Gnathonum vox*). Ad solarium versari (*umbram observare, & cœna tempus discere*). Lautioris fortunæ comes. Autolecythi [*Parasiti, Scurra, sponte ad lecythum commeanter*]. Parasitari, Congræcari, Pergræcari. Authorare se gula. Corvitare [*Avidè vesci*]. Cibicida [*helluo*].

Honor. V. Dignus, Excellentia, Liberalitas.

Honor Indigno. V. Absurda.

MOpso Nisa datur. Asinus in pelle Leonis. Simia in purpura. Asinus apud Cumanos [*ubi in honore habitus*]. Bos in quadra argentea [*Suid.*] Strumam dibapho tegere. Sine populi suffragio ædilitatem gerere.

Humilitas. V. Modestia, Audacia, Arrogantia.

Hypocrisis. V. Simulatio, Falsitas:

PLures thyrsiferos, paucos est cernere Bacchos. Plures Thriobolos, paucos est cernere Vates (*Thrioboli, qui thyras, b. sorter, in urnam mittebant*). Non omnes, qui habent citharam, Citharædi. [*Varr.*] Simia purpurata. Simia simia est, licet aurea gestet Insignia. Pallio tenuis, Barba tenuis Philosophus [*sic Ammianus Antigonus appellavit*]. Caracallæ nummi (*V. Falsitas*). Qui Curios simulant, & Bacchanalia vivunt (*Iuv.*). Pelliculam veterem retines, & fronte politus Assiduam vapido servas sub pectore vulpem (*Pers.*)

[*Pers.*] Alienum sumere vultum. Introrsus turpis, speciosus pelle decora. Aurum subæratum. Barbam, & pallium video, Philosophum non video [*Herodes Atticus*].

Ignavia. V. Otium, Negligentia, Stolidus.

E Qui Senecta. Neglectis urenda filix innascitur agris (*Hor.*) Ignavis semper est Festum. Ignavis semper Feriæ. Tarentinos frequentes feriæ perdiderunt. Cui marmoreum Caput est, si vivat Imago [*Iuv.*] Nos Numerus sumus, & fruges consumere nati (*Hor.*) Vappa, ac Nebulo. Dissolutus, Discinctus, focors verna. Supinus, vacans, vacuus, veterinosus. Cessator Davus. Sponsi Pene-
lopes, Nebulones, Alcinoique, In cute curanda plus æquo operata Juventus, Cui pulchrum fuit in medios dormire dies (*Hor.*) Genus ignavum, quod tecto gaudet, & umbra [*Iuv.*] Plebs mollis, & expes (*Hor.*) Pigra situ securaque pectora torpent (*Ov.*) Sellularij homines. Curvæ in terras animæ [*Pers.*] Segnipedes, dignique molam versare [*Iuv.*] Vitanda est improba Siren Desidia [*Hor.*] Ede Nasturtium (*ad torporem excitandum*). Oscedo. Situs. Situ, Veterno torpens. Longa rubigine torpens Ingenium [*Ov.*] Compressis, complois manibus sedens. Therisitæ similis. Conglaciare (*Cic. Curioni tribunatus conglaciat: hoc est prorsus nihil agit*). Manum habens sub pallio. De fera comedit [*Ferina esus oscitationes excitat*]. Muscas depellit. Apragmon (*Negotiis vacuus*). Apragmòsyne (*cessatio a negotiis*) Albo pallens otio [*Mart.*] Resupinatus, temerè jacens, ac stertens. Nasturtio indiget. Diurnæ lemae [*in segnes, & parum prudentes: nam Lema est Lacryma congelata*]. Ad Eurotam sedere (*otari, Roma erat Porticus Corinthia, a Cn. Octavio erecta, ubi erat pictus Eurotas fl. Laconia*). Quinta natus est luna inutilis, ignavus: ut accidit in agris). Corvus relictis ab Aquila cadaveribus vescitur (*in Desides, qui alienis laboribus famam aucupantur: Corvus, Avis imbellis*).

Ignobilitas . V. Contemptus , Infamia , Servitus .

Homo sine tribu , sine nomine ; nullius nominis , nullis imaginibus , nullo ære commendabilis . Filius , Progenies terræ . Subdititijs , Supposititijs , obscuro genitore satus . Servilis Capillus . Qui ne matrem quidem nominare potest . Sellularius , & despiciatissimus . Nullum habens numerum . Numerum esse ; Nullo numero , loco , parte , classe , ordine esse , poni , haberi , censerì , &c . Nullo ordine , honore , numero dignus . Mortalis ultimæ , infimæ , extremæ , postremæ , deterioris Notæ , sortis , ordinis , classis , nominis , pretij , æris , subsellij . Semissis homo . Conchà dignus (*rem nullius pretij Concham dicunt Græci*) . De lapide emptus . Sale coemptus (*ut olim captivi*) . Panus lacer . Ægyptius laterifer . Telluris inutile pondus . Barbarus e trivio . Cane servilior . Servilem capillum præferens . Mediastinus . Lixa . Semilixa . Sale emptum mancipium . Cimex . Cinerem quærens . Cubito nares emungens . E quercu natus . Vile mendicabulum . Homo tressis , pili , trioboli , triobolaris , diobolaris , diobolare , triobolare caput , nullius æris . Tertias , & quartas tenens . Homo nihili , nauci , flocci , unius assis , Pilo dignus , Nec uno dignus , ne ligulà quidem dignus . Busteus homo . Homulus ex argilla , luto fictus , unus multorum , imi subsellij , Myforum ultimus , ne unica quidem nuce emendus . Cassa nuce non emerim . Hujus non facio , non emptitem titivillitio (*filio putrido*) . Capitulum . Ligula , caliga Maximini [*Imp. Thracis e sordido genere , procerioris statura . In longos , & ineptos dictum*] . Gregarius , & subsignanus miles . Extra numerum mihi es (*Plaut.*) Pars ultima vulgi . Ignoti sanguinis hæres . Populari , gregali , vulgari sanguine , gente natus . Cui sine luce genus . Priscæ lucis egens . Therstis nepos . Viles animæ , Vulgi fæx . Viliior concha , Care , alga , còrchoro (*vili olere*) , mortuo . Hilum , Bulla , Fungus , Fumi umbra , Medulla pennæ .

Pe.

Peronatus arator. Caprimulgus. Tressis agàso. Remex Ulyssis. Projectæ, arum; Projectarij (*inopes, mendici*: vulgò *Birboni*) forenses Divinaculi. Projecti, Projectitij, Expositi, Exposititij [vulgò *Abbandonati*] Omnium hominum postremissimus (*A Gell.*) Adoxus (*Inglorius*). Adoxia [*Nominis obscuritas*]. Ignomines [*laude carentes*]. Obnoxius animus (*Illiberalis, servilis, degener*).

Nota. Si de Re sermo est, complura ex hisce ad eam transferri possunt: e. g. Res tressis, nullius æris, &c.

Ignorantia. V. Ruditas, Stolidus, Literaria, Auctoritas.

Nequè nare, neque literas novit (*literas nescire est Nescire scribere*). Ne Æsopum quidem trivit. Ne tria quidem Stesichori novit (*qui per Strophen, Antistrophen. & Epodon suos versus distribuit*). Indoctior Sue, Philonide, Libethrijs. Opicus mus. Nihil graculo cum fidibus. De Epicuri hara productus. Sedet supra stipitem stipes [*ut Socraticus dixit Aristippus*]. Qui ne a limine quidem Musas, disciplinas, literas salutavit. Literas ne extremis, vel primoribus quidem digitis attigit; ne primoribus quidem labris degustavit: Summis olfecit naribus, summo digito degustavit. Omnium rudis, insolens, imprudens, peregrinus, hospes, literarum. Profanus literarum (*Macrob.*) A quo procul præsentia Veri (*Lucr.*) A Musis, & a Gratijs abest. Otiosus, vel serus studiorum. Semipaganus. Agrammatus. Analphabetus. Amusus. Infabidus. Opicus. Batavus. Cui Opicæ, Batavæ sunt aures. Quem ne Mercurius quidem ipse cum Musis sanarit, persanarit, *vel*, si velit, sanare potest. Quo nihil incultius, spoliatus, infangius. Homo infantissimus. Qui nihil palæstræ, & olei habuit. Artibus leviter tinctus, aspersus, infectus. Mercurialem salivam vix sorbuit, Ad Musarum genium vix sapit. Literas, ut canis e Nilo, leviter attigit, cursim, in transcurso, per transfennam vidit. Beta Sapientum. Quasi per nebulam scire [*Plaut.*] Rudis, & Grajas mirari nescius ar-

tes. (Iuv.) Homo abnormis, crassaque Minerva (Hör.)
 Trunco simillimus Hermæ (Iuv. h. illis Mercurii statuis
 comparandus, quibus solum extat caput; reliquum verò corpus
 rudis truncus; quarum plurima vischantur Athenis). Opsima-
 thes (serò discens). Opimàthia (Tardiscentia). Asinus ad
 Lyram. Ad myrtum canens (Olim ignari Musices in convi-
 viis, accepto myrteo ramo, cogeantur ad eum canere). Asinus
 in unguento [indoctus inter libros]. Sus Minervam (s. docet)
 Circa montis radices versari. Ignarus habenas non tractet.
 Rabulæ forenses, Pierij Scurræ, Apollinis Sileni (h. mali
 Poeta). Ptochomusi [Scioli, Rhetorculi] Gramatocyphon
 [Gramaticulus]. Ruditer rostris, atq; hinnit tat (Varro).

Imperfectio. V. Ruditas, Literaria, Perfectio.

Impossibile. V. Labor inanis, Diffi-
 cile, Absurda.

A Dynaton. Priùs locusta bovem pariet, lupus ovem du-
 cet, testudo prævertet leporem; aquilam vincet, duo
 Echini amicitiam inibunt, recte ingredientur cancri, jun-
 gentur lupis capræ, Scarabæus mel colliget, volabit Ele-
 phas, ex arena funiculum neſtes, ex asini cauda cribrum
 plectes, Atlanticum mare exhauries cotyl [parva mensura
 genere], mare vitem tulerit, fontes sitient, fursum ver-
 sum, vel retro ferentur flumina, elephantum sub ala te-
 ges, ab asino lanam sperabis, sine pennis volabis, Augiæ
 stabulum repurgabis, statuam facibus fovebis, veste ignem
 circumferes, lupum agno eripies, lusciniæ deerit cantus,
 verba mulieri, vento vives, fluvij cursum coges, terra
 ætherem conscendet, Myricæ poma ferent, Acantida vin-
 cet Cornix, violas proferent Rubi, feret pyra mitia Pru-
 nus, trahet cerva molossum, Sambucam citiùs Caloni apta-
 veris alto (Pers. Instrumentum musicum militum servo), Cœ-
 lum ruet. Rete inflabis, &c.

Possunt etiam sic offerri. Testudo volat. Nunc violas proferte
 Rubi.

Rubi. Afini cauda non facit cribrum. Quid si Cœlum ruat ? &c. V. *Labor inanis* .

Improbare . V. Censor, Damnare, Emendare, Derisio .

Improbitas . V. Molestus, Delictum, Impudentia, Severitas .

Bipedum nequissimus. Improbior Eurybato, Phrinonda, Sostrato, Aristodemo, Cercòpe. Nequior Sardanapalo, ipsa Nequitia. Alter Ballio, Phrynondas, Hippomanes. Cercòpum cætus (*fraudenti in Epheso homines*). Eurybatizare (*Eurybatus inter Cercòpes pessimus*). Lydi, Leri, Ætoli mali. Tenedius tibicen (*testis falsus, & calumniator*) Ultra Eurybatum malus, Phrynondam, Diagoram Melium (*qui Diagoras capta Melo, Insula inter Cretam, & Peloponnesum, fœdistragus fuit, & impius sacrorum contemptor*). Ulyssis Remigium. Durei, vel Duratei Equi speciem præfert [*de Homine multifariis vitiis obnoxio, ut Equus Trojanus multos Græcorum inclusos gesserat. Sic Clemens Alexander l. 2. de Basilide loquens: Homo uno in corpore, ut Equus Trojanus, multorum spirituum exercitum inclusum habet. Durius, Durateus, Ligneus*]. Crater maiorum, litium, [*improbis, morosus*]. Tria Cappa pessima (*Cappadocem, Cretensem, Cilicem, corruptis moribus populos, significant*). Est servorum Civitas. Inexploratus homo. Lupus pilum, non mentem mutat. Pardus maculas nunquam deponit. Naturam expellas furca, tamen usque recurrit (*Hor.*) Æthiops nunquam albescit. Quo semel est imbuta, recens servabit odorem testa diu [*Hor.*] Sani nihil est. Strumæ ipsæ ab ore improbo demigrarunt [*Cic. in Vatinius*]. Intestabilis, & sacer (*Hor. h. detestabilis*). Odiosici, & multum incommodistici (*Plaut. h. Odiosi & permolesti*). Omnium hominum, Deorumque pudor [*Pet. Arb.*] **Omnis factus mali.**

litia. Indoles atrox, & impotens. Malè conciliatus. Improbior scorpis. Prætextatus. Pretextatis, afflictiis moribus adolescens (profligatis, perditis). Intolerantia morum. Cacotropia (*Morum improbitas*). Cacotropus. Cacophyia [*Mala indoles, pravum ingenium*]. Cacophron [*cui mala mens*]. Frustrum pueri! (vulgò *Impertinente, Frascetta*).

Imprudentia. V. Negligentia, Prudentia.

Impudentia. V. Audacia, Libertas loquendi, Improbitas.

Personam, non faciem gerit. Tabernariam exercet in fronte. Sine persona, vel larva lascivire. Epudoratus (*extra pudorem positus*). Faciem, frontem, os perfricare [*pudorem omnem dediscere*]. Cui frons perijt. Frons perijt rebus (*Perf.*) Cuius fugit ab ore pudor. Qui frontem commasculavit. Qui vultum confirmavit. Os infrunitum. Os pugilis! Os hominis! Os Athleticum! Os ferreum habens. Cynops (*caninus aspectus: sic Homericus Achilles Agamemnonem vocat*). Canis habens oculos. Aspectus, vultus Atticus. Vir nudo capite [*sine pudore*]. Homo duri, durissimi, tuberosissimi oris; nullius oris, vel certè tuberosissimi. Effrontissimus homo, luculenter audax. Projectæ vir audaciæ, temeritatis. Vir posita fronte, projecta, profligataque audacia; insignitè, insigniter impudens. Aspice, quæ sit victi constantia vultus (*Perf. h. quàm firmo, & erecto vultu*). Victi, positi, deplorati pudoris homo, & præmortuæ verecundiæ: inverecondæ, improbæ, exersæ, attritæ, detritæ, perfrictæ, perfricatæ, abstersæ, deterfæ, abrasæ, derasæ frontis. Homo effusè petulans, petulantior Scythæ. Vir exhausto pudore, nihil oris habens. Pudoris expers, Cui nihil oris. Qui frontem exerit, qui, vel quem depudit. Fronsexanguis, & ænea. Frons durior, quæ pudorem omnem exuit, excussit, exhaustit, dedidi-

didicit. Petulantia Scythæ conveniens. Scythica petulantia; ac feritas. Oris duritia. Res digna Floralibus tuba. Coryttia (*sacra nocturna, quæ Athenis fiebant a Baptis in honorem Coryttus, Dea Impudentia*). Verecundiam abijcere. Pudorem devorare, relegare, sequestrare. Oculis emissis intueri.

Impudicitia. V. *Pudicitia*, *Impudentia*.

Inanis gloria. V. *Superbia*. *Incipere*. V. *Principium*. *Incitare*. V. *Stimulare*.

Inconstantia. V. *Perseverantia*, *Affiduitas*.

Chimæra, Chamæleonte, Polypo, Proteo, Vertuno, Achelœo, Æquore, inconstantior, mutabilior. Cothurno, Trocho, Turbine versatilior. Euripo, pluma, pappo mobilior. Subere, cortice, pluma, stipula, pappo volante levior. Aura verna incertior, Desultorius homo. Sibi discors, pugnans, impar. Vertunis natus inquis. Heteroclitus. Tanquam Polij folia [*mane candida, meridie rubra, vespere carulea*]. Non horam secum esse potest. Amata relinquere pernix. Mutat quadrata rotundis (*Hor.*) Optat ephippia bos piger, optat arare caballus [*Hor.*] Mulieris animus. Aliud stans, aliud sedens loquitur. Omnium rerum vicissitudo est. Circulus res mortalium. Ventorum statio. Levitas desultoria. Turpe referre pedem (*Ov.*)



Inexorabilis. V. Impossibile, Labor inanis,
Preces.

Infamia. V. Ignobilitas, Derisio,
Abfurda.

CÆrite cerâ dignus (*h. insigni ignominia. Caritibus, Etruscis, Romani nullum ius suffragii concessere. Tabula carites, in quibus referebantur, qui suffragiis privati*). Fractas aures gerit (*ut olim gladiatores, & servi*). Sutorio atramento absolutus est. [*Cic. h. non sine nota infamia*]. Quem Fortuna nigrum pinxit, hunc nulla ætas dealbabit. Cythonymus (*infamis, cuius nomen obliterandum*). Cythonymi dedecus (*cuiusmodi Herostrati, qui sibi ut aeternum nomen colligeret, Ephesina Diana templum incendit*). Vitelliana cicatrice stigmosus. Stigmatias, stigmaticus, Stigmate inustus, Literatus, Literis, notisque servilibus, Thracijs, punctus, tristi nota insignitus, Inexpugnabili literarum nota, per summam oris contumeliam, inustus. Vultus inscriptus. Cacophæmus [*vir mala fama*]. Homo non bellæ famæ. Cui non bella est fama. Fama dignus sinistra. Cujus memoria damnata. Scelere, atque infamia fractus. Columellis, Collaria, catasta dignus. Adolescens fama haud sincera. Terrarum propudium. Coenum, Ulcus, Bustum Reip. Nobilissimus latro. Malè, pessimè audire. Opere censotio notari. Ignominia labem subire. Rumore malo flagrare. Infamia flagrans. Fama, existimatione diminutus. Ignominia macula notatissimus. Omni dedecore famosus. Cujus nomen affectum, aspersum, inspersum, inquinatum sordibus, maculis sempiternis. Fama decolor. Inhoneftamentum. Dehoneftamentum. Dignitatem suam ad viles operas rescribere, ad servilia ministeria allegare, illiberalius deprimere, sordidè abijcere.

* † * * † *

Inf.

Infidelitas. V. *Astutia*. *Ingenium*. V. *Perfectio*, *Literaria*, *Ruditas*. *Ingratus*. V. *Beneficium*, *Gratus*. *Initium*. V. *Principium*. *Injustitia*. V. *Justitia*.

Innocentia.

Prior Clavo, Gubernaculo. Aurum Colophonium, igni probatum. Scelera non intrant casas [*Sen.*] Hic murus aeneus esto, Nil conscire sibi, nulla pallescere culpa. (*Hor.*)

Inordinata res. V. *Literaria*, ubi *stylus malus*.
Insania. V. *Stolidus*. *Insidia*. V. *Astutia*.
Insipiens. V. *Stolidus*. *Institutio*. V. *Principium*. *Investigare*. V. *Prudentia*.

Invidia.

Cognatio movet invidiam. Figulus figulo invidet, faber fabro [*Hesiod.*] Invidus vicinorum oculus. Una domus non alit duos canes. Non capit Regnum duos (*Sen.*) Fertior seges est alieno semper in agro; vicinumque pecus grandius uber habet (*Qv.*) Edentulus vescentium dentibus invidet. Præstat invidiosum esse, quàm miserabilem. [nam invidia quisquis patet, felicitatem comitem habet]. Dolent tibi oculi [*Plaut.*] Nigros cotrodit lividus unguis (*Mart.*) Versus viridi ærugine tincti [*Mart.*] Invidia flagrare [*invidere, vel invideri*]. Invidia rumpi, dirumpi. Summa petit Livor (*Qv.*) Animus mala ferrugine purus (*Qv.*) Expertes Invidentiæ Musarum fores, vel januæ.

* † * * † *

Inu-

Inutilitas . V. Ignavia , Utilitas , Labor inanis ,

Ira . V. Arrogantia , Ultio , Mansuetudo , Severitas .

Iracundior catellis , Adria (*tumido mari*) . Labrum , frænum mordere . Oestro percitus [*quo agitata boves furunt*] Tragicum fieri . Fœnum habet in cornu . Neptuni , seu Maris filius . Quem Glaucus genuit . Siccum jecur uritur , ardet ira . Rabies jecur incendit . Parata tollit cornua . Bilis in naribus sedet . Ferrum in igne est . Læva stomachosus habena . Atra bile percitus . Oculis bilem apertis substringit . Ira sedet naso . Bilis splendida , mascula , vitrea , vitellina (*h. pallida , & vehementius usta*) . Turgescit vitrea bilis . Ringitur , finditur , rumpitur ira . Face supposita fervescit sanguis . Ira scintillant oculi . Commota fervet bile . Supercilium contrahit . Crudum unguem arrodit . Ambas inflat buccas . Rabiens scævam latrat caninam . Dentibus frendit , icit femur . Mænadas , Thyadas in oculis gerit . Stolidæ prodigus iræ . Incitur iracundia . Rubrum pingit ira nasum . Ira , vel iræ impotens . Nasum ; frontem corrugat . Frontem caperat . Iras proflat [*ut fera*] . Lumina Gorgoneo sævius igne micant [*Ovid.*] Ne fumantem vivi nasum tentaveris uris (*Marr.*) Cornutam bestiam petis . Dormientem canem irritare . Bilem in nasum concire alicui . Stomachum movere alicui . Iræ fræna laxare , habenas remittere . Iræ , iracundiæ servire , indulgere . Iram in aliquem colligere . Stomacho exardescere , effervesce in aliquem . Crabronem irritas . Leonem stimulas . Quercus bacchans . Etiam Quercus Mænas facta est .



Judicium. V. Cenfor, Justitia.

Juramentum. V. Auctoritas.

A Ras tangere. Jovem lapidem jurare [*Fecialis jurabat lapidem tenens*]. Sanctè, persanctè jurare, conjurare, dejerare. Deum testari, fide jurata firmare. Jurare conceptissimis verbis. Quasi sacramento aliquid affirmare, contendere, affirmatè, perseveratè, liquidò, disertè, disertissimè, contendere, perseverare. Jurato, jurando, juramento, jurejurando interposito, adhibito, affirmatè. Juratus affirmo. Sacramento dicere. Jure jurare. Jusiurandum jurare, interponere, concipere. Tunc ego jura-
bo quævis tibi nomina, meque Adstringam verbis in sacra jura meis (*Ov.*) Deum testificari. Ita mihi velim Deum propitium. Ita me Deus amet, juvet, servet, respiciat: ita vivam, ita mihi bene sit, ita sim salvus, &c., ut ego non mentior. Ne valeam, ne vivam, dispeream, peream malè, Deus me perdat, omnes superi exagitent me, ne salvus sim, emoriar, inteream, homo trioboli sim, amens sim, malè mihi sit, &c. si non &c. Authorare aliquem .h. Sacramento adigere, obligare, rogare, ut &c. Pejerare. Falsum jusiurandum jurare, facere, adhibere. Sacramentum perfidum, falsum dicere.

Justitia. V. Cenfor, Severitas.

S Alem apponito [*Pythag. Sal enim servat, & rebus puriss. constat, aqua, & igni*]. Justior Trutina, Phocione, Justitia. Rhadamanti pollet judicio. Justitiæ est oculus. Prienensi claret Justitia: sive In judicando Prienensi Biantæ præstantior: sive Si qua judicas Biantem fac Prienensem vincas [*Hipponactes*]. Bocchoris, Rhamnusus, Rhadamantus alter. Clavum rectum tenet. Zaleuci lex. Rheæ seculum redijt. Adèchassi Judices (*Incorrupti*). Scit Justum gemina suspendere lance [*Pers.*] Scit quid Mæsuri rubrica

brica vetavit [Perf.] *Masurius celeberrimus Tiberii tempore I.C.*]
 Ex æquo partiri. Qui statuit aliquid, parte inaudita altera, Æquum licet statuerit, iniquus fuit. [Sen.] Iustitia in sese virtutes continet omnes (*Arist. Cic.*)

Labor. V. Conari, Assiduitas.

Labor inanis. V. Impossibile, Absurda, Nugæ.

Rete inflas. In aere piscaris. Venaris in mari. Asinum tondes. Ab Asino lanam, e pumice aquam postulas. Calvum, utrem vellicas. Laterem, Æthiopem lavas. Nebulas diverberas. Incinere, in aqua scribis, sementem jadis. Ignem dissecas. In arena seminas, ædificas. Cribro aquam hauris. Danaïdum dolium exples. Aranearum telas contextis. Litus aras. Ovum agglutinas. Penelopes telam retexis. Alienum fundum aras. Ventos rete capis. Nugas agis. Nihil agis. Actum agis. Memorem, vel Senem mones. Invitis canibus venaris. Leonein larva terribitas. Tranquillum æthera remigas. Aquam mortario tundis. Contra fluminis tractum piteris. A muliere silentium expectas. Umbram tuam metiris. Lupi alas quæris. Ad fractam citharam canis. Caminum dealbas. Delphinum, anguillam cauda ligas. Arenam metiris. Isthmum perfodis. Fimo suffutum facis. Oleum & operam; operam, & retiam perdis (*Retia olim pro Rete*). Utrem mergis. In frigidum furnum panem immittis, Hylam inclamas [*ut olim frustra Hercules*]. Hydram secas. Ventos aras, verberas, pascis. Cotem alis. Cum Dijs pugnas. Cum larvis luctaris. Mortuo mederis. Undas numeras. Operam ludis. Studium, Ocium perdis. Laterem elixas. Male, perperam collocas bonas horas. In Cælum jacularis. Miliun terebras, torno sculpis. Senis linguam mutas. Delphinum natare, Aquilam volare doces. Puero barbam tondes. Tantali poma captas. Ver ex anno tollis.

Authe-

Anthericum metis (*qua herba vellitur*). Mari aquam addis. Mare exuris, exhauris. Sisyphium saxum portas. Nudum spolias. Nudus nec a centum viris spoliari potest.

Lætitia. V. Spes, Relaxatio.

C Ratijs litare. Vivere. Oculus dexter mihi salit. Cor tibi rite salit (*Perf.*) Libare Horis, & Gratijs. Lætitia juvenem, frons decet tristis senem [*Sen.*] Omnibus lætitijs lætari, incedere, affluere. Frontem explicare, exporrigere. Vultu, fronte explicita, explicata, explicatio, exporrecta, exporrectiore esse [*Frons olim Genio sacra, ut auris Memoria, digiti Minerva, genua Misericordia.*]. Lætitia, & Lubentia onustum incedere. Vix suum gaudium gaudere. Vix sua gaudia differt. Lætatur prætrepidum cor [*Subsiliens. Perf.*] Genuinum gaudere gaudium. Percurri, pertentari pectus gaudio. Vitulari (*vocelatori. Vitula Dea Lætitia*). Vitulans præ Victoria (*Enn.*) Fortuna dulci ebrius. Gaudium efferventius (*Gell.*) Incessi ludibundus (*Plaut.*) Ludibundi oculi. Indulgere genio. Gratulor oculis meis te revisentibus.

Landare. V. Exaggerare.

Liberalitas. V. Gratus Animus.

A Mbabus manibus, plena manu, pingui mensura, pleno modio dare. Promus magis, quàm Condus. Animus ad præmia velox (*Ov.*) Sui memores alios merendo facere. Dividuo munere quadram findere alicui. Ut semen feceris, ita & metes. Prolixè cumulatè: Bis dat, qui citò dat. Ut pisces hamo, ita homines beneficio capiuntur. Nescis inescare homines (*Ter.*) Theagenis munificentia.

Scalpentem vicissim scalpe (*officium officio pensa*). Manus manum lavat, & scalpit. Beneficium beneficio respondeat [*Eurip.*] Par pari referre. Parem calculum ponere, repone.

nere. Reciprocare beneficium. Pensare ex æquo. Patia facere. Redhostire (*compensare*) Hostimentum [*compensatio*]. Fœnerare beneficium alicui. Beneficium fœneratum, redhostitum (*compensatum*).

Alcinoò poma dare [*h. Abundantiòri*]. In silvas ligna ferre, in mare aquas, Crocum in Ciliciam, Ululas, vel Noctuas Athenas, Crocodilos in Ægyptum. Lumen Soli mutuare. Hostium munera non munera. Timeo Danaos, & donaferentes. Deorum dona sæpe non dona. Perdidisti vinum infusa aqua [*Beneficium corrumpere*]. Panis lapidosus (*Beneficium corruptum*). Apud fimum aromata spargere, Ollam exornare, Juglandium putamina inaurare (*Beneficium ingratum*). Ranis vinum effundere (*ineptum*). Veneri aprum immolare [*ingratum; quòd Adonidem interemit*]. Argentanginam pati [*Corrumpi muneribus, ut Demosthenes contra Milesios dicturus*]. Bos in lingua (*idem; quia Athenis nummi Bovis capite signabantur*). Malis ferire aureis (*quibus projectis Hippomenes Atalantam vicit*). Testudinibus Sapia cedit [*in Peloponneso Numisma testudine usum erat*]. Argenteis hastis pugnare. Vulpes non capitur munere (*Suid.*) Evenit mihi quod Polluci [*cùm duo commune munus obeunt, alter verò mercedem assquitur; Nam Roma Templum Castori, & Polluci dicatum, unius dicebatur Castoris*]. Beneficium dando accepit, qui digno dedit (*P. Syr.*)

Liberatio, Libertas. V. Servitus.

IN cavea minùs bene canit Luscinia. Domi suæ quilibet Rex. Sui mancipij esse (*nulli subiectum*). Resoluto vivere collo. Hæc mera Libertas, hæc nobis pilea donat (*Perf. Servi libertate donati pileum sumebant, Libertatis Insigne*). Quem vindicta relaxat [*feriebantur Pratoris virga que Vindicta dicebatur*]. Pulsandum vertice raso præbere caput [*Juv. ad Pretorem ibant raso capite*]. Quem una Quiritem vertigo facit (*h. Rotatio; nam Dominus servum dextra prebensum in orbem rotabat: sic manumittebat: Manumissus civis R. fiebat, & Familia Prænomine donabatur; e.g. M. Tullius Tiro*). Verterit hunc Dominus momento turbinis, exit

exit Mancus Dama [*Perf.*] Pileum induere. Civicam ab aliquo mereri (h. coronam : Liberare ab hoste). Civicam de se alicui dare (*liberari*). Aliquam reperire rimam (*liberatis*. Plau.) Malum aliquod averruncare [*avertit*]. Deum averruncum placare, ut aliquod malum avertat (*V. hic pag. 145. in Epimetro*). Proclamare ad libertatem (*Postulare a iudice in libertatem restitui*). Nemini obnoxius (*liber*).

Libertas, Licentia loquendi. V. Male- *dicentia.*

Literis quadratis, uncialibus, plusquam uncialibus scribere, dicere. Apertis tibijs loqui, disertis, disertissimis. Prætextata, Nupta, Opica, Pescennina verba (*impudica*). Prætextatus sermo. Tanquam de plauistro loqui [*licenter*]. Saturnalia verba. Per Saturnaliorum licentiam. Libertate Decembri uti. Osculo loqui (*sordide*). Solida plaustra convicijs onusta effundere (*de plauistro conviciabantur Satyrici*).

Lingua. V. Garrulitas. Lis. V. Rixosus.

Literaria. V. Diligentia, Sapientia, *Ignorantia, Proficere, Ruditas.*

Schola. Introite : nam & hic Dij sunt [*Hæraclit. de Libris*]. Literaria, Palladia, Palæstra, Arena; Eruditus Pulvis, Agon, Stadium, Curriculum, Ludus; docta Gymnas; Apollinares ludi. Sedes docto, amœno, honesto otio dicaræ, destinatæ. Docta otia, ingenua pigritia (*Mart.*) h. *Studium*]; Pulvis Grammaticus, Elementarius, Philosophicus, &c. Addictæ Musis, & Mercurialibus Ædes. Eloquentiæ Sacrarium, Templum, Asylum. Studiorum Diverforium. Publicæ Sapientiæ Palæstra. Liberalium Artium Officina. Sapientiæ Domicilium. Musarum Umbra-

cula. Literarii cœtus. Umbratilis Rhetoricæ disciplina. Gymnasij Celebritas. Lyceum, Athenæum, Phrontisterium, Musæum, Ephebæum, Grammatæum, Didascalæum, Pædagogium, Peduterium. Subsellia. Exedrae.

Magister. Sapientiæ, Disciplinarum Præses, Arbitrator Palladiæ Iuventæ, Arenæ Moderator, Rector. Scolastici, Literarii Regni habenas regens. Cui literarium Sceptrum, Fasces, Tribunal, Pulpita. Cui Minerval, & Pæduterium penditur. Gymnastes, Dogmatistes, Didascalus, Pædutes, Pædagógus. Hypodidascalus (*Repetitor: vulgò Sottomastro, Supplementum.*) Literator, Rhetor. Orbilius alter. &c. Qui disciplinas, artes, præceptiones instillat; Iuventutem artibus tingit, tingit, imbuit, inficit, aspergit. Pædaggia, Pædutica (*Ars pueros instituendi*). Næniæ, Cantilenæ, Apinæ Grammaticales [*Præcepta*].

Discipulus. Tiro, Auditor, Elementarius Puer, Rudimentarius Grammaticus, Rhetoricus, Logicus, &c. Qui manum ferulæ subdit; subducit (*sebtam effugit*). Probabilis, dignusque Auditor. Scholarum auditionibus tinctus, infectus, aspersus. Palladius Pugil, Atletes. Plurium Palmarum Pancratiastes acerrimus, Olympionices (*victor*). Eiusdem Musæ æmulus [*condiscipulus*]. Innumeri eiusdem Musæ. Ingenium mytherijs, & Orgiis Poetarum initiatum excolere. Liberalibus studijs operari [*Studere*].

Doctus. Mercurialis Vir. Vario Togæ limatus in usu. Cui multum mentis limante Minerva. Gratijs & Musis litat. Musis, & Charitibus gratus. A Musis non alienus, non abhorrens. Ad Musarum genium sapit. Salivam sorbet Mercurialem. Pictus & cultus ab Academia. Ad omnem Disciplinarum honestatem excoltus. Alicuius libri vel Auctoris salivam imbibens, sorbens. Quem triumphali vehit Doctrina curru. Eloquentium, mutarumque artium usu peritus. **VI Sapientia.**

Eloquentia. Eloquium Plautinum, Nestoreum, Hymettia, mella loqui. Nunc ipsa floret Facundia. Cuius utriusq; linguæ [*h. Mistio*]. Opiparam ingenii lautitiam depromere.

Stylus elegans. Oratio, Scriptio, ingenui, & sani coloris; in qua plurimum sanguinis, atque nervorum; limatissima, sua.

suavis, & plena lautitiarum. Nihil ex agro, Nihil expostitum, quotidianum, popolare, vulgare; non vulgari, ac trita signatum nota, de meliori nota, ex Isocratus Myrothecio, A plebe, a Carinis, a mediis Carinis sumnota recedens [*Carina, Vicus Rom. sub Clivo Capitolij, ita dictæ vel a gr. o. Cara, quod sign. Caput, vel quod adificia essent in modum Carinae*]. Exquisitissimæ sermonis deliciae, & veneres. Sincerissima Latinæ dictionis munditia, mundities. Lepori serviens, & elegantiae. Atticismus, & concessæ Atticis veneres. Flos quidam, aut quasi Atticismi medulla. Antiqua, puriore vena. Cui non est publica vena. Sermo pictus, pictior, pictissimus; pudicus, & Tullianus; castigataque verecundia. Venus latinæ munditiæ. Terentiana munditia, Sales Plautini. Cultus mundus, vernans stylus. Venustas sale condita. Succus, candor, sanitas quædam, & bona valetudo Descriptionis. Genus dicendi sobrium. Sobrietas Orationis, in qua Naturæ nitor, pigmentorum flos, & color; undecunque concinnitas efflorescens. Stylus mas, masculus, virilis, incorruptus, decoctus, decoctior, rarus, rasilis; amœnitatis, & lubentiae plenus. Opus latinum exædificare: uberiore filo tractatum; demorsos sapiens unguis, aure vaporata audiendum; cedro dignum; Iovis auribus dignum; tanquam vermiculatum emblemata; commodè, bellissimè scriptum, quibus Musis! quibus veneribus! Latium beans divite lingua. Orationem illuminare, comere, picturare, perpolire, expolire, oratorijs coloribus distinguere, verborum flosculis conspergere, sententiarum luminibus, figurarum gemmulis locupletare, verborum veneribus perfundere. Lucem, splendorem, venustatem, concinnitatem afferre, accersere, adsciscere, conciliare. Sermo verbis dominantibus dives [*Dominantia, Propria significant*].

Carmina linenda cedro, & levi servanda cupresso; Cedro digna; Iovis auribus, vel Apollinis digna; molli numero fluentia: ut per leve severos effundat iunctura unguis (*Perf.*). Picta, Pictior, Poësis, Poëta. Rasilis versus. Acripumice rarus. Demorsos sapiens unguis. Aure vaporata audiendus. Quem lima momordit. Versus tere-

Q:

tes,

tes, bene tornati, quadrati; aureo filo deducti.
Stylus inelegans. Admeti Nænia (*stridula, miserabilis: cujusmodi canebatur apud Admetum Regem defuncta Alcestide uxore*).
 Scriptio vulgari, populari saliva infecta, madens, imbuta. Sermo expositus, quotidianus. Scopæ dissolutæ [*sine nexu*]. Funiculus ex arena. Scytharum oratio. Peregrinitas, rusticitas sermonis. Tritus, & circumforaneus sermo. Subitarius libellus (*unius diei, quique atatem ferre non possit*). Sine capite fabula. Carmina ad myrtum canenda [*ad quam iubebantur canere Imperiti*]. Carica Musa, cantio, melos [*hic barbarum: Cares tibiis stridulis utebantur*]. Nubes, & inania captans. Versus fluxus [*qui soluto modo quattitur*] delumbis, hiulcus, mutilus. Tenui deducta poemata filo; tenui, paupere vena. Crasso, crassiore filo, musa rudi, pingui Minerva tractare aliquid, infacere, defricare (*Næv.*) Scriptio confragosa, illevigato sono, & incondito. Illiteratissimæ literæ. Stylus ampullans; ampullas loquens; spumofus, & cortice pingui; sesquipedalibus verbis tumens. Superciliosus, grallis insistens, comminans. Struma orationis. Illiberalis sermo. Sermonis illiberalitas. Grande aliquid, quod pulmo prælargus anhellet, ampullans (*Perf.*) Stylus trivijs innatus, & forensis (*popularis*), Nullius veneris, sine pondere, & arte [*Hor.*] Nugæ canoræ. Scombros metuentia carmina, vel thus [*Perf.*] Stylus ferreus, spineus, hirsutus, febriculofus. Styli meticulosa superstitio. Stylus Saturnius (*incultus, rudis*), squalens, moerens, bliteus [*insulsus*] insubidus, venosus, verrucosus; vesica, & infano syrmate tumens, deductior, gracilior, confragofus, obsoletus, Archaicus, exculeatus, prærancidus, sæcutinus, lutulentus, demortuus, mucidus. Demortuæ voces, rancidæ; a situ, & mucore ductæ. Mucida ramenta veterum Poetarum, ex Accio, Nævio, Pacuvio. Saturniæ lemæ [*veteres versus, quos Fauni, & Satyri canebant*]. Vive moribus præteritis; loquere verbis præsentibus (*Flavirin.*) Assuere decerptas ex Antiquorum libris lacinias. Alienum pannum assuere. Omni panno aurum assuere [*pulebrum aliquid extra rem dicere*]. Situs, squalor Scriptiois. Cacofyntheton, Cacofynthesia [*mala compositio*].

Lu-

Ludere. V. Relaxatio.

Luxus. V. Cœna, Gula, Vestes, Voluptas.

V Ita macerata, permollita (*de molliter viventibus*). Anus
 bacchatur [*in eos, qui præter atatem lascivunt*]. Puella
 lascere lascivia (*Pacuv.*) Porticus, balnea, conviviorum
 elegancia, Delinimenta vitiorum (*Tacit.*) Municeps Co-
 rinthiorum (*Corinthii effeminati*). Sponsi Penelopes, Ne-
 bulones, Alcinoïque, in cute curanda plus æquo operata
 juvenus (*Hor.*) Cathedralitij ministri (*Pueri elegantes, ser-
 vi delicati. Mart.*) Euganea mollior agna (*Patavina. Juv.*)
 Mollior apio, passerculo, spongia, pepone, cucumere,
 tenera beta, infima auricula, cuniculi capillis, Sybaritâ.
 Imbellis Rhodius. Luxuriosior Æsopo. Uncta Corinthus
 [*voluptatibus dedita*]. Resinata juvenus (*Juv.*) Assiduo
 Syrophœnix udus amomo (*Juv.*) Passer pumice levis (*Juv.*)
 Viri enervati, exangues, elumbes, discincti: Messalæ lippa
 propago [*Lippus pro Dissoluto*]. Non pudet ad morem di-
 scincti vivere Natte? (*Perf.*) Pumicati mores, teneris Me-
 cœnatibus apti. Suburrani (*suburra, Roma vicus, delicias
 famosus*). Alexandrinæ deliciæ. Pharij Horti. Calcei
 Sicyonij. Asoti [*luxu, & ganea studio perdit*]. Asotia
 (*luxuria*). Asotium [*locus, in quo luxuriosi epulabantur*].
 Cretenses, & Afri molles. Decoctiores. Nepotes, Nepo-
 tantes. Græculus, & otiosus. Curare cuticulam. Per-
 græcarj. Corinthiari. Doricè incedere. Musicè vivere.
 Abronis vita (*viri nota luxuria*). Hercules in Lidia. Ne-
 star spirat. Unico, summo digito, digitulo caput scabit.
 Lentiscum mandit. Lentisci arrosor. Epicuri de grege.
 Porcellus Acarnanius. Vitam agit Apicij, Abronis, Ba-
 tali, Heliogabali, Sardanapali, Clysthenis. Clysthenes
 alter, &c. Æsopi patinâ lautius vivit. Luxu defluit. Ca-
 lidis tenetur balneis. E Massilia venit. Calvus comatus.
 Mollis pepo. Parum vir. Câtulus Melitæus. Bacelo simi-
 lis [*viro semiviro, desidia, & luxuriæ insigni; ut & Bædus,*

(*Megabyzus proimbelli, & molli*). Olim fortes Milesii
(*luxu robur amiserunt*).

Macula. V. Sordes.

Maledicentia. V. Licentia, Infamia.

A Cida lingua (*dicax, mordax*). Hipponactæa, Archilochia dicta. Archilochum terit. Archilochiam callet mordacitatem. Theonino dente mordere, rodere. Genuinum infigere, infringere in aliquem. Mordacior Momo. Pellem rodit caninam. Habet Sycophantias. Satyricis aculeis, ferulis armatus. Aceto perfundit. Sale perfricat. Colophoniam persequitur injuriâ. Obloquitur, obstrepat, gannit, allatrat, iugillat, vellicat, subsannat omnes. Mortuos devovet. Execrationes serit (*Cyprij, hordeum ferentes, devovebant quibus male vellent*). Vincit Hyperbolum (*Conviciatorem*) vel Mæsonem [*bistrionem Megarenses*]. Latrator, Cynicus. Verba canina. Livida lingua. Rhonchi. Thyestææ preces. Vipereum virus. Mæsonica disteria. Hipponactæum præconium. Cuminum serere. (*seriebatur olim male precando: ita credebatur felicius provenire. Plutar.*) Vitiligator. Italo perfusus aceto. Plaustra convicijs onusta effundere (*De plastro conviciabantur Satyrici*). Conviciorum plaustris onerare. Dentata charta [*Cic.*] Nasum Rhinocerotis habere [*Mart.*] Atro dente petere. Veneno madentia carmina. Rubiginosis dentibus rodere. Prurit calamus in ultores jambos. Virulenta scriptio; Nafonianis Diris referta. Sacras paginas scribere. Oedipi imprecatio. Tragica execratio. Alicujus facta arrodere. Cavillationes excudere. Jambis, verborum procella caput obruere. Spoliare fama probatum virum. Allatrare aliquem. Allatrator valentissimus. Rubigo dentium municipalium [*Mart.*] Sicam distingere in aliquem. Bovinari [*mugire in aliquem*]. Bovinator. Bovinatio. Morsu venenare (*Hor.*) Sycophantijs, contumelijs respergere. Jambis, tonitruis furere, debacchari. Sibilis proscindere.

Effc.

Efferatis convicijs discipere. Lutulenta aspergine perfundere. Styli mucrone felle lito convulnerare. Opus scommatis, & sarcasms compactum. Telluris Tibicinis cantilena [longa, & mordax]. Fame alienę dilapidator. Omni illuvie dehonestare. Strigili suā defricare. Tela Lycamæo sanguine tineta, illita intentare. Tetra loligine aspergere. Carinare (illudere, probra iniicere). Carinator. Naves convicijs onustę. Præceps libido maledicendi, scabiosus Genius, pruritus. Convicijs proluere. Bionęis sermonibus, & sale nigro uti (Hor.) Nigrę succus loliginis; scabies, & rugo. Gannitibus improbis laceffere. Atris versibus oblinere. Stigmate nomen alicujus inurere. Nomini nęvum appingere. Notam, sordes allinere, aspergere. Atro calculo notare. Homo acide, livide linguę. Criminofissimus liber. Criminofissimę infectari. Carminebus maledicentissimis existimationem alicujus lacerare. (Suet.) Scommata edentata [Macrob. h. minus aspera]. Stylinasus (Satyra. Plin.) Calumniam supplodere [supprimere. Macrob.]

Malum. V. Fortuna, Utilitas.

Malorum Ilias, Lerna, Peneus, Thesaurus, Corbis, Crater, Plaustra, Acervus, Panegyris. Sybaritica clades (Atben.) Mala Niobes. Tragica, Ogygia mala (Ogygia Thebanorum regio). Tęnarium Malum (Tanarus Laconum oppidum, in quo spelunca, unde ad Inferos aditus). Oedipi imprecatio. Thyestę preces. Phoci Convivium, Pręmium (Phocus in convivio trucidatus). Unum trium malorum [vel gladius, vel laqueus, vel aconitum]. Lemnium malum (miserandum. In Insula Lemno Attica mulieres una cum filijs trucidata). Ad Charontis januam ductus. Cum Philoxeno ad Lapidinas damari [Dionysius hoc illum damnavit supplicio, quod ille Tyranni poemata minus probaret]. Quantum Tyrus antiqua vivens vidensque perijt. Hydram secare. Ad malum mala plurima se agglutinant (Plaut.) Ingenium mala sepe movent [Ov.] Solent suprema facere securos mala. (Sen.) Magna non latitant mala.

[Sen.] Finis alterius mali gradus est futuri [Sen.] Ubi ubi, ibi taber (*nihil tam felix, quoniam sit, admissum aduersitate*). Aurum e stercore colligendum (*nihil tam malum, quoniam aliquatenus predesse queat*). Eucacōs (*Bene malē: quod vita humana prosperis, & aduersis missa sit*). Bona separare non licet malis [Eurip.] Dies adimit hominibus dolorem. Plus aloes, quā mellis habes (*plus molestia, quā voluptatis*). Ignem igni ne addas (Plau.) Oleo incendium extinguere. Oleum camino addere. Malum malo mederi. Morbo morbum ne addas (Eurip.) Lutum luto purgare. Lis litem ferit. De flamma fumus. Laqueo auxiliari. Mala res nota, optima [Plau.] Suo jumento sibi malum accersere [*sui mali causam esse*. Plaut.] Suo se gladio jugulare. Suo se telo confodere. Suo laqueo capi. Suo ipsius indicio perit forex [*dum stridet*]. Hanc in te ipsum struxisti techoam. Ipse Bos lora dat, quibus verberetur. Mala ad se trahit, ut Cēcias nubes. In Cōelum expuis (*quod in te recidat*). Samij literati [V. Servitus]. Pyrausta igne gaudes (*quod comburaris*). Colubrum foves. Camelus optans a Jove cornua, & aures perdidit [Apolog.] Tute hoc intrivisti; tibi edendum est (Ter.) Faber compedes, quas fecit, ipse gerit. Floribus austrum optas [*eis noxium*]. Camarinam moves (*qua palus siccata pestilentiam attulit*) Ipse sibi mali fontem invenit. Capra gladium reperit [*quod mactaretur*]. Perilli taurus (*in quo primus ipse omnium perijt*). Chironium vulnus (*immedicabile, quod ab Herculis sagittis, Hydræ sanguine imbutis, Chironi factum in pede; unde perijt*). Fumum fugiens in ignem incidit. Cinerem vitans in prunas incidit. Aliquid semper mali a Vicino malo. Cum lecto polline fursurem permiscere (h. Bono malum).

Manfuetudo. V. Patientia, Urbanitas.

Q Leo tranquillior. Cera tractabilior. Mitior agno, columba. Apio, spongia, agna Euganea mollior. Mactata lenior hostia. Columba sedens. Mollis medulla. Stomachum, manumque tenere [*iram cohibere*]. Leoni mor-

mortuo barbam vellis [*qui non irascitur*]. Boni viri lacrymabiles (*h. Pij*).

Medicina. V. Morbus, Remedium.

Memoria. V. Admonere.

Felix. Tanquam suum nomen; tanquam digitos, & ungues suos; ut digitos, oculosque suos, nosse, tenere. Meditatè teneo (*Plaut.*) Aurem sibi, alicui vellere. Quod durum fuit pati, meminisse dulce est (*Sen.*) Dura satis miseris memoratio prisca bonorum (*Cor. Gall.*) Odi memorem compotorem (*Lucian.*) Acri, & felici memoria esse. Hoc in tua resideat, hæreat memoria. Altè in animum descendat tuum. In mente, ac cogitatione desige. Figendum, & memori tractandum pectore [*Juv.*]

Fluxa ! Aliquid oblivione conterere, obruere, extinguere, ex animo obliterare. E memoria effluere, elabi, excidere. In omnium oblivione, & silentio jacere. Madida memoria [*fluxa*. *Cæcil.*] In vento, ac rapida scribere oportet aqua [*Catul.*] Amnestia (*Oblivio injuriarum perpetua*). Ollæ vestigium in cinere turbabis (*Dele ex animo quod offensionis insedit*. *Plutar.*) Campus Lethes. Lethæis aquis immergere. Ventis omnia tradere. Perforato animo haurire, & transmittente quidquid accepit (*Sen.*) Mandragoram bibere (*qua somnū inducit*). Prima languescit Senum memoria, Longo lassā sublabens situ [*Sen.*] Gryllo, Curione obliuiosior. Proprij nominis oblivione captus. Nomen ejus perdidit [*Ter.*] Missum aliquid ex animo facere. Si interciderit tibi nunc aliquid, repetes mox [*Hor.*] Rem obliuio absorbit. Semel elapsa, postliminio repetere.



Mendacium. V. Astutia, Deceptio, Falsitas, Simulatio.

P Unica fides. Cretenses semper mendaces. Cretensis jurans (*cui nulla fides*). Ne jurato quidem credas. Sino ne periurus magis. Pœno, Thessalo perfidior. Deos absentes testes faciens. Impostor mendax. Vir strenuè mendax. Totus a mendacio compositus, factus, conflatus, confusus dolis. Audacter, intrepidè mendax. Veri insolens [*Sen.*] Propola somniorum. Nundinator anilitatum. Nugivendus. Petulans Scythia. Cilix haud facile verum dicit. Etiam verum dicens Mendax fide caret. Solus enim hoc Itachus nullo sub teste canebat (*Or.*) Cui verba? quid istas succinis ambages? [*Perf.*] Pactum non pactum est; non pactum pactum est (*Plaut.*) Mera mendacia narras (*Sen.*) Fallacia alia aliam trudit (*Ter.*) Oportet, Mendacem esse memorem. Mendacium totius Nequitiae fundamentum (*Pindar.*) Anaplasma (*Figmentum, Mendacium*).

Mina. V. Timor.

Cœlum territare. Capite Cœlum perrumpere. Igni, ferroque minari. Ollas alere (*Athenis in testis disponi solitas ad terrendas ululas*). Et mihi sunt hastæ. [*Hom.*] Et meum telum cuspidem habet. Sequitur nostro de vulnere sanguis [*Turnus Virgil.*] Et mihi sunt vires, & mea tela nocent [*Or.*] Si tibi machæra est, & nobis Urbina est domi [*Plaut. Urbina telum oblongum*]. Venisti huc, ubi mures ferrum rodunt [*Sen. de Morte Claud. q. d. quales erunt homines?*] Tonitrus imbrem antecedit (*post minas verbera*). Tanquam tonitrualis Jupiter (*Apuleius*). Prorogativa fulmina (*Sen. h. quorum mina differri possunt, averti, tollique non possunt*). Fulgor ex pelui (*mina inanes*). Lamiæ turres [*Tertull. de re, quæ fingitur formidabilis, cum tamen omni periculo careat*]. Larvæ umbratiles. Maniæ (*Larva, Terriculamenta puerorum*). Lèmures [*Larva nocturna*]. Empusæ [*Lar-*

[*Larva uno pede incedentes*]. *Lamix* (*Stryges, mulieres venenosa*). *Platage*, es: *Platagon* [*Crepitaculum terrendis pueris ab Archita inventum*].

Miseria. V. Malum.

Moderatio, Modestia. V. Votum..

N Ec omnia, nec passim, nec ab omnibus (scil. accipienda). Nosce te ipsum (*quam vocem Iuv. e Cælo delapsam dicit nempe ab Apoll. Delph. Tribuitur autem Thalesi*). Tecum habita, & noris, quam sit tibi curta supellex (*Perf.*) Ne quid nimis [*Hom.*] Manu serendum est, non corbe tota (*Plutar.*) Me Musicam turbes [*Plutar.*] Dimidium plus toto (*h. M diorritas. Hesiod.*) Ne supra pedem calceus (*ne viribus majora suscipe*). Funem nimium tendendorum pes. Juxta terram navigatio. juxta mare ambulatio [*Plut.*] Arcum frangit intentio, animum remissio. Jucunda rerum vicissitudo [*Arist.*] Desideriorum vela contrahere. [*Cic.*] Intra naturæ fines vivere (*Hor.*) Natura tantulo eget (*Hor.*) Efficere pro suis opibus mœnia. Pusillæ aviculæ pusillos nidulos construunt. Neu desis operæ, neve immoderatus abundes (*Hor.*) Ardua res hæc est, opibus non tradere mores [*Mart.*] Animo compos (*Moderatus. Ter.*) Sic emendata voluptas. Inter emendatiores voluptates aliquid habere. Messe tenus propria vive. Tuo te pede metire. Intra Pelliculam tuam te contine. Tuo te metire modulo. Intra fortunam esse. Pennas nido majores non extendere. Presso lare vivere (*cum parsimonia. Perf.*) In tenues umbras humilem te collige [*Prop.*] Sit poscendi, sit reverentia dandi [*Prop.*] Attrahe lora fortiùs, & giro curre Poeta tuo (*Ov.*) Inter utrunque vola. Medio tutissimus ibis (*Ov.*) Contine medias manus [*Sen.*] Coercent se Modica (*Sen.*) Major medijs gratia rebus inest [*Cor. Gall.*] Medijs tua pinus in nodis naviget [*Ov.*] Quisquis medium defugit iter, stabili nunquam tramite curret (*Sen.*) Mel summis digitis delibandus. Musicum, & mediocri convivium. Musica, & fru-

& frugalis coena. Musicus apparatus. Buccæ nosce mensuram tuæ. Pro re nitorem, & gloriam pro copia (*Plau.*) Zenone moderatio.

Mæstitia. V. Severitas.

Briseide, vel Areopagita tristior. Areopagita (*Judex severus in Græciâ*). Qui Lætitia, vel Gratijs non litat. [*sic Plato ad Xenocr. discipulum*]. Gratijs lita (*Ne sis tristis*). Senio minutus (*radio consumptus*). Fronte obducta, ceu Marsya victus. Satur vitæ sum [*Plau.*] Venerunt illi in odium bona sua [*Petr. Arb.*] Ipse sibi Minos, & Æacus. Expulit ex omni pectore lætities (*Catull.*) Templum Trophonij adjit. In Templo Trophonij vaticinatus est (*Olim qui in Trophonii specum descendisset, creditus postea nunquam videre*). De Trophonij antro aliquid referre. Quod ex Trophonij refert Oraculum? (*Eurip.*) Sinapi victitare, Cæpas edere, acetum bibere (*quibus vultus contrahitur, stillant oculi*). Agelaustus [*sine risu, tetricus*]. Agelastia. Lycanthropus. Lycantropia [*Melancholia*]. Vultus sideratus. Titanicus aspectus. Frons in mœrorem crudissimum contumax. Rugæ frontis. Mens, frons, facies hispida, nubila, corrugata, contracta, striata, adstricta, consulcata, obducta, attracta, concreta, caperata, matutina, hirta, morosior. Frontem contrahere, corrugare, &c. Quid frontem caperas? Deme supercilio nubem. Densissima ruga cogitur in frontem [*Juv.*]

Molestia. V. Improbilas, Rixosus.

Cater malorum, litium [*homo molestiam creans*]. Onus navis, montis. Totus est ulcus. Ut fici oculis innati. Tanquam unguis in ulcere existens. Secundas res confri-
care (*Cato h. exasperare*) Gravius Ætna, vel Atho (*illa ignibus, illò umbra ad 300. stadia*). Lippo oculo similis. Se ipsum, suumque genium torquere. Ne bestia quidem ferre possent. Ut ficus oculis incumbit. Magnam dare alicui pugnam [*molestiam*]. Morosus, difficilis, durus.

Gra-

Gravis occurſu. Pacis inops. Crambe recocta. Crambe repetita morſe eſt. Obtundit miſeros crambe repetita magiſtros (*luv.*) Eandem cantilenam canis. Eandem tundis incudem. Per eandem oberras chordam. Per eandem lineam ferram reciprocas. Eandem volvis rotam, vel orbem. Ad eandem incudem rediſ (*h. eandem operam inſtaſ*). Terram video (*dixit Diogenes, cum moleſta ſcriptionis finem videret.*) .

Morbus, & Medicina.

Morbus chronicus, tenax [*longus*], Sonticus [*gravis*]. Sonticus morbus excuſat militem [*A Gell.*] Æger dubius. Curentur dubij Medicis majoribus Ægri (*luv.*) Per medium anulum trahendus (*emaciatuſ*). Æger depoſituſ, conclamatuſ, cujuſ conclamata ſaluſ, de cujuſ ſalute conclamatum eſt, cujuſ ſaluſ deterrimum in locum venit, adducta eſt. Cauſariuſ, ſonticuſ, valetudinariuſ, Æger [*e.g. Miles, qui propter honeſtam valetudiniſ cauſam a militia ſolvitur*]. Pulſuſ formicans maxime lethaliſ [*h. debiliſ, frequenſ. Plin.*] Venarum inæqualiſ, aut formicans Percuſſuſ. Venarum deſagratio. Impetuſ morbi lenituſ eſt. Motiunculiſ leviſuſ tentari [*Suet. de levi morbi acceſſiuncula*]. Surgit tacite tibi lutea pellis [*Perſ.*] Obnoxium Corpus (*Valetudinariuſ*). Non intellecti nulla eſt curatio morbi (*Cor. Gall.*) Remedium abſolutorium [*liberanſ*]. Herba expugnans, expugnantiſ, operoſa, præſenſ. Utere tentatiſ operoſæ viribuſ herbe. Nulla magiſ præſenſ fortuna laboruſ eſt (*Virg.*) Ægruſ explicare [*ſanare*]. Continuè ferro culpam compeſce [*Virg.*] Alitur vitium, vivitque tegendo [*Virg.*] Medicuſ adhibere manuſ (*Virg.*) Elleboruſ fruſtra, cum jam curiſ egra tumebit [*Perſ.*] Morbi reliquiãſ abſtergere, excutere. In gratiam cum corpuſculo ſuo redire. Labefactaſ longiuſculo lectuli attritu vires confirmare. Eodem collyrio mederi omnibuſ. (*Imperiti Medici eſt*). Tuſſim inſectu ſaliſ diſcutere (*Plin.*)

*Mores mali . V. Improbitas .**Mors .*

Æ Tatis , vitę fabulam peragere , absolvere . De prægi-
dio , & statione vitę decedere . Ex hac turba , & col-
lusionem discedere . Supremum vitę actum absolvere . E
Corporis ergastulo , carcere , vinculis solvi , liberari , evo-
lare . Vita spoliari . Rebus humanis eximi . Vita exau-
torari , exautoratus . Animam ebullit (*Sen. de mor. Claud.*)
Animus se ex corporis vinculis relaxavit . Pręnavigavi-
mus vitam [*Sen.*] Vitam extorquere alicui . Spiritum eli-
dere . E viventium numero expungere , exturbare . Ad
Charontis januam duci . Mortem sibi authorare [*Quintil.*]

*Munera . V. Liberalitas . Mutabilis . V. In-
constantia .**Necessitas .*

I Ngens telum Necessitas . Magistra Necessitas doctum fa-
cit . Diomedęa Necessitas (*Cum quis vi adactus quid facit .*
V. Manut.) Necessitas feriis caret . Sontica causa (*iusta*) .
Fatum immutabile . Factum infectum reddi non potest .
Feras , non culpes , quod vitari non potest . Omnia escu-
lenta obsessis sapiunt . Nemo cogendus amicus . Panis
prior prora .

*Negligentia . V. Ignavia , Diligentia , Cona-
tus , Otium , Consideratio , Contemptus .*

L Axo fune laborare , omni fune , vel rudente remisso .
Molli , levi brachio , manu aliquid agere . Somniculose ,
oper-

opertis oculis agere [*sine consideratione*. Sen.] Ferre sinu laxo. Munus aliquod claudicat. Conglaciatur tribunatus (Cic.) Supinè, supiniùs tractare aliquid; Indiligentiùs, de summo pectore. Mutilum, truncum, dimidiatum se in re aliqua præbere, Indiligenter hic eram [Plau.] E manfor [*vagans*] lentus, dormitans, securus, supinus, oscitans, indiligens, instrenuus Animus. Inenodabilis capillus diutinà incurià (Apul.) Negligentia impediri.

Negotium. V. Difficile, Occasio.

TElam exordiri. Ea tela textitur. Duram capere, suscipere provinciam. Spartam aliquam nancisci, ornare. Provinciam aliquam alicui demandari. Provinciam egregiam aggredi, ingredi, inire, gerere, procurare. Onus aliquod in se suscipere. Magnum literarum onus, magna provincia. Hæc prora, & puppis. Hic est cardo rerum. Hic rerum cardo vertitur. Ne otium quidem habere otiosum. Ne ad aurem quidem scalpendam ocium est (Lucian.) Negotium dapaticum [*amplum, magnificum*]. Megalemporos (Negotiator magnarum rerum). Homo subbasilicanus (Negotiator; qui sub Basilicis, ubi negotia tractantur, frequenter versatur). Frons occipitio prior (h. ordine agendum). Intervals negotiorum otio dispungere [Vell. Pat.]. In alieno choro pedem ponens [*aliena curans*]. In alienam messem falcem immittere. Ne depugnes in alieno negotio (Hom.) Quæ supra nos, nihil ad nos (Socr.) Utere curru, de asinis nihil laborans [h. sua quisque curet: cui enim plaustrum est domi, non est necesse asinos conducere aliunde &c.]

Nobilitas.

Cerpe nobilior, Codro, Sparta. Thusco Partu generosior. Jovis germen. Admotus per Avorum nomina Cælo (Prop.) Inter cognatos posse referre Jovem [Prop.] Avis ex avibus [*e sublimibus sublimis*]. Cera, & ære, vel ceris, & imaginibus nobilis. Avito stemmate, & nomini-bus clarus. Imaginosa Domus, Propago, Stirps [*imaginibus*]

bus clara]. Fumosis clarus imaginibus. Domi nobilis. Summo loco natus. Primo gradu sedens. Quem veterum commendant magna parentum Nomina [Ov.] Veteris Quinquatria ceræ (Ov. *Quinquatria, Porticum quinque ambitus*). Prisci vetus ordinis Hæres (Ov.) Imaginibus, & a vitis fulta triumphis Atria. Pleni numerofo Consule Fausti [Ov.] Lunata pellis, aluta, calceus [a lunulis, quas in pedibus Patricij gestabant]. Mæonia generose Domo [Virg.] Ceræ Quiritum, Cæsarumque lemnisci. Signat patricium Luna Quirina pedem. Sanguine longo censer (Iuv.) Majorum umbræ nobiles. Plenus Neronæ propinquo [Iuv.] A Pico numerans genus (Iuv.) O nnein Titanida pugnam Inter Majores, ipsumque Promethea pone [Iuv.] Contingere sanguine Cœum (Iuv.) Stemmata quoddam Thascorum millefime ducas (Pers.) Magnis e Centurionibus ortus (Hor.) Rigida Fabiorum gente creatus [Mart.] Tanquam habeas tria nomina [Juv. e. g. P. Cor. Scipio: quod Nobilium Rom. proprium]. Auream bullam gerens Etrusco more [Nobiles pueri Etrusci auream bullam figura cordis collo appensam gestabant]. Prisco natus ab Inacho (Hor.) Insignes Cera loquitur avos. Vetustos porticibus avos disponere. Numerare in dote triumphos (Juv.) Amplioris fortunæ domus. Vir lato clavo (veste Senatoria). Nubere lato clavo (Senatori). Cunas nobiles habere. Veteris pro sapia, multarumque imaginum vir. Latis titulis inclytam genus. Jactans & genus, & proavos. Atria innumeris arctat imaginibus [Mart.]. Atavorum antiqua sonans nomina. Cui generis Iupiter auctor. Longum Stemma repetens a Læda [Mart.] Trabeatus, Anulum gestans. (Nobilium Insignia).



Nocere. V. *Malum*, *Utilitas.* *Nodus.* V. *Vinculum*.

Noscere. V. *Veritas*.

Intus, & in cute aliquem noscere. De facie aliquem noscere. Nescio utrum sit ater, an albus homo (*Caull.*). Plane alicuius animum tenere; mentem, consilia, studia, cumulatè, adanussim, undequaque comperta, explorata, perspecta habere. Alicuius sensus sibi penitus, usquequaque parere. Summam operis cutem intueri. Res bellissimè intelligitur. Hoc teneo tanquam meum nomen, meos digitos.

Novitas. V. *Principium*.

Nugæ. V. *Vanitas*, *Labor inanis*.

Tricæ, Apinæ, Gerræ, Bullæ, Verrucæ, Quisquiliæ, Nuces, Crepundia, Fabulæ, Næniæ, Affaniæ, Alogiæ, Inaniæ, Ineptiæ, Offuciæ, Præstigiæ, Nugamenta, Nugaria, Nugatoria, Comenta, Avocamenta, Ridicula, Iocularia, Anilitates, Anilia, Vitilignes, Dicitula (*h. puerilia. Tertull.*). Buttubatæ [*nuga nullius pretij. Scal.*]. Res nihili, frivola, futes. Futes neniæ, trix aniles, Fabelæ inanes, Milesiæ. Cantilena e Scholis. Nugæ anicularum, Merissimæ nugæ, Gerræ meræ. Gerræ germanæ. Res ludicræ, & scenicæ levitatis. Ineptiæ supinæ turba. Præstigiæ verborum. Levium sophismatum commenta. Miseræ ludibria chartæ. Callimachi, vel Orestis somnia. Inania verba. Res nugatoriæ. Sine mente sonus. Nugæ aniles gratis conficiæ. Puræ putæ fabulæ. Vulgi apinæ. Barbaricæ neniæ. Seculi ineptiæ. Iberæ neniæ. Fabulæ Romanenses [*Romanzi*]. Næniæ pulvere, & vento leviores. Hariolationes, Divinationes

nugis simillimæ. Quas non fricti ciceris putet emptor. Inter gerras, ac furfures seponendæ. Adoleſchiæ (*garrulitates*). Adoleſchus, Calophanta [*lepidus nugator*]. Nugax homo; Nugigerulus. Nugigeræ manus. Nuces repetere. Ad nuces redire. Nunquam a nucibus abſtinere. Affixum tricis detineri. Curandis gerris operam ludere. Procurandis quiſquilijs otium, & operam abuti. In nugas ſe effundere. Jocularijs, Nugarijs, Ridicularijs ſe totum tradere, dedere. Iocis, & ridiculis ludere, eludere, operam dare, tempus, otium fallere. Ridicula jacere, mittere, jaſtare. Ineptire, ineptias agere, nugis totum occupari. In anilibus tricis hædere. Adoleſcenturire. Repuerſcere. Feſcenninos jocos, Mileſias fabulas obtrudere. In fictis, facetiſque ſententijs regnare, dominari. Luſus ludere, non Archimejæos, ſed inanes, abſurdos, inficeto rure inficetiores. Inanes gerras conſarcinare. Turpe eſt, difficiles habere nugas (*Mart.*).

Nunquam. V. Impoſſibile.

AD Græcas Kalendas. Anno Platonico. Magno Platonis anno [*nunquam venturo*]. Cum mula pepererit. Cum Coelum ruet. Cum Lunæ radijs matureſcet botrus. Cum Nibas coccyſſaverit (*Theſſalonica locus, ubi galli non canunt.*). &c.

Obedientia.

EQui frenato eſt auris in ore [*Hor.*]. Dicto audiens. Impetij audiens. Alicujus natum intueri, ſequi. Mandata digerere, exhaurire, perficere, exequi, perſequi, capeſſere, faceſſere. Se totum ad alterius arbitrium fingere. Servire imperio. Dictum factum reddere. Tabe: in quovis loco paratus ſum [*Ter.*]. Non moror imperium tuum (*Pet. Arb.*). Legibus uti. Imperium pati. Obnoxius [*obediens, ſupplex*]. Sub nittens animos ultro. Submitte caput, cervice parata ferre jugum. Sta celer obſequio. Auſcultare, morem gerere alicui. A legis præſcripto ne latum

tum quidem unguem discedere. Transversum unguem, vel digitum non discedere. Pedem nunquam discedere, Ne altero quidem pede discedere. Esse obnoxium alicui [Sall. morem gerere].

Contra. Mordere frænam. Jugum excutere, jactare. Habenas legis, consilij non audire. Ab imposito jugo resilire. Nisum, ac renisum imperium excutere. Mandata fallere, frangere. Dicto audientem non esse. Obsequium denegare. Morem non gerere. Nec obedientis animi crimen. Retrograde mentes. Agamennonis hostia (h. invitè, & coactè agere).

Oblivio. V. Memoria.

Obscuritas sententiæ. V. Occulta.

Cimmeriæ tenebræ. Scytale Laconica. Problema Archimedeum. Platonici Numeri. Platoniciis numeris obscurius. Scripta, quibus opus sit Delio natatore. Nebulis, & caligine tecta. Non Sus quisvis intelligat. Davus sum, non Oedipus. Sphinx loquitur. Phœbeo acinace opus est ad hoc dissolvendum. Nec per nebulam apparet. Errorum Labyrinthus. Mæandrum dixeris, aut si quid Mæandro tortuosius. Mæandris, girisque obvolutum. Vinculum, Rete Vulcanium. Nodus Herculanus, Gordianus, Cassioticus. Bœoticum enigma. Protagoræ sophisma. Scytale, gryphus indissolubilis. Lycophrontis tenebræ. Involutis obseptum opus. Furtivum Scriptum, Latebra scribendi, Literæ secretiores, Profunda quædam, & inopinabilis latebra (vulgò Cifre). Vide pag. 176.



**Obstinatio . V. Obedientia , Arrogantia ,
Audacia , Impudentia .**

Occasio . V. Discrimen ,

Ansam , copiam , locum dare , præbere . Ansam porrigere ,
arripere , querere , præterire , largiri . Gladium dare .
Aditum , viam , januam , aperire , prætrudere , sibi munire
ad &c. Causam , tempus , locum capere , captare , arripere ,
aucupari , nancisci . Opportunitatem adipisci ad fortunam .
Fenestram ad nequitiam patefacere [*Ter.*] . Occasioni , in
occasionem imminere . Campus idoneus , amplius , patens ,
in quo opera , labor , industria excurrat , ingenium exultet .
Repagula aperire . Dum ferrum calet , cudendum . Nunc
tuum ferrum in igne est . Non semper ætas . Ætas non
semper fuerit : componite nidos (*Hesiod.*) . Crines capere .
Fronte capillata , post est Occasio calva . Ventis vela per-
mittere . In liquidâ nat tibi linter aqua [*Prop.*] . Nullum
locum prætermittre . Ut prima effulsit occasio . Ultrò se
suggerentibus causis . Commoditatis omnes articulos scire
(*Plaut.*) . Res est in cardine , in articulo . Flamma fumo
proxima . Spartam , quam nactus es , eam orna . Scenæ ser-
vire , obsecundare . Tempori , temporibus servire , cede-
re , parère , obsequi , consulere . Uti tempore , foro . Al-
cibi ad es alter [*qui apud Iones deliciis , ap. Thebalos militiis , ap.
Thebanos rei rustica deditus*] .

Occisio . V. Mors .

**Occulta . V. Obscuritas , Silentium ,
Curiositas .**

Sub tunica , sinu , pallio condere . Clam per cuniculos , &
in cilia . Furta (*quæcunque delicta clanculum fiunt*) . In te-
ne-

nebris faltes. Quod scis, nescis [*Ter.*]. Occultę Musicę nullus respectus (*Suet.*). Plutus cęcus [*Opes recondita, quę nulli profunt*]. Opertanea Sacra, Sacra Bonę Deę, Attici Eleutina (*Sacra Cereris, & Bona Dea, occultę fiebant*). Monstrum alere [*quod paucis ostenditur*]. Testęque sint solida mystica Furta fide [*Ov.*] In angulo aliquid agere. Summo pede, summis pedibus ingredi. Dicere in aurem. Gygis anulum gestare.

Occupatio. V. Negotium, Otium, Ignavia.

Odium. V. Ira.

Odium agreste, novercale, Vatinianum, Clodianum. Agresti odio laborare. Cane pejus & angue odisse aliquid. Ne viā quidem eādē mecum ambulare. Viā non gradiuntur eādē. Archidami bellum. Empedoclis simulas. Expectatum salutat ut canem (*Plau.*). Ut lupus amat ovem. Odiorum semina, faces. Sępe tacens odij semina vultus habet [*Ov.*]. Odium tegere, premere, concoquere. Id sanē est invisum, acidumque (*Hor.*). Nauseat, atque oculis bilem substringit opertis (*Iuv.*). Immortale odium, & nunquam sanabile vulnus (*Iuv.*). Jejunum odium (*Iuv. Impasti atrociori odio furunt*). Invisum Caput. Odio prępeditus. Inimicissimus est oculis meis (*Pet. Arb.*). Hujus rei tēdio non modō Cumas, sed ad Garamantas fugerem.

Odor. V. Ornatus. *Opinio de se ipso.*

V. Adulatio.

Oppositio. V. Differentia, Comparatio.

Geminus, Horoscope, varo producis genio [*Perf.*]. Vesania discors (h. *discolor, dissimilis*. *Hor.*). Loripedem Rectus derideat, Æthiopem Albus [*Iuv.*]. Janus inest.

Inter Lēdēos ridetur corvus olores [*Mart.*] . Secūm pugnare . Sibi non constare . A se discedere . A se , vel secum , dissidere , discrepare . Pugnantiā loqui . Antilogijs se configere . Alicui reclamare , reluctari , refragari . Ferulam contra aliquem movere . Adversus aliquem tendere . In aliquem allatrare .

Optimus . V. Dignus , Excellentia , Perfectio .

Opus egregium . V. ibidem . *Ordo* . V. *Negotium* .

Ornatus . V. Pulchritudo , Vestes ,
Literaria .


Bellus homo , totusque ex pyxide , recens de pigmentario . Mellephebus cinnatululus . Mellonymphus Philocosmus . Myrothecium nuncupes . Moschum , ambar , lafer , integram olet Seplasiā , totā spirat Arabiā . Cyprio pulvere pruinofus , Panchæo nectare temulentus . Fīne colī modico Forma virilis amat (*Prop.*) . Fucus , picti doli , mendaciā colorata . Deprensos castigat spongia nāvōs . Munditiis annorum damna rependere [*Or.*] . Medicamina formæ , picta venena , fex illita vultu . Medicina figuræ . Naturę decus mercato perdere cultu . Rugas aniles arte emendare . Formosus sine pulchritudine . Calathum Sycaminorum in malis habere . Videris ipse Sycaminorum Calathus (*in eos , qui faciem hypopio , cinnabari , stibio , cerussa fucant*) . Lenocinia adscititia . Adulterini fuci . Exotica condimenta , pigmenta . Cretata , lutata cutis . Deliciæ molles (*h. elegantes*) Lunata Splenia fronte sedent (*Mart. Splenia ad modum luna disponebantur*) . Mundus muliebris , Mundus augustalis . Omnes elegantix numeros implere .

Capilli . Capillum frangere [*Sen. de Calamistratis*] . Rutilare , & submittere comam [*Suet.*] . Caput multiformi cinnorum cumulo variare . Capillum scitos in angues Cieni .

nifionum operà per amicam injuriam calamistri fingere .
 Sudare , ne quid exeret, delirer, peccet Capillus contu-
 max , neu de statione recedat devius , aut transfuga teme-
 rarius rebellet . Caput , suggestum capitis , comæ , ædifica-
 re . Altum Caliendum . Exotica crinium impostura .
 Coma adscititia , subditi-ia , adulterina , captiva , adopti-
 va , conducta . Vertex tutulatus . Frons pinnata , turrige-
 ra . Flexos ordine crines digerere (*Mart.*) . Comam dis-
 ponere . Operosus comà , vel ornandis capillis . Composi-
 ta in statione coma : recomposita , dividua . Docilis , &
 centum flexibus apta . Quam acus , & pectinis vallum di-
 gessit . Gradatim , alveolatim , anulatim , undulatim com-
 pta , digesta : in fluctum posita . Tot premit ordinibus , tot
 adhuc compagibus altum ædificat caput [*Iuv.*] . Legem
 capillo reddere (*Claud.*) . Crines industria format plicati-
 les . Geometriam exercere in cilio , vel capillo [*Iul, Poll.*] .
 Odoratos positu variare capillos (*Ov.*) . In cirros torque-
 re . Flexus ad pectinem capillus . Speculum rapuit , &
 vultus omnes tentavit [*Pet. Arb.*]

Otium . V. Ignavia , Negotium .

Otiosis non adest Deus . Amant longa otia culpam (*Au-
 son.*) . Otium sine literis mors , & vivi hominis sepul-
 chrum [*Sen.*] . Otia si tollas , periere Cupidinis arcus
 [*Ov.*] . Desidiam Puer ille sequi solet, odit Agentes (*Ov.*) .
 Temporis dilapidatio . Luculentus Cessator . Ferias age-
 re . Feriatus , malè feriatus . Vacuum esse , inanem , ces-
 santem , discinctum . Aoragmon (*negotiiis vacuum*) . Apra-
 gmosyne [*Cessatio a negotiis*] . Parcus laborum . Vacuis
 sedem figere Cumis (*tranquilla urbe* . *Hor.*) . Vacunæ , &
 Pauso litare (*Otiosorum Dijs*) . Vacua tonforis in umbra
 [*Hor.*] . Albo pallet otio (*Mart.*) . Dissolvere se . Conge-
 lare otio , marcere , torpescere . Conglaciât Tribunatus
 Curioni [*h. Nihil agit Curio* . *Cœl. ad Cic.*]



R 4

Pa.

. Paratus .

IN Anchoris stare . Promptus , expeditus , acer , industrius , in agendo celer , haud imparatus .

Parfimonia . V. Paupertas .

Patientia . V. Fortitudo .

LEvius fit patientia quidquid corrigere est nefas (*Hor.*) . Cedamus: leve fit, quod bene fertur onus (*Ov.*) . Quod male fers , assuesce , feres bene (*Ov.*) . Dum vires , annique sinunt , tolerate labore (*Ov.*) . Composita vulnera mente feras [*Ov.*] . Posse pati , facile est , tibi ni Patientia desit [*Ov.*] . Dura Laconum , vel Laconica patientia aliquid concoquere . O te cerebri felicem [*lenem , patientem Hor.*] . Odia non sorbere solum , sed etiam concoquere . (*Cic.*) . Vires pelle , pondusque mali [*Sen.*] . Leve est , miseria ferre , perferre grave est (*Sen.*) . Quod plura possis , plura patienter feras (*Sen.*) . Perfer , & obdura [*Ov.*] . Qui silet , est firmus [*Ov.*] . Perpeffitus [*Sen. qui patiendo assuefactus*] . Alta mane , supraque tuos exurge dolores (*Ov.*) . Hac Ægide utere . Hoc te clypeo tuere . Humanis altior malis . Fortior cladibus . Regium hoc ipsum reor , Adversa capere [*Sen.*] . Haud est virile , terga fortunæ dare [*Sen.*] . Non imparatum pectus ærumnis gero (*Sen.*) . Superat , & crescit malis (*Sen. de Herc.*) . Perferre molem mali . Fortunæ respondere superbæ [*Hor.*] . Adversis rerum immerfabilis undis (*Hor.*) . Stare animis . Vir firmo pectore . Explicata fronte , securo animo non pati tantum casus , sed & laceffere . Animus infragilis , inconcussus , inexpugnabilis . Pectus vinci nescium . vividum rebus , infractum . Victas magno pectore ærumnas doma [*Sen.*] . Gaudet Patientia duris . (*Ov.*) . Patientior Socrate . Æquam memento rebus in arduis servare mentem [*Hor.*] . Hoc Catone contenti sumus [*Cass. Augus. dictum*] .

Thio.

Thiodamas cum Hercule (*Fortem frustra circumlatrant Blaterones*).

Patrocinium . V. Defensio , Auxilium , Securitas , Spes , Fortuna .

Effe alicui instar Aræ , loco Asyli , Hermionis vice . Mæcenas , Palinurus alter . Clypeus . Pierij tutela Chori . Tu nanti protende manum . Cæptæ fautor cape lora juventæ (*Prop.*) . Dextera & immissis da mihi signa rotis (*Prop.*) . Da vela secunda . Te Patria Vindice freta . Dexter ades . Sum quodcumque , tuum est . Da modò te facilem . Possumus lucem sperare novam , si quid modò lætus annuis & nostris subscribis candide votis [*Ov.*] . Ceu Numen , & facer Genius , Assertor , vindex . Festina tibi vindicem parare [*Mart.*] . In meis castris , præditijsque versatur (*meum facit , mihi favet*) . In te sitæ sunt omnes spes , opesq; mæx (*Ter.*) . Quæcunque mihi fortuna , fidesque est , in vestris pono gremijs (*Virg.*) . Ad aliquem , tanquam ad Aram , Asylum , Arcem , Anchoram sacram , confugere .

Paupertas . V. Avaritia , Desperatio .

Aporia . Fortuna tenuis , sordida , urgens . Res angusta . pertenuissima (*Sen.*) . Permodica res familiaris . Curta supellex . Res accisæ , afflictæ , imminutæ . Sordida Otia (*Mart.*) . Angustæ sordes , fortuna , penates . Parva domus , tecta , lares . Vita doliaris , municipalis , agrestis , arida , horrida , inculta . Sine arte mensa [*frugalis*] . Cœna sine sanguine , rustica , terrestris . Victus Spinofus . Telemachi olla . Prandium sine vino , Sacrum sine fumo . Toga vel focus algens . Gelida lacerna . Famis Campus [*Locus Athenien. ad piandam famem ab Oraculo jussus*] . Fames Saguntina , Meliza , Solymza . Fames magistra . Multa docet fames . Paupertas educat sapientiam . Indigentia mater sanitatis . Venter mirus Artifex ; Magister artis . ingensque largitor (*Pers.*) . Res mihi ad rastro redijt (*ad*

rem

rem rusticam]. Theaginis, vel Æschinis pecuniæ [qui ditiores videri volebant, quàm essent]. Ne tempestas quidem ei nocet [quia agros nullos habet]. Mendico, ne parentes quidem amici sunt. Centum viri unum pauperem spoliare non possunt. Araneis abundat [Hom.]. Plurima sunt, quæ non audent homines pertusa dicere læna (Iuv.). Græculus esuriens, in Cœlum iusseris, ibit (Iuv.). Nigros non indignantia fumos testæ (Mart.). Male compactæ culmina fulta casæ (Mart.). Res mea Janum ad medium fracta est (Hor. Ad Ianum feneratores). Hiems, & frigora trita, succincti lateris (Mart.). Toga anus & tremulo vix accipienda tribuli [Mart.]. Cerea quem nudi tegit uxor Abolla grabati (Mart.). Inter delicias quid facit ista fames? (Mart.). Mensa divitijs ruris operata sui. [Mart.]. Nec toga; nec focus est, nec tritus cimice lectus [Mart.]. Non est Paupertas, Nestor, habere Nihil [Mart.]. Ædes, quas noctua vellet esse suas (Mart.). Et teges, & cimex, & nudi sponda grabati [Mart.]. Tristis nullo qui tepet igne focus. Rupta pes vagus exit aluta (Mart.). Rupta calceus pelle patet, vel si confuto vulnere crassum, atque recens linum ostendit non una cicatrix (Iuv.). Nil habet infelix Paupertas durius in se, quàm quoddam diculos homines facit. [Iuv.]. Libertas Pauperis hæc est; Pulsatus rogat, & pugnis concisus adorat, ut liceat paucis cum dentibus inde reverti [Iuv.]. Cantabit vacuus coram latrone viator [Hor.]. Sordes farris mordere canini. Pauperi vitulus est Castrum. Araneorum aulæa vestiunt muros. Vacua oscitat arca. Culina gelida ferias ducit. Ibit eò, quod vis, qui zonam perdidit [Hor.]. Toga, calceus, panis, & fumus domi (Hor.). Ad pristina præsepia redigi (e vita lautiore ad pristinam tenuitatem). Sale, & cumino vesci. Rore, ut cicada, pascitur. Cicatricosum pallium, pileum, calceus. Iro, Codro, Telenico, Hecale, Homérico Iro, Paupertate ipsa pauperior. Nudior leberide. Pausone mendicior. Macilentior Thaumantide, Leoprepide. Philippide. Capite diminutus. Ad incitas redactus. Animam debet. Decoctus facultatibus. Fortunis lapsus, eversus, provolutus. Achrematos (sine arte). Vix pelle sua tectus. Pifil.

fillo, paxillo nudior. Inopia affectissimus [*Vel. Pat.*]. Deceptus, & expes nequidquam fundo suspirat nummus in imo (*Per.*). Errat inops animi, dubius cœnæque, larisque. Alieno vivens furno. Mendicabulum. Pane secundo, tertiariorum, & urtica victitans [*Hor.*]. Aliena limina lustrans (*Ov.*). Cincli (*Pauperes ab imbecilla Ave sic dicti*).

Perfectio. V. Dignus, Diligentia, Excellentia.

Quadratus homo (*Absolutus*). Rude donatus. Qui sine cortice nat (*auxilio non egens*). Homo graphicus, ad unguem factus, omnibus numeris absolutus; in quo est Attica elegantia. Ipsa est Attica elegantia. Consummatissimus vir. [*Tac.*]. Copijs idoneis instructus. Navigasti usque ad Phasin [*extremum cursus tetigisti*]. Tibi lampada trado (*ut in labore succedas*).

Opus, cui extrema manus, fastigium, coronis accessit, Numeris omnibus absolutum, Musicè, graphicè, pergraphicè factum, perfectum ex toto, rectè, atque ordine factum, cui nil vitiosi, & corrupti; quod est veluti Gnomon, & Regula, Græcanica Regula, & Amussis. Quod stat recto talo Polycteri Norma. Ultra Gades, & Herculis columnas. Quod vèl Momo valeat satisfacere. Res optimæ, primæ classis, notæ, de meliori nota. Crerà, Crescè notanda. Stellis signanda [*ut Aristarchus versus Homeri distinxit adulterinos veru figens*]. Gemma, unione, adamante, lactea gemmà notanda, Iovis auribus servanda, quanti vis pretij. Lydia arena. Res omnium numerorum, consummatissima. Quam non Cecropiæ damnent Pandionis arces. Palatino delubro digna. Cælatum novem Musis opus. Colophonem, Colophonium fastigium, summam manum addere, Coronidem imponere alicui rei. Supremum fabulæ actum agere. Ad umbilicum rem perducere, ad apicem, ad coronidem usque ad fastigium. Circulum absolvere, e. g. Disciplinarum. Detritus homo in aliqua re [*A. Gell.*]. Nicotratum more (*h. egregiè*).

Con-

Contra . Quod extremam manum expectat , implorat , &c.
(*h. Imperfectum*) . Nondum in apio est [*V. Principium*] .

Periculum . *V. Discrimen* . *Perfidia* . *V. Astutia* .
Pertinacia . *V. Arrogantia* , *Audacia* .

Perseverantia . *V. Fortitudo* , *Patien-*
tia , *Obedientia* , *Affiduitas* .

IN re aliqua , tanquam ad Sirenium scopulos consensescere .
Apud Sirenas , & Lotophagos hære (*A. Gell.*) . Sapien-
tia in exitu cernitur (*finis vita spectandus*) . Spiritus , ubi
incipit , fortior est ; defectior , ubi desinit . Tanquam Po-
lypus scopulo affixus . Ne altero quidem pedè , ne latum
quidem unguem discedere . Labor omnia vincit improbus .

Pigritia . *V. Ignavia* . *Pinguedo* . *V. Voluptas* .

Pœna . *V. Crudelitas* .

QUOD quisque fecit , patitur . Auctorem scelus repetit
(*Sen.*) . Deo vindice ultima experiri . Cujus suppli-
cio non debuit una parari simia , nec serpens unus , nec cul-
leus unus (*Iuv.*) . Iure cæsus . Ultiores superos passus . Pa-
ti carceris uncum , aut maris Ægei rupem , scopulosque fre-
quentes Exulibus magnis (*Iuv.*) . In ergastulum , & lato-
mias conjectus , ad Gaudinas furcas mittendus , Ad Gemo-
nias damnatus (*s. scælas* , unde præcipitabantur rei , ut *Seja-*
nus , &c.) . Carnificinum cribrum te faciam (*Plau. h. pla-*
gis , ut *cribrum* , *perforatum*) . Irrigatus plagis (*Plau.*) ,
Verberibus depectere , depexum reddere , demulcere , emol-
lire , mollem reddere . Metuens pendentis habenæ (*Hor.*
fustis) . Nodosam virgam frangere vertice (*Iuv.*) . Ca-
put baculo comminuere , Fuste aperire . Solea rubrica
obiurgari (*Perf.*) . Væ illis virgis , quæ in tergo morien-
tur

tur meo [*Plau.*]. Flagris secare, sectus. Dolare fuisse sa-
ligno lumbos. Obiurgare ferulis (*Suet.*) Contra Retiarium
ferula (*Gladiatores inepti ferula eiciebantur*). Phryx plagis
melior fieri solet. Dare in laqueos vettigia. Tortile spar-
tumnectere in laqueum. A tigno se nectere. [*se suspende-*
re]. Infame tignum, tigillum; suspendium. Suspendia-
rius, funi addictus. Cruciarus. Pascere in cruce corvos.
Abi ad corvos, ad crucem. Cruce in pretium sceleris ferre
(*Juv.*) Ad Crucem, ad catastam, ad collariam damnare.
Legum prima Securis (*Juv. h. efficacissima ad homines in-*
officio continendos).

Pœnarum genera varia. Colasterium [*locus tormentorum*].
Arca robusta [*locus in carcere lignis septus*]. Eculeus, Fi-
diculæ [*funiculi, quibus facinorosi in eculeo distendebantur ad*
extorquendam veritatem]. Ungulæ [*bifida ferramenta, qui-*
bus latera lancinabantur]. Lamine (*candentes ferri massa*).
Tunica molesta (*pice illita, Incendiariorum supplicium, quo*
Nero Christifideles affecit). Uncus [*quo impacto Rei ad Gemo-*
nias traherantur]. Catasta (*Machina, in qua ad supplicium*
pendebant rei). Catulus ferreus (*instrumentum, quo divari-*
cato Rei comprehendebantur). Numellæ [*vinculum, quo pe-*
des vel cervix includebatur]. Columbar, Cippus, Boiæ
(*compedium genera*). Tauræ [*lora e corio bubalo*]. Scor-
piones [*spinosa virga ad laniandos artus*]. Plumbata (*lora,*
in quorum extremitate pilula plumbea dependebant). Culleus
[*saccus e sparto pice illitus, in quo Parricida cum simia, serpen-*
te, & gallo insuti demergebantur in mare]. Collaria forensis
(*anulus, quo Rei vincuntur in foro*). Gyrgathus (*lectus,*
ubi insani, vincti retinentur). Venarum incisio (*Supplicium*
Neronis tempore usitatum, quo Seneca, Lucanus, & Trasæ
Philosophus affecti sunt). Crurifragium (*Crurium elisio, tibia*
fractio) Distractio (*in diversum equis, vel quadrigis, vel na-*
visibus differri). Ad antliam damnatus (*ad aquas antliis hau-*
riendas). Remo publicæ triremis affigere. Latomia Sy-
racusanæ [*Carcer a Dionysio Syracusis factus, sunt etiam loca*
ad excidenda saxa, sive. Lapidina] Ad, vel in Latomias
damnatus. Ibis porro in Latomias lapidarias [*Plau.*]. Car-
cer Mainerinus Romæ. Barathrum Atheniense. Ceas spar-

tanus. Profundum inanis Cyzicenum (*fovea profunda, æ-*
noſiſſima, in qua D. Paulus fuit) Ancon Cartaginienſis. Thu-

ſca Ergaſtula [*Quo Rei ad ferri fodinas mittebantur*]. &c.

Pœna militares. Ære dirui (*ſtipendio legitimo ſpoliari*). Ære
dirutus. Haſtam dare. Extra oppidum hibernare. Hor-
deo paſci. Virgis cedi. Venire. Fuſſe, & ſecuri percuti.
Decimari. Baltheo privari, in crucem tolli.

Pœna voluntaria. Genium defraudare [*vulgò Mortificariſi*].
Tortilis affrictu, morſuque metalli dilacerare latus. Suti-
libus rubis ſinum vellicare, latus increpare. Irrigare pla-
gis terga, flagris inſcribere, conſcribere. Membra hi-
ſpida zona, hircuto vellere, ſetis acutis, horrente lorica,
echinata acu, aſpero cilicum textu, Cyniphijs villis, equi-
nis ſetis, ſetoſa, rigenti tunica figere, ferire, cruentare.

Pœnitentia ſera.

S Erd ſapiunt Phryges, Cumaſi, vel Cameſi. Piſcator
iſtus ſapiet. Muſpicem guſtans. Poſt mala prudentior.
Sera in fundo Paſſimonia. Rem factam ſtultus intelligit.
Malo accepto ſtultus ſapit, Quæ nocent, docent.

Pœſis. V. Literaria. *Preces*. V. Religio, Votum.

Preces inutiles, Non exaudite.

A Quam e pumice poſtulare. Ab Aſino lanam petere.
Lupi alas querere. Aliam excute quercum. Alterius
pulſa fores. Non habet unda Deos (*Prop.*) Panditur ad
nullas janua nigra preces [*Prop.*] Non exorato ſtant ada-
mante vię (*Prop.*) Lacry nas litora ſurda bibunt (*Prop.*)
Non audituri dirinuere noti (*Prop.*) Audiet averſa non-
mẽus aure Deus (*Tibul.*) Adverſo movimus iſta Deo [*Ov.*]
Verba dare in ventos [*Ov.*] Nulla vota ſalutares prome-
ruere Deos (*Sannaz.*) Vota non valent. Vota fides non
ſequitur. Surda vota condere Jonio (*Perſ.*) Surdos vox
habet iſta Deos [*Hor.*] Nil poſſe precibus. Proni Superi

NON

non sunt. Votum non impetrabile facere. Petiti copia facta non est. Non aspicit ara preces, votivaque tura. Non habes faciles in tua vota Deos. Iniquum petendum, ut equum feras.

Primus in aliquo genere. V. Excellentia.

Principium.

Rerum cunæ, incunabula, cunabula, elementa, rudimenta, semina, exordia, primordia. His cunabulis &c. [*initijs*]. Principium Dimidium Totius (*Hesiod.*) Dimidium facti, qui coepit, habet (*Hor.*) Parvula spina bona est. Vitium, cum in Infantia est, dulce; cum pubescit, magis suave, quam dulce est [*Macrobius*]. Hinc mihi prima mali labe [*Æn. 2.*]

Incipere. Fores aperire, telam exordiri, scindere glaciem. Vestigium in re aliqua ponere. Rei alicujus fundamenta jacere. Orationi vela explicare. Bonis initijs, auspiciò, Bonis avibus, Boni Genij, bonæque Fortunæ nomine aliquid adoriri, exordiri [*V. Fortuna prospera*]. In sermonem ingredi [*Cassiodorus*]. Novum cribrum novo paxillo suspendere [*Instituere*]. Primus Zeno novam hæresin novo paxillo suspendit (*Varr.*) Novi quidpiam comminisci.

Male incipere. V. Error.

Ab initio. A linea incipere, a fonte, a Lare, ab ipso Lare, ab Ovo, a carceribus, a repagulis, ab incunabulis. *Contra.*

A meta ad carceres reverti (*denuo incipere*).

A capite usque ad finem. A capite ad calcem. A carcere ad metam. Ab ovo usque ad mala. Ab ingressu usque ad coronidem. A fronte, & tergo. Prora, & puppis est. Telam ordiri, & pertexere. Nondum in apio est [*nam extremus hortorum ambitus apio conserebatur h. nondum coepit*].

A Pueritia. A cunabulis, incunabulis, jam inde a cunabulis; a tenellis unguibus, a teneris unguiculis; a teneris, a tenero, a pueris, a puero, a parvulis, a parvulo; a primis vite rudimentis, primordiis; a crepundiis, ab ipsis crepundiis, in.

in ipsis vitæ primordijs, in ipso vitæ carcere, limine, vestibulo; in minuta, minuscule ætate, cum lacte nutritis. &c.

Prodigalitas. V. Gula, Luxuria.

A sotia. Afotus [*Prodigus*]. Nepos. Nepotatio, Nepotatus. Nepotari, Nepotini luxus, Nepotales sumptus. Decoctor, gurgis, Lancinator æris paterni. Decoquere. Rem omnem, rem patriam frangere, perdere, confringere, stringere. Labem patrimonij facere. Patrimonium labefactare. Pecuniam proluere [*Gell*]. Ad aïsem decoquere. Res omnis tabuit. E dolio haurit. Fecit profundit omnia. Ejus largitio non habet fundum. Fundo carens calix. Non sentit censum pereuntem. Promus est magis, quam Condus. Se ipsum non alens, canes alit. Mortuum unguento unxit. Opum sordidus potius vespillo, quam liberalis nutricius. Grando drachmarum (*Zenod.*) Gallorum venter (*qui facile quidvis concoquunt*). Glaucus alter [*qui equis omnia impendit, ab ipsis postea devoratus*]. Plena manu profundit.

Proficere. V. Literaria, Promoveri.

IN suo Pulvere currere (*in ea re versari, in qua quis plurimū valet*). Ad sapientiam magnis itineribus tendere. Cubitis adoleſcere. Juxta cubitum profecit. Eam mēſſuit Sapientiæ segetem, ut &c. Gradum facere, aditum aperire ad &c.

Promoveri ad meliora. V. Fortuna.

Dedit gaudere Lente [*leguminibus*]. Meliores nactus est aves. Ab asinis ad boves. Satis quercus. Fuit & Mandroni ficulna navis (*qui ex Naviculario factus est Imperator*). Hodie nihil, cras omnia, Hodie nullus, cras maximus. Etiam inter vepres Rosæ nascuntur. Etiam vetus arbutum transferri potest. Pedem ultra gradum jactare. Pennas nido

nido majores extendere. E plebeja in patriciam domum transire &c.

Promissio. V. Spes.

Oculata manus [*Quæ Promissa velit exhiberi. Plau.*] Oculata dies (*quæ numeratur præsens pecunia*). Cæca dies (*quæ non numeratur*). Sanctè polliceri. Rata sit verborum summa tuorum (*Ov.*) Quid enim Promittere lædit ? Pollicitis dives, quilibet esse potest (*Ov.*) Voti fidem solvere. Promissi Dea facta potens (*Ov.*) Auri montes, Pactolum, Onusta plaustra polliceri. Solidos e clibano boves [*Quos Xenij loco Graci-missitabant. Aristoph.*] Nemini credo, qui largè blandus est (*Plau.*) Magno Promissor hiatu. Aureus in Olympia itato. Album tibi panem pinso. Dosònes (*a verbo gr. Δόω, fut. Δώσω, dabo; cujusmodi Antigonus Rex vocabatur*). Cyparissi fructus [*Promissio vana*]. Charetis pollicitationes (*Atheniensium Ducis, qui vanè promittebat*). Thesaurus carbonem erant. Hesperidum mala largiri (*fabulosa*). Sponde: noxa præsto est (*nam qui spondet, sepe decipit, vel decipitur*). Larus parturit [*Avis levissima, cum parturit, vociferatur, partum levissimum edens*].

Promptus. V. Paratus.

Prudentia. V. Astutia, Consilium, Censor, Experientia, Consideratio, Tarditas.

Alter Janus. Etiam in occipitio oculos gerit. A fronte, & occipitio oculatus. Est Spartam nactus. Secum habitat, Penes se est. Perendinum ventum præscit. Thales alter (*unus e septem Sapientibus*). Tanquam de speculo, ex Tripode homo. Subodoratur omnia. Aliquid prospicere, odorari, subodorari. Non obscuris indicij, vestigijs ad ipsa rei cubilia pervenire. Non oportet, Hospitem.

semper esse hospitem. Multorum fectorum Jovis glandes comedit. Eum ausculta, cui quatuor sunt aures (*ita fingebatur Apollo*). Maturè fias senex, si diu velis esse senex (*dum iuvenis es, senili gravitate te gere*). Consultissime, providere, agere aliquid [*Iul. Cap.*] Sapiens divinat. Anima sicca sapientissima (*Sobrietas Sapientia parens*. Heracl.) Mente præsens. Sirenas præternavigare. Prospektandum vetulo latrante cane [*non enim temerè, ut catuli, latrat. Non negligendum, quoties Senes monent*]. Cordatus homo. Cui cor sapit. Catos, Corculus dixerunt Romani, qui sapientia præstarent. Vir robore mentis subnixus, Consilij plenus. Habet in vultu Episcynium gravitatis [*supercilium*]. Prudentia a canitie suffragium non expectat. Nullum Numen abest, si sit Prudentia (*Iuv.*) Exigere aliquid ad recti amulsi Consilij. Rerum exitum porrecta in futurum prudentiæ acie prævenire. Ponderibus modulisque suis Ratio utitur [*Hor*] Stans animo. Rectum animi servans. Decocta, decoctior Prudentia. Vir in rebus æstimandis non plumbeus. Evigilata consilia. Sed tibi plus mentis, tibi cor, limante Minerva, Acrius, & tenues finxerunt pectus Athenæ [*Mart.*] Peritus ad usum. Ætas illum acuet (*Ter.*) Mihi cura futuri est [*Ov.*] Ante annos animumque gerens, curamque virilem (*Virg.*) Animi celeritas cum morâ conjuncta in rebus providendis (*Plin. Traian.*) Est sanus utriusque auribus, atque oculis. Integer mentis. Cui cor purum vitio est. Sapientum octavus. Tertius Cato. Acutior Chrysippo. Cui multum mentis, & cordis. Ex Academia venit (*h. vir gravis*). Jupiter non saltat, nec citharam pulsat (*Principes gravitatis, & dignitatis. memores sint oportet*). Postvorta, & Antevorta (*Dea ap. Rom. quarum prima Præterita nosset, altera Futura respiceret: sic Principis Prudentia*). .

Pudicitia. V. Verecundia.

A Naphrodisia (*Veneris nulla cupido*). Anaphrodisus [*a Venere alienus*]. Nulla reparabilis arte læsa Pudicitia est; deperit illa semel (*Ov.*) Credo, Pudicitiam Satur-

no

no Rege moratam in terris (*Juv.*) Nullum crimen abest ,
 facinusque libidinis , ex quo Paupertas Romana perit (*Juv.*)
 Argivo dignus clypeo [*Ap. Argivos Pueri incontaminati Cly-*
peos quosdam gestantes pompas agebant] . Bonæ Deæ sacrifi-
 cia castissima [*Bona Dea illibata fuit , extra Gynceum nun-*
quam egressa , nec virum vidit unquam , nec a viro conspecta fu-
it] . Castior Hippolyto , vel Melanthis . Summum cre-
 de nefas , Animam præferre Pudori [*Juv.*] Sibi Pudicitia
 constat [*Suet.*] Purgatus , defæcatus Animus , & ab omni
 mundi hujus aspergine pressè , purèque deterfus (*Macrob.*)
 Fluxæ libidinis exors . Pulchritudo infra Pudicitiam est .

Pudor. V. *Verecundia* , *Pudicitia.* *Pueritia.* V. *Prin-*
cipium.

Pulchritudo. V. *Ornatus.*

TAnquam Herculis clypeus [*varijs insignibus mirè ornatus.*
Justinian.] Formæ castigatissimæ adolescens , liberali
 facie , mira oris dignitate , ab ore honestissimus , eximia
 oris specie , formâ ad miraculum excelsus ; incredibili oris
 venustate , elegantia , honestate florens , spectabilis , adspe-
 ctabilis ; omni lepore , & venustate affluens , liberali , &
 honesta facie , ore floridulo nitens ; pergraphicus ; fidere
 pulchrior : dignus , qui sit a poculis Jovis ; qui Lædæ ab
 Ovo disclusus videtur . Phaon alter [*Juvenis Lesbius , qui*
unguento a Venere accepto oblitus formosissimus omnium evasisse
dicitur] . Nerites alter [*Nerei , & Doridos fil. . Hominum ,*
ac Deorum , ut fabulantur speciosissimus] . Graphicus homo ,
 ad unguem factus . Digna facies , pro qua posset Troja pe-
 rire (*ut pro Helena*) : pro qua , vel obiret Achilles , vel Pri-
 amus , Belli causa probanda foret (*Prop.*) Damno formose
 tuorum [*Ov. de Paride*] . Sponte decet (*sine ornatu.* *Ov.*)
 Non operosa comis , sed furibunda decens [*Prop.*] Illius ex
 oculis , cum vult exurere Divos , accendit geminas lampa-
 das acer Amor (*Tibul.*) Quem Gratia suo penicillo colo-
 rare . Vir decente filo corporis , membrorumque recta

compage. Liberali filo Virgo (*Apul.*) Flos in facie. Vultus honores præcipui. Os dignum Imperio. Scena corporis [*Tertull.*] Forma sine arte decens, sponte decens (*Ov.*) Lautâ forma, lautissima. Forma viros neglecta decet [*Ov.*] Gratiam corporis mbrum honestamentis ornare. Forma Bonum fragile est [*Ov.*] Res est Forma fugax [*Sen.*] Anceps Forma bonum mortalibus. (*Sen.*) Exigui donum breve temporis (*Sen.*) Formam populabitur ætas (*Ov.*) Lis est cum Forma magna Pudicitia (*Ov.*)

Raritas.

Poenice rarius, Corvo albo, Cornuto lepore. Rara avis in terris, nigroque simillima Cygno. Lac gallinaceum. Noctua, vel Noctuinum ovum. Peregrinum quiddam, transalpinum, transmarinum. Pulegium ap. Indos Pipere pretiosus. Vilescunt omnia, quæ non ex Atlantico, vel Indico sinu petita. Metimur omnia decempedâ novitatis; & placet in ipsa Novitate Barbaries. Rara juvant: primis sic major gratia pomis, hibernæ pretium sic meruere Rosæ. [*Mart.*] Ursam parientem video (*quoties raro quæpiam, vel post longum tempus videmus*).

Relaxatio Animi. V. Voluptas, Lætitia.

Conchas, conchulas, lapillos, calculos, legere, lectitare (*Animi remittendi gratia ad ludicra se demittere; uti legimus Scipionem, & Laliûm Caietâ, & Laurenti vagos litoribus lectitasse.* Val. Max.) Verecundâ laxamus seria mensâ [*Perf.*] Nugari, & discincti ludere, donec decoqueretur olus, soliti (*Hor.*) Explicuit vino contractæ seria frontis (*Hor.*) Gestatio, Fabulæ, Libelli, Campus, Porticus, Umbra, Virgo, Thermæ (*Mart.*) Genio indulgere. Jocis vacare. Urbano releves colla perusta jugo (*Mart.*) Exuere curas inquietas. Pallentes procul hinc abite curæ (*Mart.*) Diffundere animos. Avocamenta. Apricari. Meridiari. Animo suo obsequi. Ad auram sedere. Nactus pusillum laxamenti (*Cic.*) Jocis tempus fallere. Levare tempus [*Gell.*]

[Gell.] Oculos, manum furari labori. Sit emendata voluptas. Inter emendatiores voluptates aliquid habere.

Religio.

Non movenda ne mōveris (*ne sacra violes. Plut. vox edita cuidam evocanti Manes, sive tumulum moventi Amici se-pulsi: Item in eos, qui receptas divinatorum opiniones convellere nituntur*). Ite igitur, pueri, linguis, animisque faventes [*formula olim in sacris usurpata*]. Genua incerare Deorum (*cereas faces ante Deorum simulacra accendere*).

Res Christianæ. Prima Christianæ, divinæ Fidei, legis, juris rudimenta, elementa, incunabula, initia, iniumenta instillare, enucleare. Catechismo, sacris mysterijs, imbuerre, instruere.

Christianus. Christo, vel Christianæ militiæ auctoratus. Christianæ militiæ accensus. Romanæ Fidei tessera signatus, insignitus, auctoratus. Christianis Sacris initiatus, inauguratus.

Sacramenta. Divina mysteria, piacularia Sacramenta ministrare, usurpare. Sacris mysterijs expiari. **Baptismus:** Aquæ Salutis respergere. Sacro, salutari, lustrali, piaculari, genitali fonte, lavacro, aqua, latice, aquis, laticibus, ablucere, imbuerre, tingere, irrorare, irrigare, perfundere, expiare, initiare, inaugurare, regenerare. **Chrismate** inungere, Sacro Confirmationis oleo imbuerre. **Piacularis Confessio,** Sacra exhomologèsis, Sacra Christiani ritus Confessio: Aures confitentibus dare, præbere, commodare. Pro sacro tribunali fontibus noxas condonare. Per sacram exhomologèsin Deo lustrari, vitæ noxas, animi maculas expiare, conscientiam nudare. Sacra **Synaxis,** divina Ceres, Cœlestis ferculum, epulum, poculum, frux, daps, libum, Crustum. Mensa theurgica. Dapsile Numen. Divinæ Ambrosiæ. Nectaris munera porrigere, ministrare, suscipere. Ad sacram Synaxin, Angelicam mensam accedere. Cœlesti dape refici, recreari. Divini Corporis mysteria usurpare. Sacro Eucharistiæ **Viatiko** munitus, instructus, procuratus. **Extremo** perunctus, delibutus oleo.

Sacra Nuptiarum Solemnia celebrare ritu Christiano . Sacra, Socialia, jugalia, connubialia, genialia fœdera, iura, vincula, omina, thalamus, torus, vittæ, tædæ, faces iugales, maritæ, maritales [*Pœticè*] . Sacer, candidus, lætus Hymen, Hymenæus (*Ethnicè*) . Sacros Ordines impertire . Sacris ordinibus initiare, inaugurare; initiari, inaugurari; Divino cultui consecrari, mancipari, vindicari, afferi: se Deo mancipare, vovere, devovere . Sacerdotium inire . Sacerdotem ungi, inungi, inaugurari: ad Sacerdotij fastigium provehi, promoveri . Sacerdotio auctus . Theurgus . Neomyta, Neomytes, (*Novellus Sacerdos*) . Sacerdotij primitias Deo libare . Episcopali pallio insignitus ad Infulas assumptus, Infulatus, mitratus Sacrorum Præsul, Præses, Antistes . Protomytes [*Archiep.*] . Pontifex, Princeps Numinis vices, atque instar gerens, Rex Sacrorum, Max . Sacrorum Præses, triplici, tergemina tiara, corona redimitus, irradiatus . Romanus, Summus Pastor; Imperij Vaticani regnator . Latia Pater qui præsidet Arci . Pater inclytus Urbis . Qui regit imperio Tybridis Arces . Ad sacra lectus moderamina Puppis . Præsens tutela Tybridis . Ausonia Pater augustissimus Urbis . Latialis Orbis potens Heros . Latia qui tonat ab Arce, sedet ad clavum, &c. *Sacrificium* . Operari . Deo facere, operari . Omnia sint operata Deo [*Tib.*] Rem sacram, Divinam facere, procurare, conficere, peragere . Cœlestem hostiam, victimam immolare . Sacris, Divinis operari . Lararium (*Sacellum domesticum*) . Penetrales Lares, Foci, Adyta .

Religiosus . Vir Deo signatus, dictus facer . Sacro ordini, cœtui, familiæ nomen dare, Deo se mancipare, vovere . Sacra militiæ accensus . Religiosior Numa . Religiosorum . Asceteria . Sacrarum Virginum Parthenones .

Vota . Voti reus . Se voto, re aliquâ votâ, votivâ damnare [*obligare*] . Voti se religione adstringere, illigare . Deo sacra sponsione obligari . Castitatem Deo, sequestra Deip. sacrare . Nuncupatis, & conceptis rite pijs votis Deo se dicare [*Professionem emittere*] . Voto defungi, se liberare, Voti fidem liberare, Voti religione se absolvere (*Votum solvere*) .

Preces . Allegare Superis (*Apul.*) Superos obtestor , testor , veneror , adoro , adiuro supplex , ut &c. Aurem supplicij alicujus dare [*exaudire*] . Protendo ad genua vestra supinas manus [*Pet Arb.*] Brachijs in decussim compositis , cancellatis , decussatim complicatis orare . Vota valent . Vota fides sequitur (*exaudiri*) . Genibus minor [*provolutus in genua*] . Fac rata vota Patris (*Mart.*) Vota successus habuere suos . Votum facite impetrabile (*Prop.*) Petiti copia facta est . Voti compos [*V. Votum*] Admovere preces . Aspicit Ara preces , votivaeque tura piorum [*Ov.*] Annis , & nostris subscribis candide votis (*Ov.*) Precatoria corolla , Precatorium sertum , Precariae decades , Globuli precarij , Corolla precatorijs nexa globulis , piacularibus plexa sphœculis [*corona , Rosarium*] . Precatoria corollae globulos percurrere , decurrere , volvere . Salutationes Marianas decurrere . *Preces non audita* (*V. Preces inutiles*) . Frigidam Pietati affundere (*Pietatem minuire*) .

Canonizare . Ordini , Concilio , Beatorum , Coelitum adscribere , asserere . Sacris Fastis adscribere . Sacros fastos alicujus nomine augere . Coelestes honores alicui rite decernere , constituere . Numerum Divorum altaribus augeat [*Æn. 7.*] Superum honore signatus (*Æn. 6.*) Infertus stellis , & concilio superum [*Hor.*] Votis vocari . Sacratus in aris . Templi dignatus honore .

Relinquere. V. Contemptus.

Missum facere aliquid . Nuncium remittere ; valedicere ; ultimum , longum dicere vale ; ultimam dicere salutem alicui . Longum valere iubere aliquem . Rem casum permittere . Pro neglecto , pro derelicto habere aliquid . Rei alicujus curam abijcere , deponere , exuere &c.



Remedium . V. Auxilium, Patrocinium, Morbus .

A Cre. Malo nodo malus cuneus (*duro durus*) . Clavum clavo , paxillum paxillo pellere , trudere . Paxilli paxillos excutunt . Paxillum altero paxillo impacto excutere . Extrema primo nemo tentavit loco (*Sen.*) *Malum* . Oleo incendium restringere . Oleum camino , Ignem igni addere . Lutum luto purgare . Hydram secare . Morbum morbo ne addas [*Eurip.*] Caput mederi qui debeat , reduviam curat (*Cic.*) Iners malorum remedium Ignorantia est (*Sen.*) *Serum* . Post bellum suppetiæ . Post bellum machinas adhibere . Clypeum post vulnera sumere . Hedera post Anthesteria (*Floralia* , & *Festa Bacchi* : h. post festa se coronare) . Qui blandiendo dulce nutritivum malum , serò recusat ferre , quod subit , jugum (*Sen.*)

Repetere eadem . V. Molestus .

Reprehensio . V. Cenfor, Damnare, Emendare .

C Enforia gravitate obiurgare , damnare . Tristiùs , acerbius , asperius aliquem appellare . Molli brachio obiurgare [*leniter*] . Excluso Momo solam Euterpen audire (*Obiurgationem odisse*) . Nodum in scirpo querere [*cum qua notâ carent , reprehendere quis tentat*] .

Rigor , Rigidus . V. Severitas .

Risus . V. Derisio .

R isum edere , emitte Syracusanum (*latum*) . Risus Sardonicus [*amarus*] . Joricus , Chius [*Effeminatus*] .

Mega-

Megaricus (*intempestivus*). Syncretus [*effusus*]. Ajacis risus (*stultus*). Latè diducto ore ridere. In cachinnum effundi. Os perverso cachinno distorquere [*Ov.*] Majore cachinno concuti [*Hor.*] Cui splen crepuit turgente cachinno. Pinguis cachinnus. Sum petulanti splene Cachinno (*Perf.*) Cachinnum sustulit, & in jocos transfusus est [*Suet. in Aug.*] Intra labia ridere (*stet*). Risu emori, dissolvi, diffuere, diffundi. Contendere risu ilia (*Ov.*) Illa sonat raucum quiddam, atque inamabile rider; ut rudit a scabra turpis asella mola (*Ov.*) Risu ilia dissolvere [*Per. Arb.*] Labra risu perspicuo laxare (*Mart.*) Gestire risu. Mor-daces torquet contracta nare cachinnos (*Mar.*) Jam tremulos tollis naso crispante cachinnos [*Mart.*] De alieno ludere corio (*ex alieno malo*).

Rixosus. V. Molestus.

S Pirat Cacias [*ventus acerbior*]. Canina facundia. Sybenæorum Chorus (*incompositus, tumultuosus*). Rhodium Sacrificium (*inter rixas peractum*). Rixosior cane, Rubo arefacto præfractor. Crater litium. Litem moveat, vél si asinum canis momordit. A lasso rixam quæris [*ubi potentior imbecillior irritat*]. Qui non litigat, cælebs est [*Dos uxor a Viris lis est*]. Rixam iniicere [*vel. Pat.*]

Ruditas. V. Literaria, Ignorantia, Stolidus, Perfectio.

O Pus rudi, pingui, crassa, crassiore Musa, Minerva factum. Esse Ingenio Opico, Batavo, Agresti, duro, amuso, obtuso, pingui, adipali, plumbeo, Boeotico. Aurem habens Batavam. Minus a natura factus ad literarum dulcedinem, ad Musarum humanitatem. E quercu natus. Inelegantiior Libethrijs. Homericus Margites. Fungus ingenij. Stipes. Caudex. Stupor plumbeus. Cultu asper. Moribus inconditus. Auris Boetica, Opica, Batava. Cui obesæ sunt aures, vel nares. Plenus ruris, & in-

& inficetiarum [*Catul*] Inficetore inficetior. Petrones, Rupices, Rupicones [*Rustici*]. Illævigatus, & inconditus sermo, sonus (*Diomed.*) Alicujus rei rudem graphidem, lineas, delineationem, imaginem edere, ducere, deducere, adumbrare, delineare. In forme specimen exhibere. Primoribus lineis, primore, rudiori manu, operà informare, describere. Res informis, inabsoluta [*Apul.*] Inficetissimè pictum, scriptum (*Plin.*) infcitissimè (*Gell.*) Extremam manum exorat, implorat. Extremus actus abest. Res secundæ, deterioris notæ. Posteriores ferre (*partes*). Cruda Studia (*immatura*).

Sagacitas. V. Astutia, Prudentia.

Salubritas, *Sanitas*. V. Valetudo.

Sapientia. V. Prudentia, Literaria, Diligentia.

Sapiens divinat. Sapiens dominabitur astris. E Cœlo descendit Γνωθὶ σεαυτὸν (Nosce teipsum). Sæpe sub tenui palliolo latet sapientia (*Cic.*) Sæpe etiam est olitor valde opportuna locutus. Victrix Fortunæ Sapientia [*Iuv.*] Non nobis solùm nati sumus (*Plato*) Ad summam Sapiens uno minor est Jove, dives, liber, honoratus, pulcher, Rex denique Regum [*Hor.*] Quem Virtus numerosa juvat (*Ov.*) Jure madens, varioque togæ limatus in usu. Cujus Cecropiæ pectora dote madent. Quem si jure petat magni Senis Atticus hortus, non minùs esse suum Stoica turba velit (*Mart.*) Sapientiæ severioris, gravioris, immansuetioris Alumnus. Quæ docet sapiens Porticus. Totos dat tetricæ dies Minervæ (*Mart.*) Qui disertos sapientiæ Tripodes excussit. In Adyta, Sacraia. Lararia penetravit Disciplinarum. Sapientem pascere barbam [*Hor.*] Ferulæ manum supposuit. Meraco Sapientiæ tinctus, potus, satur. I. V. ex interiori nota scientis. Versatis. In utraque umbra, atque acie [*foro*, & *schola*]. Scribens Gratijs litat, & Mu-

Musis, loquens lepori ancillatur, & elegantia. Eloquentium, mutarumque artium usu peritus. Ingenuas pectus coluisse per artes (*Or.*) Sese Sapientia artibus naviter excolere. Cui molle pectus Phoebus imbuat, Camœnæ perpluunt scientiâ. Polymathia (*Multa eruditio*). Polymathes [*Multi sciens*] Pantomathes [*omnia sciens*]. Unus dies eruditorum plus patet, quàm impertit longissima ætas [*Sen.*] Posteriores cogitationes sapientiores sunt (*Cic.*) Discipulus prioris posterior dies. Senesco semper addiscens [*Solen.*] Tandiu discendum, quandiu nescias (*Sen. h. quandiu vivas*). Perit hoc plus temporis, atque olei plus (*Juv. h. Studium. Demosthenes dictus plus olei, quam vini consumpsisse*). Doctrina mores esse non finit ferôs [*Menan.*] Sapiens suas ubique circumfert opes [*Men.*]

Secretum . V. Occulta .

Securitas . V. Discrimen , Fortuna , Patrocinium , Anceps , Somnus .

IN portu navigare, sedere, dormire. In vado in tranquillo res est. Non hæret in aqua, in salebris, &c. Extra lutum pedes habeo. Extra aleam, iſtum, tela, teli coniectum, telorum jaſtum eſſe. Eſt procul a fulmine, a Jove. Extra fumum, & undam. Duabus nixus, fultus anchoris. Eſſe intra januam, intra quatuor, vel quadrangulum [*intra domum*]. In diem, in horam, ex tempore vivere [*h. citra futuri ſollicitudinem*]. Aliquid in manibus habere. In meo regno, in meo luco, & ſano ſitum eſt. Intra meas præſepes habeo. Rem factam habet. Porrectis pedibus, in dexteram, vel in utranvis aurem dormire. E terra naufragium ſpectare. Dies Halcyonii. Halcedonia vivere. (*h. dies tranquillos, ut mare, cùm Halcyones incubant*). Mœnia Semiramidis inexpugnabilia. Teſtudo intra tegumen tuſa. Ne in Jovis quidem Aula tutior. Sarta teſta res eſt. Non vulgari Anchora innixus. Pectora Pauper ſecura gerit [*Sen.*]

(Sen.) Venenum auro bibitur : tutus mensa capitur angusta cibus [Sen.]. Mortuo leoni etiam lepores insultant . Excessere metum mea jam bona . Major sum , quàm cui possit fortuna nocere [Ov.]. O soles ! O tunicata quies ! [Mari.] .

Senectus . V. Vetustas , Vita .

A Cherontius Senex , Buftuaria larva ; Silicernius , capularis , depontanus , in Proserpinæ peculio numeratus . Est in Orci familia Charonti naulum præparat . Difficile senectutis limen [Hesiod.]. Rugæ . Rugosa ætas . Genarum sulci . Genæ rugis scissæ . Ultima ruga . Caries rugosa senectæ . Ætas emerita . Senilis labes . Albo flore conspersum caput [Sophocl.]. Senectus peractio ætatis est , tanquam Fabulæ [Cic.]. Mature fias senex , si diu velis esse senex [integra adhuc ætate desiste ab immodicis laboribus , si vis esse vivaci ac diuturna senecta] . Aquilæ senectus (quæ non senio , sed fame appetit , crescente rostro superiore , ut tantum bibat ; hinc illud Senes plus bibunt , quàm comedunt) . Antiquior Chao , Vita , Japeto , Codro (Rege Attica) . Ducere situm , ac senium . Situ , ac senio extabescere . Obrepiat non intellecta Senectus (Iuv.) .

Servitus . V. Liberatio , Ignobilitas , Infamia .

Argentum accepi , imperium vendidi (ita Dementas pauper divite uxore ducta) . Spartæ servi maximè servi [ubi omnia opificia exercebant] . Leo chorda vinctus [in cavea circumducitur] . Samii literati (a quibus litera reperta , ad signata eorum adhibita sunt) . Cum sarcinis nemo enatat [Sen. Sub sarcinis Reip. nemo planè liber] . Caput mercede redemptum . Sale coemptus . De Cappadocum catastis , De lapide emptus (Mancipia) . Catastæ , Compedes , Comati , Inscripti (notis servilibus compuncti) . Gypsati pedes [Servi venales habebant pedes gypso illitos] . Pedibus qui venerat albis : & præ-

bc.

bere caput domina venale sub hasta (*Iuv. auctione facta proponebantur*). Tria Cappa mala [*H. Cappadox, Cilix, Cretensis; quod ex his servi essent*]. Syri, Medi, Phryges (*E Phrygia Mancipia laudatissima. Athenæus*). Stigmatias, Loricæ, Vir mancipi (*Hom. Odys. ait, Iovem Servis dimidiam animi portionem abstulisse*). Et sonet innumera compede. Thuscus ager [*Mart.*]. Accedes Opera agro nona Sabino (*Hor. Servi adigebantur humum exercere*). Natus ad Euphratem, molles quod in aure fenestree arguerint [*aurium pars ima perforata Iuv.*]. Advectus Romam, quo pruna, & coctona vento [*Iuv.*]. Succinctus patria papyro [*Iuv. Servus Ægyptius vestibus e papyro confectis*].

Severitas. V. Mœstitia, Cenfor, Arrogantia, Ira.


AD vivum refecare. Radere usque ad cutem. Cenforia virgula uti. Obtorto collo rapere (*per vim nolentes*). Ad libellam debere [*qua rigide pondus examinant*]. Ex Syngrapha agere. Olitorem odi, qui radicitus herbas excindat. Summum jus summa injuria. Duro flagello mens docetur rectius. Alicujus audaciam, improbitatem infringere, jugulare. Frænum injicere alicui. Contumelioso vultu aliquem persequi (*Pet. Arb.*). Obliquis, trucibus, liventibusque oculis spectare, aspicere. Titanicum, vultu Titanico intueri. Vultuosè aspicere, incedere. Vultuosus. Vultuosa frons, Titanicus, Saturnius aspectus. Tragicum, Tauricum intueri. Severioris notæ homo. Homo ad severitatem implicatus (*Cic.*). Erinnyes ex Tragœdia [*tristis, & furiosa*]. Me insensus servat [*Ter.*]. Asperitas agrestis, & in concinna, gravisque (*Hor.*). Homo difficillimâ naturâ. En Pallor, Seniumque [*Hor.*]. Triste supercilium, durique severa Catonis frons [*Mart.*]. Matutina fronte venit (*Mart.*). Truculentus, & silvester, & vitæ inscius [*Sen.*]. Squalido turpis situ (*Sen.*). Duris torvus supercilijs (*Ov.*). Frons hirta. Frontis rugæ. Ponderis veteris triste supercili (*Sen.*). Exæquans tetricas Sabinas [*Ov.*].

Fer-

Ferreus, aeneus homo. Cui cornea fibra est. Equecubus, & saxis natus, prognatus. Tenedius homo (*minax*). Tenedius Patronus [*rigidus*] Tenedia Securis [*Tenedi Rex sanxit, ut a tergo iudicis adstaret lictor securim tenens, ut si quis perperam in iudicio dixisset, eum protinus ferret*]. Cultu asper. Subiti, subasperi, subdurioris, paulò ferocioris ingenij, naturæ vir. Echino, Histrice, Scythia asperior. Scabrior Leberide. Durior cote Naxiaca, Cretica. Thymbrà victitans (*herbà subamari saporis*).

Silentium. V. Occulta.

NE my quidem, ne gry quidem facere [*non bisicere, ne tantulum quidem loqui*]. Silentium manu pōscere, imperare. Elicies prius aquam e pumice. Taciturnior Arcopagita, Pythagoræis, Hipparchione, Agathōne, Itatua, pilce, perdice, Acanthia, vel Rhegina Cicada, Rana Cirenica, Theſſalica, Seriphia, vel e Seripho [*in quibus locis muta sunt*]. Supra Panthoidas tacitus [*Pythagoricos*]. Muta persona. Pythagoræ discipulus. Civis Amyclæus. Tacitæ Amyclæ. Amyclas perdidit Silentium (*cum in ea urbe subinde falsò nunciaretur hostium adventus, lege cautum fuit, ne quis adventum hostium nunciaret: adveniente hoste, cum nemo nunciaret, capta est*). Arcanam in pectore condit Eleusin [*cuius Sacra secretissima*]. Cereri facit (*litat*). Caput sine lingua. Bovem habet in lingua (*pecuniam bovis imagine signatam, ne loquatur*). Mutus Hipparchion (*Citharæus, qui apud Iuliopolitas theatrī strepitu turbatus, obtinuit*). Harpocratem colit. Qui Harpocrati, Sigaleonti, Angerdinæ litavit (*Silentij Dijs*). Pedarius Senator (*qui sententiam non dicebat, sed pedibus in sententiam ibat*). Mercurij Itatua. Trunco simillimus Hermæ (*qui dum loquendum est, tacet*). Quod scis, nescis [*Ter. ne reveles*]. Qui silet, est firmus (*Or.*). Animam comprime. Spiritum collige. Reducere timidissimè spiritum.



Similitudo. V. Amicitia.

Simile simili gaudet. Pares cum paribus facillimè congregantur. Similitudo mater Amoris, & Consuetudinis conciliatrix. Non tam ovum ovo, non tam aqua aquæ similis. Uno tenore fluunt. Similes habent labra lactucas (*Asino carduos comedente*). Dignum patellâ operculum. Ovo prognatus eodem. Furem fur agnoscit, & lupus lupum. Conveniunt Attabas, & Numenius [*duo fures*]. Caseus cascam ducit [*Anum vetulus*]. Surdaster cum Surdastro litigat. Qualis hera, tales pedisequæ. In eodem luto docti. Iisdem vescuntur cæpis. A simili mores accipiuntur hero. Mali corvi malum ovum. Cercòpum cœtus (*versutorum in Ephefo conciliabulum*). Semper Similem Deus ducit ad ùmitem. Cicada cicadæ cara, formica formicæ. Graculus graculo affidet. Cum Care cariza, cretiza cum Cretenfi, vulpinare cum vulpe. Doribus Doricè loquendum (*Interrogatio, & Responsio consentiant*). Seni senilis lingua jucundissima. Canis in eadem tegula semper dormit (*quia simile quid sibi invenit in tegula*). Empedocles. *Quia vasa cretacea cum canum, aliorumque animalium effigieungebantur; ad quas occurrisse canes testatur Athenæus*).

Simulatio. V. Astutia, Mendacium, Hypocrisis, Subornari.

Vulpes esuriens dormit. Lepus dormiens (*patentibus oculis*) Antico subire, postico discedere. Flere ad novè tumulum (*factè*). Crocodili lacrymæ. Hæredis fletus. Æsopicus graculus [*alienis pennis indutus*]. Vanà Amicitia specie picturata frons. Somnum mentiri. Ab inquieto sæpe simulatur quies (*Sen.*). Indocti primùm, quam plena omnia gypso Chryssippi invenias [*Iuv. Doctrina larvam induunt, cum sint imperiti*]. Audiens non audit. Quod scis, nescis (*Ter.*). Bifrons Janus, Mercurius. Canis clanculum mordens. Cretes nesciunt pelagus [*ironicè, cum*

Sinceritas . V. Astutia .

Nuda Gratia . Aperta Musarum janua . Attica fide
aliquid facere . Sine fuco , & fallacijs . Sine dolo , &
artificio . Sublatis dolis . Candidus sine ullo palpo . Fidei
non sinister . Mente simplicissima , & vera fide facere . Nar-
ra mihi , sed tua fide [*Pet. Arb.*] . Apertum pectus . Aper-
to pectore loqui . Ævo rarissima nostro Simplicitas (*Ov.*) .
Falsi positis ambagibus oris [*Ov.*]

Sollicitudo . V. Anceps , Somnus .

Sisyphi lapidem volvitur . Arctum anulum ne gestato [*Py-
thag.*] Cor ne edito [*Pyth.*] In via ne feces ligna [*ne vi-
tam anxij curis discrucies*] . Æger animus curarum ponde-
re . Res est solliciti plena timoris Amor .

Solitudo . V. Occulta .

Scytharum solitudo . Ne musca quidem (ita *Juvenalis ro-
gatus* , *ecquis esset cum Domitiano Cas.*) . Musca nulla fœ-
mina est in ædibus [*Plaut.*] . Ædes inanijs oppletæ sunt ,
atque araneis (*Plaut.*) . Quisquis amat (loca sola nocent)
loca sola cævet [*Ov.*] . Nam tibi secretos augent secreta
furores [*Ov.*] . Semper habe Pylæden aliquem , qui curet
Oresten (*Ov.*) . Beatæ pacis feriæ . A rerum humanarum
strepitu longè sepositus . Locus ab omni arbitrio liber .
Segrex , seductus homo , & quasi rusticus (*Plin.*) . Vitam
segregem agere . Qui rure vacuo pœditur , & aperto æthe-
re innocuus errat [*Sen.*] . V. *Epimetron* sub finem .

Somnus .

Somniculosior glire . Papavere illitus . Endymionis so-
mnum dormire [a *Luna in Latmo Caria monte sopiti*] .
Ultra Epimenidem dormire (*qui in antro obdormivit annos
75.*) . Ipsum Epimenidem , Endymionem somno vincere .

En-

Endymionæus somnus . In utrunque oculum , aurem , in dexteram aurem , porrectis pedibus dormire . Non decet Principem solidam dormire noctem (*Hom*). Stertis adhuc? laxumque caput compage soluta oscitat hesternum diffutis, undique malis? (*Perf.*) Stertimus, indomitum quod despu- mare salernum sufficiat (*Perf.*) . Hic satur irriguo mavult turgescere somno[*Perf.*] . Se in proVectum solem pinguio- ri somno curare . Numerare pigri damna quis potest somni? (*Mart.*) . Frondatâ tumeat facilis tibi culcitra plumâ: Non venit ad duros pallida cura toros (*Mart.*) . Minimum gu- stum hauseram somni [*Pet. Arb.*] . Cespes Tyrio mollior ostro solet in pavidos ducere somnos : aurea rumpunt recta quietem, vigilesque trahit Purpura noctes (*Sen.*) . Somno liberaliùs indulgere . In multum solem matutino somno indulgere . Somno demergi , sepeliri . Ubi somnus admo- nuit, ibi requiescere . Jam Noctis meridies erat (*Varro*) cum tetigit me virga valentior somnus (*I. Lips.*) . Arcè, gra- viter , altum dormire , stertere . In multam diem stertere . Expleri se somno . Arciore somno tenèri .

Somnia . V. Votum .

S Omnia pituità qui purgatissima mittunt (*Perf. cum carent pituità, humore frigido, somnia putabantur vera*) . Naque sub aurora jam dormitante lucerna , tempore quo cerni so- mnia vera solent [*Ov*] . Post mediam noctem visus, cum so- mnia vera (*Hor.*) . Sub auroram Somnium ad me rectâ ad- volare visum è cornea porta [*I. Lips.*] . Nec tu sperne pijs venientia somnia portis: cum pia venerunt somnia, pondus habent [*Prop.*] . Fac, venias oculis umbra benigna meis [*Prop.*]

Sordes .

E Qui agit senectam . Est è Patrocli domo . Ex aula Tele- machi . Patroclo , Telemaco sordidior . Luto lutulen- tior . Lutum luto purgat . Cubito nasum emungit . Desto- rare , devirginare aliquid . Prolivium , Proluvium (*sozzu- ra*) . Destringere , eniaculare sordes (*tergere*) .

T

Spes .

Spes. V. Desperatio, Patrocinium, Promissio, Experientia.

Oculus dexter mihi salit. Lux affulget mihi. Mihi supercilium salit. Mens mea convaluit [*Ov.*]. Quæcunque ex merito spes venit, æqua venit [*Ov.*]. Fallitur augurio spes bona sæpe suo [*Ov.*]. Lactare aliquem, & falsa spe producere [*Ter.*]. Collige cum vultu mentem [*Ov.*]. Illa quidem fallax, sed tamen apta Dea est [*Ov.*]. Spem infinitam persequi [*Cic.*]. Ne fluitem dubiæ spe pendulus horæ. Magnæ signum indolis est, sperare semper [*L. Fl.*]. Spe potitus. Spes altrix senectæ [*Pindar.*]. Ingens præsidium mortalibus [*Claud.*]. Hæc sola in Pandoræ viculo latuit. Hæc Dea, cum fugerent sceleratas Numina terras in Dijs invisâ sola remansit humo [*Ov.*]. Res in herba est: in ipsa messe. Dum spiro, spero. Adhuc Cœlum volvitur. Sperandum est vivis: non est spes ulla sepultis [*Theocr.*]. Vivere spe vidi, qui moriturus erat [*Ov.*]. Spes alunt exules. Adhuc Deus aliquis respicit nos. Nondû omnium dierum sol occidit. Semper tibi pendeat hainus. Semper Agricola in novum annum dives. Spes alit agricolas. Scipioni inniti arundineo (*spes vana*) Boletus ereptus est faucibus meis. Non omnia eveniunt. Hic funis nihil attraxit. Mus pro leone. (*Spes frustrata*).

Stimulare. Admonitio.

Alas addere. Stimulis fodere. Calcaria subdere. Cubito stantem tangere. Latus fodere. Aurem vellere. Classicum canere. Alicui animos, spiritus subdere, acuerre, sufficere, suggerere. Currentem incitare. Timore percussum recreare, excitare. Jacentem, fractum animum confirmare. Quasi frigidam igni suffundere, affundere. Edenastrurtium. Pituitam a naribus detergere, &c.



Stolidus, Stupidus, Stultus. V. Ruditas, Ignavia.

SImulacrum pictum. Niobes Archetypon. Lapis molaris. Arcadicum germen. Ficulnus homo. Ficulna mens. Antronius Asinus. Opicus mus. Muta persona. Sus Bœoticus. Bœoticum ingenium, pectus, mens, auris. Caudex, Stipes, Caudex cerebri, merus Cippus, Iuncea mens, Iuncæ mentis homo. Vesano vertice caudex, Abderitica mens. Abderitanæ pectora plebis habes [Mart.]. Vervecea statua. Margites. Alba præcordia. Vappa. Fungus. Cor bubalum. E quercu natus. Cæcus auribus. Simulacupreissum. Vitam pulmonis vivit. Pectus non habet. Caput sine lingua. Corpus sine pectore. O quale caput! sed cerebrum non habet (*Simia Æsopica de Iovis statua*). Læva in parte mamillæ nil salit. Helleboro opus est. Bibe Helleborum. Ne mercurius quidem sanarit. Dubiæ sanitatis homo. [*semistultus*. Plin.]. Bœotum in crasso jurares aere natum. Cui sepultam corneus sopor mentem infedit. Betizat. Nil plus sapientiæ habet, quàm lapis. Mucosæ naris homo [*Bardus ineptus*] Mens non inest Centauris. Quid stas, lapis? (*Ter.*). Dignus qui suem immolet. Porcum immola. Septimus Bos [*e farina factus, a pauperibus, qui vivo carerent, post sex alias victimas immolandus*]. Stultior Gryllo, Amphistide, Choræbo, Mdrycho, Embaro, Praxillæ Adonide (*Praxilla Poetria Sicyonia Adonidem inducit ab Inferis interrogatum, Quid apud superos pulcherrimum reliquerit; respondere, Solem, Cucumeres, Mala. Zenodot.*). Pistillo retusior. Mente àlogus. Alogia [*fatuitas*]. Minus habet mentis, quàm Dithyramborum Poetæ. Animi caligo, & magna oblivio rerum. Vis typhonia (*delirium cum fure*). Mania [*insania*]. Maniacus. Manicus. Maniatus. Cereritus (*a Cerere percussus*). Lymphatus, Sideratus, fulguritus. Aut insanit homo, aut versus facit [*Hor.*] Veratro, & Moly Homericò purgandus. Quæ poterunt unquam fatis expurgare cicutæ? [*Hor.*] Senior bullà dignissimus

(*Juv. repuerascens*). Aut Regem, aut fatuum nasci oportet (*Sen. in Claud.*) Neronianas thermas refrigeret. Rana gyrina sapientior. Mentis diminutio (*Suet.*) Dirarum infectatio [*Furiarum agitatio*]. Nihil ab Elephante differs, vel Ceto (*corpore, & mole horrida*). Ab Asino delapsus (*la Mente Plat.*) Prope ad stultitiam simplicissimus (*A. Gell.*) Pondus iners, stolidæque ferocia mentis [*Ov.*]

Studium. V. Diligentia, Literaria, Sapientia.

Subitus interventus.

L Upus in fabula (*cum is intervenit, de quo est sermo*). Mercurius supervenit (*cum in confessu multorum fit subitum silentium, quasi ad Mercurium de Cælo lapsum*).

Subornari.

A Rgentanginam pati (*dictum de Demosthene, ne adversus Milesios ageret*). Bos in lingua. Bovem portat in faucibus (*pecuniam Bovis imagine cusam*). Pomis aureis petitus. Malis percussus. Argenteis haitis pugnare. Sirenum cantu demulceri.

Superare. V. Excellentia. **Superbia.** V. Arrogantia, Adulatio.

Surditas. V. Labor inanis.

S Urdior turdo, freto, litore, Toronæo portu [*Torona Urbis Thraciæ, vel Macedoniæ, in cuius portus longo secessu nullus fluctuum fragor auditur*]. Hylam vocas (*non auditurum, ut olim Hercules, quia a Nymphis raptum*). Fluctibus obloqueris. Parieti loqueris. &c.

Suspicio. V. Diffidentia.

Ta-

*Taciturnitas. V. Silentium.**Tarditas. V. Ignavia, Negligentia, Remedium.*

Post festum, post Pythia venisti. Citiùs Elephanti pariunt. Testudineo, formicino, grallatorio, lanceo, plumbeo, tacito gradu, pede incedere. Summis ingredi pedibus. Echinus partum differt [*qui grandior spinis acutioribus pungit*] Opismathia (*Tardidifcentia*) Opismathes. Festina lentè. Prudentia præpropera periculosa. Maturà satio sæpe decipit, Sera nunquam non mala. Serò contingunt Magnifica. Deliberandum est diu, quod statuendum est semel. Grande moræ pretium. Bos lassus lentè, sed altiùs figit pedem. Romanus sedendo vincit. Fabius cunctator. Romanam Fabius cunctando restituit rem. Ad poenitendum properat qui citò judicat. (P. Syr.)

Tempus terere. V. Labor inanis. Testimonium.
V. Auctoritas. Tetricitas. V. Severitas.

Timor. V. Minæ, Ignavia, Fugere.

Timidior Pisandro, Epèo, Rheginis, Prospiciente, lepore, cervo, sepia. Pisander alter. Umbra suam metuit. Fulgur ex vitro, vel pelvi metuit. Hastam, clypeum abijcere. Ante tubam trepidat. Vir cervinus. Initio concidit. Panicus metus hominem corripit. Lepus galeatus. Est verecundià semipaganà. In pulicis morsum Deum invocat. Mulier agmen ducit. Animus pedes delapsus ad imos [*Hom.*] Domi leo. Ignavi vertitur color. Corinthiis non indignatur Ilium [*quibus animus oppugnandi non fuit*]. Timidi nunquam statuerunt trophæum. Vél muscas metuit. Coturniculæ animus. Habenas ignavus

non tractet. Tange me : frigidior nive gallica sum (*I. Lips.*) In Cyclopiis antrum devenimus [*I. Lips.*] Diu vocem collegit (*Pet. Arb.*) Sanguinem amisit. Amor timere neminem verus potest (*Sen.*) Haud est virile terga fortunæ dare (*Sen.*) Qui pavet vanos metus, veros fatetur [*Sen.*] Regna custodit Metus (*Sen.*) Dubia pro certis solent timere Reges [*Sen.*] Multi ad fatum venere suum, dum fata timent (*Sen.*) Non est virtus, timere vitam [*Sen.*] Mens semper, quod timer, esse putat (*Or.*) Assum Elephanto dare [*cum pavore*]. Tanquam Gorgone visa obstupescere. Mens fugit admonitu (*Or.*) Formidine imbutus, impeditus, prohibitus. Animus demissus, pueriliter timidus. Metum expunge.

Valetudo. V. Morbus.

Pisce, Cucurbita sanior. Crotone, Locris salubrius. Valere athleticè, pancraticè, bellè, perbellè, bellissimè, pulchrè, faustè, commodè, basilicè. Est, utitur, vivit secunda, integra, viridi, vegeta, commodissima inoffensa valetudine. Rectè habet. Quàm rectissimè valet. Pelliculam curare jube [*Hor.*] Assiduo curata cuticula sole. (*Perf.*) Poscis opem nervis, corpusque fidele senectæ (*Perf.*)

Vanagloria. V. Adulatio, Arrogantia.

Vanitas. V. Nugæ, Mendacium, Promissio, Minæ.

Somnia, fumum, Iberas nœnias, Ægyptiaque portenta sectari. Tantalii, vel Adonidis horti (*qui nil frugiferum pariebant*). Cyparissi fructus. Ova subventanea, Zephyria, Hypnemia [*ventosa, irrita*]. Ramusculi foliorum. Meræ phialæ, ampullæ, aquæ bullantes. Umbræ pro corpore. Ampulla, Parthis vavior.

Verba licentiosa. V. Libertas.

Verecundia . V. Pudicitia .

Cui mollis frons [*contra Os durum*]. Esse mollis, teneræ frontis, Mollities frontis (*nimius pudor qualis saepe doctis*) Recta ingenia verecundiâ, debilitantur, Perversa confirmantur audaciâ (*Plin. lu.*) Ingenuo, honesto, liberali rubore suffusus. Integræ frontis homo, illæ sæ verecundiæ, ac pudoris, Cui casti pudoris illuxere faces, Niveos infecit purpura vultus. Convelare caput [*pudoris causa, re, vel oratione minus honesta audita, ut egit Socrates*]. Nullus est miseris pudor (*Sen.*) Pudoricolor [*dicta a Nonio Aurora*].

Veritas . V. Auctoritas, Noscere.

Tanquam ex oraculo manans Delphico, Pythio, Clario. Tanquam ex Tripode, ex Adyto quodam penetrali dictum, pronunciatum. Tanquam folium Sibyllæ. Aliquid sobriè dictum. Vero, verissimo, veriùs. Oraculi loco aliquid habere, tenere. Manu tenere aliquid. Res in confesso est, Indicijs, Auctoribus certis compertum. Vel cæco apparet. Et puero perspicuum est. Hoc bimi infantuli decantant. Notum lippis, & tonsoribus, sellularijs, subrostrarijs, tonstrinis, forficibus, Americis, & Australibus; tanquam in speculo, in tabula. Domesticè notum. Sole, meridiana luce clarius: Res intus, & in cute nota. Manifesta fides. Non fallit hæc alea. Res est inter manus. Electro lucidius. Stoicorum dogma. Canit Sibylla. Omnî ambiguitate sublata. Sine fucis, calami stris, lacinijs nuda, genuina veritas. Certissimam astruere, alicui fidem. Siccis rustica Veritas capillist (*simplex, sine unguentis*). Certa feram certis Auctoribus [*Prop.*] In his libris nil prius est fide. Rem acu, summa acu tangere. Rem ipsam putasti. Scopum ipsum attingere. Rei nucleum tangere. Et hoc putavatem dixisse. Existimèt se Oraculum accepisse, non sententiam. Philalethes (*Amans veritatis*). Philalethia. Adversus solem ne loquitor [*manifestis ne repugnes*]. Teneras mordaci radere Vero auriculas [*Pers. veritatem discit*].

cendo *delicatas aures vellicare*]. Veritas odit moras [*Sen.*]
Verum exculpere ex aliquo , exprimere , extorquere .

Vestēs . V. Luxus, Ornatus.

T Hæssalicæ alæ (*vestes manicata ap. Thessalos*). Punicus cultus , velut avis exotica (*Plaut. propter manicas alarum instar*). Vestis purpurea teneris Mæcenatibus apta [*Juv.*] Micat innumeris arcula Synthetibus (*Mart.*) Quid facient alij , cū tu multitia sumas ? (*Juv. Bombycinam molliſſ.*) . Multitium viride , rubrum , &c. argenteo , aуреo flamine distinguere , interſtinguere , describere , inarare [*variegatum*] . Sericum villoſum intexto Asiaticæ artis flore pulchrè vernante alternatum . Babylonis picta superbæ Texta , Semiramia quæ variantur acu [*Mart.*] Horum ego non fugiam conchylia ? (*Hor. viros purpura indutos*) . Vestis Attalica , auro argentoque , & multicolore Holoſerico texta . Vellera , ſtragula , chlamys Mileſia (*mollicula , & parum ſevera*) . Quid torus a Nilo , quid ſyndone cinctus olenti (*Mart. Byſſinus , è lino candidiſſ. ab ultima Ægypto petitus*) . Cadmi municipales lacernæ (*Tyria , Mart.*) Latus Clavus [*vestis Senatoria purpureis globulis clavorum capita imitantibus ornata*] . Anguſtus Clavus [*vestis equeſtrium*] . Purpura , atque auro illitæ vestes (*Sen.*)

Vetustas . V. Senectus, Vita .

A nnorum , Temporis , damna , furta , invidiam , injuriam , dentes , morſus , teſtantur Rudera . Rupta ſitu ſaxa . Marmora ſindit caprificus . Annorum iſtu pondera victa ruunt (*Prop.*) Seculorum attritu collapſa , proſtrata . Situ , ac ſenio , extabescere . Ducere ſenſū , ac ſitum . Caries annoſa columnas diruit . Ævo ſolutum , vetuſtatis injuriâ victum , fatiſcens . Cariosa vetuſtas . Morsetiam ſaxis , nominibusque venit [*Auſon.*] Longa procubuerit die (*Ov.*) Chronicæ lemæ (*antiquitates*) Chronica , Archæa , Palæa loqui [*antiqua, obſoleta*] . Antiquiora Diphtherâ loqui [*pelle Amaltheæ , in qua Jupiter res humanas ſcribebat*] . Homo antiquæ plebis (*antiquis moribus*) . Obſoletiſſimus veſtitu (*Apul.*) Aliquid velut ex naufragio Vetuſtatis creptum . In-

for;

formis situs, et deserta vetustas (Hor.) Araneosus situs [Catul.]

Victoria.

EXuere castris. Palmam ferre. Palma, Victoria lemniscata (ornata, magnifica). Et ceromatico fert Niceteria collo [Juv. Victoria pramia]. Lis omnis nostra est (vicinus). Prona est palma [facilis]. Solus currens vincit. Occupet extremum scabies [Hor. Sic olim in cursu clamabant pueri]. Invulnerabilis es, ut Cœneus (Neptuni filius). Coronatis Musa triumphat equis (Prop.) Ingenti præda, & triumpho gravis [L. Fl.] Currus inclytis imaginofus victorijs. Captivum portatur ebur, captiva Corinthus [Hor.] Trahitur manibus Regum fortuna retortis [Hor.] Cadmæa victoria (in qua victores, ac victi perierunt).

Vigilantia. V. Diligentia. Vilitas. V. Ignobilitas.

Vinculum. V. Pœna.

Vuicantium, adamantinum vinculum, Herculeus nodus, Deo vindice dignus (insolubilis). Nodus Gordius (de quo Oraculum, Regnum Phrygium mansurum, dum indissolutus maneret).

Vinum. V. Bibacitas.

Violentia.

Leonina Societas (cum unus rapit omnia. V. Discordia). Atticus Advena (bi olim vicinos bello pellebant). Echinus Leporis hospes (qui sensim explicatis setis hunc exclusit nido). Jus in armis. Lex in manibus. Mars Rex. Centauricæ, Cyclopum more. Non movenda moves. In caput impelli (ut solent Præcipitati). Capillis trahere. Leonis catulum ne alas (qui mox te laniet).

Virtus.

Virtutum radices amaræ, fructus dulces. Virtus gloriam parit. Asti labores jucundi [suavis est honestæ actorum memoria]. Nescia Virtus stare loco (Lucan.) Repulsæ nescia

scia sordidæ [*Hor.*] Cum pura virtus fulsit, omnes in tenebris latuere gazæ. Nunquam potest non esse Virtuti locus (*Sen.*) Elige vitam optimam (*Pyth.*) Omnis Virtus est mediocritas (*Cic. in mediocritate consistit*). Virtutis est, domare quæ cuncti pavent (*Sen.*) Nunquam Stygias fertur ad undas inclyta virtus [*Sen.*] Attingit solium Jovis, & Cœlestia tentat (*Hor.*) Quis Virtutem amplectitur ipsam, præmia si tollas? [*Iuv.*] Moly radix nigra, flos lacteus (*Hom. Per laborem virtus*). Sua cuique Ars pro viatico est.

Vita. V. Vetustas.

Vita brevis. Homo bulla. Temporis punctum. Fictilis urna. Arcta periodus. Herba solstitialis (*mox exarescens*). Ephèmeri vita (*Animalis. uno die. vitæ. periodum absolventis.* *Arist.*) Salillum animæ (*Plau. Quod facile liquitur*). Spithama vitæ. *palmus*). Dies digitus. Fictilis homo. Vitæ portio brevissima (*Iuv.*) Peregrinatio vita est (*Socr.*) Vitæ summa brevis spem nos vetat inchoare longam (*Hor.*) Heu! quàm dulce malum Mortalibus Vitæ dirus amor! [*Sen.*]

Vita longa. Cornice, Phœnice, Cervo, Tithono, Nestore vivacior. Totum vivere Nestorem. Cornicibus omnibus superstes. Tithoni senectæ. Ad Tithoni senectam provectus, ad annos Nestoreos. Ultra Tithonum, Nestorem vivere, Ultra pensum. Senescas Tithono profundius (*Cic.*) Ultra fustum vivere [*ultra fatalem diem.* *Lucian.*] Seribus vivacior [*quos Græcis historijs. proditum. 300. annis vivere*]. Tiresiæ vivacior [*quem fingunt sex hominum ætates vixisse*].

Vitium. V. Delicta.

Rubigo mentis pessima. Vitiorum deformis ærugo. Falit enim Vitium specie virtutis, & umbræ [*Iuv.*] Scelere nobilis. Qui scelere fieri volunt nobiles (*Plau.*) Nam vitij nemo sine nascitur, optimus ille est, qui minimis urgetur (*Hor.*) Decipit Exemplar vitij imitabile (*Hor.*) Omne in præcipiti vitium stetit [*Iuv.*] Sed stupet hic vitio, & fibris increvit opimis Pingue (*Perf.*) Hominum fax turpissima, Vitiorum colluvies. Omne flagitij punctum fert.

fert. Sunt quædam vitiorum elementa (*Iuv.*) Terra malos homines nunc educat, atque pusillos [*Iuv.*] Dum vitant stulti vitia, in contraria currunt: nil medium (*Hor.*) Turpia decipiunt cæcum vitia, aut etiam hæc delectant (*Hor.*) Vitijs fractus, putrescens. Nihil fani, nihil sinceri. Omni se vitio mancipare. Vitam omni intemperantiæ addicere. Animum ad malas artes adiungere. Ætas labefacta descendit. Illotis manibus aliquid aggredi, ingredi.

Vituperatio. V. Infamia, Derisio.

Ultio. V. Ira, Pœna, Minæ.

Canis vindictam cogitat. Reperit Deus nocentem. Insequitur pede pœna claudio [*Hor.*] Longæ Regum manus. Adrastia, Rhamnusia, Nemesis aderit. Dij laneos pedes habent, ferreas manus. Habet & musca splenem. Inest & formicæ bilis. In te eudetur hæc faba. Malis ter mala. Flagitiorum turpis exitus. Virum improbum vel mus mordeat. Miseram messem metere. Vel Capra nocentem mordeat. Vitandæ Potentium offensæ. Vindicta nemo magis gaudet, quàm scœmina. Quippe minuti semper & infirmi est animi, exiguique voluptas Ultio [*Iuv.*] In tauros Libyci fremunt leones: non sunt papilionibus molesti (*Mart.*) Parentare suæ injuriæ noxio sanguine (*Pet. Ar.*) Non sic de nihilo fulminis ira cadit (*Prop.*) Erit tanti criminis illa memor [*Prop.*] Si de tot læsis sua Numina quisq; Deorum vindicet, in pœnas non satis unus eris [*Ov.*] Injuriam acceptam in manibus scribere;

Voluptas. V. Luxus, Cœna, Gula, Bibacitas, Relaxatio.

Malorum esca (*Plato*). Voluptati, animo, genio obsequi, indulgere, servire. Explere animum. Exple illud animum [*Ter.*] A voluptatibus Principis (*qui studet comminiscendis voluptatibus illius*). Nil nisi turpe juvat: curæ est sua cuique voluptas [*Ov.*] Blanda truces animos fertur molliisse voluptas [*Ov.*] Dulcia non ferimus: succo

reno-

renovamur amaro [*Ov.*] Aquæ furtivæ dulciores . Quæ venit ex tuto minùs est jucunda voluptas (*Hor.*) Sperne voluptates : nocet empta dolores voluptas (*Hor.*) Musicè vivere (*delicatè , genialiter*) . Meridiari , Pergræcari , Pergræcando vitam ducere . Pinguis , nitidus , bene curata cute homo . Epicuri de grege porcus (*Hor.*) Remigium viti-
tiorum . Pinguis ut inde domum possim , Phæaxque rever-
ti (*Hor. Phæaces molles*) . Mollitijs fluere . Hæc tetigit ,
Gradive , tuos urtica nepotes [*Hor. voluptatis prurigo*] .
Imbelles Rhodios , unctamque Corinthum [*luc.*] Resina-
ta juvenus (*Juv. pice voluptatum illita*) . Voluptates com-
mendat rarior usus [*luc.*] Quæ vinci potuit Regia cantib-
us , hæc vinci poterit Regia viribus (*Sen.*) Amœnare
oculos , animum (*oblectare*) . Amœnatur animus . Qui vo-
luptatibus intenti , iidem literaturæ negligentissimi . Sy-
baritarum ritu delicijs indulgere . In diem vivere . Sire-
num cantu semulceri . Ad sirenum scopulos consene-
scere . Adhinnire voluptati , atque luxuriæ . Milesius
sermo (*voluptarius*) . Te matrya sola juvant (*Mart.*)
Amœnus Animus . Circumfluere omnibus lautitijs .

Votum. V. Religio.

Quod licet , minùs desideratur (*D. Hier.*) Quod licet ,
ingratum est ; quod non licet , acrius urget : Nitimur
inveritum semper , cupimusq; negata [*Ov.*] Qui se non ha-
bet , Samum cupit . Laciniâ obtinere aliquid (*rem non inte-
gram assequi*) . Quæcunque per somnium vides [*quidquid
optamus , somniamus*] . Repente tanquam somnio beatus
(*Cic.*) Hæc est summa votorum . Nihil est , quod malim
(*Plau.*) Eblandiri , exculpere aliquid ab aliquo . Multi-
vola est mulier (*Catull.*) Omnivoli plurima furtiva Jovis
(*Catull.*) Pro quibus optatis sacro me carmine damno
[*Prop. voveo*] . Omnia si veniant , nec te tua vota moren-
tur (*Ov.*) Placet inconcessa voluptas [*Ov.*] Sic interdictis
imminet æger aquis (*Ov.*) Deferat in portus & mea vota
suos [*Ov.*] Sic habeas faciles in tua vota Deos [*Ov.*] Quid-
quid servatur , cupimus magis , ipsaque furem præda vo-
cat : pauci , quod finit alter , amant [*Ov.*] Optat usque ad
deli-

delicias votorum [*luv.*] Ab hac scabie tenemus ungues (*Mart.*) Votis securim infligere. Qui cupiet, metuet quoque [*Hor.*] Successit. Voti compos. Victor propositi. Canis panes somnians. Etiam vigilans somniat [*qui stolidæ vota facit*]. Credimus? an qui amant, ipsi sibi somnia fingunt? [*Virg.*] Semper superioris anni proventus melior. Imminere, inhiare alicui rei. Concupiscere assam farinam (*desiderium rei insueta*). Salivam rei alicujus alicui movere [*desiderium ingenerare*]. Nullo ture litare, ut &c. [*non obstinere*]. Optat Ehippia bos piger, optat arare caballus [*Hor.*]

Urbanitas.

Homo urbanioris notæ, antiquæ venustatis. Homo aditu, accessu, congressu, commodus, facilis, opportunus. Vir aprius, commodis moribus, politus, urbanus, festivus, concinnus, mundus, elegans, bellus, perliberalis, graphicus, omni lepore affluens, omni vita excultus, omni urbanitate, suavitate conditus. Omnium horarum homo. Tam facilis ad illum accessus, quàm difficilis ab eodem recessus. Politiores homines. Homines belli. Alter Cydon. Semper aliquis est in Cydonis domo (*viri Corinthij hospitalitate insignes*). Nihil illius ingenio commodius. Facilitate nil melius (*Ter.*) Lepos, nitor, sales, venustas, concinnitas, concinnitudo, festivitas, Liberalitas. Liberaliter aliquem accipere, effuso sinu, obvijs ulnis, luculentis benevolentiae argumentis, quàm humanissimè venientem excipere. Explicito vultu, exporrecta, compta fronte, arridente vultu suscipere. Tanquam heros in clypeo exceptus. Comptè, bellè, festivè loqui. Salute decumana, vel de meliore nota, impertire aliquem. Osculum delibatum digitis ad os suum ferre (*Suet.*) Salve basilicè. Basilicè salvere te jubeo. *Καίρειν* te jubeo. Te superi sospitent, superstitentque. Contra. Illiberalitas, Rusticitas. Frigidè, jejundè, parum liberaliter accipere. &c

Utilitas. V. Commodum proprium.

Serere ne dubites [*Rusticanum Adagium.* Ne pigeat illud moliri, a quo dispendij parum, compendij multum profisciscatur]
Domi

Domi militæque utilis (*semper , & ubique*) . Vir frugis domi , militæque . Homo frugis omnia recte facit . Res frugis , Frugis ædificium , Atrium frugis , Villa frugis , &c. (*h. usibus apta , non sumptuosa*) . Utilitas Iusti mater , & Æqui (*Hor.*) Conditio pensior (*utilior* . Plau.) Multum promovere . Multum præsidij , opis , momenti in re aliqua constituit . Succedit . Processit pulchrè . Feras , quod lædit , ut quod prodest , referas . Fructum omnem , & gratiam rerum in aliena commoda egerere . Alienam messem metere (*alienis commodis , vel impensis frui*) . Quis tibi permittit nostras præciperere messes ? (*Or.*) Optimum est , aliena frui insania [*ab aliorum erratis vitam in melius instituere*] . Feliciter sapit , qui alieno periculo sapit (*Plau.*)

Contra. Perdere est dignus Bona , qui nescit uti [*Sen.*] Ex multis paleis parum fructus colligere (*Prov. Gr. Ex multo labore parum emolumentum . Ex verboso sermone parum doctrina*) . Immittere fontibus apros (*suis rebus perniciem parere*) . Ad restem funiculum addere (*sperflua adijcere*) . Aureo hamo piscari [*ubi major impensa , quàm emolumentum spes*] . Boni pastoris est , tondere pecus , non deglubere [*ita rescripsit Tib. Cas. præsidibus onerandas tributo Provincias suadentibus*] . Cantherius in fossa [*ubi nil valet*] . Inter furculos capra [*quos rodens perdit*] . Ab aula recessit (*de re , vel more jam desueto , & inutili*) . Homericus Margites , Ficulnus homo , Ficulna mens [*Lucian. de ineptis hominibus . V. Stolidus .*

E P I M E T R O N

Copia , Multitudo . V. Bona , Malum .

Vis , acervus , cumulus , strues , congeries , silva , seges , messis , moles , acies , agineo , panegyris . &c. e. g. *Hominum vis , examen juvenum , grex puerorum , mulierum ; longo examine matres ; familiarium agmen , servorum cæterorum ; militum , Prædatorum , globus , manus : comitum , avorum longissimus ordo : populi concio , cunei : longus populi pulvis : effusæ impetus aulae : Eurpi , ac turbines recipro-*
can-

cantis Orchestra: unda vulgi: turba fremitus: Forum differtum populo. Ne Sannione quidem domi relicto [Terent. h. omnes famuli] Chiliades, Myriades, Celebritas, Frequentia &c.

Densatum Exemplorum agmen: aquarum agmen, vis, moles: nummorum vis; sceptrorum strues; morborum cohors, nomina, sive genera varia; malorum moles, Ilias, Panegyris; laudum, telorum seges: Amphorarum, calicum phalanx, legio, tribus, centuria: muscarum, culicum legio: ranarum concio; Apum, formicarum Senatus, Magistratus, Curia: facinorum, titulorum acervi: Convictiorum, errorum, plaustra, naves, carina; vasorum, vestium Syntbesis [h. varia collectio]. Florum manipuli, centuria: Flores in manipulos bellè digesti, centuriati. Arenæ congestus; Pulveris, Silvæ, Bonorum Congeries; Amalthæ, sive Copiæ Cornu: e.g. Liber aliquis est Copia cornu. Circunfluere omnibus Amalthæ bonis, lautitijs. Rerum turba, &c.

RHETORICI SYNTAGMATIS TELOS.

Elenchus, & Synopsis totius Syntagmatis.

P A R S P R I M A.	Tropi.	41
<i>Propylaum. Ubi de Partibus</i>	<i>Figuræ Verborum.</i>	52
<i>Eloquentiæ. pag. 5</i>	<i>Figuræ Sententiarum.</i>	63
<i>Cap. I. De Inventione. 9</i>	<i>Transitiones.</i>	87
<i>Loci intrinseci. 9</i>	<i>Digressio.</i>	88
<i>Loci extrinseci. 18</i>	<i>De Stylo.</i>	89
<i>Argumentationes. 20</i>	<i>Auctores probati.</i>	93
<i>Cap. II. De Dispositione. 25</i>	<i>De Periodo.</i>	95
<i>Exordium. 25</i>	<i>De Amplificatione.</i>	101
<i>Propositio. 28</i>	<i>Cap. IV. De Memoria. 103</i>	103
<i>Narratio. 29</i>	<i>Cap. V. De Pronunciatione. 105</i>	105
<i>Confirmatio. 31</i>	P A R S A L T E R A.	
<i>Peroratio. 33</i>	<i>Cap. I. Progymnasmatum Aphorismi. 110</i>	110
<i>Cap. III. De Elocutione. 34</i>	<i>Chria. 111</i>	111
<i>Vitia Orationis. 34</i>	<i>Sententia. 115</i>	115
<i>Figuræ Dictionis. 37</i>		

The-

Thesis.	115	generibus.	115
Narratio.	117	Cap.III. De Epistolis.	151
Fabula.	117	Cap.IV. De Affectibus.	158
Laus.	118	Cap. V. De Argutia.	163
Vituperatio.	120	Cap. VI. De Elogio, & Inscripti-	
Ethopœia.	120	tionibus.	165
Comparatio.	121	Cap.VII. De Historia.	170
Descriptio.	122	Cap. VIII. De Phrenoschema-	
Confirmatio.	123	te.	172
Confutatio.	123	Cap. IX. De quibusdam Poeti-	
Locus communis.	124	cis.	176
Legislatio.	125	Cap.X. Proverbialia.	181

Cap. II. De Varijs Orationum

PROTESTATIO AUCTORIS.

Lector, adverte; siquid offenderis in hoc Syntagmate, quod Ethnicum sapiat; cujuscumque sunt Nomina Fatum, Fortunam, Casum, Deosq; fabulosos significantia; hac, & similia eatenus accipi ab Auctore, in mediumq; afferri, quatenus vel Poetica sunt, vel ita fert usus vetustioris Latinitatis: ceterum ipsius mentem in omnibus penitus cū Orthodoxa Fide, & juxt. Dogmata Eccl. Cath. Rom. sentire

JOANNES BAPTISTA SPINULA Soc. JESU. in Provincia Romana Præpositus Provincialis.

CUM Librum, cui titulus est, *Syntagma Rhetoricum, Auctore P. Josepho Scapecchi nostra Soc.* aliquot ejusdem Societatis Theologi recognoverint, & in lucem edi posse probaverint; facultate nobis ad Adm. R. P. N. Michaeli Angelo Tamburino Præposito Generali communicata, concedimus, ut typis manderetur, si ita iis, ad quos pertinet, videbitur. In quorū fidem has literas, manu nostra subscriptas, & sigillo Soc. nostræ munitas dedimus. Romæ 20. Junij 1719.

Joannes Baptista Spinula.

IMPRIMATUR.

Horatius Mazzei Vicarius Generalis.

IMPRIMATUR.

M. Fr. B. Bernardius Vic. Gen. S. Off.

Philippus Bonarota S. R. C. Aud.